

This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines


Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.


We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + Refrain from automated querying Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at http://books.google.com/





Grad. R. K. 2 PQ 1661 A1 1866 V. 8

OEVVRES POETIQUES

DE

REMY BELLEAV

Avec une Notice biographique et des Notes

PAR.

CH. MARTY-LAVEAUX

TOME SECOND



PARIS

ALPHONSE LEMERRE, ÉDITEUR

M DCCC LXXVIII

LA

PLÉIADE FRANÇOISE

OEVVRES POETIQUES

DE

REMY BELLEAV

Avec une Notice biographique et des Notes

PAR

CH. MARTY-LAVEAUX

TOME SECOND



PARIS
ALPHONSE LEMERRE, ÉDITEUR

M DCCC LXXVIII

LA SECONDE IOVRNEE DE LA BERGERIE DE REMY BELLEAV.

Remy Belleau. - 11.





A MONSEIGNEVR

LOYS

MONSIEVR DE LORRAINE.



ONSEIGNEVE, aussi tost que i'eu cest honneur d'estre appelé à la conduitte, gouuernement & institution de Monseigneur le Marquis d'Elbeuf vostre cousin, ie me treuue (& presque sans y penser) au

chasteau de Ioinuille sans liures, sans volonté d'estudier & moins d'escrire, matté d'vne longue & fascheuse maladie, resolu de ne forger autre meilleure fortune pour l'aduenir, que d'employer ma vie, mon industrie, & mon labeur à conduire & guider le gentil & magnanime esprit de monseigneur & maistre, & faire service treshumble à vostre tres-noble & tres-illustre maison. Toutessois comme mal-aisément, & mesme à coups de fourche nous ne pouvons estranger ny bannir de nostre escurie, ceste premiere, ie n'ose dire vaine, affection

d'escrire, ie croy, ou que le trop de plaisir & de loisir, ou la beauté naturelle du lieu & de la saison, ou bien l'honneste & douce conuersation d'vne gave & vertueuse compagnie, me remirent sur les erres de mes premieres brisees, commençant à faire tantost vn Sonnet, tantost vne Complainte, vne Eclogue, vne description, & ne scay telles quelles fictions Poëtiques, selon l'occasion qui lors se presentoit, auec vne infinité de tels vains & petits arguments, & sugets de legere marque & de peu de valeur, de forte qu'estant en ceste ville, voulant recoudre ces inuentions mal coufues, mal polies, & mal agencees, fans l'esperer ie trouue vn liure ramassé de pieces rapportees, chose veritablement qui n'ha membre, ny figure qui puisse former yn corps entier & parfaict. Toutesfoi: (Monseigneur) cognoissant la bonté de vostre doux & gracieux naturel, affeuré de la faueur que vous portez à la vertu & aux bonnes lettres, & que prendrez plaisir à recognoistre en la lecture de ce petit ramas, quelques traicts tirez & choisis des cendres de la venerable Antiquité, i'av bien ofé luy donner iour fous vostre nom, & le vous presenter : esperant vous donner en peu de temps yn ouurage mieux tiffu & ourdy de meilleure main. Priant Dieu, Monseigneur, vous donner tres-longue & tresheureuse vie. A Paris ce douzieme iour de May. M. D. LXXII.

Vostre tres-humble & tres-obeissant feruiteur,

R. BELLEAV.





LA SECONDE IOVRNEE

DE LA BERGERIE

DE REMY BELLEAV.



v plus matin renaissant la douceur & continuation de ces plaisirs auec l'entresuitte de ce beau iour, ayant laué mes mains, ma bouche & mes yeux, d'eau fraischement puisee de la belle & claire

fontaine qui fourd de ce coutau, le genoil en terre, les mains iointes, la face vers le ciel, ie dreffe mes humbles prieres à ce grand Dieu, autheur de tout bien, plein de verité, de iustice & de misericorde, suyuant l'heureuse memoire des complaintes & doleances de ce bon Iob, disant.

PRIERES.

Deliure moy de peine & de langueur, Mes iours font courts, ce n'est rien de ma vie :

Qu'est-ce de l'homme? & d'où te vient l'enuie D'en faire cas & de l'aimer, Seigneur? Pour l'esprouuer de moment en moment Tous les matins tu luy fais voir ta face, Le visitant des faueurs de ta grace, Et prens souci mesme de son tourment. Mais quand sera-ce, ô mon vray Redempteur, Que i'auray trefue, & que de ma saliue Ie pourray sain arrouser ma genciue, Et l'aualant refreschir ma douleur? Dieu gardien, i'ay peché: mais pourquoy M'as-tu creé si contraire à toy, Sire, Que ce malheur me charge & me rend pire En combatant moymesme contre moy? Ofte ofte donc de ce pauure perclus L'iniquité, haste toy de m'absoudre: Car aussi tost que seray mis en poudre En me cherchant ne me trouueras plus.

II.

De viure plus ma pauure ame s'ennuye Et se desplaist du malheur de sa vie : Doncques, Seigneur, librement ie diray Ce qui la tient de si pres assiegee, Et en l'aigreur de mon ame affligee A toy, Seigneur, ainfi ie parleray. Ne me condamne : Il n'est pas equitable, Ou me declare en quoy ie suis coulpable, Pour me iuger. Hé veux-tu reprouuer Et ruiner ta pauure creature, De tes saines doigts l'ouurage & la facture, Et des meschans le conseil approuuer? As-tu les yeux de chair comme nous, Sire? Vois-tu ainst que l'homme? & ton Empire, Tes iours, tes ans, comme ceux des humains, S'escoulent-ils? Et quoy? as-tu enuie De rechercher st asprement ma vie Veu que ne puis eschapper de tes mains?

III.

Tes mains m'ont fait & repeftri de chair, Comme un potier qui de grace gentille Tourne en vaisseaux une masse d'argille : Puis tout soudain tu me fais trebucher. Souvienne toy avant que me damner, Que de limon, & de bourbe fangeuse Tu m'as formé, & qu'en terre poudreuse Apres ma mort me feras retourner. Tu m'as coulé comme le laict nouveau. Qui s'espaissit & se caille en presure, De nerfs & d'os assemble ma figure, Puis reuestu & de chair & de peau : Tu m'as donné & la vie & les ans, Me conduisant au sentier de ta grace, Et aux rayons de ta divine face Guidé mes pas, mon esprit & mes sens.

IIII.

Combien ay-ie de forfaisures, D'offenses iniques & dures? Monstre moy en quoy i'ay meffait, Et me declare mon forfait. Pourquoy me caches-tu ta face, Et me bannissant de ta grace Destournes ton visage amy, Me tenant pour ton ennemy? Veux-tu esprouuer ta puissance Contre la fueille qui ballance, Qui chancelle & branle à tous vens? Quoy? me veux-tu liurer bataille, Poursuyuant le chaume & la paille, Qui n'a plus d'humeur au dedans? Hal tu me tiens trop de rudesse, Seigneur, & sous ta main maistresse Ie souffre trop de passions, Trop de maux, trop d'affictions,

Et rigoureux de chaisne dure Tu tends mes pieds à la torture, Et aux ceps qui sont imprimez Dessus mes talons décharnez: Et comme le bois mort se mine, Pourry & mangé de vermine, Tout ainsi ie vis en langueur: Ou comme le drap d'vne robe, Où la tigne ronge & desrobe Le fil, la grace & la couleur.

V.

L'homme nay de la femme, en viuant peu de temps Est plein de mille maux & de mille tourmens: Il est comme la sleur qui naissant est coupee, Et suit ainsi que l'ombre, & n'a point de duree: Tu ne laisses pourtant de luy porter faueur, Le tirant auec toy en iugement Seigneur. Hé qui peut (sinon toy) rendre vne chose pure, Qui de nature est salle, & es semence impure? Son age est limité, & tiens par deuers toy Le nombre de ses mois, dont la borne & la loy lamais ne s'outrepasse. Esloigne toy donc, Sire, Et le laisse en repos iusqu'au iour qu'il desire, Autant qu'vn crediteur apres le long seiour Du beau iour qu'on luy doit, souhaite le retour.

VI.

Sera-ce toy, qui fous la terre baffe,

Et au plus creux d'enfer me cachera,

Iufques à tant que ta fureur se paffe,

Et ta rigueur, Seigneur, s'appaisera?

Dy moy le iour que tu auras memoire

De moy; Seigneur, & que verray ta gloire.

Hé penses-tu qu'homme sans ton support

Puisse reuiure apres qu'il sera mort?

l'attendray donc toute la vie mienne,

Iufques à tant que mon eschange vienne,
Puis m'appellant respondray à ta vois:
Car bien te plaist l'auure de tes saints doigts.
Ie ne fay pas dont ne scaches le nombre,
Sans toutesfois me tirer de l'encombre
De ce peché, qui m'oppresse & me nuit,
Ne donnant tresue au malheur qui me suit.

VII.

Mon haleine est deuenne Si courte & fi corrompue, Et la fin me prese tant Que ie ne voy plus que l'ombre, Et la fosse noire & sombre D'vn sepulchre qui m'attend. Les voifins qui m'accompagnent Ce sont ceux qui me desdagnent Et tous se mocquent de moy: Mon ail tout honteux s'abaisse, Et demeure en la détresse, Seigneur, que d'eux ie reçoy. Sauue moy donc ie t'en prie, Et defen ma pauure vie : Loge moy dedans ton fort, Puis vienne qui me combatte Main à main & qui m'abatte, Toufiours seray le plus fort. Mes emprises sont passees, Mes iours, mes vœux, mes pensees, Et tous mes desseins rompus: Le iour m'est nuiet, & m'est claire La nuist au lieu de lumiere, Tant mes sens sont corrompus. Pay faiet mon liet en tenebres, Et sous les tombes funebres Ie m'en vay tenir prison. La pourriture est mon pere, Les vers ma sour & ma mere,

Et le tombeau ma maifon.
Où est donc mon esperance,
Et qui a la cognoissance,
Seigneur, de ce que i'attens,
Sinon toy, qui seul embrasses,
Qui tranches, & qui compasses
Le ciel, les iours & les temps?

VIII.

Mes os sont pris tout le long de mon dos Contre ma peau, & ma chair viceree En s'y collant s'est du tout retiree, Et ne suis plus qu'vne ordonnance d'os, Sauf eschappé des fieres destinees, Monstrant la peau de mes dents descharnees. Prenez pitie, prenez pitie de moy Vous mes amis, iusqu'à tant que ie meure: La main de Dieu m'a touché à ceste heure En sa fureur, ie le sens & le voy: Laissez moy donc puis que Dieu me tourmente, Ne rongez plus ma charongne puante. Que mon propos fust escrit en papier, Et ma douleur en pierre bien taillee, Ou d'un burin grauee & cizelee Sur vne table ou de plomb, ou d'acier, A celle fin qu'elle fust eternelle Et à iamais on eust memoire d'elle. Ie sçay que Dieu vit eternellement, Et sçay aussi apres que la vermine Aura rongé la chair de ma poitrine, Que de mes yeux le verray pleinement, Et se tiendra le dernier sur la terre Haut esleué pour nos pechez enquerre. Lors ie verray là haut dedans les cieux Sa maiesté, & contemplant sa face Me cacheray sous l'aile de sa grace, Et rien que luy ne verray de mes yeux:

Panure pecheur ayant mis l'esperance De mon salut en sa grande clemence.

IX.

Pourquoy m'as-tu tiré du fond de la matrice Moy qui ne suis qu'ordure & que fange & que vice? Mort-né ie fusse mort, iamais œil ne m'eust veu Chetif comme ie suis, & serois aussi peu Que l'estoy auant que d'estre, Car fi tost que ie vins naistre L'on m'eust du ventre au tombeau Porté comme en un berceau. Le nombre de mes iours est bien pesit, ô Sire: Laisse moy donc parler, permets que ie soupire, Et que ie me confole auparauant qu'aller Aux lieux sombres & noirs où me faut deualler Sous la terre tenebreuse, Au lieu de la nuit ombreuse, En ce lieu où est le fort Que tient l'ombre de la mort. An lieu où sans retour il nous convient descendre, La proye du tombeau, des vers, & de la cendre: Au lieu où le desordre & la sedition Exercent pefle-mefle vne confusion Entre les nuicls eternelles, Loing de nos lumieres belles. Desfous l'Empire d'horreur,

Ayant mis fin à mes prieres, fortant de mon logis, de bonne aduenture ie rencontre l'vn de mes plus familiers amis, auquel ie fey le discours de poinct en poinct, des songes qui m'estoyent suruenus en celle douce & plaisante nuict. Sans y penser, ce gracieux propos nous desrobe la souuenance d'autres entreprises, de façon que nous nous trouuons à la porte d'vn iardin le plus beau & le plus accompli qu'on pourroit

D'ombres, de plaints, & de peur.

fouhaitter, soit pour le complant d'arbres fruictiers, à pepin, ou à noyau, comme de pommes, poires, guignes, cerifes, griottes, oranges, figues, grenades, pefches, auant-pesches, presses, persiques, pauis, perdigoines, raisins muscats, prunes de damas noires, blanches, rouges : bref de tous les meilleurs fruicts & plus exquis qu'on sçauroit recouurer en nostre France, aux faisons ordonnees par la prouidence de ce grand Dieu, soit pour la beauté du parterre, arrousé de trois fontainettes d'eau viue qui sourd des flancs de ce rocher, & qui fait vn canal de largeur d'vne toise & demie, paffant au trauers de ce iardin, enrichi de compartimens, entrelas, bordures, chiffres, armoiries, allees, clostures, cabinets, labyrinthes, berceaux, arcades, & de tous autres enrichissemens que l'œil pourroit souhaiter. Or ne voulant perdre l'occasion de ceste douce rencontre, ie me delibere de librement communiquer à ce mien amy vne partie de mon labeur. Le premier qui se presenta ce fut vne complainte de Promethee, attaché à bras estendus sur le mont Caucase, dont lui fey lecture. Ie yous laisse à interpreter, fous les eschanges de ce temps, ce qui se peut entendre sous la peau de ceste fable tant celebree des anciens.

COMPLAINTE DE PROMETHEE.

AV SEIGNEVR P. DE RONSARD.

Noble race des Dieux, semence Titanine,
Qui retires du ciel ta premiere origine,
Cousine de ce Dieu qui porte à trois fourchons
Vne fourche en sa main, la crainte des Tritons,
Cousine de ce Dieu qui choisit en partage,
Maistrisant ses puisnez, le celeste heritage.
Et toy, ô Terre mere & des Dieux & des ans,
Qui premiere enfantas l'audace des Titans,

Si la pitil se loge en ta douce poitrine,
Oeillade tendrement ceste chair ta cousine,
Ce ventre decharné, ces tendons & ces nerse,
La proye du tombeau, des ombres & des vers:
Et si tu sens encor les douceurs d'vne mere,
Sonde iusques au fond l'apostume & l'vlcere
Qui me ronge le slanc, & voy ce pauure corps
Sans foye, sans poulmon, qui sousfrant mille morts
Ne scauroit trespasser, tant il est miserable.

Approchez donq Coufins, & de main fauorable Secourez vostre sang, secourez vostre nom, Et le tige sacré de la noble maison Dont vous estes issus, & que la nonchalance De vos caurs paresseux n'esface la vaillance De vos premiers parens, qui vous ont rendu tels, De vous faire egaller presques aux immortels.

Dong ne forlignez point, & que la seule gloire D'vne entreprise braue esteue la memoire De vos aftes guerriers, imitant vos ayeux, Qui pour brauer le ciel eschelerent les Dieux : Voyez ce pauure corps aux cymes raboteuses De ces monts esteuez en pointes sourcilleuses, Lie, pris, garrotté, ainfi que le nocher Espiant mont sur mont la tempeste approcher, Garrotte son navire, & d'ancre & de cordage, Pour desier le vent, & les coups de l'orage, Qui va poussant les flots iusques au ciel profond, Puis les va recreusant du ciel insques au fond, Renuer fant un grand mont de vagues entassees, Battant & rebattant les costes empoissees, Et les flancs entrouuers de son courbe vaisseau, Qui tremble à la mercy & du vent & de l'eau.

Secourez donc, Coufins, ceste ame genereuse, Ame trop sine, & siere, & trop audacieuse, Qui premiere entreprit aller dedans les cieux Descouurir les thresors que recelloient les Dieux: Qui premiere entreprit d'une main larronnesse, Mesme dedans le sein, & sous la main maistresse

De ce grand Iupiter, de desrober le feu Pur, celefte, & divin, aux hommes incogneu: Hommes vrayment grossiers, faits & poitris d'argille Molle, graffe, gluante, & terrefire, & fragille, Suiette à se caffer en cent & cent morceaux. Hommes sans sentiment, semblables aux vaisseaux Oue le potier gentil d'une masse assemblee Façonne en esbranlant la course redoublee Du moyeu de sa roue, & la tournant cent fois En ces vistes retours, les fait naistre en ses dois: Hommes sans air, sans feu, sans esprit, & sans ame, N'eust esté mon larcin qui rapporta la flame Du sein de Iupiter, la cachant dans le fond De la molle espesseur qui fait ensler le ionc. Hà flamme malheureuse, & cherement rauie! Flamme, en te rauissant tu m'as rauy la vie! La main de Iupiter, du monde l'artizan, Irrité contre moy, m'a filé ce lien, Forgé, tourné, trempé dessous la main ouuriere De ce grand forgeron: invention meurdriese D'attacher membre à membre en tourment eternel, A gros cloux aimantins, vn pauure criminel. Hà! cruelle industrie, & plus cruel encore Le meurtrier affamé, qui gourmant me deuore, Et qui fait que ie reste & de chair & sans chair, Hoste perpetuel de ce maudit rocher: Rocher, dure maison des plus dures Furies, Le sanglant eschaffaut de leurs forceneries. Donc pour me tourmenter, cet aigle, ce bourreau, Ce ministre ensouffré, ce carnacier oy seau Qui couve sous le vol de son aile courriere De ce grand Iupiter le foudre & la colere, De trois iours en trois iours d'un vol trifte & gaucher Vient d'ongles & de bec à couper, à hacher De mes poulmons en flez l'esponge renaissante, Et de mes creux boyaux la plissure innocente. Miserable curee! & ce friant repas Fait naistre à chasque fois quelque nouveau trespas.

Puis quand il a gorgé son ventre insatiable
Soudain reuolle au ciel, & d'vn cry effroyable
Ouurant son bec crochu & renslant ses poulmons
Va remplissant cet air, ces roches & ces monts,
Desployant librement és celestes contrees
Ses ailes de mon sang gloutement enyurees:
Et faut que supiter serue de receleur
A ce bourreau cruel, tyran de mon malheur.
Puis quand mon estomac, mes boyaux & mon soye
Decharnez ont renduit quelque nouuelle proye,
Cet oyseau afamé, haue & palle de faim,
Pour se paistre, goulu, se plonge sur mon sein,
A sin de tirasser à secons es mordantes
Et d'ongles & de bec mes entrailles viuantes.

Ainst gardant l'arrest du destin qui me suit, Malheureux ie nourry celuy qui plus me nuit, Et qui plus me tourmente est que vif ie n'espere De pouvoir en mourant rompre ceste misere. Car mourir ie ne puis, souffrant en ces desers Tout le malheur commun de ce grand vniuers, N'ayant plus doux voisins en mes peines cruelles Que Scythes, que rochers, que rigueurs eternelles, Que neiges, que frimas, que glace, que durté, Barbares de nature, & pleins de cruauté.

Pour avoir detrempé de la terre amassee, A sin d'en façonner l'image compassee De l'homme, en retastant la paste entre mes dois : Pour l'avoir animee & d'esprit & de vois, Pour avoir eschaussé ceste masse de sorte Qu'au sortir de ma main, elle qui sembloit morte Commence à se mouvoir, commence à estranler Ce limon detrempé qui s'esforce à parler : Pour avoir emprunté de la stamme celeste Dedans le ciel voûté : Les estoiles l'atteste Que ie ne l'ay pensé, ny fait, ny attenté En mespris des hauts Dieux ny de leur Maiesté. Car se tost que l'eu mis le seu dedans sa bouche, En souspirant trois sois, ceste idole farouche

Prend couleur au visage, & voulant s'embellir Commence à s'animer, s'allonger, s'amollir, Commence à manier ceste ordonnance belle, Et comme un ieune enfant ce fantôme chancelle, Marchant comme celuy que l'extreme chaleur D'une fieure alteree, ou la froide rigueur Ont tiré de l'accez, qui ne peut ioindre ensemble Les genoux engourdis, ny le pié qui luy tremble. Les nerfs prindrent la force & tout le sentiment, Le foye le desir, & les poulmons le vent Qu'on aspire de l'air, l'ame & la fantafie Se meirent au cerueau, le plus chaud de la vie Se logea courageux au plus profond du cœur, Que le sang entretient en sa moite chaleur. En cent & cent rameaux se fourcha la grand'veine Pour rafraischir le corps, ainst qu'vne fonteine S'escarte en cent ruisseaux & cent petits surgeons Pour arroser les prez & la monelle des ions. Pour liaison des os & de leurs emboitures Se firent des tendons, des nerfs & des coutures, Et des muscles aussi, à fin de s'abaisser, Se mounoir, se courber, s'allonger, se haulser. La main d'ongles s'arma, & les os se vestirent D'une robe de chair, & puis vuides remplirent, Ainst que d'une graisse, ou d'un suif surfondu, Leur vuide qui se creuse en rondeur estendu. La bouche s'entr'ouurit, & ceste viue Idole Pousse hors peu à peu le vent de la parole : Comme le Rossignol, qui sur le renouueau Apprenant à couper son ramage tant beau, Ne fait que gazouiller, & de sa voix foiblette Ne peut encor enfler sa petite gorgette. Puis asseurant ses pas, il commence à marcher, A rire, à soupirer, se plaindre, se fascher : D'un poil aspre & rebours la teste se herisse, Le coude, le iarret, & le genoil se plisse, La leure prend son teint descouurant au dedans Pour renfermer la langue yn double clos de dents,

Le poil bien arrengé aux bords de la paupiere, Comme auirons couplez aux bancs d'une Galere, Commence à s'allonger, puis dessillant les yeux, Veit pour son coup d'essay la lumiere des cieux. Il veit ce beau Soleil, l'ail de Dieu & du monde, Tournoyant dans le ciel, il veit la terre & l'onde, Les cerfs dans les forests, & les oyseaux dans l'ær, Et le peuple escaillé qui court dedans la mer. Il veit les monts vestus de fleurs toutes nouuelles, Et les champs arrosez de secondes mammelles, De fontaines d'eau viue, & d'argentins ruisseaux. Il veit dedans le ciel cent sortes de flambeaux: Il veit dos contre dos becheuet accouplees A l'entour de l'essieu, deux Ourses estoilees : Il veit les yeux ardans, & les plis du Dragon, La Vierge port' epy, & la nauire Argon, Le Bellier, le Lyon, le Verseau Ganymede, Et le Cheual vollant sur le chef d'Andromede, Les cornes du Toreau, le Cancre, les Asnons, Mais ile n'estoyent encor nobles de ces beaux noms: Il veit sans entamer de la pointe mordante Ou du coutre, ou du soc, la poitrine innocente De la Terre s'enfler, il veit son sein germer En fertiles moissons, sans peine & sans semer. Il veit sans s'estonner sur les plaines humides Et Glauque, & Panopee, & les sauts Nereides La teste hors des eaux, mais il les veit de loin : Car les pins cheuelus n'auoyent senti le coin, Ny le tairiere encor, ny le fer des doloires Pour creuser en vaisseaux & fustes & galaires. On n'auoit point encor de voile & d'auiron Vollé dessus le dos & trenché le giron De Tethys la chenue, & ses ondes pucelles Librement estendoyent leurs courses eternelles, Sans crainte de s'enfler de tourbillons venteux, Ou de blanchir leur sein sous les flots escumeux. Pour auoir donc pestri ceste noble figure, Qui contemple & qui voit toute l'architesture

Remy Belleau. - II.

De ce grand vniuers, qui fait hommage aux dieux Et qui rend en mourant mon larcin dans les cieux. Qui a fait & basti des temples & des villes, Rangé les citoyens dessous les loix ciuiles, Et les peuples errans tous rallié en yn, Fait fumer les autels d'encens & de parfun : Oui premier a trainé le coutre & la charruë Sur les flancs de la terre, & la teste cornue Des bœufs couplez au ioug, halletant & souffant Sous le soc argenté qui les champs va taillant. Qui premier a trouvé l'experience humaine De partir en saisons & le temps & la peine Du simple laboureur, marie les rameaux De la vigne sauuage aux branches des Ormeaux: Vogué sur l'Ocean à rames & à voiles, Mesuré le Soleil, la Lune & les estoiles: Bref, qui pour enrichir les premieres beauter Du monde mal-poli a les arts inventez. Donc pour auoir bien fait las faut-il que l'endure Attaché, malheureux, sur ceste roche dure A gros crampons de fer & de pies & de mains. De cet oyseau cruel les assauts inhumains? Ainsi se lamentoit l'imager Promethee Cruellement traitté sur la cyme éuentee Du roc Caucafien, n'ayant en son malheur Plus fidelle secours que la langue & le cœur.

Suyuant ceste longue & fraische arcade rauis en admiration par la lecture de ces beaux vers, nous entrons dedans vn autre cabinet, qui fait l'encongneure de la pante de la muraille : là nous nous reposons, prenant plaisir à la lecture d'vn autre poëme. C'estoit la fable d'Ixion, dedans le ciel, naisuement representé, qui fait l'amour à Iunon. Ce que Iupiter ayant descouuert, pour l'abuser luy contresait vne feinte Iunon d'vne nuee, qu'il engrossa, pensant que ce sust celle qu'il poursuyuoit. De ce masque nasqui-

rent les Centaures, figure de l'Amour ambitieux, ce que verrez mieux descrit par le discours de ces beaux vers : le posme commence en ceste sorte.

L'AMOVR AMBITIEVX D'IXION.

Ie chante d'Ixion l'emprise audacieuse, L'impudence, l'orgueil, & l'idole venteuse De la feinte Iunon, grosse de vent & d'er, Ouurage industrieux des mains de Iupiter : Qui seul entre les Dieux, plein d'amoureuse grace Et d'humaine pitié, pour purger son audace, Le rauit dans le ciel, luy faisant cet honneur De monstrer à ses yeux son espouse & sa sœur, La royale Iunon, & tant d'autres Deesses, Tant de divinitez, tant de belles Princesses, Tant de rares beautez, tant de thresors cachez Dans ce palais voûté, tant d'honneurs recerchez Des hommes d'ici bas, mais qui n'ont la puissance Sinon apres la mort d'en auoir cognoissance : Tant de rayons dorez, qui roulent de trauers Biaizant la rondeur de ce grand Vniuers : Tant d'aftres, tant de feux, tant de lumieres belles, Tant de rons agencez sur les cornes iumelles De celle qui de nuit galoppe ses moreaux Pour donner tréue au Dieu, qui croupit dans les eaux: Tant d'animaux couplez, tant de flammes errantes, Tant de cloux attachez sur les voutes roulantes Du lambris estoilé de lamperons sacrez, Sous le crystal voûté des pauillons dorez. Tant de cercles en cours, tant de feux, tant d'images, Transformer, bien-heureux, en estranges visages, Our ses, Dragons, Serpens, Cheures, Belliers, Toreaux. Lyons, Aigles, Dauphins, Cancres, Poissons, Oyseaux: Et pour armer son fort, tant de venteux nuages, Gros de foudre, d'esclair, de tonnerre & d'orages,

Tant de traits ensouffrez, la puissance des Dieux Et de leur maiesté, citoyenne des cieux. Heureux qui iouissant de ces saueurs celestes.

Bruslas de passions & de seux immodestes: Heureux qui iouissant du souuerain bonheur Sauourois à longs traits l'ambrofine douceur, Et le nestar sucré de l'immortelle vie : Mais la fange mortelle, immortelle ennemie Des sainstes puritez de la Diuinité, Te rendit ennemi de ta felicité: Et tant plus Iupiter se monstra fauorable, Moins tu luy fus courtois, honneste & desirable. Car pour s'estre rendu trop familier à toy, Plus luy fus ennemi, & plus manque de foy, Abusant de l'honneur & de la courtoisse Qu'humain il te portoit, sans que la ialousie Le trauaillast en rien, ne pensant à l'erreur, Qu'ingrat, tu machinois pour souiller sa grandeur. Car t'ayant inuité pour manger à sa table, Enyuré de nestar, & du mets defirable Dont se saoullent les Dieux, osas bien malheureux T'adresser à lunon, & en fus amoureux.

Amour, traistre à sa race, allume dans ses veines Vn feu prompt & subtil, dont les chaudes haleines Luy alterent le sang, luy seichent les poulmons De souspirs eschauffez : ainst que sur les monts Aux rayons du Soleil les neiges écoulees Se fondent peu à peu par les fraisches valees, Ou tout ainfi qu'on voit que les feux pallissans Saccagent les tuyaux des espics iaunissans : Il veit la maiesté de son port venerable, Ses graces, son parler, sa façon accostable, Et ses yeux seulement dignes de contenter Les diuines ardeurs de ce grand Iupiter. Il veit sur son beau sein vne moisson de roses, Mille baisers mignars entre ses leures closes, Les crespillons frisez de ses beaux cheueux blons, Et l'yuoire polli de ses bras gros & lons,

Le coural foupirant de ses leures mollettes, Vn sentier odoreux entre deux montaignettes, Vne façon gentille, vn souris gracieux, Et le sourci vouté, la grace de ses yeux. Il sent le basme doux des haleines soustees De sa bouche vermeille, & de ses dents perlees: Bref, en sieure d'amour, espie l'heure & l'heur D'aborder la deesse, & luy ouurir son cœur, Trouuant à ses pensers si tres-heureux passage, Qu'oubliant le deuoir, le service, & l'hommage Deuz à sa majesté, il ose peu à peu, De rage espoinçonné, luy descouurir son seu.

Mais plus cache son mal, plus chetif il essaye
De monstrer sa douleur, & rengreger sa playe,
Plus la voit plus il brusse, & plus il suit ses pas
Plus il tombe en erreur, & de vie en trespas,
Se consommant ainsi que la torche enciree
Qui s'amorce du seu, quand la meche ensouffree
S'esprand, la stamme glisse, & poursuiuant sa pois

Deuore le coton, & la cire & le bois. Amour sans fin le pousse, & la peur le retire, L'un le fait esperer, & l'autre le martyre: Mais qui peut refister à l'effort de ce dieu? Ce miserable amant trouve l'heure & le lieu De tirer à l'escart ceste belle Princesse Et luy dire en secret la douleur qui le presse, Sans crainte que ce Dieu qui d'vn bras punissant S'arme dedans le ciel d'vn sceptre rougissant A trois fillons de feu, elançast sur sa teste Les traits auantcoureurs de sa fiere tempeste : Sans crainte que ce Dieu, seuere & sourcilleux Descouurist les fureurs de ce fol orgueilleux Comme il fift toft apres : car la chafte Emperiere Depite, vergongneuse, & rouge de colere, Accostant son espoux, luy dist de pointe en pointe L'audace d'Ixion, qui viuement la poind.

Quoy? dist elle, faut il apres estre irritee De cent nouveaux larcins, que ie sois inuitee Par vn traiffre affassin, de souiller ma grandeur, Et les chastes slambeaux du liet de mon Seigneur? Moy fille de Saturne, & l'espouse royale, Et la sœur de ce Dieu, qui de main liberale Verse de nostre ciel la Manne & le miel doux A ces hommes ingrats du bien qu'ils ont de nous? Hommes vrayment ingrats, impudens, pleins d'audace, Indignes des faueurs de l'immortelle grace, Indignes d'aillader la grand arche des cieux, Et le flambeau doré de ce Dieu radieux : Comme fi leurs encens, on leurs beaux facrifices, Leurs Boucs, ou leurs Toreaux, ou leurs grans edifices Sacrez à nostre honneur, nous pouvoyent maistriser De leur donner secours, ou les fauoriser : Comme fi les odeurs des offrandes premieres Importunant le ciel de leurs humbles prieres, Montassent insqu'à nous, qui n'auons rien commun Auecques leurs autels, leurs boucs, ou leur parfan.

A tant met sin Iunon à ses iustes complaintes, Quand ce grand Iupiter pour ses iustes attaintes, Ayant le sang esmeu, & le visage pers, Fist trembler dessous luy la Terre & les Enfert, En secouant le chef, promettant à sa semme Se venger promptement de ce meurdrier insame. Mais auant qu'esbranler la course à son tombeau, Le saisant à tamais en un tourment nouveau Le bourreau de soymesme, inwente une industrie, Pour simement tromper l'ardeur de sa surie.

Hé! qu'est-il impossible à ce grand Iupiter?
Pour mieux couurir sa ruse, il cache dedans l'ar Vn fantosme venteux, sigurant vne image, Sous le crystal enste d'un amoureux nuage. Il l'anime de vent, la reuest d'une peau, Donne le teint vermeil à son visage beau: Prend la molle toison d'une nue entassee A longs replis friser, puis l'ayant ramassee En gros ballons enster, en recourbant le dos La brasse, la pestris, & la foulle à poings clos:

Puis l'ayant courroyee, & mollement trampee, Il en ebauche un corps, en fait une pouppee Groffe de vent & d'air, toute semblable d'yeux, De couleur & de voix, de saille & de cheueux A la belle Innon, à fin que la parole Sous le masque emprunté de ceste vaine idole, Par ces menteurs attraits tiraffent Ixion. Pour luy en ster le cœur de vaine ambition. Et pour mieux faire voir ceste feinte sorciere Luy moulle one compagne Iris la meffagere, Luy bigarrant les doigts, les leures & le front, D'incarnat, iaune, & pers : qui semblable la font, A celle qui courriere annonce les nouvelles Des hommes d'icy bas, aux troupes immortelles: A fin que sous le fard de ce corps mensonger Pipaft plus finement ce barbare estranger.

Va va, dist Iupiter, Idole charmeresse,
Trouue cest amoureux, & dy que ta maistresse
L'attend dessus Athos, pendant que suis absent
Escarté loin du ciel, & que le mal recent
D'vne ialouse ardeur, luy va troublant son ame,
Libre aussi bien que moy, de dérober la slame
De quelque doux larcin: puis presente à ses yeux
Ceste seinte Iunon, fantosme ingenieux.

Ayant dit ces propos, ces feintes animees
De souspirs & de voix, & des chaudes fumees
Des esponges de l'air, noüant à coups de bras,
Fondent dessus le mont, & plongent à chef bas.
Iris reuolle au ciel, parfaitt son ambassade
A ce pauure amoureux, furieux & malade
D'estrange passion: mais ce discours menteur
Le fait tost esperer d'allenter sa fureur.

D'aise donques surpris, ceste feinte courriere Le voile d'vne nué, & luy donnant carriere Le guide droit au lieu où cest image feint L'attendoit pour tromper la rage qui le poind. Car si tost qu'il la veit, cuidant que ce sust celle Qui commande aux honneurs de la troupe immortelle, Il l'embrasse & la baise, & comme furieux Luy presse l'estomach, mord la bouche & les yeux, Les leures & le col de la feinte menteuse, Appaisant les fureurs de sa flamme amoureuse D'embrassemens legers, & d'vn baiser pipeur Sous le vif contrefait de l'image trompeur : Suçotant, mordillant à petites secousses Le coural imité de ses deux leures douces Sous le fard d'vne peau. Hà trop outrecuidé, Qui d'vn vol trop hardi & follement guidé Tentas, audacieux, d'une fiere impudence Souiller de germe humain la celeste semence. Voulant mester ta race à la divinité, Qui n'a rien de commun à nostre humanité! Toy qui d'impieté ayant l'ame pollue. Couarde à la vertu, au vice resoluë, Errante & vagabonde, & qui ne voit finon Mille bourreaux affreus pour defaire Ixion: Ne trouuant sur la terre homme ni Dieu propice Qui te voulut purger du sanglant malefice Dont tu es attaché, te rendant odieux Et viuant & mourant aux hommes & aux Dienx, Pour le meurtre assussin au sang de ton beaupere Que tu fis tresbucher, meu de froide colere, En vn torrent de feu, pour l'hostellage dous Qu'il esperoit de toy, gendre & nouuel espous. Car t'ayant inuité au relief de la nosse, Au lieu de le cherir tu luy creuse' vne fosse Counerte par dessus, & poudree au dedans D'artifices de feu, & de mouchons ardans, Qui le brusterent vif, & le mirent en poudre : Ainfi qu'en vn fourneau, où l'on met pour dissoudre La miniere de fer, le feu gourmand & vif Deuore ce qu'il trouve & le brusle hastif. Mais le bon Iupiter plein de toute clemence Le tira dans le ciel, pour purger son offense, Où le trop de faueur le rendit amoureux, Non pas en petit lieu, mais trop audacieux

Il s'attaque à Iunon, dont ne veit que l'idole. Prompt & iuste guerdon de son emprise fole, Qui le fist trop oser, en fin le deceuant Embrassant pour le vray vne image de vent. Or le germe bastard de ceste faulse estreinte Fist engrosser la nue, & la rendit enceinte, Et ne vint à son terme, ains accoucha soudein D'vn monstre si fertil, que le monde en est plein: Forcee elle auorta, & creua de grossesse, Ayant le ventre plein de ceste piperesse, Qui sous les faux attraits & faueurs d'yn bon ail N'a rien dedans le cœur que le vent d'un orgueil: C'estoit Ambition, race prompte & legere, Qui courant çà & là, ainfi qu'vne estrangere, Où le vent la conduit, n'a point autre dessein Qu'à forger sa fortune, & suyure l'incertein. Heritiere des vents, & fille de la Nuë N'ayant rien sur sa peau qu'vne apparence nuë, Qu'vne montre du vray, sans arteres, sans cœur, Sans veines, sans poulmon, sans foye, & sans chaleur, Qui vogant çà & là d'vne vifte secousse, Fait voile, où la faueur, & le bon vent la pousse, Nourrissant au dedans, sans tréue & sans repos, Vn feu de souffre vif, qui brusle iusqu'à l'os. N'ayant dans l'estomach qu'estoupes alterees, A fin de donner vie aux flammes ensoufrees Dont nuit & iour se paift, sans ceffe defirant L'apparence d'honneur, qu'elle va souspirant Ores par le desir, ores par ialousie, · Ores par la grandeur, par force ou par enuie, Comme le vent la pousse en estranges hazards, Race qui tient encor des Centaures bastards, Oui premiers engendrez de l'idole feconde Coulerent icy bas pour en peupler le monde. Mais vouloir entreprendre en plus haut lieu d'honneur

Mais vouloir entreprendre en plus haut lieu d'honneur Qu'on ne doit esperer, le plonge en cet erreur, Outrepassant la borne & la iuste mesure Du pied qui le conduit, qui le guide & l'asseure. Car les feux trop hardis & l'effort violent
De ce Dieu qui l'enfla d'vn orgueil insolent,
Le firent pour exemple, au plus prosond abysme
Exercer, malheureux, les peines de son crime:
Poussant, tournant, virant, hastant & poursuiulant
D'vn malheur indomté, le mal qu'il va sugant.
Car le suyant le suit, & la suite est la suitte,
Le tour & le retour des maux de son merite,
Roulant d'dos versé tantos haut, tantos bas,
Les yeux deuers le ciel, & de teste & de bras
De son mai renaissant les courses eternelles,
Piés & mains garroté sur les volantes ælles
D'vn rouet cramponné à gros liens de ser,
Supplice inusté aux ombres de l'Enfer.

Toy doneques Barquerol, qui à voiles hautaines Vogues sur l'Ocean des amoureuses plaines, Garde, ie te fupply, que le trop de faneur Ne te face oublier & te haulse le cueur, Plus souvent abusant des graces attrayantes, Des humaines douceurs, des caresses riantes De quelque bon visage ou de quelque œil gentil, Qui te verse en l'erreur d'un estrange peril. Garde, ie te fupply, que l'amoureux orage D'vn gouffre perilleux ne te pousse en naufrage : Si tu veux batiner, poursuy l'equalité, C'est le port d'asseurance, & la tranquillité Tousiours y fait seiour, mesure ta puissance Iustement à ton pied, & iamais ne t'auance, Si tu cerches ton heur, d'entreprendre plus haut Où le desir te pousse & la force te faut.

Orqu'Amour foit sans yeux, st faut-il prendre garde
De ne voler trop haut: car qui trop se hazarde
En sin mal-auisé trebuche d'vn faux pas,
Ne seruant que de fable aux yeux du peuple bas.
Et pense que la main, la main industrieuse
De ce grand Artisan n'est point si paresseuse,
Qu'elle ne forge encor mille nouveaux tourmens
Pour abaisser l'orgueil de ces trop vains amans.

Ces beaux vers nous meirent en verue de la poësie, nous guidant sur les traces du jour de deuant pour aller en queste de l'amour. Poursuyuant donc le tour de ce jardin, nous lisons les souspirs d'vne Nymphe: & commence en ceste sorte.

COMPLAINTE.

Il faisoit tard, & ia la nuit muette Alloit couurant sous son aile brunette D'vn voile obscur la pointe des rochers: Ia sur la mer les timides nochers Auoyent dressé le timon & les voiles A la faueur du ciel & des estoiles, Qui tremblotoyent sur le coulant de l'eau, Au lustre d'or d'un beau croissant nouueau: Quand tout soudain de la mer azuree Ie vey fortir one Nymphe sacree A demy corps sur les flots paroissant, Ainst qu'au ciel paroissoit le croissant, Qui frizotoit d'une main longue & belle De ses cheueux vne blonde cordelle, A filons d'or vaguement espandus, Et desfus l'onde en ondes estendus: Puis entr'ouurant vn rang de perles fines Va souspirant ces paroles divines, Croisant les bras, & iettant l'ail aux cieux, Et de tels mots se lamentoit aux Dieux. Dieux qui versez de cruches argentees Dedans ces flots, les courses indomtees De cent ruisseaux & cent fleuues cornus: Dieux qui ramez sur les replis chenus, Et qui trainez sans timon & sans hune

Auec les vents le coche de Neptune : Et vous Tritons, qui d'vn cor esmaillé Allez souffant sur le dos escaillé

De ces Dauphins: & vous belles Naïades, Tournez vers moy vos piteuses aillades,

 $\mathsf{Digitized} \ \mathsf{by} \ Google$

Et entendez mes plus aigres douleurs, Compagnes, las! du crystal de mes pleurs.

Vous auez veu dessus les riues molles
Ariadné perdre au vent ses paroles,
Et de Thetis entendu les regrets,
Pleurant son sils le plus vaillant des Grecs:
Escoutez donc la voix triste & dolente
Et les regrets d'une Nymphe innocente,
Qui maintenant n'a secours ny recours,
Pour se douloir, qu'à ces stots qui sont sourds.
Les bois, les rocs, & les verdes campagnes,
Et le sommet des plus hautes montagnes
Sont les tesmoins de cet outrage mien,
Mais de l'entendre ils ne m'ont fait ce bien.

Donc maintenant vous ondes eternelles, Or' que soyez de nature cruelles, Escoutez-moy, & vous humbles Zephyrs, Lors que serez enflez de mes souspirs, Porter soudain dessus vos ailes peintes Iusques au ciel mes languissantes plaintes, Puis que çà bas rien ne me peut venger, Ny de mon chef ce malheur estranger. C'est donc à vous à qui ie me vien rendre, Puis que la terre a desdaigné d'entendre Ma iuste plainte, encor que de ma vois Soyent animez les rochers & les bois, Qui, possible est, rechanteront l'outrage Faist à l'honneur de mon chaste courage Que i'ay souffert atteinte sous la main D'vn faux rapport doublement inhumain.

l'estoy contente, & viuoy bien-heureuse, Seule à par moy, tant soit peu soucieuse De la grandeur, encores que tel lieu Me fust donné de nature & de Dieu. Car ie n'eus onc l'aile tant abaissee Que ie ne l'euse aisément auancee Et mise au vol librement parmy l'ær, Si retrenché ne m'euse le voler:

Rien que la paix & la crainte diuine N'auoit entree en ma chaste poitrine, Rien plus apres ne commandoit sur moy Que le service & l'amour que ie doy A mon Seigneur, que garderay stdelle !usqu'à la mort, tant soit elle cruelle : Assez par tout la preuve se respand, Pour tesmoigner de la soy de mon sang. Mais tout soudain la desloyale Envie, Ialouse, helas! des douceurs de ma vie, Vient s'opposer à l'heur de mon repos, Vient à troubler & ma chair & mes os, Mon œur, mes sens, & de mon innocence Veut triompher, ainst que de l'offense.

Donc ce fut toy, qui trahis le bonheur
De mon repos, Enuie au double cueur,
Vieille marâtre, affreuse & descharnee,
Aux piés boiteux, & à l'eschine ernee
Qui paiz ton soye en la chair des serpens,
Tousours portant la roüille sur les dens,
Dedans les yeux vne traistresse æillade,
Dans l'estomach vne humeur aigre & sade,
Deffus la langue vne peste, vn erreur,
Sur le visage vne palle frayeur,
Dedans la main mille & mille sagettes,
Mille boucons, mille slammes secrettes,
Dont le plus iuste & mieux cognoissant Dieu
Honteusement icy perdroit son lieu.

Donc ce fut toy, ambitieuse & braue,
Qui de parler & d'apparence graue
Te vins assoir dessus mon pauure chef,
Logis mal-propre à si traistre meches:
Car ie n'eus onc si mauuaise pensee,
Que de vouloir en rien rendre offensee
La fermeté de mon maistre & Seigneur:
Tu le sçais bien, ô Dieu, qui dans mon cœur
Descouure' à l'œil mes passions empreintes,
Si l'en nourry qui soyent doubles ou feintes.

Non non ma terre & ma sainte faueur N'ont point cerché de mendier l'honneur Ny la grandeur d'yne si basse sorte. L'Ambition en sa naissance auorte, Et se descouure, en remarquant le nom De pere en sils d'yn insame surnom.

Or ie me rens où le sort me conuoye Et la Fortune, & pour n'estre la proye Ny le iouët d'un langage trop vain, Ferme en mon caur, i'abandonne soudain Ce que plus cher i'estimois en ce monde, Et par les champs errante & vagabonde Scule à par moy ie contoy mes douleurs. Baignant mes yeux d'une source de pleurs, Sans toutesfois perdre la cognoissance De ce grand Dieu, qui met en apparance La verité, quand saison il en est, Et foudroyant tout ce qui luy desplait. Car sa instice est inste & veritable, D'autant qu'il est le seul iuge equitable. Son parler sainet n'est charmé ny pipeur. N'est point furdé, mensonger, ny trompeur, Nous le voyons, la verité non feinte Se monstre au iour par sa parole sainte: Nous en voyons les fignes descouuers, Et trop cogneur par ce grand vniuers, Si ne voulons d'vn masque d'impudence Couurir, meschans, nostre vieille ignorance, Et nous flatter nous-mesme en nostre erreur, Ou pour vn bien, ou pour vne faueur, Qui pour un temps sur la terre semee Se perd au vent ainst qu'vne fumee.

Or ce grand Dieu, qui courbe sous sa main Tout ce grand Ciel, & que dessous le frain Retient l'orgueil de la race mortelle, Lors qu'on pensoit (ô volonté cruelle!) Soüiller l'honneur de mon chaste vouloir, Vient dans le ciel haut se faire apparoir, Armant de feu sa dextre rougisante,
Pour accabler l'audace pallissante
D'en qui pour estre & libre & mieux à lay
Veut triompher par le malheur d'autray.
Puis desployant les pointes de sa foudre
Renuerse tout, saccage & met en poudre
En ruinant & iettant à l'enuers
Le dur esset d'en cœur feint & peruers,
Qui me donna suffsant tesmoignage
De la fureur emprainte en son courage.

Le ciel tesmoin de l'heur & du malheur Aura pitié de ma iuste douleur, En me sauuant, & me seruant de guide, Entre les stots de ceste plaine humide. Tire moy donc de ce sascheux esmoy, Venge mon tort, & pren pitié de moy, De moy qui suis esclaue & prisonniere

A la mercy d'une vague legiere.

Vien donc, Seigneur, & me sois consolant, Asseure moy que ton ail surveillant Garde les bons, & que l'ame innocente Est bien suiette à la pince mordante Et de l'Envie & d'vn mauvais rapport. Sois donc, Seigneur, mon rempart & mon fort, Mon seur appuy: David fur mis en suite Par les deserts, à l'instante poursuite D'vn faux rapport, dont il sut le vainqueur. Ioseph sut proye à l'ardente sureur Et au rapport d'vne impudique semme, Pour de peché ne souiller point son ame, Qui toutessois, innocent, fait paroir La volonté de son chaste vouloir.

Doncques, Seigneur, te monstrant veritable Tourne vers moy ta face pitoyable, Fay le sentier: car sortir ie ne puis Sans ton secours du peril où ie suis: Monstre, Seigneur, à la pauure Innocente Dedans le ciel ceste coulonne errante

A grands fillons, qui de longs traits de feu Traçoit deuant le passage incogneu Au peuple saint, par la slamme chenuë Durant la nuit, & le iour par la nuë.

Doncques, Seigneur, guide moy sur le port :
De tous costez vne image de mort,
Le trait au poing va menaçant ma teste,
Reste sans plus qu'vne horrible tempeste
Ne m'engloutisse & me perde en son sein,
Si ie n'ay tost le secours de ta main.

A tant se teut & le ciel se desserre
Tout aussi tost d'un foudroyant tonnerre
A costé gauche, & ie vey de mes yeux
(Miracle estrange) en ces stots perilleux
Mille Tritons, mille Naisdes belles,
Qui sousseupent sur le bat de leurs ailes
Ceste Deesse, & luy donnoyent encor
Mille baisers, & mille presens d'or,
Puis se trouuant sur le port d'asseurance
Dresse son vol du costé de la France,
Et disparut, tout ainsi qu'un vaisseau
Forcé du vent se perd au fond de l'eau,

CHANT DE TRIOMPHE.

Ia dans le Ciel la belle Aube doree
Poussoit le iour de sa couche pourpree,
Et du Soleil les coursiers attelez
Aux deux limons, par les champs estoilez
Au grand galop auançoyent leur carrière:
Quand le sommeil sur ma lasse paupière
Couvoit moiteux, tenant mes yeux estraints
D'vn doux lien sous ses ailes contraints:
Lors qu'en songeant ie descouvre & i'aduise
La maiesté d'vne Deesse assis
Dessur vn char de Triomphe, esmaillé
De sin azur, martelé & taillé,

Comme ie croy, de la main forgeronne Du Dieu boiteux, és forges de Lemnonne. En or massif le branquart s'allongeoit, Desfus le tour des rouleaux s'arrengeoit Au lien de clous vn rang de perles fines, Les bords frangez d'ondoyantes crespines D'un or file à grands houpes flotoyent Desfus les slancs des cheuaux qui ron floyent Et repoussoyent d'une cadence fiere Contre les vents la brustante poussière, Et remordoyent sautant & hennissant Le frein aux dens, d'escume blanchissant. Le poil poly, & la couleur naifue, Plus que la neige en blancheur excessiue Estoit en eux, & toutes les beaute? Que lon souhaitte en cheuaux bien domtez.

Ceste Deesse en son char triomphante,
Braue portoit une robe ondoyante,
A longs replis, que les humbles Zephyrs
Ensloyent au vent de leurs tiedes souspirs:
Et paroissoit comme Venus la belle,
Quand par le ciel en sa coche immortelle
Se fait rouler, quand ses oyseaux mignards
D'un vol pressé deux à deux fretillards,
En tremoussant de leurs ailes legeres,
La sont glisser doucement en Cytheres.

Du cost droit la Pitié vers les cieux, A iointes mains alloit dressant les yeux: De l'autre part pour compagne fidelle La Verité se tenoit aupres d'elle, Dedans sa main braue portant l'escu De viue Foy, sous lequel a vaincu La Cruanté de sa dextre guerriere, Dessons ses piés la tenant prisonniere, Et garrottee en cent chaisnes d'airain, Roüillant les yeux enyurez d'vn desdain, Et souspirant vne fureur mutine Dessus sa langue & dedans sa poitrine,

Remy Belleau. - II.

Monstrant d'horreur le visage tout blanc, Et vomissoit vn torrent plein de sang, Branslant encor sa main ensanglantee, Et menaçant de sa bouche enchantee D'Opinion & de charme trompeur Cil qui ne croit par sorce en son erreur.

Là les Fureurs, les tourmens, les orages, Pendoient au char, comme mortes images: Là soupiroit la pallissante Mort, Riche despoüille à fi vaillant effort : Là l'imposture en signe de conqueste, La bouche close, & connerte la teste D'vne grand'nuë alloit à pas contez : Là les malheurs renuersez & dontez L'accompagnoient d'vne fort longue suite D'hommes masquez au visage hypocrite, Tous reuestus de grands robes de dueil, De couleur perse, ayant la larme à l'æil. Là descouuroit cent testes monstrueuses L'Opinion aux langues venimeuses, L'Opinion qui n'eut iamais de bout, Qui croit en tout, & qui doute de tout, Qui n'a cerueau que de cire aussi molle, Que ce qui naist du vent de sa parolle : L'Opinion qui n'a rien de certain, Qui toufiours bruit, & se trauaille en vain De se bastir une ferme asseurance Sur le sablon de legiere inconstance. L'Hypocrisse au visage plombé, Là descouuroit vn genoil recourbé, Vn sourcil trouble, vne longue criniere, Pleine de crasse, & de grise poudriere : Là se douloit & portoit sur le dos La Repentance, & repos sans repos, Et sous vn masque en apparance vaine, L'espoir douteux, & la douleur certaine. Là le Peché, la face contrebas,

Là le Peché, la face contrebas, Se mord, se ronge, & se mange les bras : Il efloit salle, infet & deteftable,
Sous vn attrait traisfirement fanorable,
Et s'il auoit la couleur & la peau
Telle qu'vn mort retiré du tombeau,
Le poil rebours, la barbe herissee,
L'œil escraillé, la dent noire & cassee,
La leure torte, & le regard affreux,
Bosu, boiteux, bref tout malencontreux,
Et se douloit, chetif, de se voir estre,
O changement! accablé sous la dextre
De celuy là qui vainqueur l'estoussoit,
Sur qui vaillant n'agueres triomphoit.

Puis couple à couple vne troupe captine, A bras croisez marchoit toute craintine, L'ail contre terre honteusement baissé, Et me sembla que plus pres auancé, l'enten sa voix, qui chantoit à la gloire De l'Eternel vne hymne de victoire, Si doucement que rauir ie me sens Tost par l'oreille, & mon caur & mes sens.

Seigneur (dist elle) ô Seigneur que i'adore Seul dans les cieux, que i'aime, & que i'honore De tout mon cœur, seul autheur de mon bien, Pere de tout, & qui tout feis de rien: Qui fais rouler sur l'vn & l'autre pole Le Ciel voûté au vent de ta parole : Qui tiens au frein (comme dans vn vaisseau) Es bords marins la colere de l'eau: Qui nous fais voir par la nuitt tenebreuse Des astres beaux la danse lumineuse, Puis les chassant, qui redores le iour D'un beau Soleil qui renaist à son tour : Qui nous fais voir par suittes eternelles, Quatre saisons de parures nouvelles, En fleurs, en fruicts, en espics barbelus, En raisins noirs, en arbres cheuelus, En cent threfors que Nature desserre Pour nostre bien, sur le sein de la Terre,

Qui nons anime, & en effetts divers, Ce qui souspire en ce grand vnivers.

Soit donc loue le Seigneur à toute heure, Et son saint nom, car c'est lay qui m'asseure De sa grandeur, me promettant les Cieux, Qui tient ma langue, & qui m'ouure les yeux. Sus donc, Seigneur, que les peuples estranges Scachent ton nom, & chantent tes louanges, Puis qu'au soupir seulement de ton los Tremblant de peur s'ecarterent les flots Loin du coulant de la mer estonnee, Quand de peril la troupe destournee Veit des rochers les argentins ruisseaux Rouler à val par les sentiers nouueaux, Veit le sommet des plus hautes montagnes A petits bons sauter par les campagnes, Ainst qu'on voit sauteler l'aignelet Dedans la pree enyuré de son lait.

Sus donc, mon ame, auant, qu'on se dispose
A le vanter : car ma leure declose
Autre que luy iamais ne vantera,
Autre que luy iamais ne chantera :
Car il est seul qui commande & preside
Dedans le Ciel, c'est l'escorte & la guide
Des fouruoyans, c'est luy seul qui a mis
Le bras vainqueur dessus ses ennemis.

Il nous affeure, & sa puissance amie
De nostre bien, n'est iamais endormie:
C'est le confort des pauures assigez,
C'est le secours des peuples outragez,
C'est le Seigneur sous l'ombre de ses ælles
Qui nous desend des menaces cruelles
D'vn cœur peruers, & qui nous va gardant
Des seux lancez du Soleil trop ardant
Durant le iour, & durant la nuist brane
Du froid caché sous les rays de la Lune.

Desfus mon chef ia douleur sur douleur S'amonceloit, & malheur sur malheur,

Ia faux-rapport m'aguettoit pour m'estraindre En ses liens, pour tremper & pour teindre Dedans mon sang ses trets empoisonner. Et comme on voit les espics tronçonnez, Cassez, froissez en brindelles mennes, Quand en Esté yn bataillon de nues Armé de foudre & de greste & d'esclair, Tonnant, bruyant & fiffiant dedans l'air, Auec les vents butine & met en vente Du laboureur la moisson & l'attente: Ainst l'estoy la honte, & le desdain, Et le iouët d'yne cruelle main, Qui de fureur & de flamme amorcee, De toutes parts me tenoit efforcee. Desia la mort m'attendoit sur le pas, Pour me trainer aux ombres de là bas : Desia m'estoit l'esperance rauie De sauourer les douceurs de la vie, La Cruauté & la trop vaine Foy Ia se vantoyent de triompher de moy, Et de mon nom effacer la memoire, Pour s'enrichir au butin de ma gloire, Et à longs traits s'enyurer de mon sang : Mais ce grand Dieu qui sa grace respand Dessus les fiens, & qui soigneux les garde, En se vengeant quelque chose qu'il tarde, Oui les rend forts, & qui ne permet pas Qu'un petit poil seulement tombe bas. Hors de leur chef, car il en tient le conte, Vient au combat, les renuerse & les donte, Et reste seul (comme il est glorieux) Sur le maling braue & victorieux, Et de bon æil tournant vers moy sa face,

Le col pressé sous le glaiue trenchant. Mais il ne faut consulter les oracles Des liures saints, les euidens miracles

Me prodigua les threfors de la grace Qu'Ifac receut, quand humble alla panchant

Ou'on voit à l'æil escouler de ses mains Nous seruiront de fidelles tesmoins: Tu le sçais bien, France, mais ie n'effaye Icy pourtant de refraischir la playe Qui toufiours saigne, & qui ne guarit or, Et qui pourroit apostumer encor, Si de pitié ta face tu ne tournes Vers nous, Seigneur, & si tu ne destournes De nostre chef le foudre punissant, Si tu ne viens, & Seigneur, bannissant Loing de ton peuple, & de ta pauure France (Qui t'en requiert) les traits de ta vengeance : Las! c'est affez, contente toy Seigneur, Mets, s'il te plaist, trefue sur ta rigueur. Las! c'est affez, elle a senty les armes De ta fureur, tu le veois à ses larmes Qui sont encor pendantes à ses yeux: Estanche-les d'vn pardon gracieux, D'yn ail bening, ou d'autre benefice. Qui dans le ciel repousse ta iustice, Pour ne venir aux rigueurs de ta Loy.

Mais en faueur de ton peuple & de moy,
Sauue, Seigneur, ceste nef balancee,
Ia sur le dos de la vague estancee
Pour l'engloutir, & sous vn air serain
Fay nous sentir les faueurs de ta main:
Si que puissions en la terre promise,
Entrer heureux, à sin que lon te prise
De cœur entier, comme le peuple Hebrieu
Libre le feit, quand retiré du lieu
De sa prison, de sa peine incroyable,
D'esfort, de faim, de labeur importable,
Sur les tyrans d'Asie tu le mis,
Le fer au poing, au Royaume promis.
Aumoins, Seigneur, permets que l'innocence

Aumoins, Seigneur, permets que t'union De nostre Roy ne porte nostre offense, Et que tresbon il ne souffre pour nous Le trait vengeur de ton iuste courroux. Garde, Seigneur, de toute ame maligne, Comme tuteur ceste race orpheline, Si que voyons la mere, & les enfans Auec leur France à iamais triomphans. A tant se teut ceste voix chanteresse, Et le sommeil tout aussi tost me laisse, Ne voyant rien paroistre dans les Cieux, Que le Soleil qui m'entroit dans les yeux.

Dedans vn canton de ce Iardin estoit vn païsage representant les honneurs & plaisans exercices d'vn mois de May. Là se voyoit vne troupe de Nymphes legerement, mais proprement vestues, les vnes dormoyent deffus l'herbe tendrette, & mollement trempee du degout emperlé de la fraische rosee : les autres dansovent d'vn pié dispos & gaillard : les autres cueilloyent de leurs mains delicates des œillers, du thym, de la mariolaine, des roses franches, aiglantines, muscades entre les ronces & les espines, seruant de fort & de rampart pour armer, & seruir de gardes à si noble & si gentille fleur, les autres laçoyent des treffes à trois cordons pour en façonner des chappeaux, & en couronner le crespe d'or de leurs cheueux crespelus. ondovans. & vaguement espars dessus leurs espaules: les autres faisoyent la Musique pres le murmure doux d'vn ruiffelet argentin, inuitant le Rossignol à redoubler, comme à l'enuy, ses fredons mignardement decoupez & doucement suyuis: autres faisoyent l'amour, se baisoyent, s'entredonnoyent la cotte verte. Les beautez doncques & fingularitez de ce lieu, & du sujet auec les douces fraischeurs d'yne si belle & plaisante matinee, embasmee des souesues odeurs de ce parterre, nous inuiterent à chanter de mesme haleine les louanges de ce doux mois.

DESCRIPTION DV PRINTEMPS.

Voicy l'Aronde passagere, Qui de son aile printaniere Chaffant les glaces de l'hyuer Rend serain & l'air, & la mer: Puis de sa bouchette cornue Ainst que d'un petit marteau, Maconne & creuse le berceau Pour la ieune & tendre venue Du petit emplumé bestail, Qu'elle musse, quand elle arriue D'outre mer, sous vne soliue, Ou sous la volte d'un portail, Ne voulant descouurir l'inceste, Le crime & la table funeste Qu'elle dressa pour tout iamais, Infame de son entremets. Le bouton de la rose franche, S'enfle sur l'espineuse branche, Et aux rais d'un nouueau Soleil, Emprunte son beau teint vermeil: Les vignes souples reuerdissent, Ouurant l'ail d'vn tendre bourgeon, Les arbres d'un nouueau ietton Arment leurs flancs qui raieunissent, Auparauant qui vieilli¶oyent: Les eaux vont espurant leurs sources, Commençant à faire leurs courses, Plus claires qu'elles ne souloyent. Plus ne se voyent desbordees Les eaux, ny leurs courses bridees De glaçons, qui d'un pas cruel Courent sur vn nouueau degel. Les cerfs dans les forests bondissent, Les poutres dans les prez hennissent,

Le poisson fraye dessous l'eau, Sur le roc lutte le Cheureau: Le blé meurdri de la froidure, Et blesme de iarçans frimas Maintenant n'a plus le chef bas, Mais touffu reprend sa verdure: Es bois les oisillons petits, Sauuez des neiges importunes, Vont iargonnant de leurs fortunes Dessous les pauillons faitis D'vn bois ramé, ou d'yn boccage, Ou dessus le moussu rivage D'vne fontaine sautellant, Ou d'un ruisselet doux-coulant. La terre gelee & recuite Du froid, par la douce entresuite De mille printaniers plaisirs, Se detrempe aux vents des Zephyrs: La Bize farouche & cuisante Ne nous retient plus au foyer, Ny les froidures de l'hyuer, Dans le toict la troupe bellante, Les prez bigarrez de couleurs Plus ne blanchi fent de bruines, Ny paresseux en leurs cassines Plus ne chomment les Laboureurs: Bref, le soleil, la terre, & l'onde, Et toute l'apparence ronde, Ramenent leur belle saison En France, & des biens à foison. Tout y rit, fors toy larmoyante, Fors toy France, trifte & dolente, Qui ne peux choifir le bon-heur, Pour l'affranchir de ton malheur : Et semble que le voifinage, Ny le pais, ny l'amitié Ne peut rompre l'inimitié Qui se forge sous cet orage:

Et ne sçay quel aftre fatal Nous pouffe à ce vent, qui nous guide, · Comme dessus la plaine humide Le basteau glisse à contreual, Sans que nous sentions en nous-mesme De ce temps la rigueur extrême, Et comme esblouis nous courons Pour trebucher où nous tirons. Fay donc, Seigneur, que nos Prouinces, Nos temples, nos feux, & nos Princes Se couplent d'vn lien fi doux Que la paix demeure entre nous: Que les querelles domestiques, La vengeance ny la rancueur, Ou quelque autre importun malheur N'offense plus nos Republiques, A fin que nous puissions heureux, Sans guerre, Sans peur, Sans enute, Tirer le fil de nostre vie Hors de ces troubles orageux. Et qu'en ceste saison nouvelle Nous voyons la gente Arondelle, La terre, & le ciel & les ans, Nous ramener vn beau Printemps.

Ayant doncques paracheué le tour de ce iardin, la chaleur commençant dessa fort à se renforcer, pour la hauteur du Soleil, nous tournons à main gauche, entrons en vn petit boccage, fort espais, & fort peuplé de grands arbres, marque des plus belles de ce lieu, puis nous retirant sous la fraischeur de l'ombre d'vn Plantain large & branchu, discourant de l'amour, nous tombons en propos de la guarison de ceste violente & incurable passion, sçauoir s'il y a pratique de remedes pour s'en tirer. L'vn disoit que le temps ayant fait la playe, & entamé la partie plus offensee, porte l'emplastre & l'appareil pour la reioindre, & pour la guarir:

l'autre que l'absence y peut beaucoup, moyennant vn autre exercice plus violent pour destourner les apprehensions desia ensorcelees par la puissance de l'obiect, qui perpetuellement se presente à nos yeux comme vn fantosme pour nous trauailler: l'autre que le desdain causé de quelque maunaise grace, ou de quelque vaine ou faulse & imaginee persuasion, engendre le mespris, le mespris la dissolution de ce nœu, qui parauant faisoit la liaison de deux esprits estroittement conioints & vnis par le ciment d'Amour : l'autre que le trop de prinauté, & de ionissance, ou le trop de cognoissance, rendoit vne amitié vulgaire, & en fin commune & vniuerselle à tous, que le plus prompt, & plus souverain remede à ceste fieure, estoit de se donner au change, descharger sa colere à toutes breches & à toutes rencontres, estant l'vnique purgation pour destourner ceste humeur trop abondante dedans les veines, qui peu à peu gaigne le fort de la raison, où semant la sedition, trouble ce qui est de plus tranquille en nostre ame. Puis discourumes sur les charmes & sorcelleries ordinaires des anciens, qui fut occasion que ie tiray de mon sein vne petite Eclogue sur les remedes de l'Amour. Il y a trois bergers, Ianot, Bellin, & Perot.

ECLOGVE, SVR LA GVARISON D'AMOVR.

Au seigneur de Fontenay, François Hotman.

IANOT.

Brottez cheures brottez, brottez l'herbe tendrete, Sous les ombrages frais de la verte coudrete, Brottez, & remportez ce soir dedans le tett, Le ventre plein de treste, & le tetin de laist.

BELLIN.

Brostez cheures broutez, que l'humeur nourriciere, Que le Ciel engourdy retenoit prisonniere Sous les glaces d'hyuer, comble de laist nouveau, Le pis trois fois enflé de mon petit troupeau: Si qu'en peu de seiour mes Biquettes barbues Soyent confites en graisse, & de poil bien vestues.

IANOT.

Hà Dieu! que ie vous plain, quand la froide faison Vous retient si long temps, camuses, en prison, Où vous ne broûtez point les herbes nouvellettes, Où vous ne steurez point les odeurs des steurettes, Et ne voyez de l'ail les verdissans rameaux, Ny le frais argentin des gazouillans ruisseaux, Ny sauourez du ciel la celeste rosee, Dont l'herbe en ce doux mois est si bien arrosee.

BELLIM.

Allez doncques paissant, & passant ce beau iour Sous les douces faueurs du ciel, & de l'amour: Allez, & n'ayez peur que les dents assassines Des vieux loups assamez n'abordent vos cassines.

IAWOT.

Allez, & n'ayez peur que le ciel dessus vous Descharge appesanty son humide courroux: Car i'ay veu le Soleil aux tresses annelees, Sortir net, pur & beau, des campagnes sallees, Et harsoir du croissant, qui le beau temps semont, Les cornichons pointus versez en contremont.

BELLIM.

Brostez donc hardiment, brostez donc camusettes Dedans ces beaux pastis esmaillez de sleurettes, Ie vous guide de l'œil, & vous suy pas à pas, Et st vous arrestez, paissant, ie ne saux pas De m'arrester aussi, car c'est pour vous compagnes, Que ie vy bien-heureux en ces vertes campagnes, Et c'est à vous aussi que ie donne mon cœur, Ma houllette, mon chien, ma sleute, & mon labeur.

IANOT.

Mais ie voy ce me semble vne troupe esgaree D'aigneaux & de brebis, esparse par la pree, Sont celles de Perot, qui la naiet & le iour N'estime rien plus cher que parler de l'amour.

BELLIN.

C'est luy, ie le cognoy, car il n'a rien en teste Ny plus auant au cœur, que la siere tempeste, Et l'espineux souci de cest enfant oyseau, Qui le sait oublier soymesme & son troupeau: Et pense autant à luy que de mains languissantes Ie pense à ramasser les sueilles pallissantes Des vieux chesnes branchus, que la Bize en sissant Es premiers iours d'Hyuer és bois alloit pillant.

IANOT.

Hà! qu'il est mal-seant au pastoureau champestre De se rendre forçat, & trainer le cheuestre Sous les voiles d'Amour, aussi il ne doit point Auoir autre fouci, que de tenir en point Tout son petit bestail, & de gente allaigresse, Le guarantir du loup, & quand la nuist le presse, Le ramener au tell, & de soigneuses mains, Corne à corne, conter les cheures & les dains: Le garder du pourry, & de la clauelee, De charme, de venim, & d'herbe ensorcelee, Le tenir dans la pree en esté fraischement Pres le coulant d'une eau, en hyuer nettement Sous la chaleur d'vn chaume, & garder qu'vne willade Ne le face rongneux, ou poussif, ou malade : Non pas faire l'amour, & beuuant ce poison S'enyurer doucement & perdre la raison,

Deuenir fol, aueugle, & prendre la sagette
Pour le baston noüailleux de la douce houlette:
Perdre le sentiment au lieu de l'auoir bon,
Laisser moisir au croc & l'anche, & le bourdon,
Sans daigner seulement tant soit peu prendre peine
De luy prester les doigts, ou la langue, ou l'haleine:
N'auoir autre souci que d'escorcher la peau,
Et la molle toison de son pauure troupeau:
N'auoir autre souci que de la douce slame,
Qui coulant par les yeux, va reschaussant son ame,
Discourir de la grace, & du trait des beaux yeux
De sa stere maistresse, & du ris gracieux
Qui se dore en sa bouche, & sur ses leures closes.
Va desrobant l'odeur des millets, & des roses.

BELLIN.

Ie le vay accoster, c'est luy, car ie cognois Sa houllette, son chien, & l'entends à la voix.

PEROT.

Fay donc, fay donc, Amour, que mes douleurs s'apaisent, Que mon feu s'amortisse, & mes soupirs s'accoisent, Ou que ma playe aumoins reçoiue guarison:
Fay que mes sens troublez, mon œil, & ma raison, Oubliant ces beaux yeux, qui si fort me desuoyent, Dessous leurs traits àrdans desormais ne fouruoyent, Donne quelque secours à ce pauure berger, Et le retire, Amour, du perilleux danger De mort, qui le poursuit, & de la folle attente Qui doucement le trompe, & point ne le contente.

IANOT.

Perot, gentil berger, qui çà & là espars,
Laisse aller ton troupeau sans chien, de toutes parts,
Perot où penses-tu? ie t'ay cogneu si sage,
Et si bien aduisé au sait du pasturage,
Et maintenant, ô Dieu! que tu deuiens grison,
En ceste malheureuse & sascheuse saison,

Tu parles de l'amour: quelle fureur estrange A fait de tes pensers vn si nouvel eschange? Quel charme, quel venin, quelle herbe, quel malheur A plongé ta nature en ce maudit erreur?

PEROT.

Hà qu'il est doux à voir, lors que la mer troublee D'vn grand monceau de stots & de vagues enstee, Du haure recourbé, le branle d'vn vaisseau, Flotter à mas rompu sur les vagues de l'eau!

BELLIN.

Mais plus dous voir celuy qui fans mas, & fans voiles Remerciant le ciel, les vents, & les effoiles, A vaincu la tourmente, & fe voit fur le port, Eschappé doucement du peril de la mort.

PEROT.

L'ardeur que ie nourris à l'entour de mon ame, Allume dedans moy vne si douce slame, Que le plus grand plaisir qu'on sçauroit estimer N'est rien au pris du feu qui me vient consommer.

IANOT.

Pay senti comme voy ses amorces friandes, Ses feux, ses rets, ses traits, & ses ruses plus grandes: Mais l'âge & la raison, le tourment, & la peur, Mont tiré de l'accez dont l'estois en fureur.

PEROT.

Si tu sçauois, Ianot, quelque bonne recette Contre les seux ardans du seu qui me sagette, De bon cœur te prirois la vouloir engrauer Sur ceste escorce tendre, à sin de l'esprouuer : Ie te donne vn cheureau le plus gras de la troupe, Ou, si tu l'aimes mieux, ie te donne vne coupe De fresne bien madré, faite dessus le tour, Si tu me peux gaarir des charmes de l'Amour.

IANOT.

Ie te diray Perot, i'ay fait experience De quelques grands secrets dont i'ay la cognoissance.

PEROT.

Il ne faut rien celer, à fin de secourir Vn amy trauaillé, qui cherche à se guarir : Et si par ton moyen ie puis tirer ma vie Esclaue des rigueurs de ma siere ennemie, Ie priray le Dieu Pan, que ton petit troupeau Croisse de iour en iour, & deuienne plus beau : Que l'hyuer luy soit doux, & pour son pasturage L'herbe tousiours aux prez, & au test le fourage Ne luy manque iamais, & qu'en toute saison Le fourmage & le laist se caille en ta maison.

IAROT.

Va te plonger trois fois dans le fleuue d'Argire, Et te laue le corps, puis moitte le retire Et l'essarde à la Lune, à fin que la vigueur Et le charme de l'eau penetre iusqu'au cour : Ou te couure le corps de la terre empoudree, Du pié iusques au chef, où se sera voitree Vne mule brehaigne: ou pren du Cameleon, Pour chasser ce venin, le foye, & le poulmon. Pren le poil du Castor, & le reduis en poudre, Sur vn feu de Cyprés, puis le laisse dissoudre Vne nuiet dedans l'huile, & t'en graisse le chef, C'est vn charme divin pour guarir ton mechef. Ou si tu peux, Perot, pren de la tresse blonde De celle qui te rend malheureux en ce monde, Et t'en lasse vn ruban, puis en le despliant Et crachant par trois fois, dy, Ie vay destiant Ce cordon, qui retient mon ame prisonniere. Puis le bruste & au vent iettes-en la poussiere Droit par dessus le dos, car c'est charme tresbon, Pour en perdre l'odeur, la memoire & le nom,

Pren l'aile d'yn Hibou, puis la trempe & la mouille Dans le pourpre sorcier du sang d'yne grenouille, Hostesse des buissons, puis marche, & en trois tours L'arrachant plume à plume, arrache tes amours. Ou si tu veux, Perot, faire preuue certaine Pour tromper la fureur de l'amoureuse peine, Couppe vn rameau de fresne, & t'en arme le flanc Les temples & le front, puis escry de ton sang Les lettres de son nom dessus l'escorce tendre, Et say serment au Ciel, de iamais n'entreprendre Sur les loix de l'Amour, le grand maistre des Dieux: Ainsi tu slechiras la rigueur de ses yeux. Voila ce que ie say de plus vrayes recettes, Pour estaindre l'ardeur de tes slammes secrettes.

PEROT.

La derniere me plaist, mais lâs! ie cognois bien Que pour guarir mon mal il ne se trouve rien De propre, ny de prompt, & qu'il n'y a magie Qui puisse prolonger les souspirs de ma vie, Rien ne me peut changer, ny vous, ny vos trauaux Ne pouuez estranger le moindre de mes maux : Non pas si ie buuois les ondes iaunissantes D'Hebre au sablon doré: les neges pallissantes, Les antres ny les bois, les desers, ny les mons Ne scauroient appaiser le vent que mes poulmons Souspirent à longs traits d'une haleine cuisante : Non, si i'estois, alors que l'escorce mourante Des ormeaux cheuelus, se ride & se fletrist, Sur le limon du Nil, qui fecond les nourrist: Amour maistrise tout, & maistre de mon ame Retient ma liberté dans les yeux de ma dame : Et ne voy rien çà bas, qui promette support Aux charges de mon mal, qu'vne soudaine mort. Mais en memoire au moins d'vne maistresse dure,

Mais en memoire au moins d'vne maistresse dure, Bergers, ie vous supply bastir ma sepulture Dans le fort espineux de quelques vieux halliers Le repaire des Loups, des Ours, & des Sangliers:

Remy Belleau. - II.

Où iamais le Soleil aux crespines dorees Ne darde ses beaux rays, mais les nuits obscurees, L'horreur & la frayeur pallissant à l'entour Sous les rigueurs du ciel, y facent leur seiour: Les songes, les Demons, la gresse & les orages, Y facent à iamais leurs venteux hostelages, Qu'il n'y ait que Serpens, qu'Orfrayes & corbeaux, Huppes, & Chahuans, & les triftes oyseaux, Dont le vol gauche, & lent, & les diuins murmures Ne portent aux humains que finistres augures: Mais fur tout ie vous pry que dedans mon cercueil, Du costé de mon cœur, l'odeur de ce bel æil Soit mise en vn sachet, sous les toiles fatales Ouurage industrieux de ses mains liberales. Et vous supply Bergers, que vous preniez un don En memoire de moy, ma Loure à haut bourdon, Ma fleute, mon flageol, mon chien, ma panetiere, Et gardez que le nom de ma maistresse siere, Rour auoir bien aimé, ne soit mis au hasard Des traits enuenimez d'vn importun iafard: Mais qu'il vous soit sacré, chaste, sainct, honorable, Comme vous cognoissez que ie l'ay venerable, N'ayant tant de regret de me voir desseicher Mourant, que d'absenter cest œil qui m'est si cher : Puis grauez au poinçon sur l'escorce voisine D'vn fresne bien choisi, ma mort & ma ruine, A fin qu'en bien croissant, croisse & s'en fle toufiours L'immortel souuenir de mes chastes amours.

Cy gift le bon Perot en sa crespe iouuence, Qui receut plus de bien qu'il n'eut onc d'esperance, Mais le trop, luy sist perdre & le sens, & l'odeur De sauourer l'Amour qui le mist en sureur, La Fureur à la mort, & la mort sous la terre, Qui dessous ces halliers son pauure corps enserre.

IANOT.

Retirons-nous, Perot, le Soleil se retire.

PEROT.

Mais, las! sans retirer cest amoureux martyre Qui de sa violente & plus viue chaleur M'altere le poulmon, & m'eschausse le cœur.

Fin des moyens plus prompts, & charmes plus violents, sur la guarison d'Amour.

La lecture de ces plaisantes receptes, nous mist en la recherche de la cause de ce mal, disant que l'intemperature du corps, est la source & l'origine des passions, & perturbations de l'ame : la passion; alteration, & alienation des sens, cause que le desir & la volonté de l'esprit, perd sa legitime & naturelle action': & comme la temperature d'humeurs modere, & met au frein de la raison les promptes & violentes affections de l'esprit, tenant en bride les courses legeres de l'appetit desordonné, ainsi l'intemperature mortelle ennemie de l'vne & de l'autre santé, trouble les sens, allume vn feu de sedition dedans nous, qui fait, que fuyuant ceste affection corporelle, l'Esprit fouruoye & tombe en erreur. Et comme la violence d'Amour glifsant secretement dans nos veines, par l'obiect & par le rayon d'vn œil, assiege en fin le fort de la raison, & par consequent apporte d'estranges & dangereux changemens au corp3 : ainsi le corps affligé de maladie, communique son mal aux actions de l'esprit, le faisant participer de sa passion : de sorte que si le sangest pur & net, & la temperature de l'humeur iustement moderee, l'homme a l'esprit plus net, plus tranquille, & moins suget à se passionner de l'Amour. Conclusion, la source & l'origine de ce mal prouient de l'intemperature & abondance d'humeur, receuan

les violentes impressions d'vn obiect exterieur, laquelle humeur estant purgee, chasse & appaise la fureur de ceste passion amoureuse. Allongeant le fil de ces propos, nous entendons la voix d'vn pescheur sur les bords de la Marne, qui va bagnant de ses ondes repliees les murailles de ce iardin : il estoit appuyé du dos contre vn saule creux, espiant de l'œil le tremblement leger du liege de sa ligne deliee, amorcee d'vn moucheron, pour tromper l'innocence du poisson assamé, surpendu aux languettes de l'hameçon : il disoit des chansons sur la pescherie, & vous promets qu'il auoit esté fort bien nourry, de bonne grace, & de bonne nature, comme vous cognoistrez cy apres. Nous ayant descouuerts, il commence à chanter à pleine voix, comme s'il eust coniuré de nous donner plaisir.

LE PESCHEVR.

Gentille Pauureté secours de nostre vie, Nourrice des vertus, mere de l'industrie, Du manœuure artizan le fidelle entretien, Hostesse de l'honneur, exercice du bien, C'est toy, Dame, c'est toy qui de bonté naiue Nous fais viure contens: car ta grace inuentiue, Enfante les Soucis, les Soucis le Labeur, Le Labeur la Santé, & au front la sueur, La Sueur la Vertu, la Vertu la Noblesse, La Noblesse l'Honneur, & l'Honneur la Richesse. C'est toy Dame c'est toy, humaine qui te ris De l'orgueil des plus grands, que tu tiens à mespris: C'est toy Dame, c'est toy, qui donnes la science Aux hommes mal polis, faisant experience Des labeurs inuentez, sans laisser engourdis Les membres de paresse, & de somme estourdis Car du branle importun de ses ailes legeres

Secouant le sommeil de nos lentes paupieres, Tu dessilles nos yeux, puis les soucis mordans Nous rongent les costez, & de mouchons ardans Nous ventousent la peau, seulement pour l'enuie D'eschapper doucement les hasards de la vie.

Ce Pescheur toutessois, or que la pauureté
Le tallonnast de pres, s'estoit fort enreté
Dans le piege d'Amour: car ce doux seu s'amasse
Quelquesois sans esgard dedans une ame basse:
Il estoit amusé, pensis dessous le frais
D'un rocher cauerneux, & ie croy tout exprés
Pour faire sous l'horreur de ces voûtes moussues
Ses complaintes aux vents, & aux vagues bossues:
Pendant que ses silets, sa ligne, son harnois,
Se sechoyent estendus moites sur le grauois:
Attendant que le vent eust soussé sa colere,
Pour repousser en mer la barque poissonniere,
Et tendre ses engins, son trible, son tramail,
De ses doigts artisans l'ordinaire trauail.

Or les rochs d'un costé, aux pointes sourcilleuses, Faisoyent borne aux fureurs des vagues escumeuses, Et s'estoit retiré pour le stot violant,

Puis l'orage appaise alloit ainsi parlant.

Donques ma triste voix, mes sanglots, & mes plaintes Mes soupirs redoublez, & mes larmes non feintes, Iront auec les vents? ha trop cruel Destin!
Qui me pousse en fureur pour les yeux de Catin:
Me forçant d'embrasser ce qui plus m'est contraire,
Et ne puis, malheureux, le voyant m'en distraire.
It croy que cest archer, ce gentil descocheur,
Vestit pour me tromper le masque d'vn Pescheur:
Pour amorcer il prit les yeux de ma cruelle,
Les siche à l'ameçon, se mist en ma nacelle,
Et moy pauure chetif tirant pour le poisson
Ie deuore goulu la ligne & l'ameçon.
En prenant ie su pris, & depuis n'eu la force
De pouvoir degorger vne si douce amorce:
Depuis ie n'eu repos, car soudain la fureur

S'estance dans mes yeux, & deuale en mon cœur : Soudain ie fu surpris, & dedans la marine Ie desrobe ce feu, qui bruste ma poitrine.

Le ciel tranquille & beau, & les vagues de l'air S'accordent au repos des vagues de la mer : Les Thons, les Marsouins, les Dauphins, les Baleines. Dorment sur le sablon sans sentir les haleines Des Zephyrs appaisez, & semble que ceste eau Soit vn marbre poly, ou quelque grand tableau Entremesse d'azur, où les riues muettes N'entendirent iamais le iargon des Mouettes, Prophetes du fort temps, ny les noirs tourbillons Ne froncerent les eaux en humides fillons: L'Huitre dedans le creux de sa boiste emperlee Dort contre le rocher estroitement collee : Tout est tranquille & coy, fors que moy malheureux. Qui flotte à la merci de ces vents amoureux, Ma fortune pourtant n'a point d'autre asseurance, Que tout ce que ie fay, que tout ce que ie rense, Ingrate, te desplaist, & te vient à desdain.

Pour te faire plaisir ie chante, mais en vain,
Et ma voix seulement à ces rochers cogneue
S'enuolle auec les vents compagne de la nuë:
Si sçay-ie bien pourtant que plus grandes que toy
Et de meilleure part, tiendroyent conte de moy,
S'elles auoyent ballé sous la douce cadance
Des accens de ma voix: Ainsi la cognoissance
De ton amour me nuit, & serois bien heureux
S'onques ie n'eusse esté de Catin amoureux.

Ie tendrois maintenant quelque amorce fecrette
Pour prendre du poisson voguant en ma barquette,
Hachant & renuersant à grans coups d'auiron
La grand' plaine salee : errant à l'enuiron
De quelque vicille roche espiant la contree
Fertile de poisson, d'escaille & de maree,
Pour la porter en ville, & n'apporter ma main
Vuide dans ma maison, mais pesante d'airain.
Ie ferois maintenant de grands nasses d'esclisse

Et de saule & d'ofier, & de ionc qui se plisse, Ten feroy l'emboucheure estroite & longue, à sin D'y trouuer le turbot prisonnier au matin: De long poil de cheual ie ferois de la tresse, Où pendroient attachez la ligne tromperesse, Et le fer amorcé de trois cens ameçons, Pour desrober les nuies, & tromper les poissons: Ie lacerois des rets, attachant au cordage De ce bois qui dans l'eau legerement surnage, Et puis pour l'affondrer iusques dans le sablon Du plus creux de la mer, i'y lacerois du plon: Paurois toufiours chez moy mille ruses gentiles, Mille fortes d'appas, mille façons subtiles Pour faire des engins, des baches, du veruain, A fin de n'estre oisif & de chasser la fain : Toufiours serois en mer, pour tromper la fortune, Et butiner apres les troupes de Neptune: Bref, la chasse au poisson me seroit le plaisir Sur tous autres plaisirs que ie voudrois choisir: Mais, las! i'ay ce malheur, que plus ie me tourmente, Bannissant loin de moy ce qui plus me contente, Moins me prens à mercy, ainsi perdant le temps le ne te sers finon d'ombre & de passetemps. Qu'as-tu faict des presens que ie t'ay faits, cruelle? Où est ce fin coral & ceste pierre belle, Cest ambre, ce parfum, tant de perles de pris, Qu'en te moquant de moy, ingrate, tu as pris?

C'estoit donques pour toy, ail felon, plein d'enuie, Que i'ay dessus la mer, au hazard de ma vie, Cerché les plus beaux dons qu'on sçauroit souhaiter Pour emperler ton col & pour te contenter?

Mais puis que le cognoy que le ne puis complaire Sculement à tes yeux, Hà le me veux retraire Sous l'extreme rigueur des sous rirs d'Aquilon, Dessus la mer de glace, ou conter le sablon De la riue Erythree, & voir le peuple More, L'Afrique, la Libye, & plus auant encore Poulsé d'vne fureur, ou le me letteray

De la plus haute roche en mer, & me noiray: Seulement ie vous pry, ô Deitez sacrees, Qui douces habitez sous les ondes vitrees, Tombant receuez-moy, à fin qu'entre vos bras La cheute me soit douce, & douce le trespas. Nymphes ayez égard à ma peine soufferte, Palemon, Panopee, & Glauque & Melicerte, Ayez pitie de moy, & me caressez tous, Quand plongé dessous l'eau ie seray pres de vous. Possible quelque iour ceste roche vantee, Infame de ma mort, ne sera plus hantee : Et le sage nocher approchant ceste part Deflournant son vaisseau fera voile à l'escart. Ainsi se lamentoit ce Pescheur miserable, Imprimant ses regrets sur le mouuant du sable, Et n'eut point acheué si tost que dans les Cieux La courriere des nuits n'apparust à mes yeux.

Ie vous promets que ce gentil Pescheur nous donna tant de plaisir, & recita de si bonne grace ceste Eclogue passionnee, qu'il nous sit oublier & nos propos, & rompre nostre dessein, nous donnant hardiesse de l'accoster, & de nous informer de luy, & de sa fortune plus auant. Apres plusieurs discours, il nous conta comme il auoit esté autressois sur la mer, & qu'vn vieil Marinier Sicilien luy auoit appris le sujet de ceste complainte, auec vne infinité d'autres: nous luy sus fusmes tant importuns, qu'il nous sit ceste courtoisse d'en reciter vne autre à voix basse, de deux Mariniers pescheurs: & commence ainsi.

LES PESCHEVRS.

AV SEIGNEVR ANTOINE DE BAIF.

Deux Pescheurs amoureux retirez de fortune, Sous le creux d'vn rocher pour la vague importune,

Le tonnerre, l'esclair, & l'orage nouueau, Qui tous comme à l'enuy les battoient dessus l'eau, Lors que leurs compagnons espoinçonnez d'enuie De pescher du poisson, le secours de leur vie, Arrachoient d'ameçon, de ligne & d'esperuier Leur butin escaillé sautant sur le grauier : Se mettent en discours du temps & de leurs pertes, De mille cruautez en leurs amours souffertes. Hé! qu'est il en ce monde impossible à l'Amour? Ces deux pauures pescheurs, en ce peu de seiour, Ne perdent point le temps, mais privément ensemble Discourent du file qui si fort les assemble, Et des traits messagers & postes de ce Dieu, Qui iamais ne rougist pour se mettre en bas lieu. Ils se plaignent tous deux de leurs maistresses sieres, Laissant là creuasser leurs barques poissonnieres Aux haleines des vents, moifir leur attirail, Leurs nasses, leurs engins, & pourrir leur tramail, Sans daigner seulement se mettre en allaigresse De les tendre au Soleil, tant sont pleins de paresse, Et sans le souuenir, qui prouient de la faim, Y passeroient les nuicts insques au lendemain. L'vn s'appeloit Ianot, de nature gentile, Bon pescheur à la ligne, à chanter bien habile : L'autre auoit nom Thenot, ieune, frais & dispos, Qui commence premier à dire tels propos.

THEROT.

O faintes deitez, Deesses Nereides,
Qui douces habitez les campagnes humides,
Si vous nourristes onc en ce marin seiour
Ce seu prompt & subtil qui prouient de l'Amour,
Vierges departez moy de ces nouveautez rares,
Des perles, du coral, que les nochers auares
Vont souillant dans la mer, ou quelque autre butin
Pour slechir la rigueur des beaux yeux de Catin:
Ou si ces beaux presens n'ont pouvoir de l'attraire,
Trouvez ie vous supply, dans ce marin repaire,

Quelque nouvelle plante, ou quelque bonne odeur, Pour adoucir mon mal, & guarir ma douleur.

IAROT.

Protee, grand berger des campagnes vitrees
Des troupeaux escaillez, & des Nymphes sacrees,
La guide & le pasteur, escoute ceste fois,
Et me donnant secours enten ma triste voix.
Fay qu'Isabeau s'accorde à mes humbles prieres,
Ou ces rochers battus des vagues marinieres,
Comme moy malheureux d'vn martyre nouueau,
Seruiront à mes os de marque & de tombeau.

THENOT.

Comme vn esquif courrier volle d'ailes legeres
Soüefuement dessus l'eau quand les haleines fieres
Des vents impetueux ne la font escumer,
Et qu'on voit seulement le grand front de la mer
Se frizer doucement en petites fronceures
Sous les tiedes souspirs & les molles ensleures
Des Zephyrs tremblottans: Ainsi coulloient mes iours
Sous les douces faueurs du ciel & des Amours,
Lors que viuant heureux ma cruelle ennemie
Eschaussoit dans son cœur les soupirs de ma vie.

IANOT.

Depuis, ô cruauté! que son visage ami,
Se destournant de moy s'est fait mon ennemi,
Comme vn vaisseau batu & rebatu des ondes
Quand les vents mutinez des fondrieres prosondes
Poussent haut le sablon iusques au sil de l'eau,
Et troublent l'Ocean d'vn orage nouveau:
Tout ainsi i'ay vescu depuis que ma rebelle
Se monstre à mes desseins & sascheuse & cruelle,
Depuis qu'elle commence (ô trop fascheux esmoy
Qu'il faut que ie confesse) à se moquer de moy.

THENOT.

La Carpe & le Brochet habitent és riuieres, Les Saumons citadins des costes poissonnieres Reposent dans la mer, l'Ombre sur le grauois, L'Huitre contre le roc, les Cerfs dedans les bois : Et moy qui n'a repos tant seulement vne heure, Vagabond & seulet, sans adueu, sans demeure, l'erre autour de la porte où mon cœur fait seiour, Esclaue & prisonnier dans les rets de l'Amour.

IANOT.

l'ay la cadene au pié, & n'ay pour me conduire Pilote qu'vn enfant, qui pousse mon nauire A la mercy des vents, au golfe de la mort, Au lieu de le guider seurement à bon port.

THENOT.

La Perche aime l'eau douce, & les Thons la salee, Le Cancre les rochers, l'Anguille l'eau troublee: Et moy l'aime les yeux de Catin mon souci, Qui n'eut onques de moy ny pitié ny merci.

IANOT.

Sans ma gente Isabeau la riue sablonniere, La bâche, le veruain, la coste poissonniere, La ligne, l'ameçon, & bref rien ne me plaist, L'air & le poisson mesme, & la mer me desplaist.

THENOT.

Sans ma belle Catin, le gentil exercice
De tramer des filets & des engins d'esclisse,
De canne, de roseaux, enyurer le poisson,
Le prendre à l'espreuier, au seu, à l'ameçon,
Espier le temps propre à faire vne tendue
Aux bouches d'vne escluse, vne amorce espandue,
Ne me vient à plaisir : bres deux Astres iumeaux,
(0 puissance d'Amour!) me bannissent des eaux.

IANOT.

Le pescheur aime l'eau, la ligne, la nacelle, L'amorce, l'ameçon, & la pesche nouuelle : Et moy i'aime le sein, la bouche & le discours D'Isabeau, mon souci, ma grace & mes amours.

THENOT.

Le marinier a peur de la tempeste siere,
D'vn escueil, d'vn abord, d'vn rocher, d'vn corsaire:
Et moy de la colere & des yeux de Catin,
Qui me tire en l'erreur d'vn malheureux destin.
Ainsi se lamentoyent de leurs maistresses belles
Ces pescheurs amoureux aux tempestes cruelles,
N'ayans remede prompt pour vomir ce poison
Que parler de ce mal qui trouble la raison.

Ce Pescheur ayant acheué ce petit discours, descouure quelque changement de temps, qui commençoit à se couurir d'vn fort espais nuage, de sorte qu'il sembloit nous menacer de quelque pluye: toutessois apres auoir ietté l'œil au Ciel, & nous asseurant du contraire, nous dist, qu'il auoit autressois appris d'vn grand Marinier à faire iugement de tels presages, disant ce qui s'enfuit: prenant son commencement des signes & apparences celestes qu'on peut recognoistre au leuer & au coucher du Soleil, disant.

APPARENCES CELESTES DV SOLEIL.

Si vous auez besoin pour faire vn long voyage
D'vn iour tranquille & beau, il faut que son visage
Soit pur, net & poly, & qu'on n'y voye point
Vn trait tant seulement qui souille son beau teint:
Et que son cercle, alors que sa face nouuelle
Va redorant les champs de sa flamme immortelle,
Ne soit point marqueté de diverses couleurs,
Car ce sont du sort temps certains auant-coureurs.
Si de mesme parure à l'heure qu'on destie
Les toreaux sur le soir, sa face est embellie
De clarté pure & nette, & de gentille ardeur,

En se couchant ainst sans nue & sans noirceur, Espanchant sa clarté mollement temperee, La iournee ensuyu:nt te soit bien asseuree.

Mais c'est & pluye & vent quand son cercle essance Parois sur le matin caue, creux, ensoncé, Et que de son beau ches la tresseure dorce Rend ses rais mi-partis, les vns deuers Borce, Les autres vers le Nort, & que tant seulement Se monstre le milieu de son rond instement.

Regarde puis apres la face rayonnante
De ce Dieu flamboyant (fi la clarté brillante
A tout le moins permet de se voir à tes yeux)
Car elle est veritable, & son seu radieux
Iamais n'est mensonger, mais toute l'asseurance
Des eschanges du Ciel vient de sa cognoissance.

S'il est rouge en visage, & qu'il porte le teint D'incarnat, iaune & pers : ou comme lon voit peint Le repli d'vne nuë, alors qu'elle chemine, Haute esteue en l'air d'vne couleur sanguine : Ou que d'vn noir obscur il voile son stambeau, C'est signe tres-certain d'vne abondance d'eau.

S'il est rouge sans plus, c'est vn venteux orage, Mais si consusément il porte le visage Taché de rouge & noir, c'est augure tresseur De voir & pluye & vent peste-meste en sureur.

Si le Soleil fortant de sa couche doree, On se plongeant au soir dans la mer azuree Darde en pointe ses rais, ioints ensemble, & couplez, Et en vn mesme lieu ramassez & doublez.

Ou s'il est englouty de l'espaisse fumiere D'vn nuage enfumé: quand de la nuit premiere Il vient iusques au iour, & du iour iusqu'au soir, Tels iours ne courent point que lon ne voye choir Grande rauine d'eau sur les stancs de la terre.

Si deuant que ce Dieu la paupiere desserre, On voit sur le leuant le brouillas amassé D'vne petite nuë, & tost apres haulsé, Il monstre dans le ciel sa face coloree De beaucoup de couleurs, au dedans bigarree, Et ses rayons aussi, lors te faut asseurer Que la pluye à venir doit longuement durer.

Si son cercle au matin en croissant on voit naistre Et plus large & plus grand se faisant apparoistre, Puis comme languissant & rehaulsant son seu Il va rapetissant sa largeur peu à peu, Il porte le beau temps : mais alors qu'il deualle Dans le sein de Tethys, s'il a la couleur palle Et blesme sur le soir, c'est orage certain.

APPARANCES DE LA LVNE.

Voy dessous l'ombre espais de la Nuit claire & brune D'vn & d'autre coste les cornes de la Lune, Qui change fort souvent & de forme & de teint, Car Vesper de son ombre en cent façons la peint. Puis la face du temps la figure & la borne, Luy plantant sur le front & l'vne & l'autre corne Sur le troiseme iour sans plus, & sur le quart: Et selon qu'elle est peinte, alors elle depart Ces deux iours seulement par ces formes empraintes, Pour tout le mois entier, asseurances non feintes.

Si le troisieme iour elle estend son stambeau Delicat, pur & net, elle est pour le temps beau: Mais si le teint vermeil de sa sace nouuelle Deuient rouge & sanguin, c'est vn vent qu'elle appelle

Si le quatrieme iour vne lente espaisseur, Vne crasse, vn broüillas, vne espaisse grosseur Va couurant son visage, & par dedans les nuës Ses cornes va trainant rebouches & moussuës, Se ressentant encor du trois humide & lent, C'est de l'eau sort voisine, & bourasque de vent.

Si courant le troisieme on ne la voit panchee, Ny la corne en dedans crochue & rebouchee, Mais que des deux costez son croissant vniment Dresse sornichons au ciel également, Dés le soir tu verras vne tempeste siere De vents impetueux courir la nuit entiere.

Si le quatrieme iour on la voit tout ainfi
Droit esteue au Ciel, sans pancher le sourci,
C'est d'orage vn amas: mais si la haute corne
Se recourbe en dedans debile, lasche & morne,
Atten le vent Boré, s'elle croche en amont
C'est pour vn vent Austral que tels signes se sont.

Si d'un cercle arrondi peint de rouge teinture, Entierement par tout s'attache une ceinture A la troifieme Lune enuironnant ses bors, Il te faut esperer une tempeste alors: Et d'autant qu'elle est rouge & besucoup plus ardente, Elle en est plus cruelle & plus fort violente.

Quand d'vn visage plein au ciel va paroissant,
Ou quand elle est trenchee en son demi-croissant,
Et d'vne & d'autre part regarde sa lumiere:
Ou bien quand elle croiss en sa slamme premiere,
Et qu'vn nouueau croissant dresse son premier cours,
Ou lors qu'elle respand ses cornes en decours,
Puis quelle est sa couleur, car sa seule teinture
Donne de chasque mois certaine coniecture.

Son lustre clair & beau marque le temps serain, S'elle est rouge sans plus elle enseigne le train Et le chemin des vents : s'elle est brune & tachee, C'est de l'eau qui çà bas doit tost estre espanchee.

Or chasque iour du mois ne porte iugement,
Mais le troisieme iour, & le quart seulement
Iusqu'au nouueau croissant qu'on la voit mi-partie,
Et depuis ce croissant iusqu'à tant que remplie
On luy voye la face, & depuis ses pleins iours
Iusques au decroissant qui languist en decours.

Or le quatrieme iour fidellement te donne
De tout le mois courant cognoissance tres-bonne,
Et le troisseme aussi iusqu'au mois sinissant:
Si deux cernes ou trois d'vn voile brunissant
Ceignent entierement tout le rond de la Lune,
Il te faut asseurer qu'il doit naistre de l'vne
Vn grand vent, & de l'autre vn temps serain & clair:

Le vent de celle-là qui se froisse par l'air, Le temps serain & bean de celle en l'air semee, Oui languist peu à peu & s'escoule en fumee. Si deux tant seulement couronnent son beau front, C'est orage certain s'elle ne tient son rond, Et comme en ondoyant sa face est courbe & torte, C'est orage plus grand & tempeste plus forte: Et plus forte beaucoup si ce cerne est tout noir, Ou s'il se rompt par l'air, plus dure encor à voir : Donques tu cognoistras, soigneux, par la nuit brune Pour tout le mois entier les signes de la Lune. Puis quand la mer est trouble, escumeuse & enslee, Et qu'on entend de loin sur la gréue ensablee Murmurer vn long bruit, & le marin escueil Dressant la teste au ciel ronste & s'enste d'orgueil: Ou quand les hauts sommets des roches sourcilleuses S'animent à fifler des haleines venteuses, C'est presage asseuré d'orageux tourbillons.

Ou quand dessus le sec, ou les moittes sablons, En foulle de la mer retourne la Moüette, Et grosse de iargon de sa bouche caquette, Puis se reporte en mer, c'est vn figne de voir Tost upres sur les eaux vn grand vent esmouuoir. Ou quand par l'air serain contre les vents rebelles En troupe le Heron va desployant ses ailes, Quand le Canart sauuage & les oyseaux plongeons Frappent de l'aile en terre, ou au sommet des mons La nue devient longue, & de la blanche espine Des chardons herissez vole la laine sine Comme petit duuet, vieillesse de leurs sleurs, C'est signe tres-certain des plus grans vents suturs.

Ou quand la mer est sourde, & ses stoccons paroissent Surnageant ça & la, ou les nuaux se froissent Au plus chaud de l'Esté, & de foudre & d'esclair, De ceste part le vent se mutine par l'air:
De ceste part aussi, que par la nuit brunette
Des estoiles du ciel vne stamme se iette
Et s'escoule par l'air à longs sillons ardans,

Blanchissans par derriere, & sans fin se dardans:
Mais si les traits aigus de ces feux ordinaires
Tombent confusément l'vn à l'autre contraires,
Sans ordre se messant, de toutes parts le vent
Il te faut esperer : car il advient souvent
Qu'il varie au sousser, & ne peut-on cognoistre
Quelle part aux humains il se fait apparoistre.

Si d'Eure ou d'Aquilon l'esclair va s'eslançant De Note ou de Zephyr, le nocher pallissant Doit peindre double peur sur son triste visage, Tant le ciel & la mer luy vont forgeant d'orage: Car l'air par trop chargé alors veut espancher Vn deluge de pluye, & de foudre vn rocher.

Puis on voit quelquefois vne troupe de nuis S'entasser en roulant comme toisons chenuis, Messagers de la pluye, & l'air se va troublant, Quand l'arc qui ceint le Ciel son cercle va doublant.

Ou quand on voit autour d'vne estoile brillante Vn cerne fait en rond de couleur brunissante: Ou des marests bourbeux les oyseaux peinturez Sans repos se plonger dans les flots aqurez. Ou sur les bords d'un lac la legere arondelle Battre l'eau en vollant & du ventre & de l'ælle. Ou les peres germains des petits grenouillaux Sans tréue gazouiller la teste hors des eaux Sur la riue fangeuse, ô race miserable! La proye des serpens : ou d'vn chant lamentable, Le Hibou solitaire au matin s'atrister: Ou sur le haut riuage, en callant se planter La Corneille iasarde, arrivant la tempeste, Ou se bagner dans l'eau, & l'espaule & la teste : Ou quand mesme on la voit toute dans l'eau nouër Et d'un graue chanter en troupe s'enrouer. Mesme entre les troupeaux la Genisse beante Le musse vers le ciel, a senty l'eau coulante Tirant l'air embrouillé de ses larges naseaux, Et les sages fourmis de leurs petits caueaux Tost retirant leurs œufs, & la chenille errante,

Remy Belleau. - 11.

La chenille aux cent pieds contre les murs rampante, Seur tesmoin de la pluye: on voit mesme les vers, (Entrailles de la terre) errans & descouuers: Alors voit on aussi la Poule appriuoisee, Noble race des Coqs, d'une voix redoublee, Comme l'eau dessus l'eau distile, cacailler, Ou de son bec cornu son pennache espouiller.

Et quelquefois aussi & Corbeaux & Chouêttes
De la pluye future ont esté les prophetes,
Quand on les voit en troupe ensuire le chanter
D'vn Milan rauisseur, & de voix imiter,
Quand l'eau sentent rouler de la celeste voute,
Presque le bruit de l'eau, qui tombe goute à goute:
Ou quand plus grauement ils redoublent leurs voix,
Battant leur aile espesse: ou quand dessous les toits
Ou dessous les auuants la chouêtte legere
Se retire à couvert, ou l'Oye cazaniere
Va tremoussant de l'aile, ou sur le marbre mol
La Mouêtte en criant va redoublant son vol.

Donques celuy vrayment qui la pluye veut craindre Ne doit prendre à mespris de ces signes le moindre. Ou quand plus asprement on voit les moucherons Mordre iusques au sang, & de leurs piquerons Outrepasser la chair : ou par la nuit ombreuse Tout autour des nazeaux de la lampe nuiteuse Des petits potirons en grains s'amonceller : Ou comme en ondoyant la flamme sommeiller, Et souvent petiller, iettant s'es estincelles, Comme petits bouillons, & s'es flammes iumelles, Et ses rays languissans perdre force & vigueur.

Ou quand au plus serain, à l'ardante chaleur
On voit voller en haut vne troupe legere
De Canars insulans: la poisse cuifiniere,
Le chaudron, la marmitte, estinceler au seu,
Tu te dois asseurer qu'il se tarde bien peu
Que l'orage ne tombe: ou quand dessous la cendre
Le charbon slamboyant sait vne crousse tendre,
Semblable aux grains de Mil, tu pourras bien deuant

Prognostiquer l'orage, & la pluye & le vent. C'est un temps pur & beau, quand en troupe la Grue D'vn vol libre & dispos tient sa course estenduë: Mais c'est signe certain que l'orage s'ensuit Quand la vieille Corneille on oit chanter la nuit: Ou bien quand sur le soir à soudaine retraitte, Retournant du manger babille la Chouëtte, Ou le Pinçon fringotte au leuer du matin: Et bref quand les oy seaux pour l'orage mutin Fuyent loin de la mer, & la rouge gorgette, Et l'orchil, vont rentrant en leur creuse logette. Ou quand dessus le soir en troupe les Chouquars Bien grassement repeuz, se couchent babillars: Ou quand la blonde Auette en cent lieux marquetee Ne s'esloigne en paissant de sa voûte eclissee, Voifine de son miel & de ses pauillons: Ou quand la Gruë en l'air n'estend pas les sillons De son vol droitement, mais recule en arriere: On quand par le vent coy l'Aragne filandiere Rompt le fil de son crespe, & par l'air ne l'estend: Quand aux cendres le feu à grand'peine s'esprend, Ou que du lamperon la flamme est paresseuse, Espere ce iour là la tempeste orageuse.

Ce Pescheur nous ayant communiqué ces diuins presages, non content de nous auoir donné tant de plaisir, nous fait present d'vn papier, qu'il disoit auoir apporté d'vn voyage qu'il auoit fait sur mer, où estoyent viuement empreintes les larmes sur le trespas de son bon maistre & de sa bonne maistresse.

LARMES SVR LE TRESPAS DE MONSEIGNEVR RENÉ DE LORRAINE, Marquis d'Elbeuf,

THENOT, IANOT, BELLIN, Mariniers.

THENOT.

Vne tremblante peur tient mon ame saisse Et me caille le sang, onques iour de ma vie Ie ne vey tel orage, & semble à voir la mer Que le monde s'esbranle à sin de s'abysmer. Qu'en pensentu Ianot?

IANOT.

Le peril où nous fommes
Me fait desesperer de la race des hommes:
Ie ne voy que malheur, qu'vn air gros & fumeux,
Qu'vn trouble mutiné, qu'vn amas escumeux
Ply sur ply redoublé: ie ne voy qu'vn nuage,
Qu'vn tourbillon venteux, qu'vn noircissant orage
Courant, bruyant, sissant, dérobant de nos yeux
L'esperance de vie, & le iour & les cieux.

THENOT.

Ie ne voy que l'horreur d'vne fumiere espaisse,
Couurant de tous costez vne aboyante presse
De baraillons enstez, peste-meste estriuans
Sous les feux secouez des haleines des vents,
Hosses foudains & siers de ces roches armees
De tonnerre, d'esclair, & de grosses sumees:
Bres ie n'entens sinon les prophetes iargons
Des moüettes, des vents, & des vistes plongeons,
Qui d'vn vol gauche & prompt portent les aduentures
De quelque orage grand: car ces diuins augures
Ne monstrent dedans l'air, sur l'eau, ny sur le port,
Que les palles frayeurs d'vne image de mort.

IANOT.

On ne voit plus en rond à voutures doublees Les Dauphins s'esgayer sur les plaines salees, Ny les Tritons souslans en leurs cors esmaillez, Guider dessus les eaux les troupeaux escaillez.

THENOT.

Palemon, Panopee, & Glauque, & Melicerte, Sages, ont delaissé la grand'plaine deserte, Preuoyant ce desastre, & cuidant qu'en ceste eau Dieu voulust rebastir quelque monde nouueau: Car cest orage est tel, & la tourmente telle, Que iamais ail mortel n'en veit de si cruelle.

IAROT

Mais l'entreuoy Bellin, qui marche droit à nous, Il est triste en visage, & plombé de courroux, Morne, palle, & pensif, baissant l'ail contre terre Comme frapé de l'astre, ou d'vn coup de tonnerre: Il a quitté les rets, l'amorce & l'ameçon, La ligne, le veruain, la riue & le poisson, Et se va retirer en quelque antre sauuage, Pour pleurer sa fortune, & la finir son age. le le vay accoster. Bellin, approche toy: Que veut dire ce temps? tire nous hors d'esmoy.

BELLIN.

Ne vous estonnez point de ces diuins presages, Legers auantcoureurs des sinistres orages: Car c'est le iour satal, le iour trop malheureux Que l'on serre, ô malheur! le corps cheualeureux D'vn beau prince Lorrain dans la sosse poudreuse, Le seiour tenebreux de la Parque orgueilleuse, Des ombres, de la peur, & de pleur, & d'ennuis, Sous l'empire d'horreur, du sommeil, & des nuits. Qui vogant pour son Roy, & courant la fortune Sur le dos escumeux des sillons de Neptune, Comme vn simple forçat pour faire son dessain Enduroit le trauail, la sueur & la faim, Enduroit, genereux, le chaud & la froidure, Commandant sur la poupe, espiant l'auanture De combatre ou mourir, estimant à grand heur L'eschange de sa vie à ce beau nom d'honneur: Imitant ses ayeux, qui du ser de leur lance Grauerent dans le Ciel l'honneur & la vaillance, Ne forlignant en rien en tous astes guerriers, Et faits cheualeureux, dont ces preux Cheualiers Tous is us de sa race ont auancé leur gloire Iusqu'aux monts Palestins, marques de leur memoire.

THENOT.

Tesmoin en soit celuy qui braue se sit Roy Sur le peuple ennemy de Dieu & de la Loy, Ce vaillant conquereur qui rangea ses armees Sous les ombres captiss des Palmes Idumees.

IANOT.

Tesmoin en soit celuy qui du peuple mutin Fit rougir le sablon du riuage du Rhin, Et ce grand cheualier qui remist en franchise La liberté des Roys, du peuple & de l'Eglise, Qui sans estre vaincu, a tousiours eu cest heur Et viuant & mourant, de demeurer vainqueur.

THENOT.

Tesmoin en soit celuy qui à rames couplees
Hachant & renuersant les ondes empoulees
Dés sa ieunesse tendre, a si bien combatu,
Que les vents & les temps publiant sa vertu,
Diront que si la mort d'vne ialouse enuie
N'eus si tost retranché les beaux iours de sa vie
Qu'il rengeoit accablez sous sa vaillante main
Les plus forts ennemis du beau tige Lorrain.
Mais Dieu qui n'aime pas le sang ny la vengeance
A remis leur bon drost sous sa iuste balance,

Attendant que le temps, ministre à sa rigueur, Rabaisse leur orgueil, & dompte leur fureur. Diray-ie ce qu'il fit, prodigue de sa vie, En tous actes guerriers, seulement pour l'enuie D'honorer son renom de quelque belle mort? Alors qu'il afronta iusques dedans le port, Party de Malthe expres, enuiron la Diane Pour vaincre ou pour mourir, la troupe Rhodiane? Ordonnant tout ainfi dans ses vaisseaux coupler, Que le chef qui commande aux escadrons ailez Des mouchettes à miel, ce volant capitaine Aux ailerons dorez, qui partissant la peine Se fait craindre & seruir, aux vnes commandant De confire le miel, aux autres ce pendant Volant de fleur en fleur muffer en leurs cuissettes D'un petit bec larron les odeurs des fleurettes, Aux autres de reduire és pauillons croustez Le lambris cannellé de leurs palais voutez: Aux autres receuoir les fleurantes rapines De l'effain trauaillé, pour pendre en leurs cassines, Car fi toft qu'il les veid il range flanc à flanc Galeres en bataille & soldats ranc à ranc, Fait dresser les pauois contre les bataillolles, Fait recresper au vent bandiere & banderolles, Et les esclaues Turcs emmenoter soudain, Pour mettre mieux à chef son furieux dessain, Afin qu'il demeurast planté sur l'Acourcie, Braue pour commander, & raccourcir sa vie, Si besoin en estoit, ferme comme un rocher A l'abord d'un vaisseau, ou bien à l'accrocher, Met la flamme à l'anten', voit son artillerie, Puis proue contre proue en si grande furie Courent s'entreheurtant à force d'auirons, De rames & de bras, que les deux esperons Volerent hault en l'air en esclas & en poudre Hachez, froissez menu comme d'un coup de foudre. Ainfi que deux toreaux piquez de l'aiguillon D'une ialouse ardeur, pire que le fresson,

Courent fumant, muglant, & de force forcee
Se choquent front à front corne & teste baisse.
Puis ils viennent aux mains & à coups de canon
Il desrobe le mats, la poupe & le fanon,
Raze voiles & bancs, bancades & antene,
Apostis, & fougons iusques à la Carene,
Tout se voit descouvert, sans plus on voit voller
Testes, & tolopans, bras & iambes en l'air,
Sous la brune espaisseur d'une grosse fumee
Dont le Ciel se couvrit, & la mer animee
D'espouvantables cris, rouge & teinte de sang
Se trouble à l'environ, & rehausse le slanc.

Diray-ie ce qu'il fit, quand ces troupes cruelles L'eurent outré, nauré de cent playes mortelles, Comme estant demy-mort, il reprit tost le cœur, Et seul les soustenant, seul demeura vainqueur, Battant, frapant menu, tout ainst que la gresse Coup sur coup redoublé, qui hache o qui martelle Traistresse des robant dessous vn air serain, Du pauure laboureur l'esperance o le grain?

BELLIN.

Tesmoin en soit celuy qui de nouuelle playe Dueil sur dueil redoublé par son trespas essaye De me faire hayr la lumiere des cieux, Ou me noyer chetif au torrent de mes yeux, Mon maistre mon seigneur, le secours de ma vie, Que i'ay dans son tombeau pauuret enseuelie, Sans iamais esperer de pouvoir derechef Nourrir ce poil grison qui languist sur mon ches: Sans iamais esperer de trouuer telle place D'honneur ou de faueur : car si de quelque grace, De caresse, ou d'accueil l'homme se peut vanter, Ie pouuois à bon droit des grands me contenter. Mais, hà cruelle mort! hà mort cruelle & fiere! Qui ne loge' en ton cœur ny pitié ny priere, Ialouse de mon heur, d'vne traistresse main Tu nous as desrobé ce beau prince Lorrain,

Ce Marquis grand & fort, ieune, vaillant, adextre, Fust qu'il branslast à pie vne pique en sa dextre, Ou qu'il riquast les stancs à grands coups d'esperon, D'un cheual blanc d'ecume, ou à coups d'auiron Vogast en sa galere, ou donnast vne charge A l'abord d'un vaisseau, paré de sa grand'targe, Auancé d'un plein saut : car ainfi ie l'ay veu Rouge de feu gregeois & de lances à feu, Poudreux, noir, ensouffré, & couvert de fumee, Se lancer furieux contre la poupe armee Combatant peste-meste à bouche de canon, Pour aquerir d'honneur yn immortel renom. Tout ainfi qu'vn esclair qui passe & qui trauerse D'un feu prompt & subtil l'espesseur noire & perse D'un gros air mutiné coup sur coup foudroyant, Des traits de Iupiter les rochers poudroyant.

Que sit il tout ieunet pres des murs de Boulongne, Viuement animé des sureurs de Bellonne? Que sit il à Ranthi, quand marchant des premièrs Il força l'Espagnol de cent cheuaux legers? Se demessant ainsi d'vne presse guerriere, Qu'vn Sanglier arroqué dedans vne sondriere D'vne meute de chiens, escumant, herissant, Qui de hure & de dents se fait voye en poussant.

Que fit il genereux deffus la rive Angloife, Eftant faist Viceroy dedans l'isle Escossoise? Que fit il sur la Meuse, en Itale, en Piemont, Sur les rives du Tybre, & sur les bords du Tront?

Diray-ie de son cœur? & comme estant en selle Monté sur vn courcier aux murs de Ciuitelle Vn mousquet foudroya son cheual sous l'arçon? Et comme sans frayeur, ny changer de façon, Retourne au petit pas retrouuer sa tranchee? Comme la pique au poing & la teste panchee, Vn premier iour de May, il donnoit vn assaut Sans vn commandement qui le mist en defaut?

Diray-ie ses bontez, sa nature gentile, Sa saçon compagnable, & sa grace sacile?

Ses discours bien coupley, son gracieux accueil, Vne douceur naifue, & comme d'vn bon ail Il caressoit courtois les hommes remarquables Du beau nom de vertu, qui les rend venerables? Diray-ie les effects de son gentil esprit, Prompt, gaillard, inventif, & comment il apprit La musique, le bal, l'esperon, & l'escrime, A forger, à tourner, & conduire la lime, Pour n'estre en faction oifif, ou partisan, Imitant ce grand Dieu du monde l'artisan Qui iamais ne repose, ains tourne, pousse & guide Ce grand tour merueilleux qu'il retient sous sa bride? Ses plus grands passetemps estoient à s'exercer A ietter, à pousser, tirer, franchir, lancer La barre, le ballon, l'arc, le saut, & la pierre, Mais sur tous il aimoit & la chasse, & la guerre. A piquer les cheuaux, les moins faits, & plus forts, Nourrissant courageux dedans vn noble corps Vne ame genereuse, accorte, prompte, aimable, Sous vne maiesté doucement accostable. Bref vn grand cheualier vaillant & gracieux, S'est desrobé de nous pour aller dans les cieux : Où se riant il voit les passions humaines, Les troubles, les discors, les actions mondaines De ce siecle de fer, tenant place au milieu De ses freres germains, qui sont aupres de Dieu: Ayant marqué d'honneur leur race & leur memoire, Pour de la terre au ciel emporter la victoire, Car leur vaillante main, ny leurs temples guerriers N'ont conquesté sinon la faueur des Lauriers, Viue marque à iamais d'une gloire immortelle, Pour le sang genereux de ceste race belle, Digne de commander dans le ciel, & non pas De fouller ceste terre indigne de leurs pas. Car leurs rares vertus n'ont sceu si bien combatre

Car leurs rares vertus n'ont sceu si bien combatre Qu'ils ayent peu suir, rompre, vaincre, ou abbatre Le soupçon & la dent, la sureur, & l'essort Du poison de l'enuie, & de Mars, & de Mort. Ainst se lamentoyent aux vagues importunes
Ces trois pauures Pescheurs de leurs tristes fortunes,
N'ayant autre secours en ces nouveaux tourments,
Que semer leurs soupirs aux haleines des vents.

TOMBEAV DE MADAME LOYSE DE RIEUX, Marquise d'Elbeus.

Vierges Deeffes Nereides, Qui dessous les voûtes humides De ce grand bastiment venteux Auez de vos mains rousoyantes Essuyé les larmes roulantes Des viues sources de vos yeux, Lors que Thetis escheuelee, Sur le corps du fils de Pelee Deschirant son visage beau Fit ses complaintes dessous l'eau, Pleurez ceste bonne Princesse, Cefte Nymphe, cefte Deeffe, Qui a rendu sur vostre bord Les derniers souspirs de la mort. Et que la celeste rosee Dont ceste riue est arrosce Au mois de nos mois le plus doux, S'escoule en larmes emperlees, Et que les campagnes salees, Flots sur flots s'enflent de courroux. Puis que les flancs des roches dures, Et toutes vos ondes pariures Sentent l'eschange des Zephyrs En longues suittes de soupirs. Si que la memoire honteuse De ceste mort trop despiteuse Flotte de mer en mer, à fin De ne trouver ny bord ny fin.

Palemon, Glauque, Panopee, Fuyez ceste arene trempee D'vn desbord escumant de pleurs: Et vous à voiles & à rames Qui courez sur ces eaux infames. Fuyer & faites voile ailleurs, Puis que les fieres Destinees Derobant les douces annees De ceste princesse ont pris port Toutes ensemble sur ce bord: Et que les vens & les orages Soyent les hostes de ces rinages, Hostes indignes de loger Mesme le Barbare estranger. Ayant rauy la chaste stame De la plus noble & plus chere ame Qui iamais enrichit vn corps, Chere ame, qui maintenant erre, Sous les tenebres de la terre, Entre les images des morts. Suyuant de si pres à la trace, Son cher espoux, qu'en peu d'espace Se trouuent entre leurs ayeux Faits nouueaux citoyens des Cieux: Tant son amour fut violente Que trop longue luy fut l'attente De mourir, pour auoir cest heur Au ciel de suiure son Seigneur. Car le regret de son absence Luy trancha fi tost l'esperance De sa vie 💝 de son bon heur, Que soudain la douleur extreme, Sans confort finon de soymesme, Luy gela le sang & le cœur. Et comme la rose pourpree Fueille à fueille dessus la pree Batuë de pluye & de vent, Tombe flaitrie en un moment:

Ainsi cette Dame bien nee, Ceste princesse espoinconnee De violente affettion Mourut en ceste passion. Hå mort trop fiere & trop cruelle! Qui as rawy ceste ame belle, L'arrachant ainfi que la fleur, Qui dessous la pointe mordante Du soc, se renuerse mourante, Perdant la force & la couleur: Pour la conduire legere Ombre En ce Royaume noir & sombre, Et la guider sur les retours De ces grands marescages sours: Où les Parques inexorables Desfous leurs fuseaux imployables Tournent & devident les ans, Et les iours des pauures viuans. Passant par les forests obscures, Où les rivieres non pariures, S'en flent à hauts bouillons ardans, Où cent colonnes aimantines, Et cent portes diamantines Sont ouvertes à tous venans, Pour trouuer la terre embasmee Douce, qui sans estre entamee Du foc, ny du coutre trenchant, Va ses richesses espanchant. Où les Ombres sur les fleurettes, Au murmure des ondelettes, Heureusement trompent les temps Desfous les faueurs d'un Printemps. Pleurez donq' ceste ame gentille, Cefte ame courtoise & tranquille, Pleine d'amour & de bonté, Entre les petits compagnable. Entre les Princes venerable, Sous vne douce maiefté.

Oui d'vne voix foiblette & tendre Soupire encor dessous la cendre L'amour & les soucis cuisans Qu'elle auoit de ses deux enfans: Prince & Princesse dont la grace Porte les marques de sa race, Et les vertus dessus le front, Oui beaux & bien-heureux les font. Or viuez le precieux gage, Le riche & bien-heureux partage, Issu du beau tige Lorrain, Coufin de race & d'alliance A CHARLES, qui des sa naissance Porte le sceptre dans la main. Viuez, & en plus longues suittes Et en plus heureuses conduittes Tirez le filet de vos iours, A fin qu'ils ne vous soyent si cours, Mais que Dieu liberal vous donne Sous vne vieillesse grisonne Ceste faueur, en le suyuant, De sauourer l'heur en viuant. Et vous, ô ames genereuses, Viuez entre les bien-heureuses Couplez de ce mesme lien D'amour, qui durant vostre vie Nourrissoit vos cœurs sans enuie D'auoir iamais vn plus grand bien: Venez doncques bien affeurees Là haut és celeftes contrees, Et que la cendre de vos os Prenne en la fosse vn doux repos, Iusques au iour que la iustice Du grand Dieu bannira le vice Loing du Ciel, les bons triomphans De l'heur promis à ses enfans. Et vous, Nymfettes Prouençales Versez de vos mains liberales,

Sur le tombeau de ces deux corps, Des willets, des lys, & des roses Et toutes les odeurs escloses, Qui s'embasment dessus vos bords. Et souhaitez qu'à iamais tombe Sur le marbre de ceste tombe Le Sucre, la Manne, & le Miel, Douces faueurs de vostre ciel. Puis engrauez sur ceste roche L'ingrat & funeste reproche Des Parques, qui pres de ceste eau Mirent deux corps en un tombeau. Passant, icy dessous enclose En repos la cendre repose D'vne Princesse, dont le nom, La vertu, le sang & la race, L'honneur, la douceur, & la grace Viuront d'vn eternel renom, Qui de dueil aigrement saifie, Dedaignant soymesme & sa vie, Apres la mort de son seigneur Qu'elle auoit plus cher que son cœur, Ayma trop mieux mourir contente Le suyuant, que de viure absente, Honorant l'ombre de ses pas D'vn noble & bien heureux trespas.

Ces larmes ne furent pas recitees sans que tous n'en espandissions de nos yeux, meus à compassion, pour l'estrange mort de ces deux nobles personnages, & pour la perte de l'esperance de tant de pauures seruiteurs: ce qui nous sit souuenir du peu d'affeurance des choses qui sont en ce monde, estant affaisonné d'vne saulce consite de douceur & d'aigreur, de plaisir & de desplaissir. Partant de ce lieu, prenons congé de ce gentil pescheur, le priant nous venir trouuer sur l'heure du disner pour nous aider à tirer le fil de ce beau

iour. Ce pendant mon compagnon & moy retombons fur le dernier propos que nous auions tenu ensemblément, qui estoit des charmes & sorceleries d'amour, disant ce mien compagnon, que la douce rencontre de ce pescheur auoit esté occasion qu'il ne m'auoit monstré vne Eclogue d'vne sorciere: quoy disant me monstre vne fueille de papier, où estoit vne description d'hyuer, fort à propos, & vous promets que la lecture nous sut vn souuerain rafraichissement à la grande chaleur qui lors estoit en sa force, commençant ainsi.

L'HYVER.

AV SEIGNEVR ESTIENNE IODELLE. P.

L'Hyuer palle de froid, au poil aspre & rebours, Des fleuves languissants avoit bride le cours, La Bise commandoit sur les tristes campagnes, Les arbres sembloyent morts, le sommet des montagnes, Les rochers, & les bois, pour la froide saison Portoyent de neige espaisse une blanche toison: On ne voyoit finon les riues descouuertes Des marests paresseux, & les bordures vertes Des fontaines d'eau viue, & des coulans ruisseaux, Dedans les chesnes creux se mussoyent les oyseaux Le pié dedans la plume, & la famine dure Seule les tiroit hors pour chercher leur pasture. Les lingots distilez en pointes de glaçons Pendoyent aux bords des toits, l'onglee & les frissons, Mesme deuant le feu, de la troupe tremblante Tenoyent les doigts iarcez de froidure mordante: Bref, l'extreme rigueur de la morte saison Tenoit clos & couvert chacun en sa maison. En la nostre pourtant la petite mesgnie Ne se trouuoit iamais de paresse engourdie, Quelque temps que ce fust, chacun voulant choisir Quelque honneste labeur pour se donner plaisir:

Car si tost que l'oyseau à la creste pourpree
Reueilloit du matin la lumiere doree,
Vn chacun se leuoit: Collin ce bon cheurier
Bien nay pour le mesnage, & non moins bon ouurier
D'emboucher le stageol, encor que la vieillesse
Luy raccourcist le vent, d'une gente allaigresse
Commandoit à ses gens, aux uns d'auoir le soin
De donner aux taureaux de la paille & du soin,
Aux pourceaux de la soine, aux brebis camusettes
Des fueilles pour broûter, & des branches tendrettes:
Aux autres commandoit de faire des gluaux,
Des laçons, des silets, pour tromper les oyseaux,
D'équiper la charrue, & pour son attirage
Tresser du poil de cheure à faire du cordage.

De forte que chascun sçauoit son fait, tant pour le regard de la bouuerie, que pour la bergerie. Le foir venu, apres auoir soupé chacun reprenoit son ouurage. & trauailloit à l'entour d'vn grand feu, filles, garçons, tous pesse messe, soulageant leur trauail des chansons qu'ils disoyent, & des contes qu'ils faysoient l'vn apres l'autre. Ie vous en feray vn d'vne Sorciere, le plus gentil du monde, que nous fist Thenot, & vous sera à mon auis agreable, pour les charmes estranges qu'il disoit auoir veus & entendus, nous contant qu'vne fois allant à la recourse d'vne de ses brebis, que le loup luy auoit emportee, il auoit esté surpris de la nuict, & que s'estant esgaré dedans yn bois fort espais, & fort esloigné de gens, se trouua de maladuenture pres de la loge d'yne vieille, où la lumiere le guidoit, & où veritablement il se fust fait cognoistre, n'eust esté que par yn des pertuis de la porte, il la veid en furie, difant ces propos.

Tout cela qu'on peut voir me rend obeissance, l'abaisse des rochers la superbe arrogance, Et de leurs slancs cauez ie say saillir les eaux,

Remy Belleau, - Il.

Qui s'amaffent en lacs, & coulent en ruiffeaux. Le grand trouble escumeux de la mer se retire Honteux defous ma voix, les souspirs de Zephyre S'appaisent deuant moy : & me sont serviteurs Les vents, legers appas des marines fureurs. Ie rebouche l'acier, & l'audace des armes Couarde s'engourdist sous le vent de mes charmes. Les tigres, les lyons, les serpens esmaillez, Et le troupeau muet des poissons escaillez, Charmes & violens que leur puissance forte S'estend insques au ciel, & du ciel à la porte Où les triples abois d'une effroyable horseur Aux ombres de là bas donnent crainte & fraveur. Ie fay bien plus encor, car i'arrache la Lune Du ciel en terre basse, & si de couleur brune Elle porte le teint, ie le fais argentin, Iaune, paille-doré, ou de pourpre sanguin, Ainfi comme il me plaift, rendant serue & suiette Sa carriere à mes vers, & sa face brunette. Par mes charmes sorciers ie retarde le train Des cheuaux du Soleil, que ie mets sous le frain: l'arreste à contrepoil les coulantes rivieres, Le retire les morts du fond des cimetieres, Et les fay cheminer, leur rattachant des nerfs, Et des yeux empruntez par le chant de mes vers. Ie commande aux arrests des celestes lumieres, Et fay quand il me plaist par sigures sorcieres, Flots fur flots entassez les grands monts escumer, Et les Pins cheuelus reuerdir en la mer. Paltere, quand ie veux, la terre, & les herbages, Ie fay pleurer le marbre, & parler les images De bronze & de mesail, & serrer de la main Dans les temples voutez la sueur de l'airain. C'est moy qui fais partir des esclatantes nues, Le tonnerre ensoufré, & les toisons chenües, Qui farinent la terre, & les cheurons ardans, La gresse, le frimas sur les ailes des vens. L'oyant ainsi parler une frayeur soudaine,

Ce disoit et berger, me desrobbe l'halaine,
Vne froide sueur coule sur mes genoux
Qui me caille le sang, & me haste le poux.
Du pié insques au chef ie remire sa grace,
le contemple ses yeux, ie contemple sa face:
Tout le long de son dos ses cheueux en deux pars
Flottoyent malagencez de tous costez espars,
Dessous yn front ridé se monstroit l'ouverture
D'yn grand mil escraillé, frangé d'yne ceinture
Teinte en pourpre sanguin, comme il auient souvent
A l'entour de la Lune au leuer d'yn grand vent.
Elle auoit le nez court, la face pallissante,
D'escume & de courroux la leure blanchissante.

Puis fait vn cerne en terre auec les doits, se plante an milieu, iette sur des charbons ardans du souffre vierge, de l'hysope, de la ruë, & vne poignee de laine noire arrachee d'entre les cornes d'vne brebls qu'elle vouloit facrisser, puis se mouille les yeux & le visage du sang d'vn Hibou, à fin que les tenebres de la nuict, comme elle disoit, ne l'empeschaffent de voir, à fin aussi qu'elle ne se troublast, ou trouuast espouvantee de la diversité des figures estranges à l'invocation des esprits. Se met vne langue & vn œil de serpent dans le sein, se poudre le corps du cœur d'vn Lyon, seché aux rayons de la Lune, pour auoir commandement sur les serpens, sur les oyseaux, & sur toutes les bestes sauvages.

Puis ie la vey mordant d'vne pince enrouilles
Ses ongles tout craffeux, & toute escheuelee
S'oindre le corps de graisse, & de venim recuit,
Puis va parlant ainsi aux ombres de la nuist.
O Dieux qui commandez sous les noires contrees,
Dans le vague de l'air, sous les ondes vitrees,
Et toy Lune qui tiens dessous vn voile obscur
Tout ce monde renclos, le silence, & la peur,

Alors que pour auoir vos lumieres propices, L'on fait à vostre honneur des secrets sacrifices, Trouuez-vous en ce rond, & de charmes sorciers Auancez le galop à vos ieunes courfiers : Haster-vous ie vous pry, que ie pousse en furie De tout point ce cruel qui tient ma pauure vie, Serue de sa rigueur, & qui ne daigne pas Faire pour me cherir tant seulement un pas. Ie luy feray sentir la force de mes charmes, Ie le feray bruster tout vif dedans ses larmes De rage espoinçonné, l'estreignant de si pres Que s'il ne veut aimer il mourra tost apres. Et plustost on verra les courantes rivieres Trainer encontremont leurs humides carrieres. Ou le ciel auallé plus bas que n'est la mer, Faire place à la terre, & de flots escumer Que son ame ne bruste en sa froide poitrine, Comme dedans le feu brusle ceste refine.

Difant ces mots, elle iette de la poix refine dedans le feu, & en parfume vne image de cire vierge qu'elle tenoit en la main gauche. Ceste image estoit estroittement lacee par le col de trois cordons de laine, de couleurs differentes: puis tournant trois tours à l'entour du cerne, autant de fois elle piquoit ceste image, auec vne longue aiguille de cuiure, ensorcelee par la pointe, la part où deuoit estre le cœur en ceste cire, disant ces vers:

Tout ainst l'espoinçonne & traperce le cueur De ce cruel ingrat qui me met en fureur, L'estreignant aussi fort en l'amoureux martyre Qu'entre ces laqs courans l'estrains fort ceste cire.

Elle n'eut pas si tost acheué de murmurer ces mots entre ses dents, que ie voy la Lune changer de couleur, & peu à peu s'abaisser, se couurant de l'espaisseur d'yne nuë: brassant, ce me sembloit, vn orage dessus ceste logette, que ie vey peu apres assiegee de hurlemens & de cris espouuentables. Ce qui me sit retirer plus viste que le pas dedans ma petite cassine, surpris de fieure & de frayeur, pour l'estrange aduenture de ces charmes que ie vey tres volontiers, pour apprendre à mes compagnons de se garder de telles & si violentes passions.

Aimant trop mieux garder mes brebis camufettes, Sur la molle fraischeur des herbes nouuellettes, Que trauailler mon ame & la nuit & le iour Languissante à iamais sous les charmes d'Amour.

Voyla le doux fruit que nous recueillismes à la faueur de ceste fraische matinee : ayant pris nostre petit repas, discourant des plus grandes & plus souhaitables faueurs de l'Amour : nous disons que le baiser bien pris & bien donné, estoit veritablement vne des plus rares felicitez qui se pouvoit remarquer en ce plaisir, estant le vray refraischissement de l'ame passionnee & esprise de ce feu. Sur ce propos nous lisons des baisers, mais s'il se descouure en ces mignardises quelque trait dont les chastes oreilles se pourroyent sentir ofsensees : en cela, s'il leur plaist, ils accuseront les antiques Grecs & Romains, sur le patron desquels le tout a esté façonné & mis en œuure.

SVR LES BAISERS DE R. BELLEAV, S. DE SAINTE-MARTHE.

Ie vous baife, baifers, & dans vostre harmonie Ie gouste vne pareille ou plus grande douceur, Que n'estoit celle-là que goustoit vostre autheur, Quand il vous recueilloit és leures de s'amie. Mais ie desireroy que sa Muse accomplie
Nous chantast le doux bien de ce dernier bonheur,
Que cerche pour la sin de toute son ardeur
Quiconque au seu d'Amour bruste sa douce vie.
S'il a receu cet heur, il le doit bien vanter,
S'il ne l'a point receu, il ne peut contenter
Les sçauans en amours: car vous estes passage
A autre plus grand bien. Et selon mon aduis,
Qui vous a pris baisers, s'il n'a pris d'auantage,
Estoit digne de perdre encor ce qu'il a pris.

BAISERS DE R. BELLEAV

à Nicolas Hanequin, seig. du Fay.

Mouches qui massonnez les voûtes encirees
De vos palais dorez, & qui dés le matin
Volez de mont en mont pour esteurer le thyn,
Et suçoter des sleurs les odeurs sauourees:
Dressez vos ailerons sur les leures sucrees
De ma belle maistresse, & baisant son tetin
Sur sa bouche pillez le plus riche butin
Que vous chargeastes onc sur vos ailes dorees.
La trouuerez vn air embasmé de senteurs,
Vn lac comblé de miel, vne moisson d'odeurs:
Mais gardez-vous aussi des embuches cruelles.
Car de sa bouche il sort vn braster allumé,
Et de souspirs ardens vn escadron armé,
Et pource gardez-vous de n'y bruster vos ailes.

Quand te presse en baisant ta leure à petits mords, Vne part de mon ame est viuante en la tienne, Vne part de la tienne est viuante en la mienne, Et vn mesme souspir fait viure nos deux corps. Mais la tienne s'ennuye & cerche le dehors,

A fin de retrouwer sa demeure ancienne,
La mienne la veut suyure, & delaisse la sienne,
Ainsi pour vous ie suis viuant entre les morts.
Et si tu n'as au cœur quelque amoureuse enuie
De venir promptement au secours de ma vie,
Ie demeure sans poux, sans force & sans chaleur.
Baise moy donc, maistresse, & me sois secourable,
Aumoins pour ceste sois, d'un baiser fauorable,
Qui bien-heureux me sace en un si beau malheur.

Ce begayant parler, ce sous-ris amoureux,
Cet ail à demi-clos, ces blanchettes perlettes,
Ce coral souspirant, ces roses vermeillettes
Me font en vous baisant deuenir langoureux.
Puis versant doucement ce doux miel sauoureux,
Qui coule à petits stots de vos leures pourprettes
Sur ma langue qui sent les rencontres secrettes
Des pointes de la vostre, hé que ie suis heureux!
Ou soit que ie t'embrasse, ou soit que ie suçotte
Le petit bout moiteux de ta langue mignotte,
Qui vient en couleurant dedans moy s'estancer:
Ou soit que ie m'enyure en ton haleine douce,
Ie sens vne douceur qui me pousse & repousse,
Tirant mon ame à soy, & me fait trespasser.

Hà que l'aime à sentir les pointes serpentines
Errantes çà & là, de costé, de trauers,
D'une langue qui stotte entre les rancs ouvers,
De roses, de crystal, & de perlettes sines.
Hà! que l'aime à sucer ces paroles dinines,
Riches d'un beau langage & de propos divers:
Hà! que l'aime à baiser ces tetons descouvers,
Et voir ce poil frizé d'ondoyantes crespines.
Paime bien tout cela: mais sur tout ie me meurs,
Quand en baisant ie voy les poignantes ardeurs
De cet ail amoureus, qui du mien s'est fait maistre:

Quand en baifant ie tire vne moite liqueur, Quand en baifant i'afpire vne tiede chaleur Qui me rend malheureux, & me plaist bien de l'estre.

Quand ie baise tes yeux, ie sens de toutes parts
La steur de l'Oranger, la steur de l'Aubespine,
Le Thym, le Poulliot, & la Rose eglantine,
La Framboise, la Fraise, & les steurons de Mars:
Mais quand en me baisant douce tu me departs
Les sonspirs dérobez de ta blanche poitrine,
Le iarçon tremblottant de ta leure poupine,
Et l'air entre-coupé de petits mots mignars:
Ie quitte, dedaigneux, les tables plus friandes
De la bouche des Dieux, ie quitte leurs viandes,
Le Nestar, l'Ambrosse, & la Manne & le Miel:
Ie les quitte vrayment, & la troupe immortelle
Ores me commandast de manger aucc elle:
Car sans toy ie ne veux commander dans le Ciel.

Quand ie vay recueillant dessus tes leures douces Vn baiser moite & glout, Quant tu langue & la mienne à petites secousses Frayent bout contre bout, Cefte humeur devient glere, & se prend, & se caille, Pour faire vn petit corps, Ie le sens qui desia nuit & iour me trauaille De mille & mille morts: Le corps que ie conçoy en ces douces estreintes Est vn monstre nouveau. Car gros ie sens bouger en mes costes enceintes Vn ieune enfant oyseau, Ie sens des traits aigus, & des ailes bruyantes Qui me battent le flanc, Ie sens le bout d'vn arc & des flammes ardentes Qui m'eschauffent le sang.

Ie croy que c'est Amour, qui se germe en ma bouche De ceste douce humeur:
C'est lay, ie le sens bien, car il fait escarmouche Au rempart de mon cueur:
Et conçoy tout ainsi par ta bouche (ma vie)
Qu'on dit par le baiser
Sur le sable recuit des deserts de Libye
La Vipere s'enster.
Mais ie crains que ce Dieu cerchant nouuelle issue,
Au lieu de me guarir,
Ainsi que la Vipere, en naissant ne me tue,
Et me face mourir.

Ie n'en mentiray point, quand ce baiser ie pris
Sur les bords rougissans de ceste leure tendre,
Ie restay si transi que ie ne puis apprendre
De quels liens charmez furent lors mes esprits:
A-til point quelque feu qui m'ait le cœur esprits
Pour le faire bruster & le reduire en cendre?
Non, car ie sens vn froid dedans mon corps s'epandre,
Qui traistre & destoyal en baisant m'a surpris:
Est-ce point de ses yeux quelque ialouse enuie
Qui m'a de ses attraits ainsi l'ame rauie,
Et detrempé le cœur de l'aigreur que ie sens?
Ouy: car en sucottant le miel dessus sa bouche
I'ay veu, & m'en souvient, vne œillade farouche
Qui de ses traits aigus a dérobé mes sens.

Lors que pour vous baiser ie m'approche de vous, En souspirant, mon ame à secrettes emblees S'escoule hors de moy, sur vos leures comblees D'vn Nettar dont les Dieux mesme seroyent ialoux. Puis quand elle s'est peuë en ce breunage doux, Et la mienne & la vostre ensemble sont mestees, Tout aussi tost ie sens les sorces escoulees De mon corps assoibly qui demeure sans poux. Que feras-tu, chetif! qu'en dites-vous ma vie?

C'est par vostre douceur qu'elle a tousours suivie,

Que son corps est resté de ses membres perclus:

Hà! changez ce baiser: hà! changez-le, maistresse,

Changez-le, ou dans vos bras mon ame ie vous laise:

Non, ne le changez pas, mais ne m'en donnez plus.

Ha! ne me baisez plus, mignonne, ie me meurs,
Vostre langue à ce coup a mon ame rauie:
Adieu donques mon ame, adieu donques ma vie,
Ces souspirs de ma mort soyent les avant-coureurs.
Puis qu'il convient mourir entre tant de douceurs
Consites de nectar, de miel, & d'Ambrosie,
Mourez, l'enfant Amour à mourir vous convie:
Qui voudroit dedaigner ses tant douces faueurs?
Mais voyez, ie vous pry, la noble architecture
Et le marbre animé de vostre sepulture
Où serez pour iamais, c'est le temple d'vn Dien:
Ce n'est rien que coral, que blanchettes perlettes,
Que basme, que parfum, que roses vermeillettes,
Mon dieu qu'il est heureux qui meurt en si beau lieu!

Hà! doux baifer fils aifné de la Rose,
Qui déroba de la playe d'Adon
Le teint vermeil, & prit de Cupidon
Le doux parfum dans sa leure declose.
Hà! doux baiser, où la grace repose
De mon plaisir, baiser le seul brandon
Qui fit ardoir l'amoureuse Didon,
Lors qu'elle fut dans la cauerne enclose.
Ie sçay fort bien, que baiser ses beaux yeux
Est un plaisir qui n'appartient qu'aux Dieux:
Mais approcher ceste bouche divine
Ie ne sçay rien pour le consesser mieux,
Ou soit en terre, ou soit dedans les cieux,
Qu'on peut iuger d'un tel bien assez digne.

En m'esgayant vn soir sur le petit rinage
De mon sleune argentin, mon Desir, i'apperceu
Volleter dedans l'air deux petits traits de seu
Qui me sembloyent traisner quelque suitte d'orage.
Ie m'arreste tout court pour inger ce presage,
Sans me troubler en rien, ne me sentir esmeu:
Mais soudain ie les voy s'approcher peu d peu
Pour me couurir le chef, les yeux & le visage:
Puis entr'ouurant la bouche, & voulant m'esforcer
A sin d'auoir secours, ils viennent s'essancer
Au prosond de mon ame, où ils sont residence.
Alors ie senty bien que ces seux allumez
Esoyent de ma Catin les souspirs animez,
Dont elle auoit promis consoler mon absence.

Quand esperdu ie voy les beaux yeux de ma Dame, Ie ne voy rien çà bas que l'estime plus cher Que les baiser, les voir, & les pouvoir toucher, Et tirer de leurs rais quelque gentille slame. Quand ie voy son tetin, ie sens partir mon ame Errante çà & là, à sin de l'approcher: Quand ie voy son beau front ie deviens vn rocher, Et sous sa blanche main tout craintif ie me pasme. Mais quand ie sens de pres la celeste rosee Dessus le sin coral de sa leure arrosee, Et l'air de ses souspirs, ie demeure trans: Bien est vray que son ail en cent corps me transmue, Le tetin & la main, mais la bouche me tue, Et douce en la baisant me fait reviure aussi.

Hà! vous refuez, Catin, sus auant que lon vienne, Et d'un baiser doré qu'on tire doucement Mon ame chancelante, à sin que promptement Pur eschange gentil ie me paisse en la tienne. Sus donc embrasse moy, mignonne, qu'on me tienne La bouche sur la bouche, & la dent sur la dent, Puis l'entr'onurant vn peu, darde legerement Vn petit trait de bouche en poursuyuant la mienne. Tout ainsi que lon voit sur le Printemps nouueau, Dans le trou d'vn rocher le petit couleureau Suyure le moucheron de sa langue doublee: Puis me serre aussi fort que serrément se ioint L'Huitre dans son escaille: Ainsi l'ame se poind, Et fait dans nostre bouche vne douce messee.

Que ie te crains, Catin, car ce petit archer
Enfonçant l'autre iour son arc pres de l'oreille,
Tout aussi tost qu'il veit la beauté nompareille
De tes yeux languissans, ne peut onq descocher.
Il veid ta grace belle, il veid ton beau marcher,
Ta taille, ton tetin, & la rare merueille
Du corail souspirant de ta bouche vermeille,
Où soudain il s'eslance, à sin de s'y cacher.
Il la baise cent sois, & en cent mille sortes,
Parsumant ces baisers des odeurs que tu portes,
Iurant de n'adoucir tes cruelles rigueurs.
Et c'est pourquoy mon cœur, vous estes si cruelle,
Si dure, si sascheuse, & si douce & si belle,
Et pourquoy vostre bouche est si pleine d'odeurs.

N'est-ce grand cas qu'vn seul trait de ses yeux,
Vn seul mouuoir, vne seule estincelle
Me fait bruster d'vne stamme cruelle,
Et le bruster m'est doux & gracieux?
N'est-ce grand cas qu'vn crespe industrieux
A petis nœuds, vne blonde cordelle,
Me tient lié d'vne douce cautelle,
Et le lien m'est mal delicieux?
N'est-ce grand cas qu'vne bouche emperlee
En me baisant a mon ame assolee,
Et court apres en la voulant cherir,

Et me plaist fort de demeurer sans ame? Ainst m'est doux le bruster de sa stame, Estre en ses lags, & en baisant mourir.

Qui n'a veu quelquefois au leuer du Soleil,
Lors qu'il ramene au ciel sa charrette doree,
Vn beau matin de may, sur la rose pourpree
Vne fraische blancheur sous vn beau teint vermeil:
Vienne voir ma maistresse, alors que le sommeil
Luy tient les yeux fermez, abouche serree,
Il verra d'vn beau teint sa face coloree,
Qui n'a, qui n'eut onc au monde son pareil:
Il verra tout autour les Amours e les Graces,
Les faueurs, les rigueurs, les douceurs, les audaces,
Les faites, les remblottans dans ses crespes cheueux:
Mais lás! faites, ô dieux, s'autre que moy l'approche,
Que sa bouche ternisse, e devienne de roche,
Non, ne le faites pas: si faites, ie le veux.

Mais, las! où volez vous, belles blondes auetes,
Et trauaillez si loin vos crespes ailerons,
Pour suçoter le miel à petis becs larrons,
A sin de le musser en vos tendres cuissettes?
Venez auecques moy, venez, mes doucelettes,
Sur la bouche à madame, & de vos piquerons
Gardez bien d'offenser les deux riches tendrons,
Rougissans sur les bors de ses leures mollettes.
Plus ne vous faut chercher la steurante moisson
Sur les croupes d'Hymette, icy d'autre saçon
Emplirez en tout temps vos ruchettes escloses:
Car en sa bouche naist un printemps odoreux,
Vne fraische rose, un Zephyr amoureux,
Dont steurissent les lys, les œillets & les roses.

Venus voyant vn iour peintes en vn tableau Les leures de Catin, elle deuient honteuse, Baisse l'æil contre-bas, & toute vergongneuse
De pleurs trempe son voile & son visage beau.
Elle appelle son sils, & le ieune troupeau
Des Graces & des Ieux, & se plaint dedaigneuse
D'auoir eu des beautez la palme glorieuse,
Et se voir maintenant vaincue d'un pinceau.
Hà! peintre trop gentil, qui troubles la poitrine
De souspirs, & de pleurs les beaux yeux de Cyprine,
Sous le mort contresait de ces trompeux appas:
Et quoy? s'elle voyoit de la peinture viue
La bouche souspirante, & la grace naisue,
S'elle pouvoit mourir ne mourroit-elle pas?

Des mouchettes à miel les vnes vont aux seurs,
Les autres vont lechant les perlettes rosines
Des larmes de Narcisse, & les gommes Ambrines
A sin de les constre en celestes liqueurs:
Les vnes seulement y sont pour les honneurs,
Et pour y descharger les seurantes rapines
De l'essain trauaillé, & pendre en leurs cassines
Le lambris cannellé de cire & de senteurs.
Tout ainsi peut-on voir la Cyprine doree
Mesnager le butin en la bouche succree
De ma belle maistresse, à sin de l'embasmer:
Amour y fait le miel, les Graces le distilent
En humides baisers, puis les Zephyrs les pillent
Et en font des souspirs qui parsument nostre air

Mais que dois-ie esperer de toy, ma douce Amie?
Mais que dois-ie esperer de toy, mon cher souci
Quand ie ne puis auoir seulement le merci
De tirer vn baiser de ta bouche, ma Vie?
Ou si i'en tire vn seul, c'est qu'il te vient enuie
D'en caresser vn autre, & vrayment c'est ainst
Qu'on abuse aisement vn pauure cœur trans,
Des yeux traistres & sins d'yne douce ennemie.

Onques ie ne baisay tes leures ensucrees,
Que ie n'eusse tes yeux d'æillades esgarees,
Et de regards troublez coniurez contre moy,
Si tu es quelquesois en ta sace riante
Ce n'est que par acquit, ie n'y pers que l'attente:
Que puis-ie donc attendre ou esperer de toy?

Ie te coniure, Amour, par les traits que tu portes, Par le flambeau doré que tu tiens en ta main, Par le voile sacré qui couure ton beau sein, Ton visage, tes yeux, & tes ruses accortes. Ie te coniure, Amour, par les puissances fortes De ce grand Ciel ton pere, & par le ris humain De Cyprine ta mere, à dire le dessain De celle qui me tue en mille & mille sortes. Ie n'ay que desplaisir de son visage doux, Ie n'ay rien que plaisir de son aigre courroux, Et me baise tousours quand elle est en colere: S'elle est en son beau iour, ell' ne tourneroit pas, Fussé-ie Cupidon, ny les yeux, ny les pas: De telles passions que faut-il que l'espere?

Mon ame tu te pers, & t'enfuis esgaree

Sur la bouche vermeille à ma belle maistresse,

C'est là, ie le sçay bien : car elle est ton hossesse,

Et mieux en autre lieu ne peux estre asseurce:

Tu scais bien le chemin, estant fort coustumiere

D'y faire ta retraitte: & quoy? si la cruelle

Ne te vouloit loger, ny receuoir chez elle,

Te suyant, te chassant ainsi qu'vne estrangere?

Ie t'irois rechercher: mais vn corps qui n'est ioint

A l'ame, ne sent rien, & ne chemine point:

Mais ce qui reste encor de vis & d'amoureux,

Et deust il en mourir, iroit pour le sauuer:

Et crains qu'il ne se perde en la voulant trouuer,

Mais se'est sur ta bouche hé que ie suis heureux!

Hà ie vous tiens Catin, c'est vous que ie demande,
Fuyarde, dedaigneuse, est-ce donc la façon
De s'eschaper de moy? ha vous payrez rançon,
Vrayment vous la payrez auant que ie vous rende.
Ou me laissez becquer ceste amorce friande,
Ceste leure succree, ainsi que le poisson
Mordillant, fretillant autour de l'ameçon,
Deuore ses appas d'vne bouche gourmande.
Ie la veux becqueter, suçotter, engloutir,
Et si veux qu'elle sente, auant que de partir,
D'vn petit trait de dent l'attainte vengeresse:
Ha! vous pleurez mon cœur, si ne cuidois-ie pas,
Doucement enyuré entre si doux appas,
Non ie ne cuidois pas vous offenser, maistresse.

Ie puisse donc mourir promptement deuant toy, Catin, s'en te baisant ma pauure ame escoulee Entre les deux coraux de ta bouche emperlee, Presque n'a prins congé de son hoste & de moy. Ie puisse donc mourir, mon cœur, si ie ne croy Que vous ne reteniez mon ame ensorcelee, Car la vostre en baisant a fait vne meslee, A sin de la surprendre & la tirer à soy. Ie puisse donc mourir deuant vostre presence, Si ie sçay que ie fais, si ie sçay que ie pense, Tant ie suis enyuré d'amoureuses donceurs: Et si l'approche encor ceste bouche mignarde, A sin d'escarmoucher ceste langue suyarde, Ie puisse donc mourir s'en baisant ie ne meurs.

Ma fillette, ma sœur, mon cœur, ma ialousie,
Ma ioye, mon soucy, mon heur, & mon malheur,
De mon chaste vouloir & la perle, & la steur,
Qui porte en tes beaus yeus & ma mort & ma vie:
Ie languis, ie me meurs, si vous n'auez enuie
De me donner secours par la douce faueur

D'vn doux baiser, consit en la celeste humeur,
Qui coule en la pressant de ta bouche, m'amie.

Ie siniray mes iours, car i'ayme tant ces yeux,
Ces roses, ces æillets, ces sou-ris gracieux,
Et sur tout vostre sein, & vostre leure tendre:
Que si pour me guarir ie ne reçoy de vous
Vn humide baiser sous vn visage doux,
Vous verrez tost reduit mon pauure cœur en cendre.

Hà ie vous pry mes yeux, soyez moy si courtois

De me fournir de pleurs, n'espargnez la fontaine,
Qui ne tarist iamais de l'humeur de ma peine,
Soyez m'en liberaux, aumoins à ceste fois:

Ie sens vne douleur qui m'estoupe la voix,
Qui me glace le sang, & retient mon haleine,
Ie voy desia la mort-cruelle qui me meine,
Où les simples Bergers sont grans comme les Roys.
Ceste douleur me vient d'vne ialouse enuie,
Que i'ay de voir absent les graces de ma vie,
Auant que de mourir, & de baiser encor
L'yuoire blanchissant de sa chaste poitrine,
De voir ses yeux, sa main, & sa marche diuine,
Puis en baisant mourir dessus ses leures d'or.

Ie disois, ma Catin, mon Dieu que ie vous baise,
Ie ne veux rien de vous sinon le seul baiser,
C'est bien peu de faueur, mais il peut appaiser
L'ardeur qui me consomme en l'amoureuse braise.
Soudain vintes à moy, & moy ie tressaus d'aise,
Esperant ce bon heur de vous pouvoir baiser,
Et puis en vous baisant de pouvoir deuiser
Du doux mal qui me plaist, & me tient en malaise.
Mais, las! que sistes-vous? vous vinstes seulement
D'un petit bout de leure approcher doucement
Les deux bords languissans de la mienne alteree:

Remy Belleau. - II.

Quoy? est-ce là baiser, dites moy mon Desir?
Non, mais c'est me laisser sous ombre d'vn plaisir,
Le regret importun d'vne ioye esperee.

Tout ainfi que l'on voit vne couple accouplee
De ieunes coulombeaux dessus vn ruisselet
Se baiser tour à tour, d'vn bec mignardelet,
Iargonnant, fretillant d'vne gorgette enslee:
Tout ainfi ie baisois ceste bouche emperlee,
Ces roses, ces œillets, ce coral vermeillet,
Tirant & repoussant vn souspir doucelet,
Dont sut presque mon ame en sa bouche essoussee.
Mais làs! on dit bien vray que l'amoureux plaisir
A tousiours à la queue vn nouveau desplaisir,
Car apres ce baiser vn à Dieu me contente:
Alors ie congneu bien que le bec compagnon
Souvent trompe en baisant le pigeonneau mignon,
Le repaissant en sin d'une trompeuse attente.

Ie meure, mon Desir, si ce parler accort,
Ce baiser moite & sec, ceste bouche enyuree
Des odeurs d'un printemps & de manne succree,
Ne m'ont fait en baisant compagnon de la mort.
Ie meure, mon Desir, s'ils n'ont rauy si fort
Et si fort trauaillé ma pauure ame alteree,
Que, folle de plaisir, elle suit esgaree
Cerchant à son mal-heur quelque heureux reconfort.
Ie meure, mon Desir, si ce baiser mignon,
Ce baiser moite & sec, ce baiser compagnon
De souspirs embasmez, ne rend tout ce qu'il emble,
Car s'il me succe l'ame, ou le sang ou l'humeur,
Soudain me la redonne, & me rend ma chaleur,
Et par un doux souspir tous ses larcins ensemble.

Si tu veux que ie meure entre tes bras, m'amie, Trousse l'escarlatin de ton beau pelisson, Puis me baise & me presse & nous entrelasson,
Comme autour des ormeaux le lierre se plie.
Desgrasse ce colet, m'amour, que ie manie
De ton sein blanchissant le petit mont besson:
Puis me baise & me presse, & me tien de saçon
Que le plaisir commun nous enyure, ma vie.
L'vn va cerchant la mort aux stanes d'vne muraille,
En escarmouche, en garde, en assaut, en bataille,
Pour acheter vn nom, qu'on surnomme l'honneur:
Mais moy ie veux mourir sur tes leures, maistresse,
C'est ma gloire, mon heur, mon thresor, ma richesse,
Car l'ay logé ma vie en ta bouche, mon Cœur.

Embrasse moy, mon Caur, baise moy ie t'en prie,
Presse moy, serre moy, à ce coup ie me meurs,
Mais ne me laisse pas en ces douces chaleurs,
Car c'est à ceste fois que ie te pers, ma vie.
Mon amy ie me meurs, & mon ame assouie
D'amour, de passions, de plaisirs, de douceurs,
S'ensuit, se perd, s'escoule, & va loger ailleurs,
Car ce baiser larron me l'a vrayment rauie.
Ie pasme, mon amy, mon amy ie suis morte:
Hé! ne me baisez plus, aumoins en ceste sorte,
C'est ta bouche, mon Caur, qui m'auance ma mort.
Ose-la donc, m'amour, oste-la, ie me pame,
Oste-la, mon amy, oste-la, ma chere ame,
Oo me laisse mourir en ce plaisant effort.

Ie vey, n'a pas long temps, le portrait si bien fait Et si bien retiré de ma sière aduenture, Son visage si beau, que la gente nature Pour y prendre plaisir en seroit vn plus lait. Ie vey ce front, ce poil si tres-bien contresait, Cest œil si bien rendu, qu'en sa morte pointure Il me faisoit trembler de sa seinte peinture, Ne luy restant que l'ame à sin d'estre parfait. Mais que m'en aduint-il? ô estrange infortune!

Pendant qu'en ce tableau sa bouche i'importune

De cent baisers mignards qui couvoyent en mon cœur:

Pendant que ie soussiois en mille & milles sortes

Et la glace & le feu, dessus ses leures mortes

Ie les vey r'amolir & changer de couleur.

Approche toy, Catin, & me baife en la bouche,
Approche toy, m'amour, & vien aupres de moy,
Hé! feras tu toufiours & fans squoir pourquoy,
M'amour, à ton ami & cruelle & farouche?
Si l'amour que tu dois à ce beau nom te touche,
Ou si quelque pitié se loge dedans toy,
Approche toy, m'amour, autrement ie me voy
Seicher deuant tes yeux comme vne vieille souche.
Monstre moy donc, Catin, ces roses, ce crystal,
Que ie suce & resuce, & baise le coral
De ta leure succree: ainsi que la sansue
Qui se colle & se pend au iarret du pescheur,
Suce tant, qu'enyuree & de sans & d'humeur,
Tombe morte en suçant, & en viuant se tue.

Mon Dieu retirez vous, retirez vous friande
Dedans voßre rampart, sans plus liurer l'affaut
A ce pauure chetif, à qui le cœur defaut,
Et qui rien que la mort pour secours ne demande.
Il n'est ia de besoing que plus il se desende,
Ha! vous l'auez surprins, ouy traitresse en sursaut:
Et tellement surpris, que maintenant il faut
Que mort sur vostre bouche, en vous baisant se rende.
Mais auant que mourir, ie te suppli mon cœur
Verse encor vn petit de la douce liqueur
Qui s'escoule en pressant de ta leure iumelle:
Puis me donne vn sous pir, & darde doucement
Vn petit trait de langue assez legerement,
Ainsi mourant, ma mort ne peut estre que belle.

N'oyant plus les discours, discourus chastement,
De mon chaste desir, ne voyant plus sa grace,
Ne baisant plus sa main, sa bouche ny sa face,
Ie deviens sourd, muet, & pers le sentiment.
Moy-mesme ie me perds, cerchant allegement
Au mal qui me tourmente, & si ne trouve place,
Ruisseau, rive, canton, ny lieu qui ne me brasse
Mal-heur dessus mal-heur, & tourment sur tourment.
Donques estant banni de l'heureuse presence
De ma chaste Catin, l'ay perdu l'esperance
Qui douce m'allaistoit en si iuste devoir:
Las! l'ay bien plus perdu, car te perdant ma vie,
l'ay perdu, mal-heureux, par ne sçay quelle envie,
Le parler, le sentir, le toucher & le voir.

VERS SENAIRES IAMBIQUES.

Quand fur ta leure douce à plat ie vay suçant L'ambrosine douceer qui mon ame empoisonne, Au ciel ie pense estre fait alors vn demy-Dieu, Ou quelque image plus diuin, si plus se peut. Mais ceste douceur tu detrampes si soudain De siel, & d'aigreur, & de poison si cruel, Que moy qui viuois comme Dieu, content & grand, Miserable, chetif, triste, pensis, langoureux, se deuiens: le pis est que ce mal m'entre si auant Au cœur, que mes sens, & le plus chaud de ma vie Vaincus de douleur, sont en estrange accident De mort, la sieure en moy secrettement coulant: Qui court desseichant & minant mon pauvre corps, Et tellement me poingt, que douce m'est la mort, Santé, fureur extreme, & l'aigre doux, amer.

O doux baifer colombin
Poupin, fucrin, tourterin,
Qui fur ces leures declofes
Vas prefottant, fleurotlant,

Mignottant, & Suçottant,
L'œillet, le lys, & les roses.
Ces menus souspirs larrons,
Ont tiré sur les sleurons
De sa bouche tendre & molle
Mon âme qui de plaisir
Soule, ne voudroit choisir
Autre lieu tant elle est folle.
Mais Baiser si tu voulois
M'arroser vne autre sois
De cette humeur familiere,
Ie suis seur qu'au gré d'Amour,
Bien tost serveure de retour
En sa demeure premiere.

3005

Laisseray-ie tes yeux, d'Amour la douce proye,

Ne butinant rien d'eux, qu'vne piqueure au stanc,
Comme cil qui nauré laisse perdre son sang,
Ne voulant furieux, qu'on luy bande sa playe?

Mais cherchant guarison si faut-il que l'esqaye
S'il est vray ce qu'on dit, que le coup se reprend
Retasté de l'autheur, & que l'Amour apprend
De Telephe, à guerir le mal, dont il nous paye.

Donques suyuant ta grace, humble & deuotieux,
Ie te donne, maistresse, & ma vie & mes yeux,
Imitant le Pasteur qui porte vne couronne
Pour mettre au front des dieux, haut en marbre esseués:
Mais se trouuant petit, la met deuant leurs piez,
Excusant son defaut d'vne volonté bonne.

Nauré de vos beaux yeux, ie traine languissant, Sec, estique, & perclus, les trames de ma vie, Et viuottant ainfi, ie n'ay pourtant enuie Mettre fin au malheur, qui me va punissant. Car la fieure me plaist, & me va guerissant

Le mal qui n'est santé, mais ce qui plus m'ennuye

Est le contentement, dont mon ame assouic

De son propre malheur se va tousiours paissant.

Sous les liens d'Amour ie trouue ma franchise,

En prison liberté: sous le seu qui s'attise

A l'entour de mon ame, vn refraichissement:

Ainsi le bon Socrate en ses malheurs extrêmes,

Ayant les fers aux piés, trouvoit sous ses fers mesmes

Pour statter son malheur vn doux chatouillement.

Vn feu prompt & subtil sort des yeux de Madame,
Qui m'altere le sang, & me rend surieux:
Vn crespe d'or frizé volle au tour de ses yeux,
Qui presse de cent nœuds estroittement mon ame.
O gracieux lien, ô doux seu qui m'enstame,
Par vos sainctes faueurs ie languis bien-heureux,
Et me plaist de languir en ces lags amoureux,
Et bruster échausté d'une si douce stame.
Mais si tu veux, mon Cueur, promptement appaiser
Ce seu gourmant & vis, il ne saut qu'un baiser,
Et non pas un baiser qui l'ame point ne touche,
Mais un baiser mignard, long, humide & succré:
Hà Dieux! ce seroit trop, estre en ce poil doré,
Bruster de ses beaux yeux, & iouir de sa bouche.

Autant que de vos yeux se poussent de regards,
Autant de traies aiguz s'ancrent dedans mon ame,
Et le moins aceré si tres-auant l'entame,
Que ie meurs en langueur, nauré de toutes pars.
Yeux trempez de rigueur & chastement mignars,
Yous auez de ce Dieu & les traies & la stamme,
Mais gardez vous aussi que vous mesme il n'enstamme,
Mirant en ce crystal, vos beuux rayons espars.

C'est vn dieu sin & caut, traistre & plein de vengeance, Si vous le desdaignez, gardez qu'il ne s'estance Luy-mesme dedans vous par ce miroir trompeur: Et que ce beau crystal ne soit ce crystal mesme, Dont Narcisse brustant de l'amour de soy-mesme, Eschangea son beau corps en vne belle steur.

Ainst que le berger voyant vn grand orage
Se brasser dedans l'air, retire son troupeau:
Ainst ie fuis le trouble, & le tourment nouueau
Où le desir me pousse, & l'amoureuse rage.
Mais tant plus ie le fuy, plus vn espais nuage
De pensers orageux me trouble le cerueau:
Plus ie cherche le port, plus mon fresse bateau
Retombe à la mercy d'vn impiteux naufrage.
Mais si par tes beaux yeux, ie recognois le port,
Et me puis retirer du peril de la mort,
Il n'y aura paroy, ny table où ie ne dresse,
Où ie n'engraue l'heur, la tréue & le repos
Que l'auray de l'amour, nourrissant dans mes os
Vn heureux souuenir de tes graces, maistresse.

Yeux, hostes de mon ame, & les gardes sidelles
D'Amour deualizé de slammes & de dards,
Mais maintenant armé des amoureux regards
Qu'il prend des feux ardans de vos chastes prunclles.
Yeux, où naissent d'Amour les viues estincelles
Qui font que ie languis, que ie seiche, & que i'ards.
O sauoureux baiser, ô bouche qui depars
Yne moisson de sleurs de tes leures iumelles!
O cheueux gredillez en menus crespillons,
Des Zephyrs gracieux les doux euantillons,
O Main le vray support & secours de ma vie!
Si ie puis quelque iour descouurir le thresor
Caché sous ses beaux yeux & sous ses tresses d'or,
Sur le Nestar des Dieux ie n'auray plus d'enuie.

Mon cœur s'alla camper dedans vos yeux, maistresse, Cuidant se remparer contre les traits d'Amour, Pauure mal-auisé qui choisit vn seiour Où depuis ne receut que malheur & destresse.

Il auoit pris ce lieu pour vne forteresse, Mais ce soldat rusé, tout ainsi qu'vn Autour L'empiete, le rauit, luy fait perdre le iour, Le tenant prisonnier sous sa main pilleresse.

Il prit donques mon cœur & ne le vistes pas, Ne sçachant que vos yeux consits de doux appas Le vindrent suborner iusques dedans mes costes:

Apprenez donc, maistresse, à loger la pitié, Apprenez à vos yeux n'yser de cruanté, Et qu'ils traittent, humains, plus doucement leurs hostes.

I'efiois aueugle, Amour, mal appris, mal adeftre,
Mais ton flambeau forcier me dessilla les yeux,
Me sit voir & sentir vn thresor precieux
De graces, que sans toy ie ne pouuois cognoistre.
Le thresor que ie vey, aussi toss me sit estre
Esueillé, prompt, accort, courtois & gracieux,
Ores plus ie le voy plus i'en suis amoureux,
Et ne puis, affamé, à souhait m'en repaistre.
Mais que me sert, Amour, d'auoir les yeux ouverts?
Plus ie voy, plus ie brusse, & plus sont descouverts
Les maux que ie reçoy, moins ce seu diminuë:
Plus ie vy d'esperance, & plus le desespoir
Retrenche mes pensers, que me sert donc le voir
Si le seu qui m'esclaire est celuy qui me tuë?

Tu m'as creué les yeux, ie le confesse, Amour, Et ta main delicate a sillé mes paupieres, Car depuis que ie vey les celesses lumieres De celle en qui ie vis, ie perdy le beau iour: Depuis dedans mon ame ont tousiours fait seiour L'esperance & la peur, & tes ailes courrieres, Ton voile, ton flambeau, & tes fleches meurdrieres
Mont trouble le cerueau, fait ignorant & fourd:
Chasse, ie te supply, chasse, Amour, ceste nue
Qui flotte sur mon ches & me couure la veuz,
C'est ton voile pipeur qui traistre me seduit:
Va en Gnide ou Paphon abuser l'innocence,
Toy qui remets les vieux en leur premiere enfance,
Et fais semblable à toy celuy qui plus te suit.

l'auois n'a pas long temps fait esclaue mon cueur Pour seruir les beautez d'vne gente maistresse, Esperant que le temps, l'amour & la caresse De mon loyal service, adoucist sa rigueur. En servant l'esperois : mais vn espoir trompeur Par vne douce amorce a pipé ma ieunesse, N'ayant en sin receu que travail & tristesse Pour toute recompense & toute autre faueur : Lassé de supporter ce trop sascheux martyre, Cerchant nouveau party, content ie me retire Sans plus rien esperer d'elle ny de ses yeux, Fuyant la cruauté de ceste siere amante, Ainsi que le Nocher sauvé de la tourmente, Se trouvant sur le port, suit les rocs escumeux.

Sur vn Chiffre, au seigneur de Nogent.

Le Chiffre à ce beau nom, que si souvent ie baise, Et pour qui i'ay voüé mon service loyal, N'est fait d'or ny d'argent, ny d'vn autre metal, Ny rougi sous le seu d'vne nouvelle braise: Amour l'a rebrasé dans sa vive sournaise Detrempé de mes pleurs & forgé de mon mal, Tiré de ce poil d'or & de ce sin coral, Qui rit sur vostre bouche & me tient à malaise. Donc si les pleurs sont miens & si le mal est mien, Si le poil d'or frisé & le coral est tien, Nous sommes de moitié en ce nouveau mestange: Maistresse, ie te pry, pren ce qui vient de moy, Et me laisse iouir de ce qui vient de toy, Tous deux sérons contens par ce nouvel eschange.

Le chiffre que voyez c'est vostre nom, maistresse,
Lacé dedans le mien à menus entre-las:
Pleust à Dieu que mon cœur retint entre ses las
Le vostre prisonnier d'vne aussi douce presse!
Ie ne serois ainst en ma tendre ieunesse
Charmé des traits d'Amour, ny de ses doux appas,
Ny roy de vostre cœur ie ne languirois pas
Sous le crespe doré de vostre blonde tresse.
Ie ne languirois pas sous le trait de vos yeux,
Qui m'ont dérobé l'ame & rendu furieux,
Esclaue pour iamais de vos graces, ma Dame:
Mais en portant ce Chissre où ne se cognoist rien,
Iustement par moitié, qui ne soit vostre ou mien,
Ie croy que sentirez vne part de ma stame.

Ayant gousté les douceurs de ces baisers, n'estant chiche des presens que les Muses luy auoyent departi liberalement, apres plusieurs discours des passions d'Amour, il nous a fait present de certaines petites chansons. La premiere commençoit ainsi.

A M. NICOLAS Secretaire du Roy.

Ha! mon Cœur, que ie vis heureux:
Maintenant que fuis amoureux:
Ha belle nuit entre les belles,
Si founent i'en auois de telles
Ie ne voudrois pas eftre Dieu!

Tantofi nous nous faschons ensemble, Tantost vn baiser nous rassemble Doucement: puis ce boutefeu Amour, entre deux bouches closes Inuente mille douces choses Pour nous en donner à choifir: Sa flamme n'estant paresseuse En la passion amoureuse D'allumer vn noaueau plaisir. Tantost nous luttons bras à bras Dessus le lit, entre les dras, Tantost nue me veut combatre Auecques son tetin d'albâtre, Me pressant le ventre & le flanc: Puis faisant tantost la farouche S'enfuit, me dresse vne escarmouche Et se couure d'vn linge blanc, Ou du drap, ou de sa chemise, Pour retarder mon entreprise, Et me fait retirer honteux, Ne voulant pas que le l'approche, Ferme tout ainfiqu'vne roche Encontre les flots écumeux. Comblé de plaifir ie m'endors, Elle aussi tost dessus les bords De mes leures se vient estendre, Moy sentant de sa bouche tendre Mille petits baifers mignards. Le bout de sa leure mignotte Couleurant qui flote & reflote Deçà, delà, de toutes parts: Ie meure, si mon ame attainte De trop de plaisir, n'est contrainte Laifer ce corps, puis sur son sein Panché tout transi ie souspire, Faisant figne qu'elle retire Sa bouche, ou ie mourrois soudain. Safrette que fait elle apres,

Quand ie dors elle approche pres, Leche ma paupiere fillee Du bout de sa langue moüillee, Et me fait entr'ounrir les veux: Puis se iettant sur moy, folastre, Ioint au mien son tetin d'albastre Bout à bout pour m'esueiller mieux. Mais combien de façons gaillardes, Combien de liaisons mignardes, Combien d'embrassemens nouveaux, Combien sur ses leures mollettes Fis-ie de morsures doüillettes, Et combien de baisers iumeaux? Plustost la terre auortera D'vn faux germe, & nous trompera, Et le Soleil plustost encores Gallopera de coursiers mores Par la grand' carriere des cieux: Plustost les steunes à leur source Tourneront leur humide course: Et plustost dans les chesnes vieux Le poisson fera sa demeure Ou'ailleurs qu'entre tes bras ie meure, Ne voulant vn plus doux lien, Qu'ailleurs ie transporte ma flame: Car vueille ou non vueille ma Dame, Vif & mort toufiours seray fien. Sus donc pendant que le beau iour Nous permet de faire l'amour, Soulons nos yeux des mignardises, Des faueurs, des douces franchises D'Amour, dérobons ce plaisir, Aussi bien la longue nuitee A grans pas s'auance haftee, Qui n'en donra pas le loisir: Vn iour poussé de ceste sorte Qui ces delices nous apporte Vaut mieux qu'vne montagne d'or,

Vaut trop mieux qu'vn fiecle d'annees Qui sans plaifir sont escoulees, Ny le sceptre des Rois encor. Hà! fi nous voulions dispenser Nos iours, pour ainfi les passer, Il n'y auroit ny nef armee, Guerre ny discorde semee, Trouble ny fer en nos citez: Le sang ny les flammes ciuiles Ne couleroyent dedans nos villes Entre les peuples irritez: Les corps naurez de mains meurtrieres Ne rouleroyent en nos riuieres, Ny la France ia par trois fois Aux piés honteusement foulee, Lasse courroit escheuelee Pour auoir de nouvelles loix.

Ceste chanson finie, nous discourons de la grande & violente chaleur de ce iour, ne pouuant trouuer refraischissement plus doux ny plus agreable que la lecture de ces diuerses inuentions: à propos ce Berger me monstra vne petite comparaison d'vn amoureux passionné de la cruauté de sa Dame & d'vne Cigale, auant-courriere des chaleurs, douce & gracieuse prophete de l'Esté.

LA CIGALE.

Du Latin de PASSERAT.

A luymesme.

Loin de la ville, estrangé de mes sens l'erre en ce bois champestre, Où nul tesmoin à mes soucis cuisans Ny iuge ne peut estre. Vne Cigale s'y plaint, Py feray donc ma complainte:
Possible qu'elle est attainte
Du mesme trait qui me poind,
Pendant que Pan sous quelque antre sauuage
Sur le mi-iour se retire à l'ombrage,

Sus donc auant, fouspire auecques moy
Ma liberté rauie,
De mesme corps nous sommes moy & toy
Et de semblable vie:
Tu n'as que la seule vois,
Et la seule voix me reste,
Et mesme douleur moleste
Nos membres secs comme bois.
Ta douce voix monstre l'air qui s'enstame,
Et la mienne est le tesmoin de ma stame.

Ie chante affez, & iamais ne respond
Ma sourde rigoureuse:
Auec le masle, hé! tu ne chantas onc,
Cigale dedaigneuse.
Tout mon boire & mon manger
Ce som pleurs: toy alteree,
Tu ne pais que de rosee
Pour faim & soif alleger.
Ton ail chancelle, & mon ame soruoye,
Tu es du Parthe, & moy d'Amour la proye.

Tu es sans bouche, & de bouche n'ay plus
Le parler ny l'vsage,
Lors que ie veux tout tremblant & perclus
Luy descouurir ma rage.
Aux champs l'ardente chaleur
De l'Esté doucement portes,
Mais dessus tes ailes fortes
Ne sens qu'vne seule ardeur:
Moy pour le seu de l'amoureux martyre
Et de Phebus, brusté ie me retire.

Or adieu donc feul honneur de ce bois,

Dame & royne puissante,

Corps eschangé du sang Laomedois,

Et l'image viuante.

Tousiours la manne & le miel,

Et ceste humeur emperlee

En larmes amoncelee

Pour toy distile du ciel.

Tousiours la mere à Memnon te caresse,

Taime, t'honore, ô douce chanteresse.

De mesme haleine, ce Berger nous recita l'Epitaphe d'vn petit chien, nommé Trauail.

EPITAPHE DE TRAVAIL.

AV SEIGNEVR DE LA CHARGVE.

Trauail, ie cognois à ceste heure Qu'il faut que toute chose meure, Et qu'il faut que d'vn mesme pas Nous courions ensemble au trespas: Il n'y a faueur ny caresse, Ny de Prince, ny de Princesse, Qui puisse retarder le cours Ny la vistesse de nos iours. Trauail qui passa ceste vie Et sans trauail & sans enuie: Trauail, libre de passion D'auarice & d'ambition : Trauail, qui d'humeur soucieuse, Ou d'autre opinion venteuse, lamais n'entreprist amoureux Trauailler son repos heureux, Deuoit-il pas estre deliure De la Parque, & doucement viure Sans vieillir? mais quoy? le Destin Nous fait naistre pour prendre sin.

Car alors que ie le veis estre Le seul fauori de son maistre, Potelé, graffet, en bon point, Prompt, gaillard, ie ne cuidois point Que si gentille creature Deust vieillir, & que la nature Dés la naissance l'auoit fait Exempt de mort & de son trait. Trauail auoit la taille belle, Seruiteur secret & fidelle De son maistre, s'il en fat onc : Trauail n'auoit pas le nez long, Il l'auoit court, longue l'oreille, Et s'il auoit, rare merueille, Le poil cendré, le poil tout gris, Gris argenté, gris de souris, Poli, net : & la gente beste Lors qu'elle sentoit malhonneste, Elle auoit bien le sentiment De n'approcher l'accoustrement De son maistre, ains tirant arriere Tout honteux se cachoit derriere Quelque coffre ou dessous le banc. Trauail n'eut onc foye ny sang Troublé de colere ou de rage, Trauail cognoissoit au visage, A la grace & à la façon La mine d'yn manuais garçon. Trauail auoit cent mignardises, Cent & cent ruses bien apprises Pour se monstrer humain à tous : Il estoit gracieux & doux, Mesmement à ceux que son maistre Vouloit pour amis recognoistre. Trauail cognoissoit les faueurs Qu'il deuoit mesme aux seruiteurs, Grande au grand, & au moindre moindre : Trauail scauoit flatter & poindre,

Remy Belleau. — II.

Trauail eftoit bon courtisan. Trauail n'estoit point partisan, Pour faire entreprise Secrette, Iamais ne fist qu'vne retraite. Qu'vn seruice & qu'vne maison, Trauail auoit de la raison, Trauail n'allois iamais au change. Et quoy? n'est-ce pas chose estrange Qu'il iugeoit de l'affestion Du maistre, & de sa passion? S'il anoit la face tranquille, Trauail ne l'auoit moins gentille, Ou s'il auoit le front chagrin, Trauail l'auoit trifte & mutin : Mais s'il auoit la face belle, Trauail d'vne douce cautelle, Par vn mignard allechement, Contrefaisoit ce changement, Puis de la queue & de la teste Le careffoit, luy faifoit fefte, Ainfi qu'en la prosperité Compagnon de l'aduerfité. Trauail faisoit la sentinelle

En court, & d'emprise fidelle
Gardoit la chambre, scachant bien
Qu'oisif il ne servoit de rien
A suiure le pas de son maistre:
Ailleurs onc ne le veit-on estre
Tant soit peu loing de son Seigneur
Tant luy fut loyal serniteur.
Tranail auoit l'haleine douce,
Tranail avoit ny toux, ny pousse,
Tranail auoit l'esprit gentil,
La dent blanche & le nez subtil,
Pour descouurir vne embuscade:
Tranail estoit sain & malade
Ainsi que son maistre l'estoit.
Tranail sur la nappe santoit

Hardiment, & pour faire prise
De quelque peu de friandise:
Car onques il ne fut gourmand,
Vray est qu'il fut vn peu friand,
Mais ce n'estoit que d'allaigresse
D'vne douce & tendre ieunesse.

Iamais Trauail ne fut en cours
Ny pour les Loups, ny pour les Ours,
Seulement la gentile beste
Se mettoit doucement en queste
Apres le petit oisillon:
Ou bien volant le papillon,
Le fresson, la guespe ou la mouche
Dresson gaillard son escarmouche.

Trauail ne fut iamais repris
D'auoir offensé la perdris
De son maistre, austi la mignonne
Cognoissant la volonté bonne
De Trauail, sans guerre & sans peur,
Viuoyent vnis de mesme cueur,
Tant il auoit de preuoyance
De bon sens & de congnoissance
D'aimer ce que son maistre aimoit,
Et de fuyr ce qu'il fuyoit.

Mais quoy? la vieillesse importune
A bien fait changer de fortune
A Trauail en deuenant vieux:
Trauail est maigre & chassieux,
Il tousse, il se plaint, il se gratte,
Et faut maintenant qu'on l'apasse
Pour soustenir son pauure corps:
Ses membres sont perclus & morts,
Ayant perdu en peu d'espace
La beauté, la force & la grace
Et l'honneur de son beau printems,
Tant forte est la pince des ans.
Or donc puis qu'il faut que la terre,
Trauail, ton petit corps enserre,

Encor que meritasses mieux
D'estre au ciel, que ce furieux
Ce chien tout brussant de colere,
Qui nous eschausse & nous altere,
Et qui de sieureuse chaleur
Nous trouble le sang & l'humeur:
Ie veux bastir ta sepulture,
Trauail, pour n'estre la pasture
Des loups gourmans ou des corbeaux,
Ou du peuple escaillé des eaux.

Ie veux Trauail qu'en ces lieux sombres, Tu n'ayes frayeur ny des ombres, Ny des Parques, ny de la voix Du portier aux triples aboix: Car ayanı choifi pour demeure Ce lieu tranquille, ie m'asseure Ou'en maison qui soit soubs les cieux Viuant ne pourrois estre mieux Ny mourant : car de main soigneuse Desfous une lame poudreuse, Pour dormir yn dernier relais On te logera pour imais, Où seront grauez à la gloire De Trauail & de sa memoire, Pour n'estre la proye des vers, Ni de l'oubli, ces petits vers. Cy gift Trauail, qui de son maistre

Fut aimé ce qu'il pouvoit estre,
Travail qui son bon maistre aimoit
Tant que maistre aimer se pouvoit,
Qui sans peur & sans ialouste,
Tira les trames de sa vie,
Et qui, lassé de viure plus,
Mourut de vieillesse perclus.

AV SEIGNEVR R. GARNIER.

Sortez amoureuses delices, Souspirs, baisers, douces malices, Sus auant sou-ris gracieux, Gayetez, & vous mignardises, Graces, faueurs, folles emprises, Sus sus auant loin de mes yeux, Sortez, Mignardes, ie vous prie, Laissez moy sain de la furie De ce cruel, qui si long temps A trauaillé mes ieunes ans, De ce Dieu sorcier, qui tourmente Les cœurs d'une trompeuse attente, Et qui par yn charme diuin Les enyure d'un doux venin. Venez à moy sage accointance, Honneur, chasteté, continence, Repos, modestie & Sante, Et toy verité qui aguettes D'vn mil vif les fautes secrettes D'Amour, rempli de cruauté: Et s'autre puissance divine Par herbes ou par medecine, Peut guarir vn pauure amoureux, Vienne à moy maintenant, heureux D'estre libre de la rudesse D'vne rude & fiere maistresse, N'ayant plus le titre d'honneur De ce beau nom de seruiteur. En vain vous retournez mignonnes Aigres douceurs & faueurs bonnes, Et vous, ô gracieux esmoy, Plaifirs, careffes attrayantes,

Souspirs, baisers, graces riantes, En vain vous retournez à moy, En vain ces beguayans murmures, Ce miel, ce fiel & les poinstures De ces traits aigus & legers Viennent à moy pour messagers: En vain certes vous prend enuie D'assieger cil qui vous defie, En vain vous assiegez le fort Qui peut soustenir vostre effort. Las pourquoy donc viens-tu estendre Tes bras mouls, & douce te rendre Desfus mon col, & descocher De ces yeux trompeurs qui me tuent Les traits ardans qui me transmuent Tout vif dans le corps d'vn rocher? Ne serre point les leures tiennes Si serrément contre les miennes, Ne serre point ce marbre blanc Si serrément contre mon flanc: Ie connoy tes ruses, Maistresse, Ce n'est plus à moy qu'on les dresse. Or'que l'Amour soit inventif Si ne suis-ie plus apprentif. Mais ie voy, làs! vne eau coulante D'vn roulle tremblottant fuyante De ses yeux escouller soudain: Ie voy vne pluye emperlee En petis pois amoncelee Bouillonner dessus son beau sein: Ie voy vn larmoyant orage A petis flots sur son visage Couller du torrent de ses yeux : I'enten ses souspirs furieux, Ses façons, ses iustes complaintes, Ses sanglots, ses larmes non feintes, Et tout ce que peut dire vn cueur, Outré & vaincu de douleur.

Que feray-ie moy miserable? Verray-ie cruel imployable Fondre cest wil qui m'est si cher? Seray-ie fort contre ses charmes Ses souspirs & ses chaudes larmes Qui me font deuenir rocher? Auray-ie pas un cœur de glace, Si froid ie regarde sa face Et ses beaux yeux sans l'esmouuoir A pitié pour la receuoir? Seray-ie si dur, si barbare Que voyant ceste beauté rare Ie ne puisse amollir mon caur Pour luy demeurer seruiteur? Non non forter fage accointance, Honneur, chasteté, continence, Repos, modestie & Santé, Et toy verité qui aguetes, D'vn ail vif les fautes secretes D'Amour plein de ma loyauté: Venez amoureuses delices Souspirs, baisers, douces malices, Graces, faueurs venez à moy, Accompagnez mon doux esmoy. Venez à moy, ie vous veux suiure Constant & refolu de viure, Et mourir fol 😻 furieux Doucement deffous ses beaux yeux.

Vers Sapphiques.

Comparable aux dieux l'homme peut se vanter, Qui se sied heureux vis à vis de tes yeux, Toit & voit de pres de naïue douceur Sou-rire & parler. Grace qui les sens me derobe, & qui fait Sauteler dedans moy & debatre mon ceur, T'ailladant ie meurs, & la voix s'acourcist Foible dedans moy.

Mes foupirs font lents, & ma langue d'vn froid Morne s'engourdiß, sabit vn petit feu Sous ma peau s'esprand, se repand, & prend cours Qui seche mon cœur.

Rien de mes yeux morts ie ne voy, que l'horreur D'une double nuit, mon oreille fans fin Tintoninne & bruit, la fueur de mon corps Froide s'epanchant.

Ie fremis tremblant, le frisson me saisss, Palle ie blesmis come l'herbe des champs, Sans chaleur, sans poux, d'amoureuse langueur Presque ie transs.

A SES YEVX.

AV SEIGNEVR DE MARMAIGNE.

Quand premiers vous me fiftes voir, O pauures yeux trop miserables, Ces beaux yeux aux astres semblables, Et tant de graces conceuoir, Et tant de beautez de Madame, Ce iour fut le commencement De mon aise 🗢 de mon tourment, Et la ruine de mon ame. Frapé du trait de ses esclairs, Transi tellement ie m'estonne, Que ie tremble, & que ie frissonne, Comme à petis branles legers Chancelle, tremble, tourne & vire, Parmy les verdissans rameaux, La cheuelure des ormeaux. Dessous les souspirs de Zephyre. Ia mon cœur bouillant tressailloit Pour aller droit à ma cruelle,

ļ

Et pour s'eschapper deuers elle De peur & d'aise sautelloit, Ains qu'au giron de la mere L'enfant branle ses petis bras, Entre les langes, & les draps, Pour se pendre au col de son pere. Ou comme les oyseaux petits En vain qui s'efforcent d'estendre Leur ailleron foiblet & tendre Pour voller & quitter leurs nids: Ou le poisson dedans la nasse Prisonnier, ou dans un bateau Se debat pour retrouver l'eau, Sautelant vif dessus la place. Quand la preuoyante raison De long temps ayant cognoissance De sa force, & de sa puissance, Se doutant de quelque traison Assiet mes yeux aux eschauguettes Dessus la porte de mon cœur, Pour sentinelle, & croy, de peur De quelques embusches secrettes. Mais, làs! mes yeux, sans nul effort Vaincus de douces mignardises, Ou de sommeil, ou de surprises, Vous auer rendu vostre fort: Vous auez trahy vostre maistre, Puis mon cœur est sorty dehors, Laissant vuide ce pauure corps De cela qui le faisoit estre. Si bien qu'il n'y a rien dedans A qui vous puissiez satisfaire, Pour pleurer il vous faut retraire A celle dont les yeux ardans Tiennent mon ame prisonniere Et mon cœur, puis vous la prirez De les rendre, & la flechirez Si pouuez, par humble priere.

Mais s'elle se va despisant
Contre vous, comme trop cruelle,
lettez vos rayons dessus elle,
Et la regardez tant & tant,
Qu'esblouis retourniez sans slame,
Aueugles & ne voyans rien,
Aussi vuides que le corps mien
Qu'elle a priué de cœur & d'ame.

AV SEIGNEVR D'HERVILLE.

Mais vien ça dy moy, Catherine, Lors que ta bouchette poupine Presse celle de ton amy, Lors que vos deux leures bessonnes, Bout contre bout frayent mignonnes Tenant les yeux clos à demy : Dy moy n'es tu pas l'amoureuse, En ce monde la plus heureuse: Dy moy, n'es tu pas l'amoureax En ce monde le plus heureux? Suçant à petites morsures Ces rondes & belles en flures, En recueillant dessus ses yeux Des baisers qui sentent trop mieux Que les parfums de l'Arabie, Que les odeurs de la Syrie, Et que tous les basmes encor Que souspirent les mignardises, Et les caresses mieux apprises De Venus à la treffe d'or? Puis dy moy, lors que tu reposes, Couché sur le coussin de roses De son beau ieune & tendre sein, Ouand bras à bras & bouche à bouche Elle te dreffe vne escarmouche, Embrassant ton col d'vne main:

Puis quand de l'autre elle manie, T'appellant sa grace & sa vie, Ton poil, tes temples & ton front, Te monstrant ses beautez, qui sont Le riche threfor que nature Cache en si belle creature. Apres cent desplaisans plaifirs, Apres cent & cent desplaifirs, Mille complaintes, mille larmes, Apres tant d'amoureux allarmes, Et que la plus rare douceur De l'yn 😎 de l'autre est coulee En ceste tant douce mestee. Voudrois-tu quelque plus grand heur? Voudrois-tu plus d'heur, plus de gloire, Que de mourir en la memoire D'vn fi doux & plaisant tourment: Dy moy, cest amoureux martyre Ne vaut-il pas mieux qu'vn Empire Qui tremble fous le changement? Puis dy moy, lors que tu te monstres Apres tant de douces rencontres, Tant de ioustes, tant de combas, Foible & recreu entre ses bras, Quand l'humeur lente & sommeilleuse Sur ta paupiere paresseuse, D'vn sommeil doux & gracieux Glissant, ferme & colle tes yeux: Songeant ne vois-tu pas encore Ceft wil brunet qui te deuore Et qui te repaist nuit & iour? Ne voy-tu pas sa face belle, Sa grace & sa leure iumelle, Et son poil où niche l'Amour? Viuez donc, ames amoureuses, Viney heureusement heureuses, Suyuans la douceur de ses Loix: Viuez, & ne portez enuie

Aux plus grans honneurs de la vie Ny des Empereurs, ny des Roys. Sus donc auant, qu'on s'entrebaise, A fin de rallumer la braise Et les plus secrettes chaleurs, Qui chaudes couvent en vos cœurs: Qu'estroittement on s'entrelasse Bras dessus bras, & qu'on embrasse Serrement cest yuoire blanc, Bouche sur bouche, & flanc sur flanc. Car fi toft que les Destinees Auront de nos ieunes annees Defrobbé le plus doux plaisir, Vn seul repentir de ieunesse Sera le remors en vieillesse Qui portera le desplaisir.

CHANSON.

M'Amour si ie suis noirette, Et si l'ay le teint noiret, L'ail brun, la face brunette, La gorge & le sein brunet, Le cheueu noir, la peau noire, Tout noir, hors la dent d'yuoire, Et le coural souspirant De ma bouchette pourpree, Qui d'vne haleine sucree Iroit les Dieux attirant: Faut-il pourtant que lon face Pour cela moindre ma grace? Et quoy, pour cela faut-il Que mes yeux ne sçachent poindre, Ou que l'amour en soit moindre, Ou mon esprit moins gentil? La nuict est sombre & noirette, Et dessus les astres beaux

Poste la Lune brunette Au galop sur les moreaux. Venus aime les nuits sombres, Les lieux recois, & les ombres Des taillis, & des forests, Au lieu le plus solitaire Fait sa retraitte ordinaire, Comme au fond d'vn antre frais. Y a il viue estincelle Qui ne vine en la prunelle Et aux rayons d'vn æil noir? Y a il puissance aucune D'Amour sous la couleur brune Qui ne soit gentille à voir? Le iugement de la Grece Sur la couleur des beaux yeux, Du sourcil & de la tresse Qui se frize à petis nœuds, Est-il pas pour la noirette Pour la saffrette brunette Dites ie vous pry, mon Cœur? Y a-til baiser au monde Plus fade que de la blonde, Et qui ait moins de douceur? Mais de la brune mignotte Y a-til tetin ou motte Ou plus ferme ou plus mignard? Port ou grace mieux seante Plus douce on plus attrayante, Ou maniment plus gaillard? Donques ie te pry, ma vie, Puis que ton cœur est à moy, Et que ton ame rauie Vit en moy, la mienne en toy, Donne moy la bouche tienne: Approche, voila la mienne, Succe & ressucce le bout De ma bouchette succree,

En te fleurant alteree
D'vn baifer humide & glout,
Gourmand, goulu qui deuore
Mon ame & ma vie encore
Qui l'attend dessus le bord
De la leure vermeillette
De ma saffrette branette
En qui l'ay tout mon support.

Ayant paracheué la lecture de ces chansons, nous montons au chasteau, où de bonne aduenture se faisoyent des nopces, qui fut occasion qu'estans desia esmeuz & eschaussez de l'ardeur du iour & de la poësie, nous chantons cest Epithalame François, qu'vn gentil Berger Lodunois tourna promptement en vers Latins, pour faire essay si les graces de nostre langue se pourroyent rendre en ce langage estranger.

EPITHALAME.

AV SEIGNEVR SCEVOLE DE SAINTE-MARTHE.

Vien çà bas Deeffe gentille,
Qui sous le creux d'vne coquille
Fis calmer les flots escumeux:
Et toy, ô Hymen Hymenee,
Chante la plus belle nuitee,
Qui iamais embrunit les cieux.
Et vous Nymphetes amoureuses,
Qui sur les riues sablonneuses
De la Marne au flot argentin,
Au soir sur le frais de la pree
D'vne cadance mesuree
Dansez d'vn mouuement poupin.
Chantez les graces immortelles,
Les vertus, les lumieres belles,

Chantez l'honneur de ce beau iour, Qui porte les plus saintes flames, Qui iamais brusterent deux ames Du chaste stambeau de l'Amour. Chantez la façon, & la grace, Et l'honneur vierge de sa face, Son front, sa bouche, & son ail doux: Puis chantez la douce nature, Les vertus & la nourriture De son ferme & loyal Espoux. Ie voy ia la nuist qui s'approche, Et ce beau Vesper qui descoche Ses trais parmi les aftres beaux, I'entreuoy sa coche azuree, Qui traine vne troupe doree Apres soy de petits flambeaux. Pren Amour & l'arc & la trouffe, Et au vent de ton aile douce Lance tes fleches dans leurs yeux, Pais deffus leurs leures pourprees Verse les odeurs ensucrees Du miel doux qui coule des cieux. Verse à ce beau iour ie t'en prie, Toas les parfums que l'Assyrie Nous donne pour benin secours. Et les bonnes senteurs encore, Qui se trouvent où la gent More Sans frizer a le poil rebours. Fay que leur chambre toute pleine Soit de thym & de Mariolaine. Et que les fillettes du ciel, Deffus leurs couchettes mollettes, Comme en leurs petites ruchettes, Vollent pour y faire le miel. Comme la vigne tendre & molle, Grimpant, se tortille & se colle A l'entour des ormes branchus: Ou comme l'importan lierre

Embrasse le chesne 🗢 le serre Auec ses petis doigts crochus. Ainst faut mollement s'estendre Tout à plat, sur sa bouche tendre, En pressant ces freres bessons, Ces tetons qui ne font que poindre, Puis s'entrelacer & se ioindre En mille gentilles façons. Estant en ces douces estraintes, Laisse cent morsures empraintes Desfus le beau marbre entaillé De son col, tant qu'il y demeure La marque, comme d'yne meure, Cheute dedans du laist caillé. Fay luy mille douces caresses, Baise ses yeux, baise les tresses Du crespe de ses beaux cheueux, Puis tout tremblant parle & fouspire, Comme au doux branle de Zephyre, Murmurent les Trambles poureux. Qu'on mesure l'eau des rivieres. Et grain à grain les sablonnieres Du haut riuage Erythrean, Les flambeaux de la nuit brunette, Et toute la troupe muette Da peaple qui court l'Ocean. Plustost que l'on sçache le conte Des plaisirs, que la douce honte Couure de cent mille douceurs, Couure de mille mignardises, De libertez, & de franchises, Qu'inuentent ses ieunes chaleurs. Comme la rose languissante Par vne chaleur violente Se fanit, se seche, & se cuit, N'ayant espoir qu'en la rosee Du ciel, à fin d'estre arrosee, Au frais de quelque douce nuit :

Ainfi la vierge grandelette Nourrist une stamme secrette, Qui luy bruste & seche le sang, Soupirant apres la soiree Qui la rend libre, & deliuree De la peur, qu'elle a sur le flanc. Lene toy donc lumiere belle, Montre nous ta face nouvelle, Darde nous tes chastes stambeaux, Defia le Soleil dedans l'onde A plongé sa perruque blonde, Et sa charette au fond des eaux. Vien dong Vesper, & ne retarde Cette bouche chaste & mignarde, Grosse & fertile de baisers: N'espargne ta flamme sacree, Et que ceste couple honoree Mette fin à ses doux pensers. Ainsi que les lauriers sans fueilles, Sans cire & Sans miel les abeilles, Auril Sans fleurs, Aoust Sans chaleur, La mer sans poissons & sans voiles, Et la nuit brune sans estoiles, Perdent leur grace & leur honneur. Tout ainsi le list pert sa grace, Si l'Amour n'y trouue sa place : Car c'est là, où ce dieu oyseau Coune, pond, & porte bechee A la ieune & tendre nichee, Qui se chauffe de son flambeau. Meslez donques, ames gentiles, Ces flammes, qui coulent subtiles Dans les os, comme au renouueau Le couleureau dans les fleurettes, Ou comme les troupes muettes Courent au fray par dessoubs l'eau. Puis fay que la paix y reside Amour, & ton feu soit leur guide

Romy Belleau. - II.

A tromper les iours & les nuits, Les brustant d'une mesme stamme, Si que tous deux ne soyent qu'une ame. Franche & libre de tous ennuis. Leur faisant aussi ceste grace, De bien toft honorer leur race D'vn bel enfant, en qui seront Les rares vertus des grands peres, Et qui portera des grand's meres Le chaste honneur desfus le front. Fay qu'vne vieillesse compagne Heureusement les accompagne Iusques aux leures du tombeau: Bref que ceste couple amoureuse Passe la riue tortueuse A mesme heure, en mesme batteau.

Las de chanter, nous faisons la retraitte au fies d'Haplaincourt, lieu propre pour prendre le frais, & pour se desalterer. En ceste grotte nous trouuons mille belles inscriptions latines & françoises, chiffres, deuises. Entre autres singularitez il y a deux fontaines de vin perpetuellement coulantes, & liberalement espandues en ceste noble maison: là nous trouuons grauez sous les piés de Bacchus ces petits vers.

LE SIFFLET.

AV SEIGNEVR D'HAPLAINCOVRT.

Siflet gentil secours de nostre vie,
Auale-soing, chasse-melancolie
Quand par ton bruit sans bouchon lon entend
Aussi soudain où le bon vin se vend:
Sistet, l'honneur de la troupe sacree

Des compagnons à la gorge alteree, C'est toy gentil par qui nous foupirons, Chantons, fousions, & par qui nous tirons De l'air voisin les donceurs de la vie, Et qui bousché l'ame nous est rauie.

C'est toy qui rens nos poulmons allumez D'vn esprit vif, qui les rend animez Par l'air enclos, qui dedans les arteres Guide & recuit les humeurs prisonnieres, Qui seicheroyent sans le mol esuentail De ce doux vent qui les poulse au trauail.

Par toy l'oiseau à la creste pourpree Au plus matin, lors que l'aube doree De ses beaux doigts entame le beau iour, Reueille ceux qui vont faire l'amour, Quand paresseux dedans le lit sommeillent Et sans lequel iamais ne se reueillent.

Par luy les daims & les cerfs bocagers, Biches, cheureuls, & fans aux piés legers, Sont poursuiuis d'une haleine alteree ...
Iusqu'aux abois & iusqu'à la curee.

Les chiens courans s'animent au fiffer, Et les troupeaux emplumez dedans l'ær. C'eft le fiftet qui rallie & rassemble De cent quartiers mille soldats ensemble: C'est le sisset qui fait que le forças Court à la rame & fend l'eau par compas : C'est luy qui fait les secrettes harangues, Et en fiftant qui fait plus que cent langues Ne feroyent pas, tant il est bien appris. C'est luy qui fait dessus le verd pourpris Pres d'un ruisseau à l'onde argentelette Sauter à bons la troupe camusette Des boucs barbus : & bref c'est le sisset Qui du sommeil esueille le valet. C'est le sisset qui ouure & qui reueille Par son haut bruit la paresseuse oreille D'un fin laquais, qui feroit le sourdant

S'il n'entendoit le fiflet prompt & haut De son seigneur. Et bres la terre ronde Et ce qui court escaillé dessous l'onde Tout ce qui bruit és campagnes de l'air, Comme les vens, s'animent au sifler: Et croy vrayment que ceste architesture N'est qu'vn siflet, & non pas d'Epicure Les petits corps qui tombent de trauers, Et se couplant sont ce grand vniuers.

Les Dieux au ciel, suiuant le bon Homere, Siffent bruyant, & ronflant de colere, Les vens esmeus siftent par ce grand ær, La foudre fiffle, & les Dieux de la mer, Et parmi l'air les troupes non mortelles Siftent volant & remuant les ailes, Les Cheure-piés, les Faunes & les Pans Siftent és bois & font bruire les champs. Les cours, les ports, les forests, les rinieres, Siffent courans en humides carrieres: Bref ici bas les hommes, les oiseaux, Et les poissons prisonniers sous les eaux, Sans le sisset au monde secourable Mourroyent soudain d'une mort miserable. Bref ce qui vit dessous le sirmament N'est qu'vn fifflet & rien qu'vn petit vent.

Donques, Sifleurs, compagnons de cet ordre, Viuez vnis en paix & sans desordre, Viuez heureux & beuuez à longs trais, Chaud en Hyuer, en Esté sous le frais, En seruant Dieu & gardant vos prouinces, Bons seruiteurs du Roy & de nos Princes: Tous resolus de perdre le siflet Plustost cent sois qu'endurer estre sait Trouble entre vous, & que la mesdisance Ne rompe point ceste douce alliance, Tous honorans & de bouche & de cueur De ce sisset le noble fondateur.

Sortis de ceste fraische & plaisante grotte, apres vne infinité de plaisans discours, le soir venu, voulant auec l'odeur de ce beau iour enseuelir nostre plaisir en la memoire de quelque douce sin, resolus de continuer la partie le iour suivant, & de nous trouuer ensemble à la fontaine Bersabee, ce gentil Pescheur nous sit present, auec le bon soir, des complaintes d'vne Nymphe sur le trespas d'vn gentil Berger: ensemble des amours de Dauid, pour en faire lecture le lendemain, & commencer auec le iour vne nou-uelle entresuitte de plaisir: toutessois retirez en nos chambres, ne pouvans nous garder de les esuenter, lisons l'vn & l'autre afsez legerement.

COMPLAINTE

D'VNE NYMPHE SVR LA MORT DE IOACHIN
DV BELLAY, ANGEVIN.

LA NYMPHE.

Pleurez, Nymphes, pleurez, & vous coustaux bossus, Prez, monts, iardins & steurs, vous antres moussus Accompagnez ma voix & ma iuste complainte:
Seine, retien tes pas, si que ton eau contrainte
Renforce de souspirs sous le marbre glissant
De ton peuple escaillé le mouvoir languissant.
Pleurez, Nymphes, pleurez, & portez la nouvelle
De la funebre nuit, so nuit trois sois cruelle,
Iusqu'aux stots escumeux des rives de la mer:
Puis les souspirs des vents le soussent parmi l'ar,
L'air le pleuve çà bas, pour pleurer la memoire
De l'honneur Angevin & des Nymphes de Loire.
Il est mort Du-Bellat, Du-Bellat que les Dieux
Auoyent transmis du ciel pour estre en ces bas lieux

Le mignon d'Apollon, & des Muses la grace, Et le plus rare honneur de son antique race: Las! il nous est rani, n'ayant parfait le cours Qu'à demi seulement du plus beau de ses iours.

Comme le laboureur d'vne esperance vaine S'attend à la moisson d'auoir sa grange pleine, Ne voyant seulement que les sillons couverts D'vne espaisse verdure, & de fourmens tous verds: Puis ne restant sinon la dent de la faucille, Vne gresse survient qui renuerse & qui pille, Qui froisse tuyau, & qui le plus souvent Emporte la moisson & l'esperance au vent: Lors trisse & tout honteux, l'ail bas, basse la teste, Va recueillant apres l'outrageuse tempesse Ce qui reste espandu çà & là grain à grain, Pour le mettre au grenier d'vne soigneuse main: Ainst nous a deceus l'attente tromperesse Que nous auions de luy pour sa docte ieunesse.

Ains, Pasteurs, cueillez & recueillez encor
Le reste de l'orage & le riche thresor
De ses vers doux-coulans, qui viuront d'âge en âge
Pendant que le François n'oublira son langage,
Et pendant qu'Apollon aura quelque souci
De l'honneur de ses Sœurs & de son Lut aussi:
Pendant qu'à stots ondez les coulantes rivieres
Dresseront dans la mer leurs humides carrieres.

Hà Loire trop heureux d'auoir dessus tes bords
Receu les doux accens & les granes accords
Du poulce Vandomois, & la touche argentine
Des fredons animez de la lyre Angeuine!
Or face maintenant la puissance des Dieux
Qu'ell' puisse accompagner celle qui luit aux cieux:
Et l'autre, or' qu'elle soit veusue de sa compagne,
Sans iamais s'engourdir que tousiours accompagne
La maiesé des Rois, enyurant le souci
Des Bergers attristez, de son trait adouci.

Pleurez, Nymphes, pleurez, & en pleurant à force De main & de poinçon, engrauez sur l'escorce De ces ormeaux fueillus ce desastré malheur, Tesmoins à l'aduenir de ma triste douleur.

Coupe tes blonds cheueux, Apollon, & desnuë
Les silets ordonnez de ta Lyre cornuë:
Redoublez vos sanglots, & versez larmes d'yeux
Satyres, Cheure-pies, Faunes, & demi-Dieux,
Nymphes aux beaux sourcils, Deesses Oreades
Abandonnez vos monts, & vous belles Naiades
Le crystal refrisé de la doux-coulante eau,
Et venez larmoyer autour de ce tombeau,
De ce tombeau muet, tombeau qui tient en serre
Ce que le Ciel gardoit de gentil sur la terre.

Et vous, Muses, troublez vos argentins ruisseaux, Et le parlant crystal de vos coulantes eaux, Puis de face honteuse & de bouche craintine Laschez la bride au dueil, haulsez la voix plaintine Iusqu'au ciel azuré, si que l'astre mutin Cognoisse son forfait, accusant le Destin D'anoir rani l'honneur de vostre bande heureuse, Pour estre le iouët de la Parque orgueilleuse: Lay qui par l'univers vostre nom espandoit, Et qui deuant les Rois immortel le rendoit.

Froisse ton arc, Amour, & à plumes pendantes Frappe ton estomach, tes sagettes bruyantes Languissant sur la corde, & ton ardant slambeau, La guide de ses yeux, soit guide à son tombeau.

Que de rayons dorez le sourci des montagnes Ne soit plus embelli, que les vertes campagnes D'un voile noir-obscur brunissant leurs couleurs Facent porter le ducil aux plus vermeilles sleurs : Vne eternelle nuit, une horreur solitaire Me soit le clair slambeau de la lampe ordinaire, Et mesme que les seux qui redorent les nuits Sillent mes yeux couvers d'une nue d'ennuis.

Que le fier estomach des roches plus hautaines Detrempe son orgueil aux plus humbles sontaines: Soit mortel l'Amaranthe, & de la Rose peint De brunette couleur, le pourpre & le beau teint. Qu'on oye des oiseaux les gorgettes sereines Ramollir en pitié les plus chaudes haleines Des Zephyrs animez au branle des cerceaux De leur dos enlacé dedans ces verds rameaux.

Double & double la voix, & les plaintes modestes Peintes dessus l'email de tes lettres funestes Hyacinthe, & te plaignant fay plaindre auecque toy Narcisse, en se mirant trop amoureux de soy. Qu'on n'entende par l'air que le chant de l'Orfraye, Au lieu d'espics crestez qu'il ne naisse qu'yuraye, Que des lauriers sacrez les cheueux verdoyans Estrangent leur couleur en Cyprés larmoyans, Comme des Lys froissez la teste blanchissante Se panche contre bas peu à peu languissante, Ou comme dans les prez à l'ardente chaleur On voit l'herbe fanir & perdre sa couleur.

La celefte rosee & la pluye menuë Qui tombe au mois d'Auril, en larmes se transmuë, Et les pipeaux moiteux des pasteurs attristez Soyent animez de plaints & de pleurs irritez.

Que le miel doucereux dans la ruche eclissee
Se detrempe en aigreur, & la steur amassee
Au leuer du Soleil, des fillettes du ciel
Ne se puisse confire en la douceur du miel.
Et bref que l'vniuers pleure ce saint Poète,
Qui n'est plus qu'ombre vain sous la cendre muette,
Rieh plus qu'vn masque feint, luy qui par l'vniuers
Nostre France honorant, faisoit bruire ses vers.

Sus donc larmes, sortez, sortez & faites place A mes souspirs enclos sous vne espaisse glace, Qui tient servé mon cœur & renglace mes os Sans donner à mes yeux ny tréue ny repos: Car à fin que ma playe immortelle apparoisse, Ie veux de iour en iour qu'en empirant accroisse. Or puisse donc ma vie estre eternelle, à fin Que ma triste langueur ne puisse prendre fin.

Entre les durs rochers Echo toute esploree Ne va plus imitant ta bouchette sacree: Les bois ne parlent plus, les passoureaux sont sours, Et leur pipeau muet qui chantoit les amours.

Iamais des Arondeaux la querelleuse troupe Ne mena fi grand dueil dessus la longue croupe Des sommets sourcilleux, ny plus de passions Dessus les bords marins n'eurent les Alcyons: Iamais pour douze enfans paffez au fil des armes Niobe ne ietta plus iustement des larmes, Larmes qu'on voit encor en vn marbre pleurant: Ny Priame d'Hestor pour l'auoir veu mourant, Ny l'oyseau de Memnon és secrettes valees De l'Orient perleux, à petites volces Qui se bat à l'entour d'vn malheureux cercueil Du fils Tithonien, ne mena si grand dueil, Que des compagnes seurs la troupe non mortelle Doit aigrement porter cefte playe cruelle, Despitant le malheur, le destin & le sort, Et la meurtriere main de l'importune mort.

A tant se teut la Nymphe, & toute escheuelee S'eslance dans la grotte en vn sond recelee, Tirant à longs souspirs de sa bouche vn helas, Qui la va poursainant & tallonnant ses pas Insque dedans le creux, où vieillir delibere A iamais de langueur, & d'ans, & de missere.

Lors Thoinet & Bellin tous deux la larme à l'ail, Tous deux noirs de souspirs, tous deux noyez en dueil A pas mornes & lents vont à l'vrne sacree, Et de creme & de vin & de manne succree, De roses & d'encens vont par sumant le lieu, Disant à leur amy vn eternel Adieu.

Mais pour trop souspirer ne se pouuant entendre, Entaillerent ces vers dessus l'escorce tendre De ces ieunes ormeaux, à fin qu'à l'aduenir En croissant, de ce mal croisse le souvenir.

Pasteurs, si quelque soin du devoir savorable Que devons au cercueil, touche encor les viuans, S'il reste quelque honneur aux ombres, dont les ans Ont laissé de leurs pas quelque marque honorable, Honorez ce Poete, & son nom & ses os:
Puis dites, A iamais de ceste noble cendre
Puisse couler le miel, son ombre puisse prendre
Dessous les Myrtes saints vn eternel repos:
Comme des passereaux la beante nichee
Qui perd sa mere aux champs, attendant la bechee,
D'vn iargon importun pour appaiser sa faim
Crie pour la reuoir, & la reclame en vain:
Ainsi ces deux bergers, d'vne face esperdue
Sont demeurez confus, & de voix espandue
Par l'air, vont redoublant Dv-bellax mille sois,
Et rien que Dv-bellax ne s'entend par les bois.

LES AMOVRS DE DAVID

ET DE BERSABEE.

AV SEIGNEVR DE LA PIERRE.

Desia ce petit Dieu de ses ailes complees
Auoit ramé du ciel les plaines estoilees,
Couru l'air & la mer, & ses seux descouvers
Se monstroyent peu à peu par ce grand vnivers:
Quand de ruze plus grande, & de course estancee
Plonge dessus les murs des villes de Iudee,
Tout ainsi qu'vn Faulcon aguettant son gibier
Ou mussé dedans l'eau, ou dedans vn herbier,
Ne monstrant que le bec, sond de roide secousse
Espiant d'vn mil vis le hazard qui le pousse.

Là trouue ce grand Roy maçonnant, bastissant De la sainte cité le mur qui va croissant, Il sçait que de Iessé & le sang & la race Doit perir vne sois, & tomber sous l'audace Des sorces de Satan, & soubs l'impieté, Ministres de sa proye & de sa cruauté.

Quoy? (dift ce petit Dieu) & ma flamme & ma force N'auroit elle pouvoir d'une friande amorce, Et d'un trait plus aign, de surprendre ce Roy, Et de le rendre esclaue aux rigueurs de ma loy? Retranchant son dessain & l'œuure encommencee Pour ce Dieu qu'il retient & loge en sa pensee? Moy qui d'un bras armé, des hommes le dompteur, Depuis le siecle d'or, suis demeuré vainqueur? Moy qui fis escouler, & deborder les ondes Des grans torrens du ciel, les versans vagabondes Sur les flancs de la terre, à fin de l'abysmer, Faisant flots dessus flots les hauts monts écumer? Moy à qui Semirame amoureuse gentille Honorant ma grandeur, dedia sa grand' ville Babillon la superbe, & ses murs les tesmoins De ma puissance forte, & des traits de mes mains? Moy cause que Sodome, & sa terre voifine Arse du feu du ciel, inventa sa raine? Et qui sis que les Grecs approcherent vaillans Mille vai feaux armez encontre les Troiens? Moy qui fis que Samson chevalier grand & brave Rendit force & fureur, honneur, & vie esclaue, Et ce long poil fatal à couper an cireau D'une maitreffe en fin qui le mist au tombeau? Moy donques (dist Amour) n'auray-ie la puissance D'esbranler de ma main, la royale constance Et le fort de son cueur? Aussi tost pert la vois, S'enuolle, prend son arc, sa fleche, son carquois, Son voile, son flambeau, & tremoussant les ailes Vient aborder, finet, les beautez immortelles De la femme au soldat qui porta malheureux Les lettres de sa mort, message avantureux.

Il voit donq Bersabee, au plus beau de son Age, Ores que sous le ioug d'vn chaste mariage Elle sust asservé : Il la voit en beauté Surpasser les beautez de toute la cité : Il voit le chaste honneur de son front venerable, Large, plain, & poli, sa grace incomparable, Le porsil de son nez iustement mesuré, sa taille, sa façon, son port bien asseuré,

Le coural soupirant de ses leures mollettes, Doublement remparé de moyennes perlettes, Les souspirs embasmer, les sou-ris gracieux, Et le rayon doré de l'esclair de ses yeux Flamboyant & brillant comme l'auant-courriere. Entr'ouurant du Soleil la moiteuse paupiere. Il voit de son beau col l'iuoire blanchissant, Mille floccons retors de son poil iaunissant. Vaguement égaré sur sa large poitrine : Ses deux bras gros & longs, & la rondeur marbrine De ses doigts allonger sur une blanche main, Le teint frais & vermeil, & la gorge & le sein Semer comme à l'enui & de lys & de roses. Il veit en ce beau corps mille beautez encloses, Mille sortes d'appas, de charmes & d'attraits, Suget propre à l'Amour pour employer ses traits.

La voyant, aussi tost se transforme & s'altere En vn corps fantastic, sans veine & sans artere, Sans foye, sans poulmon, sans tendons & sans chair, Inuisible, venteux, & de substance d'air.

Or' deçà, or' delà, d'une emprife secrette Ce fantosme d'Amour, espiant, eschanguette Bersabee, attendant le temps propre & le lieu Lors que dedans les yeux pourroit faire son ieu.

Donques l'ayant trouvé iette l'arc & la troufe, La fleche & le flambeau, puis de roide secousse Comme vn oiseau plongeon dans les flots escumeux Messager de l'orage il se lance en ses yeux.

Roüillez-voùs (dist-il lors) mes sagettes meurdrieres, Maintenant que ie tiens les poignantes lumieres De celle en qui ie veux ma puissance esprouuer: Ie ne veux plus de vous, ici ie veux trouuer Des traits mieux acerez & de meilleure pointe Que la vostre cent fois, & de plus viue atteinte. Les yeux seront mes traies, mes rets & mes sorciers, Mes charmes, mes appas, mes sidelles courriers: L'ombre de leurs sourcils en vosture panchee Sera mon arc vainqueur de l'ame non touchee

De ma douce fureur : Ie le feray sentir A ce Roy qui ne veut à mon vueil consentir. A tant se teut Amour. Elle aussi tost commence A sentir de ce Dieu la divine presence, Plus qu'elle ne souloit contregarde son teint. Commence à s'attiffer, à se tenir en point, Auoir la main polie, & la dent blanche & nette. La chauffe bien tiree, & la coiffe bien faitte, Tantoft va partissant ses cheueus en deux pars, Puis les laisse flotter, & vaguement espars, Ombrage son beau col, & son sein où les Graces, Les Amours, les atraits, & les douces fallaces Logent pour attirer & plonger en erreur Vn cueur fust-il de roche, ou de metal plus dur: Tantof en retroussant leurs tresses vagabondes Neu sur neu, ply sur ply, les fait cresper en ondes Sur le haut de la teste, en menus entrelas, Tantoft cache son sein d'un voille, & ne veut pas Qu'on le puisse entreuoir, quand souë suement il pousse Et repousse un soupir d'une cadence douce. Tantost le tient ouvert, desployant les thresors Que nature recelle en vn si noble corps: Tantost pare son col d'un ranc de perles fines, Contr'imitant le port, & les graces dinines De la chaste Iunon : Pauurete que le sort Attire doucement au peril de la mort : Ne sçachant que son hoste, en se riant, luy brasse Vn bien, sans desplaistr qui peu souuent se passe. Quelquefois s'égayant pour mieux prendre le frés Recherche les taillis & l'ombre des foréts, Se bagne, pour lauer sa peau tendre & douillette Dans le coulant secret de l'onde argentelette Qui sourt de son iardin, & sautelle à boüillons, Creusant une fontaine en cent petits surgeons

Iallifant, bondifant, dedans vne grand' cuue Toute de marbre blanc, où la Dame s'eftuue Et laue son beau corps, mais las! cefte fraischeur Ne pourroit de son ame attiedir la chaleur,

Ny de ce petit Dieu les flammes plus secrettes Qui tire de ses yeux mille & mille sagettes Aussi dru que la gresse, ou qu'au fort de l'hyuer S'esparpille la neige, alors que dedans l'ær Les vents vont esbranlant & secoüant les nües Grosses de noirs frimas, & de toisons chenües. Il tire donc au Roy, qui seul de son chasteau Contemploit amoureux ces beautez dedans l'eau, Où les voyant fut pris Dauid ce grand Prophete, Danid choifi de Dieu pour son dinin poëte, Son chantre, son guerrier, brane, vaillant, facond, Et qui en pieté n'eut iamais de second. Mais qui peut refister à la force indomtable De la main de ce Dieu qui n'a point de semblable? Il encorde son arc, il le courbe, il le tend, Met le doigt sur la corde, il enfonce, il attend, Puis d'un fiste bruyant il descoche, & la vire Vole droit dans ses yeux, tant instement il tire.

A ce coup la frayeur coula dedans les os De ce Roy qui fremit, brusle & perd le repos: Hà! Roy qui ne sçait pas que ce Dieu s'est fait maistre De son cœur, de ses yeux, pour s'y faire cognoistre: Des yeux, ce trait doré entra iusqu'au dedans Du foye & du poulmon, & de mouchons ardans Luy reschauffe le sang, & de nounelles peines Luy trouble le cerueau, recuit dedans ses veines Vn vlcere, vn venin, vn fen qui va bruslant Vn cour fust-il d'airain, tant il est violant: Plus n'a soucy de rien, la belle Bersabee Retient dedans ses yeux son cour & sa pensee, S'en est rendu captif, esclaue & serniteur, Elle Dame & Maistreffe, & Amour son seigneur: Ce qu'il fait, ce qu'il dit, & cela qu'il compose, N'est rien que de l'Amour, ne songe en autre chose. Pour sceptre dans la main il porte le flambeau, Qui luy donne la vie & le guide au tombeau, Pour sa lyre un carquois, & au lieu de couronne De ce bandeau fatal son beau chef enuironne,

Si que par ceste eschange, Amour est triomphant Du grand Roy de Iudee, & le Roy d'vn ensant. Il songe seulement les moyens & les ruses, Les charmes, les attraits, les fraudes, les excuses, Pour librement iouir de ces rares beautez, Qui tranaillent son cœur de mille cruautez.

Que fait doncques ce Roy? il la guigne, il l'appelle, Elle vient, il la baise, il discourt auec elle, Hé que ne sont les Rois! il la caresse encor De promesses, d'estats, & riches presens d'or, Bref elle deuient grosse, & son ventre commence A s'ensier peu à peu de Royale semence.

Or le fait plaist au Roy, se flatte en son plaisir, Il approuve sa faute, & puis se vient saisir D'vne nouuelle peur, il craint le vitupere, Et l'infame surnom d'estre dit adultere, Outre que le mari braue & vaillant guerrier Pour lors estoit absent, exerçant le mestier Des armes & de Mars, voulant pour sa patrie Espandre, liberal, & le sang, & la vie, Qui revient de la guerre au soudain mandement Du Roy qui luy commande à venir promptement. Arriue, dedaigneux, & chagrin, ne fait conte De femme, ny d'enfans, mais les laissant il monte Droit au palais Royal, où il trouue son Roy Morne, trifte, & penfif pour l'amoureux esmoy. Il s'enqueste en quel lieu ses troupes sont campees, Quelle part l'ennemi a ses forces rangees, Ce qu'il fait, ce qu'il brasse, on s'il est remparé, S'il branle, s'il a peur, ou s'il est asseuré: Vrie en ceste guerre armé pour sa Prouince Respond de points en points, & contente son Prince, Chetif, qui ne sçait pas, que le cruel Destin En le pipant luy forge une piteuse fin!

Or Danid s'apperçoit que le Soldat dedaigne Auoir à ses costez sa semme pour compagne, Le voyant paresser à son nouveau retour Sans vister les sens és troupes de la Cour, Que de femme & d'enfans la tant chere presence Ne l'esmouvoit en rien, tout aussi tost il pense Son crime descouvert, n'ayant autre recours Qu'à la force, des grands l'ordinaire secours.' Le Roy donc en erreur, soupçonneux, amoncelle Malheur dessus malheur, & d'emprise cruelle, Il machine la mort à ce pauvre guerrier. Hà malheureux Amour, David s'est faist meurdrier, Qui premier que te voir, rien plus n'avoit dans l'ame, Au cœur, ny dans les yeux, que la celeste stame Des graces du Seigneur, dont il estoit espris, Autre seu que le tien, qui si tost l'a surpris: Hà salle volupté qu'insolens sont tes crimes, Et le bourbier sangeux de tes prosonds abysmes.

La nuitl estoit ia close, & les stambeaux dorez D'yn lustre estincelant, par les champs azurez Se monstroyent à l'enuy, & la chaste courriere Sur ses moreaux couplez, avançoit sa carriere: Tout le monde dormoit, David seul ne dort pas, Recherchant le moyen, tant il a le cœur bas Et souille de l'Amour, de massacrer Vrie, Pour libre mettre paix ou trefue à sa furie. Il demande la plume, & pensif & resueur Il songe, il fantastique, & d'vn semblant trompeur Feint escrire à son Camp d'affaires d'importance, Mais las! c'est en ostant tout moyen de defense A ce pauare innocent, qu'on le range au defaut D'yn bataillon rompu, ou au premier affaut, Et du rang des premiers, à fin que sans demeure, Affrontant l'ennemy toût promptement il meure.

Doncques au plus matin, qu'en son rosin attour La belle Aube doree eut reparé le iour, Vrie prend sa lettre, à son Camp s'en retourne D'vn pié prompt & gaillard, où peu de temps seiourne Qu'il ne fut mis à mort : mal-caut qui ne sçait pas Qu'en se hastant, hastoit l'heure de son trespas.

Dinv ce pendant au ciel, qui fait la sentinelle Sur le fait des humains, voit l'emprise cruelle

De ce tyran meardrier, qui pour estre auancé
En dignité de Roy, offense l'offense,
Luy suborne sa femme, & d'vne ame maline
Au lieu de la garder en fait sa concubine.
Drev doncques en fureur, voyant ce cœur peruers,
Fait trembler sous ses pieds la terre & les Enfers,
En secouant le chef, & de noire colere
Fait entr'ouurir du ciel l'vne & l'autre barriere.

A ce trouble orageux, vne palle frayeur
Des citoyens du ciel glisse dedans le cœur,
Et tremblent tout ainsi, que les forests chenues,
Quand les vents mutinez criblent dedans les nues
Vn murmure inuisible, auant-coureurs certains
Au palle nautonnier d'orages inhumains:
Pour venir en conseil, se fait vne assemblee
De petits Dieux moyens, & de la troupe ailee,
Comme pigeons peureux poursuyais de l'oyseau,
En preuoyant de loing quelque ramas nouueau
Se brasser dedans l'air, vont abaissant les alles:
Craintiues vont ainst ces bandes immortelles
Cherchant l'occasion du changement soudain
Au seigneur qui deuant estoit calme & serain.

Eß-ce point (disoyent-ils) qu'il veut noyer la terre, Ou qu'il vueille embraser du seu de son tonnerre Les sondemens sacrez de son palais voulté, Ou que perdant le monde, il ait la volonté De rebrouiller encor par vn nouueau messange, Comme il set du Chaos, quelque machine estrange? Car ils auoyent bien sceu qu'il deuoit vne sois Foudroyer & bruster l'ouurage de ses dois.

Or au milieu du ciel se dresse & se descœuure
De ce grand forgeron l'industrieux chef-d'œuure:
C'est vn trosne d'or sin, riche de Diamans,
De perles, de saphirs, de rubis stamboyans,
Trosne, siege fatal, où ce grand Dieu preside
Qui prend soing des hamains, qui conduit & qui guide
Ce qui marche sur terre, & qui vole dans l'ær,
Et le troupeau muet qui stote dans la Mer.

Remy Belleau. - II.

On dit qu'aux deux costez y a deux Sœurs assisses, Iustice est au bras droit, qui les fautes commises Des hommes forfaitleurs seuerement punist, Et d'vn graue sourci loing du ciel les bannist, Tousiours l'espee au poing, portant la contenance Et l'ail executeur de la iuste vengeance Et iustice de Dieu, qui dedans son palais Habite, rigoureuse, or n'en bouge iamais. Clemence est l'autre sœur, qui d'vn visage honneste, Et d'vn ail tout benin modere la tempeste, Adoucist le courroux, l'orage or la fureur, Detourne la colere or le bras du Seigneur.

Et quoy? dift ce grand Dieu, faut-il que l'impudence Et l'infame peché de l'homme, dont l'essence A pris son origine au celeste pourpris, Dedaigne son autheur, & le tienne à mespris? Moy qui l'ay fait Seigneur des bois & des montagnes, De ce qui vogue és eaux & court par les campagnes, Et des scadrons plumeux qui rament pour voler D'auirons bigarrez les grands plaines de l'ær : Moy qui l'ay fauory d'esprit, de sens & d'ame Pour contempler de iour l'incomparable flame Du Soleil radieux, & sous le voile obscur Des ombres de la nuict, les flammes de sa sœur? Pour voguer sur le dos de la mer écumeuse. Trancher & renuerser la terre plantureuse, Cognoistre ma grandeur, & de se rendre fort Contre l'aduersité & peril de la mort? La race de Iacob portera tesmoignage De ma bonté divine : Hé qui fist le passage, Quand du Roy Pharaon les plus vaillans guerriers Furent pris dans le creux des humides sentiers? Tous furent étoufez, noyez, plongez és ondes, Elle hors du peril des campagnes profondes Trouve le droit chemin que ie fey de ma main Flanqué contre les flots comme d'vn mur d'airain. Vous scauez que du Ciel i'ay bien voulu descendre Pour luy donner mes loix, & pour luy faire entendre

Ce qu'il faut obseruer, pour iouir asseurez De l'immortel seiour entre les bien-heurez. Mesme ce beau Soleil qui relait & rayonne Seruira de tesmoing à la volonté bonne Oue i'eus au peuple Hebreu, lors que pour son secours Continuant la nuit, ie retardé son cours. L'eau mesme du Iourdain en deux parts retranchee, Se pourroit sounenir de ma grace espanchee Sur ce peuple choisi : tant de mars rennersez En seront les tesmoins, tant de rampars forcez, Tant de Rois mis au toug, tant de citez captiues, Au seul bruit de l'airain tant de troupes fuytiues : Bref, de mon bras armé l'ay conduit & remis Libre, fort & vainqueur, au Royaume promis. Qu'ay-ie fait pour David, & de quels benefices Ay-ie recompensé quelques petits seruices Sacrez à ma grandeur? De Berger l'ay fait Roy, Ie luy ay departy & ma grace, & ma Loy, Fait vaincre le geant, & d'heureuse conqueste Mis le Sceptre en la main, & la couronne en teffe, Et par miracle grand, l'ay fait surmonter seul L'orgueil & le mespris des forces de Saul. Imitant toutesfois les fautes de ses Peres, Ayant mis en oubly les traits de mes coleres, A rawy sa sugette, & de meurdre inhumain 'A de sang innocent ensanglanté sa main. Or voyez ie vous pry, voyez le pauure Vrie Humble denant mes piez qui lamente & qui crie Et demande vengence. Hà ie vous puniray Adultere affassin, & sentir vous feray Que c'est d'offenser Dieu & sa bonté divine : Ie vous abysmeray insques à la racine, Diffamant, & soullant d'vn reproche eternel La memoire, la race, & le nom d'Israël. Ayant dit ces propos, la larme à l'ail, Clemence Se mettant à genoux en ces plaintes s'auance : Hé ne permets, ô Dieu, qu'on t'appelle vangeur,

Ou de nom de cruel qu'on te nomme, Seigneur :

Tu es doux & clement, & ta bonté notoire
Chante par l'vniuers les honneurs de ta gloire.
Nous cognoissons tes faits, ta force, & ta grandeur,
Embrasse la clemence, & laisse ta rigueur,
Ou s'il te plaiss, ô Dieu, exercer la vengence,
Permets ie te supply sonder la conscience
De ce pauure pecheur, possible vn repentir
A luy faire pardon te fera consentir.

Si tost n'eut achené, que plustost la colere
Du Seigneur ne tournast en sa douceur premiere:
Or voy-ie bien, dist-il, qu'il faut que le pardon
Surmonte ma rigueur, mais il faut pour guerdon
De ce double peché, qu'vne aigre penitence
Appaise ma iustice, & purge son offense.

A peine eut dit ces mots, & finy son propos Qu'il depesche vn courrier, il a dessus le dos De cent & cent couleurs deux ailes bigarrees, Comme on voit en Efté és nueuses contrees Vn arc qui ceint le ciel : iusques à ses talons Vn crespe blanc & net comme en petits fillons Flottoit à longs replis, vne perruque blonde A l'entour de son col, s'esgaroit vagabonde. Luy commande voler droit en Hierusalem, Là trouuer diligent le prophete Nathan, Luy descouurir le fait, & puis le face entendre A Dauid Jon seigneur, qu'il ait à le reprendre Aigrement en secret, luy remonstre le fait, L'horreur de son peché, & de son grand forfait, Qu'il cognoisse sa faute, & confesse l'offense, L'asseure deuant Dieu, & face penitence. Le Prophete aussi tost cherche & treune son Roy:

Tu ne sçais pas (dist il) qui m'ameine vers toy, C'est vn cas fort estrange aduenu dans ta ville. Vn homme ayant cent beufs, & de brebis bien mille, D'vn pauure homme voisin, qui n'a tant seulement Qu'vne ieune brebis, qu'il nourrist cherement, Qu'il repaist de son pain, qu'il mignarde & qu'il couche Pour mieux la caresser, mesme dedans sa couche.

Or ce riche Passeur voulant faire vn festin,
Pour traiter liberal vn amy son voisin,
Pardonne à son troupeau, à ses cheures barbues,
A ses ieunes bouueaux, à ses troupes vestues
De laine sur le dos, & de brigante main
Pille & prend la brebis, mesme dedans le fein
Du pauure miserable, il la tue, & l'appresse,
Festoyant son amy de sa belle conquesse.

Dauid plein de courroux proteste que le tort Fait au pauure voisin, est vn crime de mort.

Alors le saint prophete en ailladant sa face D'un sourci renfrongné, Escoute la menace De ce grand Dieu (dist-il) ô Roy de tous les Rois Le plus indigne Roy, escoute donc sa vois, C'est toy meurdrier, c'est toy qui as fait ceste offense Quoy? ne te souvient-il que sa grand' providence D'une pauure maison, d'une case à Bergers, T'a mis le Sceptre en main, retiré des dangers De la force des grands, & contre leur tempeste Qu'il s'est armé cent fois pour couronner ta teste? Et quoy? oses-tu bien, infame vicieux, Te monstrer en public & regarder les cieux? Et quoy? ne vois-tu pas que le crime t'appelle, Pour receuoir honteux vne peine cruelle? Ne sens-tu dans ton ame vne effroyable horreur, Vn tyran qui te ronge & te mine le cœur? C'est le peché, Dauid, qui t'ouurant la paupiere Desrobe le repos à ton ame meurdriere : Souvienne toy David, qu'il vient vne saison Qui soulera tes yeux du sang de ta maison, Et de toy & des tiens, qui seront l'origine Des guerres aduenir, autheurs de ta ruine.

A peine eut dit ces mots, qu'vne palle frayeur Vient saifir de Dauid les veines & le cœur: Puis reuenant à soy, sanglotant de triftesse, Recognois son peché, & sa faute confesse, Deuant la maiesté du Seigneur qui l'attend, Pour le prendre à merci, & qui desia luy tend

Les mains pour l'embrasser, car tant plus notre vice Irrite sa rigueur, plus il nous est propice.

Il descend de son throsne, or de coups redoublez Meurdrift son eftomach, or de soupirs troublez Il enfle ses poulmons, & pleurant abandonne Le plaifir, le Palais, le Sceptre, & la couronne : Tantost en s'accusant il accuse l'Amour, Abhorre son peché, deteste le beau iour, Qui premier luy fift voir les viues estincelles De l'ail qui le rauit en ses pinces cruelles. Amour n'est plus son hoste, & n'a plus rien au cœur Oue de la main de Dieu la Iustice & la Peur. Mais que fera ce Roy? Nathan plus le console Et plus le va flatant de sa douce parolle, L'asseurant que ses pleurs & son langage donx, Ont appaisé de Dien l'orage & le courroux, Moins Dauid s'en affeure: & tant plus il essaye Addoucir sa rigueur, plus rengrege sa playe: Se perdant tout ainst que l'innocent oyseau Tombé dans les gluons au coulant d'un ruisseau, Qui s'efforçant voler, plus s'englue & se lie, Plus il bat de son æle, & moins il se délie.

Le Prophete s'en va, laissant dedans le cœur
De Dauid pour confort l'esperance & la peur:
Chancellant tout ainst que l'on voit vn nauire
Flottant entre deux vents, l'vn le tourne, & le vire,
L'autre plus violant le pousse à contreual,
Ainst craint esperant, & doute de son mal:
Il hait plus que la mort la lumiere ordinaire
Du Soleil radieux, vn antre solitaire,
Vn caueau tenebreux, vne fosse, vn rocher,
Luy plaisent maintenant à sin de se cacher.

Desfous les slancs oauez d'vne roche taillee Hors le Palais royal se creuse vne valee Entre deux petits monts, où se voit dans le sond Vn antre sombre & noir, large, creux & prosond, Des ombres le manoir, & des nuits eternelles, Là va saire son dueil & ses plaintes cruelles: Difant, Toy desormais cauerneuse maison
Tu seras mon palais, & ma noire prison:
Et desormais aussi, ie te pry d'âge en âge
Porte de ma douleur sidelle tesmoignage.
Et vous stambeaux sacrez, qui redorez les nuits,
Souuienne vous aussi de mes tristes ennuis,
Voyez d'un pauure Roy l'audace retranchee,
Et de la main de Dieu l'ame prise & touchee,
Et comme auez esté compagnons de mon heur,
Soyez aussi tesmoins de ma iuste douleur.
Ayant fait ces regrets, prend sa lyre d'yuoire,
Bagne ses yeux de pleurs, sacrant à la memoire
De son peché commis, les larmes & les sons,
Et les vers animez de ses tristes chansons.

FIN DE LA SECONDE IOVRNEE

DE LA BERGERIE.



LES AMOVRS ET NOVVEAVX ESCHANGES DES PIERRES PRECIEVSES VERTVS ET PROPRIETEZ D'ICELLES.



AV TRES-CHRESTIEN

ROY DE FRANCE ET DE POLOGNE

HENRY III.

'AYANT peu recouurer chose plus rare

ny plus digne de vostre maiesté, SIRE, que ces Pierres precieuses tirees du riche & facré cabinet des Muses, i'ay bien osé vous les presenter, esperant qu'aurez le present agreable, tant pour vne particuliere affection que vous portez aux vertus & beautez d'icelles, que pour l'excellence & valeur des miennes, que la violence des ans ne sçauroit offenser, comme les vulgaires qui tirent leur naissance de la terre, subiettes à corruption. Aussi (SIRE) que vous estes le Prince de ce monde, qui prend plus de plaisir à discourir des secrets de la Philosophie & choses naturelles, & qui plus honore ceux qui font exercice en ce mestier. Ce qui m'a plus encouragé à vous les presenter, esperant que plus liberalement vous donnerez quelques heures de celles que vous tenez en reserue pour le plaisir, à la lecture de ceste mienne & nouvelle invention d'escrire des Pierres,

156 AV TRES-CHRESTIEN ROY DE FRANCE.

tantost les déguisant sous vne feinte metamorphose, tantost les faisant parler, & quelquesois les animant de passions amoureuses, & autres affections secretes, sans toutessois oublier leur force, ny leur proprieté particuliere. Ce que i'ay songneusement recueilly de la fertile moisson des autheurs anciens qui en ont parsemé la memoire iusques à nostre temps. Suppliant tres-humblement vostre Maiesté, SIRE, les receuoir d'aussi bonne main, que si elles vous estoyent apportees de l'Inde Orientale, mere nourrice de tels presens, & où possible seroit malaisé de recouurer marchandise de meilleure estosse que la mienne, que de tres-humble & tres-obeissante volonté ie vous presente.

Vostre tres-humble, & tresobeissant seruiteur & subiect REMY BELLEAV.





LES AMOVRS ET

NOVVEAVX ESCHANGES

des pierres precieuses:
vertus & proprietez
d'icelles.

DISCOVRS.

Recherchant curieux la semence premiere,
La cause, les esfets, la couleur, la matiere,
Le vice, & la vertu de ce thresor gemmeux,
l'ay saintement suyui la trace de ces vieux
Qui premiers ont escrit que les vertus secretes
Des pierres, s'escouloyent de l'influs des planetes:
Autres plus aduisez meuz d'autre opinion,
Renuoyent ceste bourde à la religion
Et mysteres sacrez des prestres de Caldee,
Qui ont ceste caballe en l'Egypte sondee,
A sin d'entretenir les peuples ignorans
Sous telles vanitez, & signes apparans,
Pour les espouvanter & les tenir en crainte
De quelque opinion, sus elle vraye ou feinte.
Mais craignant ossense

Des monuments facrez, & les cendres des vieux, I'ay bien voulu les suyure, en imitant la trace Et les pas mesurez du vieil chantre de Thrace, Non pour vous deguiser dessous vn masque feint La simple verité, qui ne se cache point, Mais bien pour admirer la noble architecture De ce gemmeux thresor, miracle de Nature, Qui a mis & renclos d'esfets diuins & forts Tant de rares vertus dedans ces petits corps.

Les grands observateurs & divins interpretes
De la mere Nature, & causes plus secretes,
Parlant de la matiere, & premiers elemens
Des pierres que la Terre engendre dans ses flancs,
Disent que celles la qui ne peuvent, solides,
Se dissoudre par seu, ny se rendre liquides,
Naissent d'une vapeur & d'une exchalaizon,
Qui est & chaude & seiche, & pure enslammaizon.

Or s'il estoit ainsi, elles prendroyent naissance Au plus haut lieu de l'air, où la viue semence Et le germe de feu, prend son accroissement Plustost que dans la terre, un trop froid Element : Car le cours viste & prompt des flambeaux ordinaires Qui roulent dans le ciel par mouuemens contraires Secheroit la vapeur, & le limon terreux Des pierres, simplement & terrestre & aqueux. Aussi s'il estoit vray, ce qu'vn autre propose, Que ce qui naist en terre, & ce qui se compose Dedans son large sein, est terrestre ou aqueux, Aqueux comme l'argent, l'or, le cuiure escumeux, Et tous autres metaux, richesse de la terre, Terrestre & limonneux, ainst qu'est toute pierre : Il seroit necessaire, & vray asseurément Qu'il ne se feroit pierre au terrestre element Qui euft le luftre clair, & qui fuft pellucide, Estant faite sans plus d'humeur claire 🗢 liquide. Car toute pierre en fin qui a le lustre beau, Transparant & vitreux, se forme plus de l'eau, Que de limon terreux, car l'eau la terre donte

Et de sa pesanteur l'affondre & la surmonte, Ne restant rien terreux, car son lustre esclairci Altere par le chaud le limon espaiss. Les autres qui ne sont claires ny lumineuses Sont terrestres vrayment, noires & limonneuses, L'eau s'estant alteree, & ne restant sinon Dedans ce corps pierreux que terre & que limon.

Or de ces pierres donc qui n'ont point de lumiere Noiraftres brunifant, la matiere premiere Est vn amas bourbeux, vne lente espaisseur, Vn limon detrampé de quelque grasse humeur, Dont naissent celles là qui ne sont transparentes: Mais les autres qui sont d'outre en outre luisantes, Et dont le lustre clair passe par le trauers Comme de blanc & verd, d'incarnat, iaune & pers, Naissent d'vn suc aqueux, & d'humeur détrampée Recuitte par le chaud, ou par froid congelee, Plus aqueuse beaucoup que terrestre, pourtant Elles ont la couleur & le lustre esclatant.

Comme dans les rongnons ou dedans la vessie
D'hommes & d'animaux la pierre rendurcie
Et le grauois menu se fait par la chaleur,
Et se caille & se prend d'une glueuse humeur.
Ou comme un pot de terre au creux d'une fournaise
S'empierre & s'endurcist aux vapeurs de la braize,
Auparauant mollasse, humide & limonneux:
Tout ainsi dans la terre aux rayons lumineux
De ce stambeau doré, les pierres s'endurcissent
Dans les creux mineraux qui seconds les nourrissent.

Autre matiere y a qui se caille & se prend
Se ramassant en l'eau qui en pierres se rend:
C'est quand des pierres mesme vne raclure tendre,
Vn sablonneux amas, vne poudre, vne cendre
Ensemble se rassiet, que le cours violant
D'vn grand sleune dérobe & rauss en coulant,
Raclant, minant, sappant, de ses ondes vitrees
Des rochers cauerneux les costes empierrees:
Vne autre reste encor, qui prouient de l'humeur

Qui sainte des metaux, & durcist d'espaisseur. Voila ce que ie sçay des pierres que Nature Braffe dedans les flancs de ceste terre dure. Reste à dire sans plus le lustre clair & beau Qui la pierre embellist & qui farde sa peau : Telle est donc la couleur, quelle en est la matiere, Car s'elle est pure & nette en sa masse premiere, Le lastre en sera net, mais s'elle a de l'obscur Elle sera meslee, & brune d'espaisseur. Mais sur tout la chaleur qui donne la teinture A la matiere mesme est la cause en Nature Qui donne la couleur, la grace & le beau teint Aux pierres, dont la glace & le visage est peint. C'est doncques la chaleur qui leur donne la grace, Et les belles couleurs qui vont dorant leur face, Ayant tant de pouvoir qu'elle peut esclaircir Le lustre sombre & noir, & le clair obscarcir. Aussi selon l'aspect du soleil & des terres, . Et des metaux diuers où s'engendrent les pierres S'imprime la couleur, autre estant de l'erain, Que de l'or, ou du fer, du cuiure ou de l'estain. Car où le Soleil bat de sa flamme ordinaire, Là les pierres se font de couleur verte & noire: Aux lieux sombres & frais, le rouge pourprissant Donne teint à la pierre, à l'esclat rougissant, D'vn suc fort detrampé, & d'vne humeur trespare Le Crystal prend couleur, & la roche plus dure Du Diamant se teint d'vn suc & d'vne humeur Moins claire & plus brunette, & plus basse en couleur, L'Emeraude se peint d'une humeur verdoyante, Du rouge le Rubis, à la peau flamboyante, L'Iris du Crystalin, du violet pourprin L'Amethyste au beau teint, du bleu le Saphystrin: Le suc fort bigarré fait l'Agathe & l'Opalle, La Chrysolithe tient de l'humeur iaune & palle : Ainsi par le Soleil s'affinent les couleurs. Suyuant le lustre fin des premieres humeurs. Non pas que la couleur emprunte son essence

De la pure matiere & feconde semence Des premiers elemens qui n'ont point de couleur, Exempts de froid, de chaud, de sapeur, & d'odeur : Car la couleur en fin se varie & s'altere Selon l'ail, le mounoir, l'obiet 🗢 la lumiere. Combien a de conleurs ce duuet doux & mol. Qui menu va frizant, & couronnant le col, La gorge & l'estomach des gentes Colombelles, Quand aux rais du Soleil vont tremoussant les æles? Tantost vous y voyer un pourpre estinceler Comme vn feu de rabis, & tantost s'émailler Vn changeant colombin, & tantoft descouvertes Les naines conleurs des Emerandes vertes : Car l'aspett gauche ou droit, & le bat de nos yeux, Le mouuement, l'obiet, la figure & les lieux, Font changer la couleur, ainsi que la marine Va blanchissant l'azur de sa large poitrine Aux soupirs d'Aquilon, couleur qu'on ne peut voir Sans lumiere, autrement ne se peut conceuoir. Car on ne peut iuger par les nuits tenebreuses Quelles font les couleurs des pierres precieuses Ny de tous autres corps, qui peints & colorez, Ne se voyent finon par les rayons dorer Du Soleil, c'est pourquoy la couleur apparante N'est qu'vn fard detrampé, qu'vne lueur brillante, Variant sur le plain du dessus de la peau Sans penetrer le corps de son lustre plus beau. On le voit quand la chose en petites parcelles Se tire & se distrait, car les couleurs plus belles S'esteignent peu à peu, & se perdent en l'air : L'or detaillé menu perd son lustre plus clair. Qui voudroit descharpir d'une escarlate fine La trame fil à fil, ceste couleur pourprine Qui belle en son tissu & viue apparoissoit, S'euanouist defiointe & plus ne s'apperçoit.

Les vices remarquez & la faute premiere De ces pierres de pris, seront quand la matiere N'est de mesme conleur, car les belles à voir

Remy Belleau. - II.

Vne seule couleur sans plus doinent auoir.
Puis c'est vn vice grand, quand vn ombreux nuage
Entrecourant le fond tache leur beau visage,
Brunissant leur beau sein d'vne noire espaisseur,
Comme si au Rubis on voit vne noirceur,
Ou dedans l'Emeraude, ou s'on y voit des cendres,
Vne nue, vn brouillas, des pailles, des silandres,
De la rouille, du sel, vn grand amas poudreux
Sursemé dans le fond de durillons scabreux,
Ce sont vices marquez en toutes pierres saines.

De leur bonté naue on fait preuues certaines Quand la lime rongearde, ou le fray de la queux, Ou le brafier ardant desfus le corps gemmeux Des pierres de grand pris, ne peut mordre ny prendre: Il y en a pourtant qui de matiere tendre Et molle, n'oferoyent l'un ny l'autre approcher, Tant leur nature est foible & debile au toucher.

De celles que le feu, la fonte, & l'artifice, Contrefait pour tromper, on deconare le vice : Car outre que la lime, en ses taillons mordans Et le fray de la queux se cachent dans ses flancs, On recognoist à l'ail les frandes recelees Sous le fard de la peau artistement messees, N'ayant rien de gentil, ny d'agreable à voir, Ne tenant que du verre ou trop clair ou trop noir. On la iuge au toucher, quand on la sent rapeuse, Sans lustre, sans polli, sous le doigt grumeleuse : Au pois, quand trop legere elle est pour sa grosseur, Car moins que la naine elle a de pesanteur. Celles donc que l'on fait d'vne paste gommeuse, Ou qui prennent couleur d'une masse vitreuse. Se peuvent decouurir par la lime aisément : Mais il est mal-aisé de luger sainement, Quand vne pierre fine en vne autre s'ultere. Comme quand le Saphir par la flamme legere Perd sa couleur celeste, & se fait Diamant, Le Hyacinth, l'Amethyste en ce mesme element Perd sa couleur naïue & se fait autre pierre

Qu'elle n'efoit sortant fraischement de sa terre. Mais que ne fait çà bas l'esperance du gain? L'un pour trainer sa vie, & pour tromper sa faim, Sous vn verre menteur qu'il toint & qu'il affine, Ou changeant le Crystal en Emeraude fine, Pipe les mieux voyans, & les yeux mieux appris A donner aux metaux, & aux pierres le pris. Celles qui sont au fond & creuses & cauces, Ou les autres qui sont en bosse releuees, Sont de plus petit pris, & de moindre valeur Que celles que lon voit d'une egale splendeur : On fait trop plus de cas de la forme longuette Owon ne fait de l'onalle, ou de la rondelette, Mesme de l'angulaire, & tient on pour certain Qu'il n'y a rien plus beau que le long & le plain. C'est ce que i'ay glenné de la moisson fertile Des plus gentils esprits, qui de semence vtile Ont semé, diligens, par ce grand Vniuers De ce gemmeux threfor les miraçles diuers.

PROMETHEE

premier inuenteur des Anneaux

& de l'enchasseure

des Pierres.

Voutes de ce grand Ciel, & vous prompts messagers Qui d'on mol éventail & de souspirs legers Par quatre coins divers éventez ce bas monde: Fontaines qui roulez d'one belle & claire onde De haut en contre-val par le trac sablonneux De ces rochers moussus, ridez & caverneux: Fleuves, prez, monts & bois, & toy Mer courroucee De mon triste malhour sterement herisse, Flots fur flots entassez, raboteux, pleins d'horreur, C'est à vous que ie parle, escoutez ma douleur:
Ou si vous n'escoutez du pauure miserable
La trop iuste complainte, O destin imployable,
Fay que ie sois raui d'vn tourbillon venteux,
Ou tost frappé du ciel ie meure malheureux:
Non pour rendre en mourant ma douleur appaisse,
Mais pour n'estre la fable & seruir de risee
A la troupe des Dieux, troupe sans amitié,
Trop sourde à ma priere & de peu de pitié.

Fens toy pour m'engloutir aux plus baffes fondrieres De ton sein creuassé en profondes carrieres, Terre, trop plus humaine & plus douce cent fois Que du ciel ny des Dieux les trop seueres loix.

Vous germe de Tethys, Deeffes Nereïdes, Qui desfous les caueaux de vos palais humides Humaines receuez de nous pauures humains Plus doucement qu'an ciel, les larmes & les plains, Voyez, ie vous suppli, princeses marinieres, Mes membres baffouez sur les croupes meurdrieres, Et sur les flancs cauez de ce roc sourcilleux, Audace de Mercure, & colere des Dieux. Où pour l'ardeur du iour mes prunelles recuites, Mes paupieres sans poil, & mes leures depites, Mes membres descharnez, dehallez & noircis, Mes boyaux en curee, & mes chauues sourcis, Vomiront contre moy, innocent, incoulpable, Vn reproche eternel à iamais lamentable: Où mes yeux enyurez & de Jang & de pleur Rien ne verront d'humain qui trompe ma douleur : Où rien plus n'entendray sous les lampes brunetes Des pauillons nuiteux, que les gorges prophetes, Les frayeurs, les souleurs des finistres oyseaux, Compagnons coniurez à mes tourmens nouveaux.

Ainst poussoit au ciel ses complaintes cruelles Le pauure Promethee, à iamais eternelles Sans le secours diuin de ce grand Iupiter, Qui sist, meu de pitié, ses peines allenter, Se fouvenant encor que par sa providence Il avoit de Thetis resusé l'alliance, Ruine de son sceptre & de son ciel voûte S'il eust de ces amours suyui la volonté.

Donc pour le deliurer mande à son fils Alcide Chasser ce carnassier, ce Vautour homicide, Qui d'ongles & de bec deschirant, tirassant Repaissoit son poulmon du poulmon renaissant Du pauure criminel, dont la chair prisonniere Languissoit sous le fer de la chaisne meurdriere, Ouurage de Vulcan, mais Hercule soudain Chasse l'oyseau, la chaisne il froissa de sa main. Mais le Destin voulut qu'en memoire eternelle Du larcin recogneu de la flamme immortelle Qu'il auoit prise au char du Soleil radieux, Pour animer subtil son image terreux, Qu'à iamais dans le doigt porteroit attachee Dans un anneau de fer, une pierre arrachee Au sommet bruineux du roc Caucasien, De ses flancs decharnez l'infame gardien.

Voyla donc le premier qui mist la pierre en œuure Dans vn anneau de fer, industrieux manœuure. Du fer on vint au cuiure, & à l'estain encor, De l'estain à l'argent, & de l'argent à l'or, Des pierres d'vn rocher aux pierres plus estites, Emeraudes, Rubis, Dlamans, Chrysolithes: Et cela qui restoit pour marque d'vn malheur, Des Princes & des Rois sus la gloire & l'honneur.

L'AMETHYSTE,

OΥ

LES AMOVES DE BACCHVS ET D'AMETHYSTE.

Muse, mon petit wil, le soulas de mes peines, Qui destrampes le soin, recuit dedans mes veines, Cherchon, Muse, cherchon quelque sentier nouveau Et fuyon le chemin de ce tertre iumeau: Il n'est que trop batu, les ondes de Permesse Ne scauroyent contenter une si forte presse, Oui pour se refraischir, & sa soif estancher Court en foule, alteree, au pié de ce rocher: Les ruisseaux espuisez de bouches larronnesses Ne pourroyent satisfaire à ces troupes épesses. Ie veux seul esgaré par des prez non foulez D'autre pié que le mien, & par monts reculez Découurir le premier quelque source cachee : Ie veux pinser la corde encore non touchee, Voler de mon plumage, & voguer dessus l'eau Fraischement embarqué en mon propre vaisseau : Ie veux puiser au fond d'yne source inconnuë, Que les courriers de l'air de leur bouche cornuë Ne becquerent iamais, & que le clair soleil N'échauffa tant soit peu de son feu nompareil : Eau sourdant dans le creux d'vn antre solitaire, Pucelle ne suyuant vne trace ordinaire, Mais qui roule, escartee, & qui d'vn nouueau son Murmure gazouillant quelque douce chanson.

L'vn a chanté le feu de la torche Hettoree,
Et sous la main des Dieux Ilion deploree,
Les ruses des Gregeois, le conseil de Nestor,
L'empire de Pluton, la fille d'Agenor,
Et des marez bourbeux l'onde non violable,
Des vents & de la mer la colere indontable,
Les estranges hazards du soldat Itaquois,
Qui malgré les douceurs des filles d'Achelois,
Le breuuage sorcier de Circe enchanteresse,
De Scylle & Charybdon la rage pilleresse,
Eut auant que mourir ce desiré bonheur
Voir saillir de son toit la sumeuse vapeur.

L'autre dreffant son vol de pennes plus hautaines A recherché, diuin, les races plus qu'humaines Des habitans du ciel: A chanté le Chaos, Et comme en son enfance ayant le ventre gros

D'vn mestange confus, par une douce guerre Noas enfanta le feu, l'air, les eaux, & la terre. L'autre voulant semer son nom par l'univers, Legerement porté sur l'aile de ses vers, A controuvé, gentil, pour marque memorable, Des images du Ciel & des Dieux vne fable : Comme fi les flambeaux des celeftes Cantons Emprantoyent de la Terre & l'influx & les noms. l'en appelle à tesmoin le Verseau Ganymede, Les pleurs & les tranaux de Perse & d'Andromede. Les replis estoilez, & les yeux du Dragon, Les auirons parlans de la nauire Argon, La Cheure nourrissiere an ranisseur d'Europe, Le Cancre, le Bellier, Califte & Cassiope, Le laist qui dans le ciel se sist un nouveau crain, Et mille autres surnoms dont le ciel est tout plein. L'autre sous les ormeaux de cannes plus legeres A faitt danser de Pan les Nymphes bocageres, Les brebis porte-laine, & les troupeaux barbus Bondirent sautellant dessus les prez herbus. L'autre nauré d'Amour a chanté ses complaintes. Sa flamme, son destin, & ses larmes non feintes: Vn autre le venin des serpens escaillez, Et les chantres Oyseaux de couleurs émaillez, Rien ne reste à vanter, les ondes tant prisees De la source au Cheual sont toutes espuisees. Mais Muse, mon souci, fay moy ceste faueur, Que ie puisse, animé de nouvelle fureur, De mes poulmons enflez & poussez d'autre haleine Remplir nostre air François d'vne voix plus hautaine. Que n'est celle de ceux, qui n'osent s'esteuer Hors du commun sentier, à fin de gaigner l'ær, Butinant & voguant loin des mers aftrangeres D'auirons empruntez comme nouveaux Corseres, De larcins reconnus vainement honorez, Et des plumes d'autruy impudemment dorez. APRES que les Titans, vermine de la Terre, Furent mornez, froissez sous l'éclat du tonnerre

De ce grand Iupiter, colere les noyant
Sous vn torrent de feu flots sur flots ondoyant
Dans le camp Phlegrean: Apres que la victoire
Haussa des Immortels la vaillance la gloire,
Ces mutins étonssez sous les monts sourcilleux,
Et le ciel fut paisible entre la main des Dieux,
Tous pour tenir conseil aussi tost s'assemblerent,
Et d'aduis resolu ensemble deliberent
De visiter la Terre, à sin qu'en l'appaisant
Chacun d'eux l'honorast de quelque beau present,
Qui larmoyoit encor voyant les corps en poudre
De ses ensans meurdris des pointes de la soudre.

Doncques à chef baissé se plongent dedans l'ar Portez dessus les vents, à sin de s'escouler Plus doucement çà bas, & d'ailes peinturees Hachent les plis frisez des plaines azurees. Ainsi que le Faucon espiant son gibier Mussé sous le riuage, ou dedans vn herbier, Fond de roide secousse: ainsi la troupe belle Des habitans du Ciel s'eslance à tire-d'alle: Le Ciel veuf de secours, pour maintenir son sort Demeure espouvanté à ce nouveau débort.

Arriuez sur la Terre, & l'ayant caressee Ainsi que leur parente, & l'ayant embrassee, Ne voulans plus laisser les hommes si grossiers De paresse engourdis, comme leurs deuanciers. A fin de les polir dessous les loix ciuiles Les firent habiter ensemble dans les villes. Le premier Iupiter leur apprit à bastir, Mercure à traffiquer, Pallas à se vestir, Domter l'orgueil des Vents, & les ondes coleres Sous les Pins recourbez en Fustes & galeres : Mars animans leurs nerfs, à devenir guerriers : Apollon à chanter, & de chastes lauriers Se couronner le front : Cerés la nourriciere A tourner sous le soc la terre fourmentiere, Repoitrir le gueret, à dens de faucillons Moissonner les espis sur le dos des fillons :

Et toy pere Bacchus tu changeas le breuuage Des cruches d'Achelois, à ce doux pressurage, Que tu fis escouler du raifin pourprissant Par vn charme dinin, tout soin adoucissant : C'est toy race de feu, qui deux fois pris naissance, L'vne du ventre enceint de la noble semance De ce grand Iupiter, & l'autre de la peau De sa cuisse feconde, où comme en un berceau Emmaillota, benin, le pur & sacré germe De son enfantement surattendant le terme. Car plus que les humains les Dieux grands & parfaits Paressent dans les flancs de leur mere imparfaits, Affranchis de la mort, d'ans, & de pourriture, Riche present du Ciel, & de l'alme Nature : Comme toy ieune & beau toufiours gaillard & frais, Graffet & potelé, qui ne vieillis iamais Ainsi que les humains, à qui la douce vie Presque sans la gouster en naissant est rauie, A qui la Parque blesme agenceant le berceau Promte de mesme main foussoye le tombeau. C'est toy germe divin, c'est toy donc que ie chante Tiedement arrosé de l'humeur de ta plante : Mais, Pere, aussi soudain que le parle de toy, Herissé de frayeur ie sens ie ne sçay quoy Qui roule furieux çà & là dans mes veines. Or comme le seiour cause nouvelles peines, Qui proviennent d'Amour, ce Dieu plein de repos Secrettement nourrist un brasier dans ses os Esperdûment outré d'Amethyste la belle, Amethyste aux beaux yeux, de beauté non mortelle, Esclane de ce Dieu qui dessus le granois De l'Orient perleux endoffa le harnois, Et demeura vainqueur de la gent bazanee, Qui voit naistre au matin sous l'aube saffrance Le soleil radieux, lors que du bain marin Moite va ressuyant son visage pourprin.

Apres donc que ce Dieu eut gaigné la victoire Sur les peuples Indois, triomphe de sa gloire, Ce petit Diea vainqueur des hommes & des Dieux, Triomphe de ce Dieu, & le rend amoureux: Luy sire droit au ceur des yeux de la brunette De sa main delicate vne ardente sagette, Qui luy perce le slanc, volant, bruyant, sistant Par le vague de l'air, ainsi que plomb coulant Qui sautelle à boüillons, & frissonnant gresille Quand dedans la froide eau boüillant on le distile, S'embraçant tout ainsi qu'vne balle au voler Du ventre d'vn canon, qui prend seu dedans l'ær.

C'estoit au mesme iour, que les folles Menades, Et le troupeau sacré des errantes Thyades Alloyent criant, hurlant, dodinant, & crollant Leur visage masqué, de Serpens tout grouillant, Le ianelot au poing entouré de lierre, Bouffonnant, bondiffant, & trepignant la terre Sans ordre peste-meste au son du tabourin, · Sous le bruit esclattant des cornes à bouquin : Trop pleine de ce Dieu la brigade chancelle Fouruoyant çà & là de piés & de ceruelle, De rage époinçonnee errante par les bois. La terre gemissoit de leurs confus abois, La lumiere des yeux se bouchoit retenuë Sous la brune espaisseur d'une poudreuse nue, Les Oyseaux effourdis les entendans hurler Quitterent aussi tost les campagnes de l'er.

L'vne portoit en main vne lance étoffee
De Lierre ondoyant, ou pendoyent pour trofee
Les despouilles d'vn Bouc: l'autre pleine du Dieu
Qui la pousse en fureur, sur le fer d'vn espien
Secouoit embroché, victime de la feste,
D'vn porc gaste-raisin le simine & la tesse:
L'autre portoit d'vn Fan tauelé sur la peau
Les cornichons pointus, comme vn croissant nouueau:
L'autre sur vne fourche à deux pointes guerrieres
La hure d'vn Sanglier, aux desenses meurdrieres:
De sigues & de steurs l'autre auec le cossin
Bransloit au ventre creux vn vase plein de vin

Quand ce Dieu recherchant, & dinines merueilles!
Les secrets croupissans au fond de ses corbeilles,
Trouue que le Destin cruel ne vouloit pas
Qu'il ionist bienheureus des allechans appas
D'Amethyste la belle, ayant pour ennemie
Diane au chaste sein le secours de s'amie,
Et les Astres aussi: Alors tout esperdu
Et rempli de fureur, C'est par trop attendu,
Dist-il, sus sus auant, Euantes, qu'on attelle
Mon char au timon d'or, l'ordonnance cruelle
Du Ciel ne fera pas que ie n'entre en fureur.
« Sur vn Dieu ne peut rien la force ny la peur.

D'vn pié prompt & legier ces folles Bafarides Enuironnent le char, l'vne se pend aux brides Des Onces mouchettez d'estoiles sur le dos, Onces à l'ail subtil, au pié souple & dispos, Au muste herissé de deux longues moustaches : L'autre met dextrement les Tigres aux attaches Tizonnez sur la peau, les couple deux-à-deux, Ils ronstent de colere, & vont rouillans les yeux : Vn sin drap d'or frisé semé de perles sines Les couure iusqu'au stanc, les houpes à crespines Flottent sur le genou, plus humbles deuenus On agence leur queue en tortillons menus.

D'or fin est le branquar, d'or la iante & la rouë, Et d'iuoire Indien est la pouppe & la prouë: L'vne soustient le char, l'autre dans le moyeu Des rouleaux accouplez met les bouts de l'essieu, Puis tirant la surpante, alaigrement habile, Arreste les anneaux d'vne longue cheuille Dans les trous du branquar: le dessus est couvert De lierre menu, & de ce pampre verd, Où pendent à l'enuy les grappes empourprees Sous les tapis rameux des fueillades pamprees.

Ce Dieu monte en son char, les Tigres vont dauant, Qui sans piquer voloyent plus legers que le vant, Sous leurs piés ergottez d'vne griffe meurdriere Faisoyent voler menu la bruyante poussiere, D'un muste entrefendu remachant polissant L'or fin entre leurs dens, d'écume blanchissant : Iointes à ses costez ces folastres Euantes Le suivoyent au galop hurlantes & courantes.

Sus auant, dist ce Dieu, sus Tigres prenez cueur, Et vous Onces legers armez-vous de fureur, C'est à ce coup qu'il faut secourir vostre maistre, Gratez la terre aux piez & me faites parestre Que vous sentez, diuins, coleres dedans vous Quelque peu de l'aigreur de mon iuste courrous: Herisez-vous d'horreur, échansfez courageuses. De queue & de fureur vos costes pareseuses, Que l'Indois bazané sente comme inhumain Pour m'auoir dedaigné les rigueurs de ma main. Ie veux que le premier qui tiendra ceste voye Vous soit mis en curee & vous serue de proye.

Mais qu'auint-il (ô Dieu!) Amethy ste aux beaux yeux Humble se pourmenant pour saluer les Dieux, Et saire sucrisce à la chaste Deesse, Se rencontre premiere en ceste troupe épesse, Qui se voyant sorcee inuoque à son secours Diane: Ayez pitié de mes chastes Amours, Dist-elle souspirant, & chaste te souvienne De sauuer promptement une ame toute tienne.

A peine auoir fini, qu'vne morne rigueur
Luy fait cailler le sang, les poulmons & le cueur,
Vne froide sueur luy bagne le visage,
Par trois fois essaya de marcher, mais l'vsage
Des piez est engourdy, par trois fois essaya
De retourner le col qui iamais ne ploya
Aussi dur qu'vn rocher, ses larmes espandues
Sur le grauier Indois en pierres sont fondues.

A ce nouveau miracle espouvanté d'horreur, Encore qu'il sust Dieu, tremble & fremist de peur: Les Tigres en desaut autour de ceste pierre De grisses & de dents vont poitrissant la terre: Ces solles vont dançant, hurlant, environnant Ce beau corps empierré qu'elles vont couronnant.

Doncques puisque le Ciel, dift ce Dien, m'eft contraire En s'opposant, cruel, de haine volontaire A mes deffeins rompus, puis qu'il ne permet pas Que ie puisse, amoureux, finon par le trespas Sauourer les baisers d'Amethyste la belle ; Puisque l'enfant Amour & sa mere cruelle, Diane & le Destin, ennemis de mon heur, M'ont bani de leur grace, & manqué de faueur: Puisque deuant mes yeux, iuges de mon martyre, Ie souffre, malheureux, de tous les maux le pire, En voyant empierrer celle-là dont les yeux Pouvoyent mesme empierrer les hommes & les Dieux ; Ie veux à l'aduenir que ceste pierre fine, Nourriffant dedans soy ma colere divine, Teinte de mes couleurs, engarde son porteur De iamais s'enyurer de ma douce liqueur, Attirant les vapeurs qui d'haleines fumeuses Vont troublant le cerueau de passions vineuses. Plus ie vueil qu'elle rende agreable & gentil, Sobre, honeste, courtois, d'esprit promt & subtil Celuy qui dans le sein la portera celee, Ou dessus le nombril estroittement colee : Et qu'on la trouve aussi sur le gravier Indois, Où s'empierrant perdit & la vie & la vois. Ce disant arracha de la fueille pampree Qui couronnoit le front de sa teste sacree Le raisin pourprissant, & dans sa blanche main L'espreignant & froissant en pressura le grain : Dont la sainte liqueur escoula rougissante Sur l'Amethyste encor de frayeur pallissante, Qui depuis en vertu de ce germe diuin N'eut le visage teint que de couleur de vin, Violette, pourprine en memoire eternelle Du Dieu qui pressura de la grappe nouuelle Le moust qui luy donna la couleur & le teint, Dont l'Amethyste encor a le visage peint. Voyla du Bromien l'obseque lamentable, Qu'il fift, élangouré, sur le corps pitoyable

De sa chaste maistresse: Or voyla les douleurs, Le funebre appareil, les sanglots & les pleurs Qu'il poussa dans le Ciel: les riues emperlees De Gange au sable d'or, les prosondes valees, Et les coustaux voisins retentirent au son Viuement animez de sa triste chanson.

LE DIAMANT.

A LA ROYNE.

C'est trop chante, Vierge Deesse, Desfus les ondes de Permesse, Autre labeur te faut choifir : Car l'vsance trop familiere Du plaifir se change & s'altere Le plus souvent en desplaisir. Sus donc avant que lon travaille An moulin, & que lon me taille Vn Diamant, que le marteau Sur l'enclume ne sçauroit rompre, Ny l'acier ny le feu corrompre Ny consommer dans le fourneau. O pierre vrayment indontable, D'vne durté non violable, Naissant du Crystal Indien, Qui ne tremble & qui ne frissonne Des coups de la main forgeronne Du grand Sterope Eolien. Le Diamant pour faire prenue S'il est bon, il faut qu'on luy treune L'éclat net, & le feu brillant. Comme le fer dans la fournaise Enseueli dessous la braise Drille & flamboye estincelant.

De couleur un pen plus obseure Que le Cryftal, mais nette & pure, Si qu'on y puisse concenoir Les couleurs de mesme teinture Que l'arc qui fait vne ceinture Dedans l'air quand il veut plezuoir. Comme l'eau d'yne fontainette Prisonniere dans sa cunette Brunist d'un obscur argentin : Ainst faut qu'il face parestre Son teint clair bruniffant pour eftre Du vray lustre Diamantin. Ceste race Diamantine Naist dans la roche crystaline, Dedans l'Or, ou dedans le sein Des sablonnieres Indiennes, Ou dans les mines Cypriennes Où se prend le Cuyare & l'Airain. Celle qui de plus pres approche Au brillant éclat de la roche Du Crystal an lustre argentin, Est la plus rare & la plus belle: La seconde apres elle, est celle Qui se trouve avecques POr fin. La plus blesme & plus iannissante Est celle qu'on voit pallissante Dans l'Airain foible estinceler : La plus pesante & plus blafarde Est celle qu'on trouve bastarde · Dedans les minieres de Fer. Aucuns disent que ceste pierre Se tire des flancs de la terre De Decan & de Bisnager, De Mammeluc, & que bien proche Se trouve encor la vieille roche Es mains d'un Barbare estranger. Qu'oneque ne se trouna mestee Auec le Crystal, ny fouillee

Des mains auares de l'Indois, Et que Cypre dedans ses mines Ne trouue point ces pierres fines, Ny l'Arabe, ny le Medois. Miracle estrange de Nature, De voir que ceste pierre dure Qui du marteau ne craint le coup, Ny de l'acier, ny de sa trampe, Se ramollist & se détrampe Au plonge dans le sang de Bouc. N'est-ce chose encor plus celee Ne pouuant recenoir taillee Le poli que de son sablon, Ne pouuant estre combatuë Que de soy, se voir abbatue Au fray d'vne lime de plom? Mais quel esprit, quelle science A découvert l'experience De ce secret? Il ne vient pas Des cerueaux hamains interpretes, Mais des puissances plus secretes Des Dieux qui commandent çà bas. Diray-ie chose non croyable, Chose vrayment espouuantable De la force du Diamant Opiniastre à son contraire, Combattant comme yn aduersaire La force & vertu de l'Aymant? Car estant la pierre voisine Du Diamant à l'Aymantine, Au lieu de faire vne amitié Le fer tombe, & luy fait demordre, Exerçant le cruel defordre $m{D}$ 'vne secrette inimitié. Comme le soldat qui s'employe A rauir quelque riche proye Au fac d'un rauage mutin, Est force de son Capitaine,

Qui le va frandant de sa peine Et de l'honneur de son butin. Mesme les Dieux inexorables, Qui sur les eaux non violables Rigoureux president là bas, Ont de pierre Diamantine Le cueur, le foye & la poitrine Pour ne rompre & ne flechir pas. Les boucliers aux riches graueures, Les corcelets, & les armeures Des Dieux, & les clous du Destin Sont-ils forgez d'autre miniere, · Ny burinez d'autre matiere Que du courroy Diamantin? Diamant la garde fidelle Du maillot & de la mamelle, Et du berceau Saturnien, Lors que Iupiter dedans Crete Nourricon pendoit à la tette Au fond de l'antre Dictean. . Mais ce grand Roy tenant l'empire, Craignant que Celme ne peuft dire L'auoir veu dedans le berceau, A fin d'euiter le reproche D'estre mortel, en corps de roche Il empierra ce iouuenceau. Diray-ie la puissance forte Qu'il ha pour celuy qui le porte Pour se defendre, & pour s'armer Contre les ronds & les figures, Et les secrettes impostures Des Démons, citoyens de l'ær? Contre la cire charmeresse, Et la paissance enchanteresse, Qui furieuse nous poursuit? Contre les fourbes des Incubes, Des Folletons, & des Succubes, Bourreaux compagnons de la Nuit?

Remy Belleau. - II.

Contre les horreurs pallissantes Les peurs & les frayeurs naissantes Des songes qui trompent nos yeux? Et contre ceux que la Manie Trauaille tourmente & manie, Pleins de rage & tout furieux? Car cil qui porte ceste pierre Soit que l'or ou l'argent l'enferre Prisonniere dans un anneau, Ne craindra l'amoureux brennage, Les charmes ny le sorcellage Qui nous alterent le cerueau. Et quoy? lon dit (ô cas estrange!) Sentant le venin, qu'elle eschange Sa durté, & qu'elle amollist, Ternissant l'éclat & la grace Et le clair rayon de sa face Par le poison qui l'affoiblist. Or comme elle eft conftante & forte, Celuy qui chastement la porte Meurt constamment pour trop aimer, Ferme tout ainst qu'vne roche L'exercice des vens, & proche Des flots écumens de la mer. Propre, tant elle a d'efficace, Pour acquerir la bonne grace, Le bon visage & la faueur D'une maistresse bien choisie, Qui plustost perderoit la vie Qu'autre amour graue dans son cueur. Diray-ie que la poudre mesme Du Diamant est si extréme Et si violente en froideur, Que prise elle amortist la stame, Le seigneur sounerain de l'ame, Des veines, du sang, & du cueur? Ainsi l'ornement de sa grace N'est pour la main, ny pour la face

Seulement ny pour sa valeur: Mais pour cil qui a plus d'enuie De trancher le fil de sa vie, Que se tramer un deshonneur. C'est assez trauaillé, Mignonne, Car la Princesse à qui ie donne Le riche labeur de vos dois, Ne veut que soyez dauantage Sur le poli de cest ouurage, Ce sera pour une autre fois. Royne constante & non ployable, Et d'amitié non violable Vers son Roy & loyal Aimant, D'esprit net, sans paille, & sans nue Comme la beauté reconnue En l'esclat de ce Diamant.

LA PIERRE D'AYMANT

OV CALAMITE.

Se voit-il fous le ciel chose plus admirable, Plus celeste, plus rare, & plus inimitable Aux hommes inuentifs, que la pierre d'Aymant? Qui le fer & l'acier viuement animant Prompte les tire à soy, & de gente allaigresse Ces metaux engourdis, & rouillez de paresse Esleue haut en l'air, fait tourner & marcher, Les presse, les poursuit, pour mieux les accrocher? Tout cela que Nature en ses ondes enserre, Sous les replis de l'air, sous les stancs de la terre, N'est point si merueilleux. Et quoy? n'estoit-ce assez Aux rochers cauerneus, aux antres emmoussez, Aux pierres, aux caillous auoir donné en somme La parolle & la vois, qui respond mesme à l'homme?

Babillant, fredonnant, gazouillant, & parlant
Les accens dedans l'air, qu'elle va redoublant?
Sans les auoir armez & de mains & d'accroches,
De petits hameçons, de secrettes approches,
Des traits mesme d'Amour, pour attirer à soy
Le fer opiniastre, & luy donner la loy?

Se voit-il rien çà bas plus dur & moins dontable Que ce metal guerrier? moins dous & moins traitable? Mais en ceste amitié le donteur est donté, Et le vainqueur de tout d'vn rien est surmonté, Courant deçà delà sans esgard & sans guide Apres ie ne sçay quoy, qui s'espand dans le vuide.

Chef d'œuure de Nature, & plus audacieux, Que d'auoir esbranlé par les cercles des cieux, De gros Ballons ardans & dans les eaux sallees Fait faire le plongeon aux troupes écaillees!

Mais quel nœu d'amitié fait ioindre ces deux corps, Que Nature a faist naistre imployables & forts? La Calamite errante, & de foif alteree, De ne sçay quelle ardeur cruellement outree, Euente ce metal, halletant & soustlant D'vn desir importun, qui chaud la va brustant: Puis l'ayant découvert, le cherist & l'embrasse, Le caresse, le baise, & le suit à la trace, Comme vn ardant Limier au plus espais du bois Lance & pour suit le Cerf pour le mettre aux abois, Et de nez odoreux & d'haleine slairante Choisst l'air échaussé de la beste courante.

Des choses que lon voit sous le Crystal des cieux, Coulent de petits corps, qui vont battant nos yeux Sans tréue & sans repos d'vne viue secousse, S'amasse vn air voisin, qui s'estance & se pousse, Qu'on ne peut conceuoir que par le iugement Qui vient d'ouir, de voir, du goust, du sentement.

Nous sentons en Hyuer la froideur des riuieres, En Esté du Soleil les slammes iournalieres, Et les vents orageux des ondes de la mer, Nous entendons les vois qui s'espandent par l'ær, Mesmes estants voisins des bords de la marine Il vient à nostre bouche vn fraichin de saline, Qui part de ce grand slot, qui postant nous sais voir De l'Aquilon venteus insques au peuple noir.

Qui n'a senti de l'air la tempeste orageuse?
Veussus les stancs cauez d'vne roche orgueilleuse
Distiler goutte à goute vne fraische liqueur?
Qui n'a senti le froid, la chaleur, & l'odeur?
Veu ronler de nos fronts vne sueur salee?
Au trauers de l'airain vne vapeur gelee?
Penetrer la chaleur au trauers d'vn vaisseau?
Veu la barbe & le poil cotonner sur la peau?
Senti le doux parfum & l'odeur des steurettes?
La douceur, & l'aigreur? & des herbes insettes
La puanteur aussi? Doncques il est certain
Que la semence part comme vn nouvel essain
Au retour du Printemps, qui se iette & se cruche
Dans vn arbre sueillu au sortir de la ruche.

De ceste pierre donc se dérobe & s'enfuit Vn mouuement, vn flot, vne chaleur qui suit Ce metal qu'elle anime, ayant de violence Escarté l'air voisin, qui luy faisoit nuisance. Dans ce vuide aussi tost les premiers elemens De ce fer à l'Aymant par doux accrochemens Embrassez & collez, comme par amourettes, Se ioignent serrément de liaisons secrettes : Oui fait que l'air enclos dedans ces corps pressez, Piquez à menus trous, échauffez, & percez D'vn mouuoir importun, accolle, frappe, & pousse La semence du fer d'vne viue secousse : Se rencontrans ainfi, se collent serrément L'vn à l'autre aussi tost d'vn dous embrassement, Tout ainst que la Vierge éperdûment espointe Des fleches de l'Amour, de forte & ferme estrainte Serre son fauorit, & de bras & de main Luy pressant Pestomach contre son large sein. Ou comme le lierre en tournoyant se plisse Contre un chesne mouffu, d'une alleure tortiffe :

Ce metal tout ainsi, se sentant caressé
Tost s'accroche à l'Aymant, & le tient embrassé.

Voyla donc les appas, & l'amorce friande
Dont il se paist, goulu: le fer est la viande
Et l'aliment consit, & trampé de rigueur,
Qui benin l'entretient en sa force & vigueur:
C'est du ser qu'il prend vie, & par les stancs armee
De limaille de fer ceste pierre animee
Par secrette instuence, ainst que de la main,
Tire le fer à soy pour appaiser sa faim:
De ce metal absente ha les veines beantes
D'une brustante soif, ses entrailles mourantes,
Et son corps affoibly à faute d'aliment
S'altere languissant, & pert le sentiment.

Comme un Amant pipe d'une fascheuse attente Soupire apres les yeux de sa maistresse absente, La cherche, la reclame, & comblé de rigueur Ne songe nuiet & iour qu'à donter sa fureur : Comme moy, plus chetif que n'est la Calamite, Qui vostre cueur ferré, d'vne eternelle suite Va toufiours defirant, caressant, poursuyuant, Mais plus ie l'importune, & plus me va fuyant. Car le vostre & le mien, comme deux aduersaires, Viuent separément d'affections contraires : Le mien prompt & subtil, de l'Amour est espoint, Et le vostre engourdy ne s'en échauffe point, S'ébranlant aussi peu de la force amoureuse, Qu'aux soupirs d'Aquilon vne roche orgueilleuse, Eftant plus froid que Marbre, ou que le vent d'Hyuer, Qui renglace, cuifant, l'onde, la terre & l'air.

Or l'image qui part de tous ces corps spirables, N'est de pareil essett, ny de forces semblables:
Autre est celuy de l'Or, que celuy de l'Airain,
Du Verre, de l'Argent, du Fer, & de l'Estain,
Estant ces corps entr'eux de diuerse nature,
Diuersement ourdis, d'air, & de contesture,
Cause qui vont suiuant, stairant, & recherchant
Pareilles amitiez qui les vont allechant,

En fuyant leur contraire: Vne guerre immorselle Se coune & se mourrist st sierement cruelle Entre le Fer massif, & le corps de l'Airain, Que mis entre le Fer & l'Aymant, tout soudain Leur amitie se rompt, le Fer prenant la fuite A fin de n'éventer l'air de la Calamite.

Car apres que l'Airain de ses rayons plus forts A bouche les pertuis, & comble iufqu'aux bords Tout le vaide du Fer, la force & la semance De l'Aymant se rebouche, & trouve refistance Qui luy defend l'entree, estant le Fer tout plain Du flot & du bouillon des rayons de l'Airain.

Mais entre nos deux cours y a-til point, Maistresse. · Quelque Airain morfonda, qui fait que la rudesse Du vostre ne s'échauffe, & n'approche le mien? Le mien, qui ne souspire, & qui n'aspire rien Que de vous estre serf, mais las! plus l'esperance Trompeuse le repaist, moins prend-il d'affeurance: Plus ie pense estre aimé de vos rares beauter, Plus ie sens de vos yeux les fieres cruautez.

N'est-ce merueille encor, outre ces eas estranges, Et les accrochemens de ces nouveaux mestanges, Voir ce corps Aymantin animé de fureur. Ainfi que de l'Amour, ou de quelque autre ardeur, Suyure les feur dorer des estoiles Vranes, Qui craignent se bagner dedans les eaux marines, Eternelles roulant à l'entour de l'essieu? Mais sent-il point encor la pointe de l'espieu D'Arcas le fils bastard, & gardien de l'Ourse? Quand chaffant par les bois, échauffé, prift la course Pour enferrer sa mere au poil aspre & rebours, De ce grand Iupiter trop cruelles Amours? Qui changea les beautez, & les graces modestes De Caliston la vierge en ces stammes celestes, Apres l'auoir armee & de dent & de peau, Pour accroifire des Ours le sauvage troupeau? On c'eft l'influs secret des rais & de la flame

De l'Ourse qui l'inspire & qui luy donne l'ame,

Ou quelque cousinage, ou bien ie ne sçay quoy
De friand qui l'amorce & qui l'attire à soy.
Car le fer aiguisé sans force & sans contrainte
Frotté contre l'Aimant, tourne tousiours la pointe
Vers le Septentrion, qui rend les iours partis
En minutes, en quarts, & les vents assortis
Chacun en son quartier, retranchant mesuree
La stamme du Soleil, & l'humide contree.

Invention des Dieux! auoir tiré l'esprit
D'vn caillou rendurci, qui sans sçauoir apprit
Aux hommes iournaliers, de tirer vn mesnage
Des iours, des mois, des ans, ruine de nostre age!
De là nous cognoissons qu'en ce grand Vniuers
Tout se fait d'amitié, rien n'y va de travers,
Tout marche, roule & suit sous la sainte ordonnance
De ce grand Dieu, qui tient tout le monde en ballance

Ha siecle malheureus, & veuf de ingement,
Où les hommes grossiers ont moins de sentiment,
Moins de grace & d'amour que le fer ny la pierre,
Armez de cruauté, & tous nez pour la guerre,
Ennemis de la Paix, prompts à souiller leurs mains
Au sang de leur voisin, tant ils sont inhumains!
Siecle trop ignorant des douceurs de la vie,
Fertile de malheur & pallissant d'enuie,
Nous faisant sauourer en ce val terrien
Plus aigrement le mal, que doucement le bien!

Or la pierre d'Aymant non seulement attire

La froide horreur du ser, mais le ser qu'elle inspire

De sa viue chaleur, attire l'autre ser:

Communiquant sa sorce, et les rayons de l'ær,

Qui coulent de l'Aymant, au ser qu'il outrepasse:

S'entre-poussant ainsi que sur l'humide espace

Les haleines des vents promts et vistes courriers,

Vont poussant par derriere au gré des mariniers

Et voiles et vaisseaux, vollant d'ælles legeres

Pour empieter l'Or sin des riues estrangeres.

Cause que nous voyons & quaire & cinq anneaux Suspendus dedans l'air d'accrochemens nouveaux,

L'vn à l'autre collez de liens inuifibles, Comme fi de l'amour entr'eux estoyent sensibles, L'vn l'autre se couplant de secrette amitié, Qui ces deux corps inspire à trouuer leur moitié.

Ainsi de la Torpille vne vapeur se iette D'un air empoisonné qui coule à la languette De l'hameçon pipeur, passant subtilement Par le ser engourdy d'un estourdissement, Du ser, il monte au poil de la ligne tremblante, Et du poil, à la verge, & à la main pendante Du Pescheur dessus l'eau restant morne & blesmy, En voyant sa main gourde & son bras endormy.

Mesmes lon tient pour vray, que les costes ferrees Des vaisseaux arrestez sur les ondes verrees, Qui vont rongeant les piés du rocher Aymantin, Se deferrent soudain, & n'y a clou en sin, Esperon, ny crochet, boucle, crampon, ny bande Qui ne laisse le bois, & prompt ne se débande, Ne s'arrache & ne sorte, à sin de s'accrocher Contre les stancs larrons de l'Aymantin rocher.

Il y a de l'Aymant de couleur noire & perse, De blanc, & de blaffard, mais de force diuerse. Le noir, masse guerrier, n'attire que le fer : Et le blanc, feminin, n'attire que la chair. On dit que le blaffard de couleur iaunissante Porte ceste vertu, qu'vne lame innocente De ce caillou frottee, entre par le trauers Sans offenser la chair des muscles & des ners, Qui plus est, sans douleur, & sans que de la playe Le sang froid & glacé en ruisselant ondoye: Gar le coup se reprend, & se ferme soudain Sans parestre, restant le corps entier & sain.

On conte qu'vn Berger decouurit ceste pierre, Fichant de son baston la pointe dans la terre Sur le mont Idean: Car le ser approché De l'Aymant espion, soudain sut accroché. Le plus voisin de nous, est celuy que l'Espagne

Liberale nous vend, l'Itale, & l'Alemagne:

Le meilleur est celuy que l'Ethiope Indois Trouve deduns le sein de son riche granois: L'autre & le plus commun, se nourrist és minieres, Prend la force & le pois des terres ferronnieres: Nature ne voulant cacher dedans son sein Le bien qui sert à l'homme, & qui luy fait besoin. Car on tient pour certain, que l'Aymant est propice Pour les accouchemens attaché sur la cuisse: Bon contre le venin, & pour le mal des yeux Quand ils sont larmoyans, rouges & chassieux: Bon pour la chasteté, & pour se rendre aimable, Courtois, facond, diferet, gracieux, accostable, Propre pour alterer, & pour estancher l'eau Qui flotte entre la chair & le gros de la peau. Va donc, va donc Aymant, va trouuer ma Maistresse. Et si tu peux, subtil, detremper la rudesse De son ame ferree & l'attirer à toy, Plus fort te vanteray, & plus vaillant que moy. Qui n'a peu l'esmouvoir par ouvertes allarmes, Cruelle dédaignant mes souspirs & mes larmes, Plus dure mille fois que le fer endurci, N'ayant de mon malheur ny pitié ny merci.

LA PERLE.

A LA ROYNE DE NAVARRE.

Ie veux de main industrieuse
Sur les bords de l'onde fameuse
Choisir vne Perle de pris,
Vne Perlette dont la gloire
Sur les colomnes de Memoire
Immortelle emporte le pris.
Perle, dont iamais ne ternisse,
Ne s'ensume, & ne se iaunisse
Le lustre argenté de son eau,

Et que la force violante Du Temps à la pince mordante, N'offense & n'entame la peau. Belle & gentille creature, Rare merueille de Nature, Threfor qu'on ne peut estimer, Plus precieux qu'on ne veit oncques, Prisonnier au fond de deux Conques Sur le sablon de l'Inde mer. Dinine & celeste semence, Qui tient sa premiere naissance Du Ciel & des Astres voisins, Empruntant du sein de l'Aurore Son beau teint quand elle colore Le matin de ses doigts rosins. Ores qu'elle soit citoyenne De la plaine Neptunienne, Si n'y prend-elle ses appas : Mais comme hostesse dédaigneuse. Des eaus de la mer escumeuse, Ingrate, ne s'abreuue pas. Ayant plus de commun vsage D'alliance & de coufinage Dedans le celeste pourpris, Qu'auec l'escume mariniere, Or' qu'elle soit son hofteliere. Et qu'ailleurs son germe n'ait pris. Car quand la saison plus gentille A conceuoir se rend fertile, La Nacre s'ouure, & promtement Cefte gourmande creature Beant reçoit la nouriture De son perleus enfantement: Qui vient de la douce rosee Du grand Ciel, dont l'Huyftre arrosee S'engrosse & s'enyure au matin, Ainst que la leure tendrete De l'enfant se paist & s'allaite

188

Sucottant le bout du tetin. Comme la Vierge époinçonnee Des chastes stambeaux d'Hymenee, Bruste & meurt d'un ardant desir D'appaiser l'ardeur de sa flame: Tout ainst ceste petite ame Souhaitte l'amoureus plaifir. Qui ne soit vray, l'on dit encore La Perle fille de l'Aurore, Quand pour alleger ses douleurs Soupirant apres son Cephale, Dedans la mer Orientale Pleurant s'emperlerent ses pleurs : Larmes que les Conques perleuses Du fruit de leur mere amoureuses, Mirent au fond de leur berceau: Puis rondes les emmailloterent, Et nourrices les allaitterent Du fecond germe de ceste eau. Aussi la Perle se colore Ainfi que sa flamme redore Et donne teinture au matin : S'elle est palle, elle est pallissante: S'elle est iaunastre, iaunissante : Pure, son fard est argentin. Mesme quand Iupiter desserre Les traits vengeurs de son tonnerre De son bras rougissant d'éclairs, Ou quand, despit, sur le riuage Il brasse quelque espais orage Par ses promts & venteurs courriers: Cefte creature debile Aussi tost dedans sa coquille Se renferme tremblant de peur, Cause qu'elle altere sa face Par trop ieusner perdant sa grace, Son teint, sa force, & sa rondeur. Car conceuant en saison telle

Que la tourmente plus cruelle Trouble les humides cantons: L'vne est platte, louche, bossuë, L'autre creuse, & l'autre moussuë, Ainfi que petits auortons. N'est-ce cas merueilleux en elles De remarquer ces meres Perles, Lors que la chaleur les atteint, Se plonger dans les eaux profondes, A fin que sous le frais des ondes Elles conseruent leur beau teint? Et pour punir les mains auares Des pescheurs & plongeons barbares, Ou foit Arabe, ou foit Indois, Les voir de pince vengeresse Contre l'amorce piperesse Tronçonner la main & les dois? Sçachant bien receler enclose Vne riche∬e qui repo∫e Dans leurs flancs, qui les fait aimer, Et fait qu'au peril de la vie Ceste noble proye est suyuie Iusqu'aux abysmes de la mer. Puis nagent ces troupes Huytreuses Desfous les campagnes vitreuses Sous vn chef en gros bataillons, Comme la troupe mesnagere Des Auettes vole legere Sous vn Roy dans leurs pauillons. Perle gentille, mise en poudre Qui sçait l'humeur fondre & dissoudre Qui nous rend froids & catarreux, Et qui de vertu non connuë Esclarcist & chasse la nue Qui nous flotte dedans les yeux. Poudre qui retiens la puissance Par vne secrette influance Seicher toute manuaise humeur,

Et des pasmoisons donteresse Soudain remettre en allaigresse Les poulmons, le foye & le cueur. Poudre secrettement unique Pour purger le melancolique, Ou cil qui seche languissant D'vne fieure ou d'vn mal de tefte : Poudre qui doucement arreste Le flux qui coule rougiffant. Perle, que iamais ne s'efface Le luftre argenté de ta face, Et que lon ne détrampe pas, Ainst que la Perle Indienne Que la prodigue Egyptienne Gourmanda seule en un repas. Or va doncques, Perle d'eslite, Va trouver cefte MARGVERITE, Des beauter la Perle & la fleur, Et fay tant que tu trouves place A son oreille, ou sur sa face, A fin de gaigner sa faueur. Si tu l'as, Perlette mignonne, Ce Faucheur aile qui moissonne Tout cela qui vit dessous l'ær, Ne scauroit offenser la grace Des chastes honneurs de ta face, Ny le teint qui te fait aimer.

LES AMOVRS DE HYACINTHE

ET CHRYSOLITE.

Hyacinthe enamouré des yeux de Chrysolithe, Entre cent Damoyseaux de beauté plus eslite, Espoinçonné des traits & de la viue ardeur De ce Dieu qui sans yeux frappe si droit au cueur, Dissimulant, nauré, vne playe en ses veines, Alloit de tels propos assaisonnant ses peines, Ayant tiré, craintif, de ses poulmons enstey L'air chaud entrecoupé de soupirs redoublez.

Chrysolithe, mon cueur, mon desir, ma sucree, Ma Grace, mon souhait, ma Cyprine doree, Chrysolithe m'amour, si iamais la pisié Logea dedans tes yeux, ou si quelque amitié, Ou quelque dous accueil a pris place en ton ame, Appaise, Chrysolithe, appaise ceste slame, Qui deuore, gourmande, & ma chair & mes os, Appaise la fureur qui trouble mon repos: Seule me peux garder, & me perdre Cruelle, Seule retiens chez toy, comme hostese fidelle, Et ma mort & ma vie: Aduise donc mon Gueur, Lequel te plais des deux, & fay que ta rigueur Ou me plonge au cercueil, ou ta benigne grace Me redonne la vie, & bienheureux me face.

Ie scay que instement ie ne puis excuser L'offense que i'ay faitte, & ne puis accuser Autres que mon malheur, ou tes beautez extrémes Qui me font oublier mon denoir & moymesmes, Indigne des faueurs d'un regard adouci De ton eil rigoureux: Mais si ton ame aussi Iuge sans passion l'offense que l'ay faitte, Pour n'auoir accompli l'entreprise secrette Entre nous deux iuree, elle n'est pas, mon Cueur, Si lourde, si fascheuse & si pleine d'erreur, Qu'ell' ne merite bien, à pardonner facile, Quelque douce faueur de ta grace gentile : Excusable prayment, & digne de pardon Si l'aucugle Tyran du Ciel avoit ce don, Comme il n'a pas, cruel, de supporter les fautes Des Amoureux, pipez de ses ruses trop cautes.

Il faut gouster le bien auant que s'en gorger, Il faut rougir le fer auant que le forger, Quelquefois l'on espargne à sin de mieux despendre, On se fait seruiteur pour plus libre se rendre,

On s'altere aux chaleurs pour la soif estancher, On refuse l'honneur que plus on veut chercher. Le Marinier se pend aux vagues de Neptune Pour bastir sur la terre, & dorer sa fortune : De la terre poudreuse on engerme le sein Pour en tirer l'ysure & redoubler le grain: Pour se mettre en repos souvent on se travaille, Pour gaigner le rempart on vient à la muraille.

Moy foldat de l'Amour, pour affaillir ton cueur, Pay faist breche en tes yeux, dont ie reste vainqueur, De vainqueur, prisonnier, & de ceste victoire, Seule, sans coup fraper tu remportes la gloire : Pen appelle à tesmoin mes soupirs & mes vœux, Qui pendent pour trofee à tes crespes cheueux, l'en appelle à tesmoin mon ame prisonniere Dedans tes yeux, Maiftreffe, & ta grace meurdriere De mon cueur languissant sous ta fiere rigueur, Qui dédaigne mes pas, & rit de mon malheur.

Auant que m'embarquer à vous aimer, Cruelle, Ie deuois espier de quel temps ma nacelle, De quel vent, de quel flot, sans trop l'auanturer, Deuoit estre poussée auant que démarer : Ie deuois remarquer la mer & les estoiles Propres à voyager, & mettre au vent les voiles : Mais las! sans le connoistre, ignorant que ie suis, Malgré l'onde & le Ciel la voile au vent i'ay mis. Qui fait que maintenant sur les sentiers humides Entre les flancs aigus des rochers homicides Ma nef est emportee & sans voile, & sans mas, Voguant à la merci d'yn orageus amas, N'ayant à son secours, dessous les eaux plongee, Qu'vn image de mort, qui la tient assiegee Et en poupe & en prouë: Ainsi loing de support Perist veufue d'espoir d'ancrer iamais au port.

Ne me dédaigne pas ie te supply Maistresse, Le Dieu qui terrassa en sa blonde ieunesse De ses traits empennez l'effroyable Serpent, Dont le ventre empesté couuroit plus d'yn arpent, Le Dieu au crin doré, qui des nerfs de sa lyre
Anime les fureurs de celuy qu'il inspire,
Me caresse, me suit, & ne dédaigne pas
Pour seulement me voir, de perdre mille pas.
Zephyre aux dous souspirs, pour plus humble se rendre
Au service amoureus de ma ieunesse tendre,
D'allerons bigarrez volle de toutes pars
Pour m'honorer, craintis, de ses baisers mignars:
Ie cours, ie vais, ie viens, & mes peines perdues
Par le vague de l'air se fondent dans les nues.

A tant met fin Hyacinthe à ses aigres douleurs, Baignant ses yeux en flez de gros bouillons de pleurs. Pres de luy verdissoyent les ieunes reuenues De Lauriers sursemer de perlettes menues, Et les Pins cheuelus bras à bras accollez Espanchoyent à l'enuy leurs ombrages mollez: Là les soupirs coulez des bouches Zephyrines Esbranloyent surpendus les nouvelles crespines, Et les tendres iettons des arbres verdoyans: Sur les plis argentez des ruisseaux ondoyans: Là la terre de fleurs & de couleurs paree Au Soleil éuantoit sa robe bigaree : Entre ces range fueillus s'esgayoit argentin, Vn ruisseau trepillant d'vn reply serrentin, Qui d'un murmure doux dans les eaux gazouillantes Apprenoit le iargon aux pierrettes roulantes: Lieu digne de l'Amour, m'en soit tesmoin l'oiseau, Fidelle auantcoureur du beau printemps nouueau, M'en soit tesmoin celuy qui sur les Aubespines Fredonne, babillard, ses notes argentines, Hoste de la saison, qui gaye de sa vois Remet en allaigresse & les monts & les bois.

Là le Dieu Delien le Prince de la lyre, Le Dieu qui souverain tient le celeste empire Sur les Chantres sacrez, sist mourir de sa main Hyacinthe, dont le sang empourpra le beau sein Des aillets blanchissans, sang qui rougist encore Dessus le front poly des pierres qu'il colore,

Remy Belleau. - II.

Sang qui rougist encor sur les tapis herbus
Le reproche eternel des amours de Phebus.
Car quand le Renouueau en s'eschaussant repousse
Les glaces de l'Hyuer de son haleine douce,
Et le Belier succede aux Poissons froidureus,
Hyacinthe on te reclame, & sleuris odoreux
Dessus le verd gazon de la terre animee
D'un gracieus parsum qui la rend embasmee.

Ainst donc donn en an quelque part que.tu sois, Tu reuis bienheureux au plus beau de nos mois, Et deuois luire au Ciel quelque slamme agencee N'eust esté du Destin la contrainte forcee, Qui choisit pour meurdrier (ha cruauté des cieux!) Le Dieu qui plus t'aimoit mille fois que ses yeux, Qui pour toy fait esclaue attise dans ses veines Yn destr importun, compagnon de ses peines, Qui va brustant son ame, ainst que peu à peu La nege sur les monts, ou le suif pres du seu.

Il le hante, il le suit, pas à pas le talonne, Point ne le pert de l'œil, iamais ne l'abandonne, Hyacinthe est son souhait, Hyacinthe est son souci, Il le vante le soir, & le matin aussi, Et dormant & veillant, lors que la nuist muete Couuse cest Vniuers sous son aile brunete.

Les replis embrouillez des oracles douteus
Luy viennent à desdain & luy sont odieus,
Laisse moistr au croc les cordes de sa lyre,
De Delphe & de Patare, amoureus, se retire:
Plus il n'aime, chasseur, que l'ombre des foréts,
Au lieu de trousse & d'arc il porte vn pan de réts,
A sin d'accompagner Hyacinthe que la chasse
Eschausse apres vn cerf qu'il poursuit à la trasse,
Tant la force d'Amour esperdüment le poind
Qu'en le suiuant se perd, & ne repose point.

» Mais quoy? n'est-ce vn malheur que la douleur cruelle
» Est tousiours de l'Amour la compagne sidelle?
Car voulant s'exercer à tirer le ballon,
Pour se donner plaisir, le premier Apollon

Le guinde haut en l'air, & se courbant le pousse, Mais en tombant (ô Dieu!) d'une roide secousse . Il rencontre le chef du ieune Damoiseau, Luy écrase le test, luy froisse le cerueau Qui flotte sur ses yeux, & n'y a medecine, Charme, drogue, ny ius, ny basme, ny racine Qui le puisse estancher, ses beaux yeux en mourant Entreuirent le ciel, qu'il alloit desirant. On chante que Zephyre au branle de ses ælles Ialousement épris de passions cruelles, Deflournant le ballon autheur de ce méchef, Pour se vanger d'Amour luy brandit sur le chef. Comme les Lis froissez de la pince cruelle De l'ongle, ou de la main, ou battus de la gresle, Flaiftriffent aussi tost, & blesmes vont baissant Leur beau chef argenté, qui panche languissant En willadant la terre, & fanissant ne peuuent Agrauez, se dresser, tant foibles ils se treuuent. Ainsi du Damoiseau s'estrange la couleur, Se dérobe le poux, la force & la chaleur : Ains le corps nauré de ce ieune Amyclide S'affoiblist chancelant, mais le sang qui reside Dans les vaisseaux rameux en ondoyant repeint Les pierres & les fleurs, marques de son beau teint: Et ne peut-on iuger à leur face blesmie, Si le mort, ou le vif a plus ou moins de vie. On conte qu'Apollon croupit sept mois entiers Loing du ciel escarté sous les flancs des rochers, Soupirant son malheur: Les tronches aurillees Des vieux Chesnes branchus, les monts & les vallees Larmoyerent transis dessous le contre-son, Et sous l'air mesuré de sa trifte chanson, Accoisant & flattant les coleres felonnes Des Tigres affamez, & des fieres Lyonnes. Comme le Rossignol de lamentable vois Fait gemir de douleur & les monts & les bois, Ne trouuant plus au nid sa petite nichee Qui beante l'attend pour prendre la bechee,

Que le berger a prise, ayant d'yeux trop subtils Remarque le buisson, la mere, & les petits. Ainsi le Delien ayant l'ame esploree Et d'extreme regret esperdiment outree Triste se lamentoit, & pleuroit son malheur: L'air comble de son dueil rechante sa douleur, Et les Nymphes des bois, & des ondes parlantes Reçoyuent dans leur sein ses larmes ondoyantes.

Le vray teint du Hyacinthe est le rouge vermeil, L'autre est rouge blassard, en couleur tout pareil Au grain d'vne Grenade, & rougissant & palle: Le meilleur est celuy que l'Inde Orientale Mere de ces thresors, sire de son beau sein Pour embellir des Rois & le front & la main, Estant rouge sanguin, n'ayant la face triste De couleur violette ainsi que l'Amethyste, Sans paille, sans ordure, en pareille grandeur Qu'vn grain d'vne lentille, & d'extreme froideur.

L'autre & le plus commun, est celuy qui se treune Au sable Ægyptien, que ce grand steune abreune Cegrand steune aux sept huis, qui trouble, & poissonneus Engraisse le gueret de son trac limonneus.

Porté contre la chair, il rend l'homme agreable, . Modefle, gracieus, riche, courtois, affable, Cheri de sa maistresse: il le rend asseuré Des esclats foudroyans du tonnerre ensouffré: Il garde son porteur de l'ardeur immodeste De l'enfant de Cypris, de venin & de peste, Chassant l'air corrompu qui de grossiers amas Prend & caille le sang, & nous meine au trespas: Ennemi des frayeurs, qui de melancolie Troublent l'air plus serain de nostre fantaisie: .: Ennemi des Démons, & de l'estonnement, Dont les songes menteurs nous trompent en dormant: Retenant sous le mort de ceste pierre dure Quelque douceur encor de sa gente nature, Qui viuant ne peut onc au torrent de ses pleurs De sa fiere Maistreffe adoucir les rigueurs.

Sur ce nouveau trespas Chrysolithe la belle; Humble, se sounenant de la façon cruelle Dont elle auoit traité ce ienne Damoyseau, Plus douce apres sa mort, & dedans le tombeau, : Que viuante cent fois, pour la demeure sienne Amoureuse choisit la poudre Egyptienne, A fin d'accompaigner Hyacinthe, que le sort Ne permist d'estre aimé sinon apres la mort. Hà ruse d'Apollon! qui point de ialousie, Point d'extreme fureur & folle frenaise, Pour mieux eterniser les larmes de son dueil Cacha ces deux amans en vn mesme cercueil: Hyacinthe se trouuant dessous la mesme terre Qui le cœur empierré de Chrysolithe enserre, Morte ne retenant d'immortel souvenir Que l'infame surnom d'ingrate à l'auenir...

Donques la Chrysolithe en couleur verdoyante
Tire sur le verd-gay de la mer ondoyante,
Ou au ius presuré des fueilles d'vn poreau:
L'autre ha plus que l'or sin le visage & la peau
Plus iaune & plus doré, on l'appelle Topasse,
Qui de son lustre d'or, l'or mesmement esface,
Tant il est iaunissant, semblable, hors le surnom,
A celle qui de l'or emprunte son beau nom.
Car l'une & l'autre en sin n'est qu'une mesme pierre,
Qui molle s'endurcist sous les stancs de la Terre,
De nature semblable & de mesme vertu.

Il rend l'homme vaillant & d'honneur reuestu:
Plongé des ous la langue, il detrampe & modere
Du sieureux languissant la chaleur qui l'altere:
Mis sur le costé gauche, il repousse la peur,
Mesme aux Démons nuitteux il apporte frayeur:
Il arreste le slux d'vne playe coulante,
Il appaise de l'eau sur la slamme brillante
Le boüillon sautelant dans les creux de l'airain:
D'vne puissance occulte il domte & met au frain
Des songes imposteurs les ruses tromperesses,
Qui vont charmant nos yeux d'amorces piperesses.

Voyla de deux Amans & le sang & les pleurs, Eschangez pour memoire en pierres & en sleurs: Fleurettes, du Printemps seures auant-courrieres: Pierrettes, de l'Amour sidelles messageres.

LE RVBIS.

A MADAME LA DVCHESSE DE MONTPENSIER

O toy le patron de la Lyre, Animant de sainte fureur Le Chantre qu'il te plaist elire, Pour le combler de ta faueur: Toy qui fais naistre les Poetes, Medecins, Devins, Interpretes, Toy qui premier as inventé L'honneur de la branche fameuse, Où ta fuyarde dédaignense Vit encor en sa chafteté. Toy qui de flamme non commune Attiedis iusqu'au fondement L'humide palais de Neptune, L'air, la terre, & l'autre element, Dy moy l'honneur de ceste pierre, Qui desfous les flancs de la Terre Emprunte le beau teint vermeil De ton feu, qui trampe & colore L'or, l'argent, & le cuiure encore D'yn artifice nompareil, L'Escarboucle est cil qui se vante Sur le Rubis plus excellant, Soit Indois, ou soit Garamante, Pour son feu viuement brillant, Qui rayonne & vif estincelle, · Ainfi que fait vne chandelle Par les tenebres de la Nuit:

Ou comme au vent d'une fournaise On voit rougir entre la braise Le charbon blüettant qui luit. Dont le masse ha trop plus de grace, Plus de lustre, & plus de vigueur Que la fémelle, qui de crasse, De graisse & de noire épesseur Souille sa face languissante, Entre le vermeil pallissante Sous vn morne affoiblissement: Tout ainfi qu'en chacune espece D'animaux le masse ha l'adresse, La force, & le commandement. Dans le feu ceste pierre fine, Languist & perd son lustre beau, Mais aussi tost elle s'affine Et reprent son teint dedans l'eau: Mais las! ie vy tout au contraire Maltraité de mon aduersaire, Amour, sous ses fieres rigueurs. Car son feu me donne la vie, Et mon ame palle & blesmie Se noye au torrent de mes pleurs, L'on connoist la bonté parfaitte Du Ballays, quand vn petit feu Comme de couleur violette S'estance hors de son milieu: Quand on n'y voit paille, ny poudre, Mais ainsi qu'vn esclat de foudre En pointe, vn rougissant éclair, Vne viue couleur pourprine, Espesse non, mais cramoisine Sous vn luftre brillant & clair. Or le Rubis plus agreable Est celuy que l'on voit encor Non sur la peau, mais dans sa table Comme petites gouttes d'or D'ordre égal, poussant leur lumiere,

200

Comme l'humide Poussiniere, Qui laissant le front du Toreau, Est de l'Hyuer la messagere, Et .de l'Esté l'auant-courriere Naisfant apres le Renouueau. Cause que la sainte alliance Des Pleiades, le sang d'Atlas, Fait que ceux qui ont connoissance De l'influs qui coule çà bas, Ou par celeftes coniectures Predisent les choses futures Du Ciel dépité contre nous, Ainst que le sage Caldee A la vertu recommandee De ce Rubis, par dessus tous. Le Rubis dedans sa carriere Au lieu d'estre rouge en couleur Quelquefois est blanc, sa matiere N'estant encore en sa chaleur Cuitte, confitte, affaisonnee, Mais debile, & fraichement nee, Que le Soleil va meurissant, Si bien que celuy que l'on tire Trop ieunement de son Empire Est tousiours palle & blanchissant. A l'Escarboucle est la victoire, Le Balays le seconde apres, Le Rubis emporte la gloire Sur la Spinelle, qui de pres, Braue, contr'imite son lustre, Mais qui de beauté trompe & frustre Le Grenat sallement ombreux, Pierre vulgaire & trop connuë, Brunissant d'une épesse nuë Sans grace, & Sans trait vigourenx. Corinthe, Orchomene, Arabie, Et ceux qui gellent sous le Nort, Mar seille, Espagne, Ethiopie

Trouvent le Rubis en leur port: Mais ie croy que si rare pierre Ne s'engendre és flancs de la Terre. Et que ce grand Ciel larmoyant D'vn pleur cramoyfi qui rousoye, Fait naistre sur la riue Indoise Le Rubis toufiours flamboyant. Mais que fait l'artiste Nature Que l'homme ne vueille imiter? Ou soit en la morte peinture, Fondre, mouller, tailler, enter? L'un veut en un fourneau recuire Ce que le Ciel ne peut enduire Ny digerer dedans mille ans: L'vn donne la couleur au verre, Le fond & en moule vne pierre Pour tromper les plus clair-voyans. L'vn d'vne table redoublee De Crystal net & non scabreux, Estant bien iointe & bien collee Vne fueille rouge entre-deux, Sous ce Doublet & faulse glace Si bien contr'imite la grace Du Rubis, que le plus rusé, Ores qu'il ait la connoissance Des pierres, & de leur naissance, Bien souvent s'y trouve abusé. D'vn Sapphir blanc bien mis en auure Le Diamant se contrefait, Et n'y a si bon mil d'Orfeure Qui ne s'y trompe: Mais s'il sçait Que de toute pierre bastarde La dent de la Lime rongearde Decouure le lustre trompeur, Soit Rubis, ou foit Chrysolithe, Emeraude, Opalle, Hematite, Ou autre glace de couleur. Encor se découure la fraude.

Au poix, & au lustre affoibli Du Rubis, & de l'Emeraude: Ou les frayant sur le polli De la pierre dont on affile De l'acier la pointe subtile, Ou du fer le taillant scabreux: Ou s'en la glace mensongere On voit l'amas d'une poussiere En petits durillons pierreux. Le Rubis tant il est celeste, Chasse les frayeurs de la Nuit, Repousse & destourne la peste Et l'air infecté qui nous nuit: Met le resueur en allaigresse, Ennemi mortel de tristesse, Repurgeant en toute saison L'homme de la melancolie, Sous l'asseurance que sa vie Ne se peut noyer de poison. Va Rubis, & ne te lamante D'estre repoly de ma main: Possible vne autre plus scauante Se voudra trauailler en vain Pour faire mieux : Et si l'addresse Que ie te donne à ma Princeffe, T'est fauorable, & qu'en son doy Elle te porte bien apprise, Il n'y a pierre tant exquise Qui soit plus heureuse que toy.

LES AMOVRS D'IRIS ET D'OPALLE.

Ie chante le Destin, & la stamme fatale D'Iris la bigarree, & de l'Amant Opalle, Opalle ieune & beau, qui sur le sable Indois Perdit, clangoure, & la force, & la vois: Iris, qui de sa mort cruellement outree, Ses larmes empierra sur la riue Erythree. C'estoit le iour qu'au Ciel le Soleil pur & beau Redore de son feu les cornes du Toreau, Le iour que du Belier les estoiles gaucheres Se plongent sur le soir és ondes hostelieres Du grand pere Ocean, quand l'image à Persé Découure au plus matin le pié gauche auancé: En la gaye saison que les humbles fleurettes Embasment de parfum leurs robes vermeillettes, Et les chantres oyseaux degoisent, babillars, Les accens decoupez de leurs fredons mignars: Quand Iris, de Iunon la fidelle courriere, Se trouuant sur les bords de l'Indoise riviere, Lasse d'un long voyage, où les ialoux appas De sa maistresse absente anoyent guidé ses pas, Espiant les larcins en ceste basse terre Du Dieu qui sous ses pieds échauffe le tonnerre, S'affied contre les flancs d'vn cauerneux rocher, Pour tromper la chaleur, & sa soif estancher : Mais las! vne autre soif a son ame alteree. Car en voyant d'Opalle une grace affeuree, Vne façon gentille, vne ieunesse encor Luy frisant le menton d'vn petit crespe d'or : Voyant les dous attraits de sa face riante,

Ses yeux gros de l'Amour, son ame soupirante Vn orage de seu, qui luy trouble les sens: Voyant donques Opalle en son gaillard printems, Opalle grand Berger des troupeaux de Neptune, Aussi tost sut esprise: vne stamme commune Vne peur aussi tost court tremblante en ses os, Qui luy dresse le poil, & luy boûche renclos Les soupirs, recherchant quelque nouuelle issue Pour sortir, echausez, de la stamme conçeue. Il tombe en pasmoison: Mais Amour estancé Prompt de la mesme main, dont il auoit blesse, Luy dessille les yeux, & du bout de ses alles Entrouure le rampart de ses leures inmelles, Luy bagne de parsum les temples & les yeux, Puis le creux de la main, & d'vn vent gracieux Luy redonne l'esprit, qui fait que le teint palle Se retire, honteux, du visage d'Opalle, Reprenant, vigoureux, cela que le sommeil Luy auoit derobbé de son beau teint vermeil.

Forcé des traits d'Amour, d'vne alleure gaillarde S'achemine dispos, & vaillant se hazarde D'accoster son Iris, qui l'attend de pié coy Pour haster le desir qui la tient en esmoy:
Mais plus le pousse Amour, plus vne froide crainte
Le retire, honteux: vne vergongne emprainte
Luy fait rougir le front. Mais y a-til rigueur
Que ce Dieu ne detrampe, & ne domte vainqueur?
Car le voyant Iris, encore que la honte
Soudaine la retint, d'vne allaigresse promte
L'embrasse, le caresse, & d'attraits gracieux
Importune, eschausse, es s'a bouche & ses yeux:
Mais ce pendant Iunon rougissant de colere
Pour le trop long seiour d'Iris sa messagere,
Sous les replis cauez d'vn nuage ombrageux

Soudain les emprisonne, & les voile tous deux: Appaisant doucement les ardeurs violantes Qui secrettes brusloyent leurs ames languissantes. » Mais las! on dit bien vray, que l'amoureux plaistr » S'accompagne toufiours d'vn nouveau déplaifir. Car. Iunon, qui du ciel ialousement esprise Voit de ce doux larcin l'amoureuse entreprise. D'Opalle ieune & beau (ha cruelle Iunon!) Fift cefte pierre encor qui porte son beau nom : Mesme entre les deux bras de sa belle Maistresse Le iarret s'engourdit, une morne paresse Gelle & morfond les nerfs, boit & suce le sang, Le poulmon retiré ne s'estend plus au stanc. Comme un chancre malin, s'auançant insensible Rampe de nerf en nerf d'une alleure inuifible: D'Opalle tout ainst vne froide rigueur Rendurcit peu à peu les tendons & le cueur. Vn Hyuer eternel entre dans les iointures, Dedans le creux des os & de leurs emboitures, Vne glace, vne horreur iusqu'aux ongles s'estend, Vn long sommeil ferré iusqu'au foye descend, Qui luy boûche soudain le chemin de la vie: Transi plus ne soupire, & son ame rauie Recherche sa maistresse, & son corps bigarre Sur le grauier Indois se retrouue empierré: N'ayant de ses Amours, pour memoire eternelle D'auoir baisé, mortel, vne dame immortelle,

Recolorant naifue en sa face empierree De l'arc qui ceint le ciel la trace bigarree. Voyla de ces Amans l'imployable Destin Qui les poussa, cruel, en si piteuse sin.

Que les couleurs qu'il porte. Iris en ce malheur Ne le pouuant cherir de plus riche faueur, Soudain la larme à l'œil passe l'onde pourpree Pour reuoler au Ciel, de la riue Erythree: Du crystal de ses pleurs fait la pierre de pris Qui maintenant encor porte le nom d'Iris,

LE CORAL.

A MADAME LA DVCHESSE DE GVYSE.

Oui ne croit les nouueaux eschanges Qui se refont en corps estranges Au sein de ce grand Vniuers: Qui ne reconnoist que l'ouurage Qu'icy bas Nature mesnage, N'est beau que pour estre diuers: Celuy n'a pas la connoissance Que tout cela qui prend croissance, Est esclaue du changement : Et que la naissance alteree Par la mort, se vest reparee D'autre & nouvel accoustrement. Qui croiroit que ces fleurotieres Ces abeilles, ces ruchotieres Naissent du ventre d'yn Toreau Eftoufé vif dessous la terre, Quand fourmillante elle desserre Ses flancs gros d'vn essain nouueau? Qui croiroit qu'vne branche tendre Tombant dedans l'eau peust estendre Ses fueilles en ailes d'oiseaux? Bois, escorces, nouneaux fruitages S'emplumer en Oysons sauuages Naissant qui flottent sur les eaux? Qui croiroit que d'une broüce Naisse la Cigale enrouee? D'vn Ver rampant, les Papillons? Ou d'vne vase limonneuse S'armer une brigade Huytreuse? Des Cheuaux, Guespes & Frestons? Qui croiroit qu'vne herbe puante Desous l'escume blanchissante, Enseuelie au fond de l'eau

Sentant l'air, deuint pierre dure, Empruntant la riche teinture Des rais du celeste flambeau? Car ceste herbe palle & slestrie Sans humeur, & seche & pourrie Languissante sur le grauier, Le flot crespant sur le riuage Ply sur ply cruel la rauage, Et la plonge au fond de la mer. Là se confit & devient molle, Puis surnageant elle se colle Contre les flancs d'un roc marin Quand le vent sur l'onde commande, Et la mer auare & gourmande Aux bords reuomist son larcin. Le fer s'endurcist à la trampe, Mais ceste plante se détrampe Et s'amollist dedans la mer, Puis s'endurcist & se congelle, Empruntant ceste couleur belle Aussi tost qu'elle a senti l'air. Car soudain les sœurs Nereides, Les Naiades & les Phorcides Voyans leurs cabinets pierreus Enrichis de ceste merueille, Et de ceste herbe nompareille, Au Soleil dresserent tels væus. Pere, qui d'aillade feconde Fais engrosser la terre & l'onde, Conceuoir, produire & germer, Et qui par ta divine flame Attiedis & rechaufes l'ame, Qui vit sur terre & dedans l'ær: Regarde ceste herbe empierree Et de ta lumiere doree Qui rougist de viue couleur, Donne teinture à cefte branche, Et fay qu'elle qui se voit blanche.

De ton feu sente la chaleur. Baisez de vos leures mollettes. Dist-il, ces rameuses branchettes, Ie leur donne le teint pareil: Soudain ces branches Coralines Au baiser deuindrent sanguines Par les rayons d'un beau soleil. Cause que nous voyons que celles Oui de leurs bouches immortelles N'ont succe le pourpre sanguin, Sont blafardes & blanchissantes Comme les flammes pallissantes D'vn soleil malade au matin. Non, ce n'est pas le sang des veines Du chef serpentin, sur les plaines Ruisselant qui l'herbe arrosa. Lors que Persé de mains sanglantes Sur vn list d'herbes rousoyantes Tout grouillant encor le posa. Ouand dessus les rives humides Des precipices Atlantides Ce Cheualier volant & preux Au fil d'vne lame meurdriere Trancha la teste serpentiere De la Gorgonne à l'ail affreux: Oeil plein d'horreur espouuentable, Hideux, cruel, inexorable, Ocil si mutin qu'au decocher Ses traits fi fierement il darde Contre celuy qui le regarde, Qu'il le fait deuenir rocher. Mesme Pallas, qui viue armee Nasquit de la teste entamee De Iupiter, en eut frayeur, Craignant la colere homicide De cest mil, où tousours reside Le meurdre, le sang & l'horreur. Soit qu'il emprunte sa teinture

De ce Monstre, ou que de nature Il soit tel, ft eft-il tresbon Contre la morsure enflammee Ou la piqueure enuenimee De l'Aspic & du Scorpion. En poudre semé sur la terre Il rabbat les coups du tonnerre, Les foudres & les tourbillons, Destournant la peste & la gresle Tombant qui froisse et qui martelle L'espi sur le dos des fillons. Purgeant les arbres de vermines, De brouillas, d'épeffes bruines, Et toutes iniures de l'ær, Et des pestes qui font la guerre Aux grains, & aux fruits de la Terre, Qui croissent pour nous substenter. Mortel ennemi des Chenilles, Rats, Mulots, bestes inutiles, Qui rongent les germes nouveaux, Qui rampent, qui marchent, & gliffent, Et grattant, leurs maisons baftiffent Sous la Terre en petits caueaux. Mesme celuy qui court fortune Desfus les vagues de Neptune, Le portant est franc de peril, De trenchaisons, de cours d'vrines, De sang qui court par les narines, Attaché desfus le nombril. Or va done branche Coraline, Va trouuer la chaste poitrine De ta Ducheffe, dont l'honneur, Les beautey, & les graces belles, Bonter & vertus immortelles, Du Ciel empruntent la faueur.

Rewy Belleau. - 11.

11

L'ONYCE.

Le Sommeil doux & lent sous sa plume endormoire Tenoit les bords cousus paupiere sur paupiere Des beaux yeux de Cypris, foiblette delassant Ses membres sous le frais d'vn Myrte fleurissant. Les Graces à l'escart de leurs mains delicates Cordonnoyent à l'enui de roses incarnates, De thym, de mariolaine, & de mille autres fleurs Vn tortis bigarre de cent & cent couleurs, Pour couronner le front de leur belle Maiftresse. Lors que son fils Amour d'vne prompte allaigresse Plonge sur son beau chef, du chef coule en son sein, Où mourant de plaifir, dessus sa blanche main Se dérobant, accort, il se glisse & la baise : De ses doigts yuoirins mignonnement luy fraise Les plis de son colet, s'affiet sur ses genoux, Admire les beaux traits de son visage doux, Ores qu'il fust son fils, & qu'il eust connoissance De ses rares beauter du iour de sa naissance : Admire, langoureux (comme faisant l'amour) L'yuoire de son sein, & l'humide seiour De cent baisers mignards dans ses leures iumelles: Il éuente, subtil, au bransle de ses ælles Ses cheueux crespelus, admire ses beaux yeux Non pas comme son fils, sainte race des Dieux. Mais comme un estranger forissu de sa terre Qui la voulust forcer d'une plus douce guerre, Raui de ses beautez. Mais qu'aduint-il en fin? Ce petit Archerot, ce Demon, ce Lutin Bauolant sur sa main, veit (comme dans la glace D'vn miroir de Crystal) contrefaitte sa grace, Ses fleches, son carquois, ses ailerons dorez Dedans le rond poly des Ongles colorer De la belle Cypris: veit sous la banderole Qui luy serroit les yeux, la leure tendre & mole De sa bouche riante : il veit sans l'éueiller

(Comme dans vn crystal) sa stamme estinceler, Ongles aboutissans de petites perlettes, Le miroir de l'Amour, & des beautez parfaittes, Miroir, le passetemps des Graces, & des Ris, Et des Ieux compagnons de la belle Cypris.

Or comme yn ieune enfant qui toute chose admire, Dans ces ongles polis se mire & se remire, Meu de la nouveauté, voyant vn autre Amour Ainst qu'il se miroit se mirer à son tour, Delibere, finet, pendant que la Cyprine Desfous les rangs iumeaux de la fueille myrtine Tenoit les yeux fillez d'vn sommeil froid & lent, Faire vn nouueau larcin : & de faiet violent Empoigne aussi soudain de sa main promte & siere L'acier frais emoulu d'une fleche meurdriere, Dont il rongne, affeure, ainfi que d'un ciseau Le croissant vermeillet & le tendre cerceau Des ongles de sa mere, & de si gaye adresse Qu'oneques ne s'eneilla la Cyprine Deeffe, Tant le somme engourdy avoit fillé ses yeux: Cuidant par ce butin se rendre plus heureux Que s'il eust dérobé tous les thresors du monde Enfouis dans la terre, ou plongez dessous l'onde.

Riche de ce larcin s'enuolle haut en l'ar,
Mais sa mere en sursaut se reueille au voler
Par le siste bruyant de son aile ébranlee:
Apperçoit aussi tost de sa main potelee
Ses ongles raccourcis, se courrouce aigrement
Contre son sils Amour, qui trop esfrontément
Se mocque & se souit de la promte colere
Et des propos mutins de Cyprine sa mere.
Mais (desastre à l'Amour!) hachant à l'enuiron
D'ailerons peinturez comme d'vn auiron
Les campagnes de l'air (ô puissances divines!)
Laisse escouler, tremblant, de ses mains enfantines
Le thresor qu'il portoit sur le sable perleux
De l'Indois basané sous ses crespes cheueux.
Or comme il est certain que de tous corps celeses

Rien ne se deperit, la retaille & les restes Des ongles de Venus furent aussi soudain Qu'ils tomberent en bas, recueillis de la main (Par le vouloir des Dieux) des Parques mesnageres, Qui changent aussi tost ces retailles legeres En pierre qui de l'ongle a le surnom encor, Ongle de la Cypris plus precieux que l'or. Ongle estant empierré, cerné d'une ceinture Vermeille blanchissante, ou de grise teinture Qui tire sur le noir, ou dessus le vermeil, Ou de l'ongle incarnat à nul autre pareil, S'il ha couleur de chair, on l'appelle Sardoyne: S'il retient de la corne, ou du miel, Carchedoyne. Mais toutes trois ensemble, ou bien separément Ont pouvoir d'appaiser le chaud affollement Ou les viues ardeurs de la molle Cyprine, Si pendentes au col flotent sur la poitrine.

L'Onyce hors ce pouvoir, comme ayant sentiment Et souvenance encor de son empierrement Qui sut par vn forsaist commis sur la querelle D'vn petit larronneau, ha la puissance telle, Que celuy qui la porte est tousours quereleux, Triste, melancolic, resueur, & cauteleux, Plein de peur, comme Amour, qui dérobant sa mere Surprise de sommeil, l'échausa de colere, Cause que son larcin sut mis devant les yeux Du grand Ciel estoilé la demeure des Dieux.

L'EMERAVDE.

A MADAME LA DVCHESSE DE NEVERS -

Il faut confesser que nous hommes Entre les animaux, qui sommes Les sers imitateurs premiers De ce grand Artisan du monde,

Qui sons le frain la terre 🗢 l'onde Conduit de ses vistes courriers, Empruntons les sciences belles, Ou des peuples qui ont des ælles, Ou de ceux qui courent, dispos, Par les forests, & qui herissent Faunes ou noirs, ou qui blanchissent De laine ou de poil sur le dos. Les vns nous monstrent des racines, Les autres font des medecines, Naurez, qu'ils trouvent dans les bois : L'yn fait la toile, & l'autre file, Et de sa trame plus subtile Pare les Princes & les Rois. L'un nous apprend la preuoyance, L'autre la legere inconstance Des Vents qui vont enflant la mer, Les autres par divins augures Annoncent les choses futures Ou sur la terre, ou dedans l'ær. Ibis le ventre se nettoye De son bec crochu qu'elle noye Dans les replis de ses boyaux: Le Cerf nauré prend le Dictame, Pour se saigner l'Hippopotame Chofift la pointe des roseaux. Et quoy? la Grue passagere De l'Aigle fuyant la main fiere Passant la montagne au Toreau, A fin qu'en volant ne caquette Dans le bec porte vne pierrette Craignant quelque allarme nouveau. La Perdrix, le Merle & la Griue Dégoustez, si le mal estriue, Mangent du Laurier: & si l'æil Des petits Couleureaux se rouille, Déuestant leur vieille despouille, . Se guarist mangeant du fenoil.

D'où sçauons nous que ceste Pierre Soit exquise, que par la guerre Que les Griffons pour elle font Contre la race ambicieuse Des Arimaspes monstrueuse, Qui n'a qu'vn æil dessus le front? Comme fi cet oyseau barbare Vengeant l'outrecuidance auare Des hommes, eust le sentiment De déchirer de sa main croche La main qui du fond de la roche Veut tirer son auancement. Mais y a-til en ce bas monde Soit en la terre, ou dessous l'onde Que la venteuse ambition, Ou l'Auarice ne s'efforce De rechercher à toute force Pour affouuir sa passion? Outre les montagnes Riphees Y a des roches eftoufees D'ombre espais, sans air, & sans iour, Ou les neiges perpetuelles, L'hyuer, & les nuits eternelles Dreffent leur bruineux seiour. Roches non roches, mais nuages Gros de frimas, & bruns d'orages, Du Soleil fuyans la clairté, Sans receuoir la faueur bonne Ny du Printemps, ny de l'Autonne, Ny sentir les seux de l'Esté. Pres de la sont les monts Scythiques Fort voisins des Asiatiques Fertiles de pierres, 🗢 d'or, Où l'Emeraude verdoyante Entre l'Or fin estincelante Se découure, & se trouue encor. Plus noble que la Battrienne. Laconienne, ou Cyprienne,

Ou celle qu'on trouve où le Nil Dessus les campagnes hastees Au flot de ses eaux escoulees Attraine son limon fertil. Pierre naifue 💝 verdoyante Ainfi que l'herbe rosoyante Sous la fraicheur d'vn beau matin : Ny blemissante, ny hastee, Mais loing du Soleil reculee, Pres d'vn ruisselet argentin. Couleur qui raffemble & rallie La force des yeux affoiblie Par trop longs & soudains gegars, Et qui repaist de fizmmes douces Les rayons mornes, las ou mouffes De noftre wil, quand ils sont espars. Couleur belle & gayment brillante, Couleur en qui se represente Le fard qui raieunift les ans, Lors que les Graces par la pree Troussent leur robe diapree Des honneurs d'un gaillard Printams. Couleur dont iamais ne s'efface Le teint verdoyant ny la grace, Peignant l'air de son lustre beau, Qui n'affoiblist & ne s'offense De l'ombre ny de la puissance Des feux du celeste flambeau. Couleur vrayment opiniastre, Qu'on ne peut domter ny combatre, Tant est constante en sa valeur: Couleur qui iamais ne s'alsere, Mais toufiours qui demeure entiere En sa gaye 💝 gente verdeur. Si platte ou creuse en est la glace, Elle rend l'image 🗢 la grace Comme le Crystal le plus beau: Et comme dans les eaux dormantes

On y voit les formes vinantes Empraintes comme en vn tableau. Mais quand son esclat n'outrepasse Engourdy, foible, plein de craffe, Ou trop detrampé de verdeur, Ou quand vne petite nuë S'y voit d'un brouillas soustenue C'est un vice de la couleur. Vice s'elle est & grasse & sombre, Dedans entrecourant yn ombre Comme vn air brun entreluisant, Qui poitrist quelque espais nuage Pour enfourner un grand orage Dans ses flancs qu'il va recuisant. Les moindres de ces pierres fines Qui naissent dans le fond des mines De Cypre, où se trouue l'Airain, Ont des pailles & des filandres, Du grauois, du sel, & des cendres De plomb, qui souillent leur beau sein. On dit que celuy qui la porte A toufiours vne grace accorte, Propre & facond en son parler: Qu'il peut sans ronds & sans figures Predire les choses futures, Et celles qu'on veut plus celer. Bref, elle est si chaste & si sainete Que si tost qu'elle sent l'atteinte De quelque amoureuse action, Elle se froisse, elle se brise, Vergongneuse de se voir prise De quelque salle affection. Propre contre le mal de teste, Et pour destourner la tempeste, Mesme pour nous mettre en repos: Elle détrampe, elle modere La chaude & bouillante colere Qu'Amour recuift dedans nos os.

En poudre ell'guarist les morsures Des Serpens, & toutes piqueures D'aiguillon qui poind & qui cuit: Propre pour donner allegeance Au ventre qui veut deliurance Pour le descharger de son fruit. Or pour conseruer sa teinture Et la remettre en sa nature, La faut tremper dedans le vin, La frotter ou tenir conuerte Quelque temps dedans l'huile verte, Pour luy rendre son lustre fin. Or va donc belle & chaste pierre Prisonniere en l'or qui t'enserre, Va trouuer la rare beauté De la Princesse qui t'honore, Et te portant, croistra encore Les honneurs de ta chafteté.

LE SAPHIR.

A MADAMOYSELLE · D'ELBEVF MARIE DE LORRAINE.

Ny les roches sourcilleuses,
Ny les abysmes prosonds
Des campagnes escumeuses,
Ny l'horreur des plus hauts monts,
Ny les haleines mordantes
Du froidureux Aquilon,
Ny du Libyen sablon
Les coleres plus ardantes,
N'empeschent que le Marchant
Auare n'aille cherchant
Pour redorer sa fortune

Quelque butin riche & beau, Prisonnier en un vaisseau Desfus le dos de Neptune. L'vn des minieres profondes Grain à grain tire l'Or fin, L'autre du plus creux des ondes La Perle au luftre argentin : L'vn du reply des entrailles De la Terre au large sein, Tire de songneuse main Cent sortes de minerailles : Ou soit que l'ardant defir, Ou quelque nouveau plaisir De voyager les y pousse, Ny la peur ny le danger Ne les sçauroit estranger, Tant le gain est chose douce. Tesmoin ceste pierre sine, Ce Saphir riche en couleur, Couleur celeste & dinine, Et de petite valeur: Mais la vertu qui surmonte L'aueugle débordement, Est celle ordinairement De qui l'on fait moins de conte. Et quoy? n'est-ce estrange cas Que chose on n'estime pas S'elle n'est fauorisee Ou de quelque affection, Ou bien de l'opinion . Qui seule en fait la prisee? Lors que la mer est armee De noirs & gros bataillons, Et de colere animee Par les venteux Aquilons, Elle pousse, liberale, Du profond de l'Ocean Sur le sablon Libyen

Le Saphir, pierre Royale: Mais celuy que le Medois Troque, & celuy de l'Indois, Est de couleur accomplie, Plus brun & plus azurin Que n'est pas le Saphistrin Des arenes de Libye. Pierre la plus precieuse Qui se trouue dans le sein De la Terre plantureuse, Pierre qui du Ciel serain Emprunte la couleur belle, Et qui d'estrange pouuoir Aux hommes se faisant voir, Presque se monstre immortelle. Et c'est pourquoy le renom De sa force & de son nom La fait surnommer sacree: Qui fait, saintle, en la portant, Du front qu'on n'aille heurtant La fortune malheuree. Qui les corps vains & debiles De sueur ou de chaleur Rend prompts, dispos, 🗢 habiles En leur premiere vigueur: Saphir ami de la vie, Du sang, du foye & des yeux, Qui le breuuage amoureux Et tous les charmes délie. Propre contre le pipeur Qui d'un langage trompeur A la bouche toute pleine: Qui sous un air empesté Contregarde la santé, Tant sa force est souueraine. Bon pour domter la colere Et les flammes de ce Dieu, Qui, violant, nous altere

Et nous bruste de son feu: Contre la fraude & l'enuie. Bon pour addoucir la peur, Qui de pallissante horreur Glace le sang & la vie: Ami de la Pieté, De Paix & de Chastete: Fauori de telle sorte Et des Graces & des Dieux, Qu'il rend toufiours bien-heureux Cil qui chastement la porte. Quand vne petite nuë Comme d'un rouge pourprin Se voit au fond retenuë Desfous le teint aqurin, De couleur aussi diuerse Que le Soufre peu à peu Qui commence à prendre feu. Et l'air de sa flamme perse Taché de petits grains d'or Brillans 🗢 luisans encor De leurs viues estincelles: Tel Saphir est le meilleur, Et de plus riche valeur Que ceux qui n'ont marques telles. S'il est vray qu'en ta puissance Se renforce le lien Et la fidelle constance De l'antoureux entretien: Si ta force au cueur des Princes Apporte & grave la Paix, Vien vien Saphir desormais Au secours de nos Prouinces, Et chasse l'inimitié Cruelle, qui sans pitié Contre ses propres entrailles Fait la guerre, & peu à peu Allume vn torrent de feu

Hors & dedans nos murailles.
Garde les chaftes honneurs
Et les celeftes faueurs
De ma Princesse bien nee,
Fauorisant & haftant
Le iour, & l'heur qu'elle attent
Sous les stambeaux d'Hymenee.

LA TVRQVOISE.

A MADAME LA MARESCHALE DE REZ.

Tout ce qu'enfante la Nature, Quelque ferme ou stable qu'il sois, Est suget à la pourriture. L'arbre qui ieune florissoit Vieillissant tombe, & la vermine Luy perce & ronge la poitrine: Les rides, la gomme & les ans Souillent l'honneur de son Printans: L'homme affoibli mourant grisonne, Qui ieune estoit auparauant, Comme les fueilles de l'Autonne Qui tombent sous vn petit vent. L'Acier, le Marbre & le Porphyre Et le Bronze Corinthien Bronchent moissonner sous l'empire Du Faucheur qui n'espargne rien: Les Pyramides orgueilleuses, Et les Colomnes sourcilleuses De cuiure, de Iaspe, ou d'Airain Ont senti les coups de sa main. De la mort la vie est bornee Au fil courant de son Destin, Vieillifant toute chose ne

44 -----x - 22 24 - 1 - 1 2 3 3 3 2 2 2 _____ . ______ THE . 12 . . 32 The second second ----The same of the same of 29/42 L. 18/2 L. 44. E. T. E. M. C. CALLER THROUGH J THREEL LEVEL TOUR ACCOUNT 12 2 MARKET Process a country of a second A LIBETE SHEET

Seruiteur fidelle 😎 loyal, Penfant, heureux, mon aise croistre Malheureux fis croistre mon mal, Perdant au seruice fidelle Qu'humble faisois à ma Cruelle, Le temps, l'esperance, & le bien S'escoulant, qui finist en rien, Ne tirant de ma playe ouverte Que le pus & le desespoir, Et pour l'interest de ma perte Vn fascheux & mauuais vouloir. Si son porteur devient malade, Elle deuient malade aussi: S'il porte couleur iaune ou fade, Elle a le teint morne & transi: Quelquefois mesme se creuace, Perdant les beautez de sa face, Le turquin & le lustre beau Qui farde l'honneur de sa peau, S'imprimant, tant elle est humaine, De son porteur l'affection: S'il est sain, la Turquoise est saine: Malade, elle est en passion. Hà vrayment ingrate Nature Qui a de sentiment humain Animé cette pierre dure Plus que l'homme, de son prochain En rien qui ne se passionne, Soit fortune mauuaise ou bonne, Si ce n'est pour le trauailler Au lieu, d'humain, le consoler : Maudite invention des hommes L'auarice & l'ambition, Et la guerre où plongez nous sommes, Faute d'humaine affection. Hà bon Dieu fay donc que nos Princes Espoints de quelque sentiment D'amitié, gardent nos Prouinces

De ruine & de changement:
Et fay que de villes en villes
Ne rampent les flammes ciuiles,
Mais y fleurissent à iamais
Les honneurs d'une douce paix,
A fin que l'orage s'accoise
Entr'eux, s'alliant tout ains
Qu'auec son porteur la Turquoise,
Qui se perd pour garder autruy.
Trouue donc ceste ame agreable
Pleine d'honneur & de bonté,
Rare en sçauoir, rare en beauté,
Present du Ciel trop fauorable.

L'AGATHE.

A MADAMOYSELLE DE SYRGERES.

Les Heures filles immortelles Du Soleil, compagnes sidelles Du Temps, trepignoyent à l'entour De la couchette ensafrance, De la belle Aube encourtinee D'yn pourpre où couvoit le beau Iour. Lors que la Royne de Citheres Du bord de ses lentes paupieres Secouant la sorciere humeur Du sommeil, s'eueille, & ses filles En pie se vestirent gentilles, Prestes pour seruir sa grandeur. La Beauté pleine d'alaigresse, Dame d'honneur de la Princesse, S'aproche, & de sa blanche main Luy fait caresse, la mignotte, Luy baille sa chemise où flotte

L'yuoire blanc de son beau sein. La vest d'une cotte pourpree De mille fleurons diapree, Teinte de cent & cent couleurs, Ainsi que les vertes prairies Au printemps se monstrent flories Sous un bigarrement de fleurs, Cent petits Cupidons à l'heure A l'entour de sa cheueleure Branloyent leurs ailerons mollets, Et les bouchetes Zephyrines Frizotoyent ses blondes crespines En cent tortillons annelets. Les Graces de leurs mains d'Albaftre, Semoyent sa perruque folastre De gros Rubis estincelans, Et paroissoit sa teste belle, Comme vne Nuict qui estincelle Au rayon des Astres brillans. Là se treuuent les Mignardises, Les Attraits, les Ris, les Surprifes, Les Ruses de son fils Amour, Les Plaifirs, les douces Malices, Les Soupirs, les Pleurs, les Delices, Suitte ordinaire de sa Cour. Ce iour, la Deeffe Cyprine Alloit visiter sa coufine La fille du grand Ocean, Thetis, esperdument esprise De la ieunesse bien apprise Du grand Thessale Pelean. Si tost que Venus la doree Arriue richement paree Au palais de sa deite, Les Naiades & les Phorcides Honorent de baisers humides Les leures de sa maiesté. L'une, de ses mains yuoirines

Remy Bollown.

D'un gros carquan de Perles fines Couronne l'honneur de son front: L'autre sur la peau delicate De son beau sein pend vne Agathe, Qui portoit figure d'vn rond. Rare chef-d'auure de Nature, Qui sans art, burin ny sculpture Y graua le cheual volant, Qui sur la croupe tant connue Ouurit de sa pince cornuë La source du ruisseau parlant: Où s'esteuoit à double pointe D'Helicon la montagne sainte, Et la brigade des neuf Saurs De Iupiter race immortelle, Qui ceint de la branche pucelle Le docte front des bons sonneurs. Chacune portant en la dextre L'instrument dont elle est adextre, La Trompete à l'eclatant son, Les Chalumeaux & la Musete, La Harpe, le Luc, l'Espinese, La Guiterre, & le Violon. Plus haut, le Dieu aux blondes tresses Qui sur ces Filles chanteresses Retient l'empire souverain, Portoit sa perruque enlassee De Laurier, & l'aube pliffce, Sa Lyre & l'archet en la main. Venus admirant la merueille De ceste Agathe nompareille, La monstre à la troupe des Dieux, Qui de vertus & graces belles, Outre ses beautez naturelles, La douerent à qui mieux mieux. L'vn voulut qu'on veist en sa glace Viuement emprainte la face D'hommes, & d'animaux diuers,

La terre, le ciel, les estoiles, La mer grosse de vents & voiles, Monts, rochers, fleuues & bois vers. Ie veux (dist le facond Mercure) Que le porteur qui prendra cure De la tenir dedans son sein, Ait la langue promte & diserte, L'ail bon, & trafique sans perte Suyuant le fil de son dessein. Ie veux (dift Phebus) qu'elle garde Des morsures de la Lezarde, Et du venin du Scorpion, Qui va trainant enuenimee, Escaille sur escaille armee L'aiguille sous le cropion. Ie veux (dist Bacchus le bon pere) Oue dans la bouche elle modere La soif ardante du fieureux. Pallas à celuy qui la porte Donne grace & prudence accorte: Venus le souhait amoureux. On dit que les marques sanguines Que lon voit en ces pierres fines, S'imprimerent du sang des Dieux, Quand Saturne brouillant l'empire, Le Ciel mutiné se retire De l'orage seditieux. Car voulant eftoufer la Terre, A dos courbé prompt il desferre Hors des gons les cercles roulans, Demembre les sommiers qui siennent Le Ciel doré ou se soustiennent Les gros ballons estincelans. Mais l'air s'opposant à la cheute, Les Dieux à ceste chaude émeute Tous coleres viennent aux mains

Si fierement, que de la playe Le sang dessus la Terre ondoye

Flots sur flots dont les champs sont teins. Mais la fatale Destinee Ne voulant pas que chose nee Dedans le Ciel coulant çà bas (Comme le sang des Dieux) s'altere, Veut que la Parque mesnagere Le garde, & ne le perde pas. Ce qu'elle fift : Car elle serre, Le poitrissant auec la terre, Que les rayons du beau Soleil Echauffez soudain empierrerent, Et les taches y demeurerent, Ainst que d'vn pourpre vermeil. Voyla l'Agathe bigarree, L'Agathe à Venus la doree : Mais n'est-ce un estrange malheur Pour estre commune & vulgaire, Qu'il faut qu'elle altere sa gloire, Perde sa grace, & sa valeur? Mais tu dois estre trop contente, Si celle à qui ie te presente, Agathe, te voit d'un bon æil: C'eft vne ame toute accomplie D'honneur & de vertu, remplie De graces, & de doux accueil.

LE IASPE. A MA DAMOYSELLE DE BRISSAC.

Amour de ses doigts mignards
Retastoit si tous ses dards
Auoyent le sil & la pointe,
Voulant, ainsi que ie croy,
Tenter par vn coup d'essay
Combien sorte en est l'atteinte:

Mesme sur le Roy des Dieux, Qui ramparé dans les Cieux Auecques la troupe sainte, Des Rebelles triomfant, Se moquois de cet enfant, Qui nú, sans yeux, & sans armes Vouloit sa force egaler A sa main qui dedans l'ær Forge des venteux alarmes, Et les esclats foudroyans, Qui brusterent poudroyans Les piez-serpentins gendarmes. Mais Desastre inesperé: Car sur vn trait asseré Il se pique, & de la playe Goute à goute se respand Ainfi qu'vn torrent, le sang, Qui flot dessus flot ondoye: Amour, or' que furieux, N'eut recours qu'à ses beaux yeux, Des larmes la douce proye, Qui gros & noirs de douleur Addoucirent la rigueur Qui tenoit l'ame saifie Et les forces de ce Dieu, Qui s'escouloyent peu à peu Auec le sang & la vie, Sans Apollon qui soudain Laisse le Ciel, & la main De l'Archerot a guerie. Or le sang qui cheut en bas Du coup, ne se perdit pas, Comme estant d'essence pure : Car tombant donna couleur Au Iaspe, qui de verdeur Portoit la gaye teinture : Mais qui depuis, liberal, Pour marquer le iour fatal

De ceste mesauenture, Nous a serui du secours Qu'il a d'estancher le cours Du sang pourpré qui ruisselle De la bouche ou des nazeaux: Seicher & tarir les eaux, Et l'humeur qui s'amoncelle Entre le cuir & la chair, Ayant pounoir d'estancher Toute piqueure mortelle. Cherche ce diuin esprit, Iaspe, que la Muse apprit Des sa naissance à connoistre La Vertu sainte, & l'Honneur Qu'elle a graué dans le cœur, Comme à l'ail le fait paroistre.

LA COVPE DE CRYSTAL.

Chante qui voudra les faueurs, Les mignardises, les douceurs, Les soupirs, les plaintes cruelles, Les pleurs & les soucis mordans, Les charmes, & les traits ardans, De l'Amour les troupes fidelles. Enfle sous l'ombre des ormeaux Qui voudra les tendres rouseaux, Ou de Mars les fieres batailles, Ou chante les flammes de l'ær, Ou les peuples qui dans la mer S'arment de conques & d'escailles : Quant à moy ie ne chanteray, Et rien plus ie ne vanteray Que ceste Coupe crystaline, Qui pleine de la douce humeur

Du Dieu qui nous met en fureur, Me va rechauffant la poitrine. Coupe gentille où le secours De ma vie & de mes amours Matté de fieureuse colere. De leure seiche benuotant, Gargarizant & Suçotant Se détrampe, & se desaltere. O riche & bien-heureux Cryfal, Plus precieux que le metal, Dont Iupiter pour counerture Et pour masque, fist vne fois De larmes d'or baignant les tois, A ses amours prompte ouverture. Crystal poli dessus le tour Arrondi de la main d'Amour, Animé de sa douce haleine : Crystal où la troupe des Dieux Du nectar pressure des Cieux Va trompant sa soif & sa peine. Cryftal enté mignardement Sur vn pié qui fait iustement La baze d'une collonnette, Où regne pour le chapiteau A fueillage vn triple rouleau, Le seur appuy de la cuuette. Creystal que iamais on n'a veu Que promtement on n'y ait beu La liqueur qui plus nous recree, Tu connois celle en s'y mirant Seulement, qui va desirant D'y moüiller sa leure sucree. Leure douce où la chasteté, La douceur & la prinanté, Les baisers & les mignardises Ont choif leur benin seiour, Le fiege d'Honneur & d'Amour, Et des Graces les mieux apprises.

L'yn yantera le Diamant, L'autre la vertu de l'Aymant, L'Ambre, la Perle, & la Topasse, Et moy ce verre Crystalin Où flotte le germe diuin Le secours de l'humaine race, Ce n'est pas le vase trompeur De Circe au langage pipeur, Qui braffant de nouveaux mestanges Dedans vn breuuage sorcier, Eschangea le troupeau guerrier D'Vlysse en mille corps estranges. Les vases d'or ne me sont rien, Ny le bronze Corinthien, Ny tous les emaux de Fagence : Paime trop mieux dedans la main Voir iusqu'aux bords ce verre plein. Que tous les sceptres de la France. C'est toy donc qui rens addouci L'aigre-fiel de nostre souci : C'est toy qui romps & qui deslie, Par vn secret enchantement Le nœud, qui serre estroitement Le fil courant de nostre vie. C'est toy c'est toy, Crystal gentil, Qui plein d'air fumeux & subtil Nous mets, refueurs, en allaigresse Toy qui nous plantes sur le front Les cornes qui braues nous font, Quelque pauureté qui nous presse. Le lustre du Vin est si beau Sur la glace de ce vaisseau, L'yn & l'autre honneur de la Terre, Qu'ailladant ce vineux esprit Ondoyant, vous diriez qu'il rit Dedans le Crystal qui l'enserze. Ou soit qu'il nous fille les yeux D'vn sommeil doux & gracieux,

Ou soit qu'en l'amoureuse proye Nous soyons poussez de son feu. Si tost qu'en ce Crystal i'ay beu Mon cœur va sautelant de iove. Iamais ne se puisse casser, Esclater, feller ou froisser De ce Crystal la glace belle : Mais toufiours pres de mon soulas Comble de vin ou d'hippocras Demeure compagne fidelle. En doux & gracieux repos, Loin de tous médisans propos, Et toutes coleres dépites, Comme de l'orage mutin Qui porta le trouble au festin Des Centaures & des Lapithes.

LA CORNALINE.

Ce petit archerot Amour Bauolant s'esgayoit un iour Dedans les vergers de Cytheres, L'are au poing fait d'inoire blanc, En escharge la trousse au flanc Grosse de cent fleches legeres. Mais (malheur) volant dans ce parc De branche en branche, de son arc Rompt le bout, & perd l'encornure, Depité retranche le cours De son aile, & sans le secours De sa mere, il mouroit à l'heure. Humaine, qui pour l'appaiser L'ayant caressé d'un baiser De sa bouchete couraline, Luy donne en ce nouveau courrous

Pour soudain encorner les bouts De son arc, vne Cornaline. Qui depuis ha toufiours cet heur, D'assopir & fondre l'aigreur De l'homme eschaufé de colere : En memoire que cet enfant Appaisé se veit trionfant Du malheur, par l'heur de sa mere. Ceste pierre en poudre, des dens Tire la rouille, de nos ans Marque veritable & non vaine: Estanche les coulans ruisseaux Du sang qui roule des naseaux. Ou des rameaux d'une autre veine. Elle eft d'incarnate couleur, Languissant d'vn peu de palleur : La vraye & la naïfue est celle Qui sans nuage se fait voir, Pure & nette, sans rien auoir Qui ternisse sa face belle.

LA PIERRE D'AIGLE, ditte Ætités.

A MA DAME DE VILLEROY.

O prompte & fidele courriere
De Iupiter, seule heritiere
Du foudre, qui dessous ta main
D'ongles & d'esperons armee
Couue sa colere animee
Vengeresse du sang humain:
N'estoit-ce assez porter les armes,
Estre compagne des allarmes
De ce Dieu rougisant d'esclairs,

Auoir l'ail & l'aile plus forte Qu'autre oyseau qui nouant se porte Parmi l'air, d'auirons legers : Sans auoir ceste preuoyance, Pour mieux faire éclore l'engeance Hors l'auf, de tes petits Aiglons, Chercher errante & vagabonde Ceste pierrette creuse & ronde Iusques aux Indiens sablons? Pour estre garde à la nichee, Qui beante attend la bechee, Lors que tu planes dedans l'ar Et ton æil espion s'employe Sur le hazard de quelque proye A celle fin de l'en gorger? Aussi dit-on que de nature Ell' chasse la mesauenture Qui peut tomber dessus les nids De l'Aigle: & pource preuoyante La laisse en l'aire croupissante A fin de garder ses petits. Cette pierre retient enclose Vne pierre dont elle est grosse, Que l'on sent bouger au dedans, Comme une femme en sa grossesse Sent remuer la petitesse Du fruit qu'elle porte en ses flancs. Elle rend son porteur aimable, Sobre, vaillant, courtois, affable: Et fait aisé l'accouchement De la femme, quand assaillie Du trauail d'enfant on luy lie Sur le bras gauche estroittement. On découure aisément par elle Le larron qui musse & recelle Dedans la terre son larcin. Elle est de face rondelette, Au ventre creux, vn peu grosette,

Portant le teint escarlatin.
Que tu tiens encores de choses
Dedans ton large sein encloses
Sans nous les decouurir, Seigneur!
Faisant à bon droit plus de grace
Aux animaux qu'à nostre race
Trop indigne de ta faueur:
Mais, Seigneur, que ta bonté face
Ouurir le thresor de ta grace,
A ceste ame qui souspirant
Apres tes promesses plus seures,
En ces petites creatures
Va tes ouurages admirant.

LA PIERRE DV COQ, ditte Gemma Alectoria

A LA FRANCE.

Oyseau qui de garde sidelle Dessillé fais la sentinelle Sous le filence de la nuit, Réueillant d'vne voix hardie La troupe de somme engourdie Et de paresse, à ton haut bruit. Oyseau à la creste pourpree Compagnon de l'Aube doree, Trompete des feux du Soleil, Qui te perches à la mesme heure Qu'il plonge en mer sa cheueleure Pour se rendre alaigre au traueil. N'estoit-ce assez que l'arrogance De vostre œil domtast la puissance Et l'ire des Lyons plus fiers, Sans que pour la vaillance acquerre

S'endurcift encor cefte pierre Au ventre creux de vos gesters? Tesmoin ce luteur indomtable, Ce fort Milon inexpugnable, Qui remparé de la vertu De ceste pierre, pour sa gloire A toufiours gagné la victoire, Quelque part qu'il ait combatu. On dit plus, que cil qui la porte A l'esprit net, la grace accorte De bien dire, & qu'en rechaufant La froide glace de son ame, Des fieres rigueurs de sa Dame En fin demeure trionfant. Dedans la bouche elle modere La soif qui bruslant nous altere: Elle est noirastre, ou de couleur De crystal: & point ne s'en treuue Qui retienne plus qu'vne febue Ou de longueur ou de grosseur. Fay que la race surnommee De ton nom, dont la renommee Est esparse par l'Vniuers, N'altere iamais la puissance Qu'elle a quise par sa vaillance, Par force & par affants diners.

LA PIERRE D'ARONDELLE, dicte Chelidonius lapis.

A MA DAMOYSELLE DE BELLEVILLE.

Et toy qui d'aile passagere Voles pour estre messagere Du gaillard & nouueau Printemps,

Qui d'vne cotte parsemee De fleurs, & d'odeurs embasmee Fait rire les bois & les champs: N'auois-tu pas assez de gloire D'auoir honoré la memoire Et de ta race & de ton nom, Quand dessus la table funeste De Teré tu vengeas l'inceste De la fille de Pandion? Sans que tu sois or recherchee Pour vne pierrette cachee Au fond de ton ventre petit, Threfor funefte & dommageable A son hostesse miserable Qui meurt pour vn si noble fruit? Car il faut que cil qui defire De l'auoir, cruel, te dechire Membre à membre & t'ouure le flanc: Il faut que plein de violence Il trempe & soüille l'innocence De ta race en son propre sang. Comme toy quand pour l'homicide De ton fils, de main parricide Trenchas ses membres innocens. Et croy qu'en memoire eternelle De l'emprise siere & cruelle Ce malheur vient à tes enfans. Ceste pierre en couleur diuerse Est tantost rousse, est tantost perse, Quelquefois brune de noirceur: Sa laideur 😌 sa petitesse N'empesche pourtant la hautesse De sa force & de sa valeur. Car en la main gauche portee Dans vn mouchoir enuelopee Rend l'affaire en heureux succez Du porteur : donne au lunatique D'appaiser l'humeur frenetique:

Aux grands seur & facile acceq.
Refroidist les chaudes coleres,
Les rigueurs, les menaces sieres,
L'aigreur des Princes & des Rois:
Que pleust à Dieu que ceste pierre,
De France peust chasser la guerre
Sur l'Arabe ou sur le Medois.
Qui t'aura, pierre d'Arondelle,
Ce sera vous garde sidelle
Des honneurs de la chasteté:
Car en vous les bonteq extrémes,
Les vertus & les graces mesmes
Ont basti leur felicité.

LA PIERRE D'ONCE,

ditte Lyncurium.

Onces mouchetez sur le dos, A l'æil subtil, au pie dispos, N'estoit-ce assez que la Nature Fift des pierres sous le caueau Des mines, sans que de vostre eau Celle-cy prist sa nourriture? Car où vostre vrine s'espand Aussi tost se caille & se prend Dessous la poussiere menue, Qu'en gratant vous amoncelez Sur l'humeur que vous recelez A fin de n'estre reconnuë. Cuidant en couurant ce thresor De couurir l'auarice encor De l'homme par vostre industrie. Mais qu'y a-til dessous les cieux Qu'il ne recherche, ambitieux, Pour suruendre sa mercerie?

Aucuns disent estre les sœurs De Phaëton, qui de leurs pleurs Firent cefte gomme paillete, Apres que ce nouvedu Cocher Dans le Po se veit trebucher Brustant vif dedans sa charrete. L'Ambre aussi porte la couleur, La grace, la force & l'odeur De ceste pierre, qui attire A soy la fueille & le feftu. Retenant la mesme vertu Du basme que l'Ambre soupire. Propre contre les pasmoisons, La colique, & les trenchaisons, Et les toiletes de la veuë : Propre pour remettre en couleur La peau qui de morne palleur, Ou de iaunisse est corrompue. Iamais ne se puisse pasmer (Si ce n'est de trop bien aimer) La Maistresse à qui ie te donne, Et que le frais de son beau teint De fieure ou de l'amour atteint N'offense sa grace mignonne.

٤.

LA CARCHEDOINE.

Toute chose qui prend naissance

Est esclaue de l'ordonnance

De ce grand Dieu puissant & fort:

Tout ce que la Nature enserre

Dans le sein second de la Terre

Se rend prisonnier de la mort.

La Terre est la mere nourrice

Du bien qui plus nous est propice,

Comme du mal, qu'elle produit : C'est elle qui retient celee Des Serpens la race escaillee, Et du metal qui plus nous nuit. Elle ha des plantes souveraines Pour empescher les morts soudaines Qui surviennent par le poison: C'est elle qui fait le breuuage Des venins, dont le prompt vsage Nous pousse en la noire maison. Au printemps les plantes verdissent, Puis croissant peu à peu fleurissent : Mais atteintes de la chaleur Aussi toft penchent languissantes Deffus la terre palliffantes, Sans ius, sans force & sans odeur. Sans plus ces brillantes pierrettes Au ply des ans ne sont sugettes, Ny se corrompent vieillissant, Leurs vertus restent immortelles, De mesme effett & toufiours telles Qu'elles paroissent en naissant. Toufiours vne beauté compagne De leur vertu les accompagne, Et mal en elles n'y a pas, Ainsi qu'aux plantes empesses Qui de leurs poisons éventees Nous plongent és eaux de la bas, Les plantes n'ont plus grande force De fleur, de racine, ou d'escorce Que les pierres, & n'y a moins De pierres, que de planses belles, Propres pour les playes cruelles, Et pour le secours des humains: Ainsi que ceste pierre dure Qui prend du Ciel sa nourriture, Sa force & son accroissement, N'estant assez digne la terre

Remy Belleau. - II.

De renfermer en ceste pierre
Tant de vertus ensemblément.
Car on tient que la Carchedoine
(A la graueure mal idoine)
Naist d'vne pluye, tiedement
Qui trempe la terre allumee
De chaleur, qui la rend germee
De ce diun enfantement.
On dit qu'elle est fort souveraine
Contre le Démon qui nous peine
De songes au fort de la nuit,
Contre la peur & la colere
Qui trop sumeuse nous altere
Des vapeurs d'vn gros sang recuit.

L'HELIOTROPE.

Sous les faueurs d'Amour 🗢 de ma Calliope Ie chante les regrets de mon Heliotrope, Qui belle me changeoit & rendoit furieux Ainfi qu'elle vouloit & plaisoit à ses yeux. Ce n'est pas celle-la, qui, de l'Amour outree, Et la vie & la voix perdit elangouree, Paissant neuf iours entiers confite en ses douleurs Sa pauure ame escoulce au torrent de ses pleurs. Triste sans se mounoir ne bougeoit d'une place, Seulement se tournoit pour willader la face Du Dieu qui la dédaigne. Hà qu'il est malheureux, En trop haut lieu Chonneur qui devient amoureux! Son corps dedans la terre en racine s'estalle, Son chef se tourne en fleur de couleur iaune & palle, Qui regarde, importune, & couchant & leuant Ce Dieu au crin doré qu'elle va poursuiuant. Mais celle que ie chante est vne autre Deesse, Qui, belle, ensorcela la seur de ma ieunesse:

Elle changeoit le cours des argentins ruisseaux, Et des flancs des rochers faisoit sourdre les eaux: Tiroit du ciel voûté la Lune ensorcelee, Ternissoit du Soleil la lumiere estoilee, Donnoit parole aux morts, & de nerfs empruntez Les guindoit sur les vents legerement portez, Faisoit ouurir la terre, & des bieres poudreuses Rallumoit des corps morts les cendres paresseuses, Begayant, murmurant, du souterrain caueau Inuoquoit de la Nuit l'effroyable troupeau: Puis arrose de lait, coy le faisoit retraire Dans le palais fatal du tenebreux repaire. Aux iours les plus ardens de la belle saison Conuroit les champs vestus de negeuse toison, Seule domtoit l'orgueil & l'apparence fiere Des mâtins affamez de la triple courriere, Seule sçauoit au vray les secrets Medeans, Et par ius distilez raieunissoit les ans. Mais la troupe des Dieux trop aigrement marrie De se voir imiter par humaine industrie, Encor qu'Heliotrope onques n'eust abusé De l'art dont on pensoit qu'elle eust par trop vsé, Dépitez & ialoux aussi tost la changerent, Et en ce dur caillou sa figure estrangerent: Luy laifant tontesfois tous les effets premiers Que vinante elle auoit par ces charmes sorciers. Sans plus elle perdit la parole 🗢 la grace Que ses rares beautez monstroyent dessus sa face, Et ses yeux messagers des allechans attraits, Où nichoyent les Amours bien armez de leurs traits. Ie le sçay quant à moy, qui nauré de leurs pointes En porte dans le cœur les piqueures empraintes: On le voit à mon front, on le voit à mes yeux, Gros & pleins du venim qui me fit langoureux.

On la trouue dans Cypre, ou dans l'Ethiopie, Ou és fablons menus des deferts de Libye De couleur verdoyante, ainsi que lon voît peint De l'Emeraude sine & la face & le teint.

Elle a deffus la peau comme petites veines De yray pourpre sanguin rougiffantes & pleines. Ayant tant de pouuoir, que mise en un bassin Plein d'eau iusques aux bords (ô miracle diuin!) Elle rend du Soleil la face venerable Rouge & teinte de sang, tant elle est admirable : Le tournant, le changeant, & luy donnant couleur Telle comme il luy plaist, ou rougeur, ou palleur, Bruniffant d'espaisseur & de nue cendree De ce Dieu radieux la perruque doree: Espreignant & tirant des esponges de l'air La pluye, le brouillas, le tonnerre, & l'esclair : Paisant sourdre à bouillons d'escume blanchissante L'eau dedans le bassin qui dormoit languissante, Contr'imitant la mer, quand les fiers Aquilons Vont bour sou flant le dos des venteux tourbillons, Restant espouuanter ceux qui de ceste pierre Reconnoissent à l'ail les secrets qu'elle enserre, Tant ce Dieu grand & fort dedans ces petits corps Manifeste, puissant, ses esfets grands & forts. Et comme en un miroir s'imprime la lumiere Des rayons du Soleil, ainfi sur la liziere De ceste pierre belle aisément on peut voir Le iour où le Soleil en eclipse veut choir.

Et quoy? cil qui la porte, a pouvoir sans augur D'ailes, ou de gesters, sur les choses sutures: A pouvoir d'arrester le slux qui va coulant Sans tréue & sans repos le boyau travaillant: A pouvoir rendre sain le corps foible & malade, Descouurir du poison la secrette embuscade, Se guarir de la peur, s'honorer d'un beau nom, Fauoriser ses ans d'un immortel renom, N'estre iamais pipé, n'estre point de nature Pour se laisser gaigner de legere imposture.

Voyla d'Heliotrope & la force & l'effet Des miracles divins, que sacree elle fait.

LA PIERRE LVNAIRE,

ditte Selenités ou 'Appositavos.

Et toy pierre, qui vas croisant, Raieunifant & vieilliffant, Ainsi que la viste courriere En ses déguisemens nouueaux, Qui meine au galop ses moreaux Au ciel, par la noire carriere, Refleras-tu sans quelque honneur? Non non, ie seray le sonneur De tes vertus, pierre gentille, Et diray en mes vers comment Par vn secret enfantement De la Lune on te pense fille. Car st dessous vn air serain · La Lune a le visage plein, Ceste pierre est pleine & entiere : S'elle est en son croissant nouveau, La pierre croist, enste sa peau: Cheute en decours, elle s'altere. Or on conte que de l'humeur De l'escume & de la sueur De la Lune, elle prist sa vie, Lors qu'en Latmie s'escartant Ses baisers alloit departant Au dormeur qui l'avoit rauie. Puis ce qui renaist de la mer, Du feu, de la terre, & de l'air, Est vne entresuitte eternelle; Rien ne perit, tant seulement Par vn secret eschangement Reprend vne forme nounelle. La terre se détrempe en eau, Dont le plus net & le plus beau

Se fait air, ce qui se peut traire De l'air plus subtil se fait feu, Puis s'espaissit, & peu à peu Retourne en sa masse ordinaire. De là se retrame le cours, Et l'ordre qui roule toufiours, Des corps, que cefte mesnagere Nature défait & refait, Tant seulement change le trait Et l'air de l'image premiere. Bref, au monde rien ne se pert, Tout s'y mesnage, tout y sert: De la mort vient la renaissance, L'vn de l'autre emprunte le corps, Puis mourant, par nouueaux accors Recherche nouvelle alliance. Or ceste pierre a le pouvoir De faire aisément conceuoir L'amour d'vne maistresse belle, S'on la porte en nouveau croissant On dit qu'elle va gueriffant Et le poulmon & la ratelle. Elle est blanchissante en couleur Desfous un petit de rousseur, Elle eft en fueillage estendue, Son luftre eft clair & transparant, L'Arabe la va retirant Du fond de l'arene menuë,

LA PIERRE INEXTINGVIBLE,

ditte Asbestos.

Ie chante la pierre sacree, Qui deuant Venus la sucree

Flamboye en son temple dinin, Sans que point elle diminue, Mais qui nuit & iour continue Brustant sans iamais prendre fin. Feu que la tempeste cruelle, La pluye, le vent, ny la gresse Iamais n'esteint, quand une fois D'autre flamme elle a pris amorce, Toufiours ardant sans que sa force Se consomme ainsi que le bois. De tel feu mon cœur & mes veines Au lieu de sang sont toutes pleines: C'est un feu qui brusle tousiours, Vn feu couvert qui prend croiffance, Et qui de nerf en nerf s'auance Comme s'auancent mes amours. Mais mon ardeur est si couverte, Que pour mieux publier la perte Et le dechet de mes beaux ans, Fussé-ie d'vne roche ardente Pour rendre ma flamme euidente Aux yeux des mal-traitez amans. On la fouille dans la rochade Des monts sourcilloux de l'Arcade, Qui s'en sert comme d'vn flambeau: Elle eft de couleur brunissante, Comme vne lame pallissante De l'acier teint en couleur d'eau. C'est trop serui ceste Deesse, Va te ranger pres la maistresse Qui me dérobe le beau iour : Va, Pierre, & rechaufe son ame Qui s'echaufe de toute flame, Hors-mis de celle de l'Amour.

LE BERIL.

Le Beril que ie chante, est vne pierre fine,
Imitant le verd-gay des eaux de la marine,
Quand les siers Aquilons mollement accoisez
Ont fait place aux Zephyrs sur les slots reposez.
Quelquefois le Beril a la face doree
Comme liqueur de miel fraischement espuree,
Dont le lustre est foiblet s'il n'est fait à bizeau:
Car le rebat de l'angle haulse son lustre beau,
Autrement languissant, morne & de couleur paille,
Sans les rayons doublez que luy donne la taille.

Le meilleur est celuy dont le visage peint
De l'Emeraude fine imite le beau teint:
Seul le riuage Indois le Beril nous enuoye,
Soit ou verd ou doré: pour les durtez du foye
Et pour le mal des yeux il est fort souverain,
Les souspirs trop hastez il appaise soudain,
Le hoquet & les rots: entretient le mesnage
De l'homme & de la femme és loix de mariage:
Il chasse la paresse, & d'vn pouvoir ami
Il rabaisse l'orgueil d'vn cruel ennemi.

Beril, ie te suppli, si telle est ta puissance, Chasse nostre ennemi hors les bornes de France, Trop le peuple François a senti les essorts De son bras enyuré du sang de tant de morts.

LA PIERRE AQVEVSE,

ditte Ένυδρος.

C'efioit vne belle brune Filant au cler de la Lune, Qui laissa choir son fuseau Sur le bord d'vne sontaine,

Mais courant apres sa laine Plonge la teste dans l'eau, Et se noya la pauurette: Car à sa voix trop foiblette Nul son desastre sentit, Puis affer loing fes compagnes Parmi les vertes campagnes Gardoyent leur troupeau petit. Hà trop cruelle aduenture! Hà mort trop fiere & trop dure! Et trop cruel le flambeau Sacré pour son Hymenee, Qui, l'attendant, l'a menee Au lieu du lit, au tombeau. Et vous Nymphes fontainieres Trop ingrates & trop fieres. Qui ne vinstes au secours De ceste ieune bergere, Qui faisant la mesnagere Noya le fil de ses iours. Mais en souvenance bonne De la bergere mignonne, Esmeus de pisié les Dieux, En ces pierres blanchissantes De larmes toufiours coulantes, Changent l'émail de ses yeux. Non plus yeux, mais deux fontaines, Dont la source & dont les veines Sourdent du profond du cueur : Non plus cueur, mais vne roche Qui lamente le reproche D'Amour, & de sa rigueur. Pierre toufiours larmoyante, A petits flots ondoyante, Seurs tesmoins de ses douleurs: Comme le marbre en Sipyle Qui se fond & se distile Goutte à goute en chaudes pleurs.

O chose trop admirable, Chose vrayment non croyable, Voir rouler desfus les bords Vne eau viue qui ruiffelle, Et qui de course eternelle Va baignant ce petit corps. Et pour le cours de ceste onde La pierre n'est moins feconde Ny moins grosse, & vieillissant Sa pefanteur ne s'altere : Ains toufiours demeure entiere Comme elle estoit en naissant. Mais est-ce que de nature Pour sa rare contesture Elle attire l'air voisin, Ou dans soy qu'elle recelle Cefte humeur qu'elle amoncelle Pour en faire vn magazin? Elle est de rondeur parfaitte, D'yne couleur blanche & nette, Agreable & belle à voir : Pleine d'humeur qui ballotte Au dedans, ainfi que flotte La glaire en l'œuf au mouuoir. Va pleureuse, & te souvienne Du sang de la playe mienne Qui coule & coule sans fin, Et des plaintes espandues Que ie pousse dans les nues Pour adoucir mon destin.

LA GAGATE.

C'est trop vanté les honneurs de l'Agathe, le veux chanter maintenant la Gagate, De son odeur qui chasse le serpant, Dessus le ventre & glissant & rampant Pli defus pli de son alleure torte A dos courbé, voguant de mesme sorte Qu'vne galere, ou comme on voit en mer Flot dessus stot les ondes s'animer, Frizant, crespant d'vne ondoyante suite Dessus les bords leur escume despite.

Donc ceste pierre a si mauuasse odeur, Que les poulmons yures de sa vapeur, Par les nazeaux ayant prise & humee Ceste sascheuse & puante sumee, Perdent le vent & bouchent les espris De ceste odeur estoussez & surpris.

Doncques premier que vanter cette pierre, Et la senteur qu'en ses flancs elle enserre, Ma chere Muse, arrose de ton eau L'ancre sacré, & les vers de Belleau, Arrose luy les temples & la sace Du doux parsum qui coule de ta grace.

Or la Gagate est de noire couleur, Tendre, fragile, & presque de l'odeur Du soulphre vis, & de forte teinture, De poix legere, & d'estrange nature. Car dedans l'eau aussi soudain prend seu, Et dedans l'huile elle meurt peu à peu,

Recuitte en vin elle est fort souveraine Au mal des dents: de sa puante haleine Elle prouoque, & fait couler les steurs Sans se purger qui font mille douleurs. Mise en onguent auec cire nounelle Elle guarist & purge l'escroüelle. S'il doit escheoir ce qu'on destre anoir On dit pour vray qu'elle ne peut ardoir. Bonne est l'odeur pour le mal de la mere, Bonne à sçauoir si la vierge est entiere, Bonne à iuger l'homme melancholiq Et découurir le cerueau lunatiq.

Elle se troune au Lycien rinage Et dans les eaux du grand sleune de Gage, Dont elle emprunte & la gloire & le nom, Et les vertus d'un immortel renom.

LA SARDOYNE.

le chante la fortune & l'heur de ce Pirate, La gloire de Samos, ce tyran Polycrate, Qui voulant esprouner par l'infelicité Les contraires effets de la prosperité, Enyuré de plaisir, n'ayant oncq en sa vie Fait preuue du malheur, ny des traits de l'enuie, Fait voile en haute mer, allumé d'vn desir De brauer son bonheur de quelque desplaisir.

L'anneau qu'il aimoit mieux que thresor ny cheuance N'autre chose de pris qu'il eust en sa puissance, Plonge, meu de colere, au plus prosond de l'eau, Sans iamais esperer de reuoir son anneau.

C'estoit vne Sardoine artistement grauce,
Et dont luymesme auoit mille sois esprounce
La sorce & la vertu: mais (l'heur de ce malheur!)
Il sut pris vn poisson d'une extreme grandeur,
Qui nay pour le tyran, & donné pour viande,
Et pour nouuel appas de sa bouche friande,
Portoit enseueli dans le pli du boyau,
Dans sa cuisine ouvert, la Sardoyne & l'Anneau
Qu'il rendit à son Roy. Ainsi sut recouverte
Par un nouveau hazard la chance de sa perte:
Tant la main de Fortune a sur nous de pouvoir
Tournant & revirant le monde à son vouloir.

Ceste Sardoine donc a couleur incarnate,
Resemblant à la chair qui viuement esclate
Sous l'espesseur de l'ongle, elle a comme vn cerceau
De couleur blanchissante à l'entour de sa peau.
Elle est blanche noirastre, & de couleur pourpree
Comme le vermillon, ou l'aire bigarree
De l'arc qui ceint le ciel, empruntant en couleur
De l'Onyx, de la Sarde, & la grace & l'honneur:

Et bref toutes les trois sont vne mesme pierre, Mais l'Onyce est obscure, & l'autre ainsi que verre Est claire & pellucide, & voit-on au trauers : Ceinte consusément de trois cercles diuers Elle rend l'homme chaste, & plein d'humble caresse Rabaisse de l'orgueil la superbe hautesse.

La Sardoyne se trouue és riuages Indois, Et l'Arabe la trouue en son riche grauois.

LA PIERRE D'AZVR,

dicte Lapis l'Azuli.

Puis donc que ma Maistresse porte La parure de mesme sorte, Et de mesme couleur que toy, Pierre d'Azur, ie te veux dire Trois petits vers de mon martyre, Et de mon amoureux esmoy. C'est que plus ie fais conte d'elle Plus vers moy se monstre rebelle, Plus ie la suy, & plus me fuit: Plus pour elle saigne ma playe, Plus de l'ouurir elle s'essaye: Plus l'abandonne, & plus me suit. Mais Pierre ne sois babillarde, Contente toy que ie te garde Pour seur tesmoin de sa rigueur : Bien te veux affeurer qu'au refte Ma Maistresse est toute celeste, Ainfi que tu l'es en couleur. Mais pour decouurir ta nature, Comme le Iaspe tu es dure, Tu recois taille ainsi que luy. La plus riche est la Scythienne, L'Egyptienne & Cyprienne La vont secondant à l'enuy.

La plus rare & plus estimee, Est celle qu'on voit sursemee De poudre d'or estinceller, Ainfi que par la nuict ombreuse, On voit de la troupe estoilleuse La flamme viuement briller. Elle est de couleur Saphistrine, Plaisante, celeste, azurine Comme le ciel en temps serain. Pour purger la melancholie, Et guarir la veuë affoiblie L'vsage en est fort souverain. Elle arme la foible ieunesse Pendue au col, de hardiesse, Contre les souleurs de la Nuit : Et fait bien, tant elle eft humaine, Que la femme accouche sans peine Et se descharge de son fruiel. Va Pierre, va trouuer Madame, Et l'affeure que ma pauure ame Pour elle est en piteux arroy: Et si peux domter sa furie, Tu feras par ton industrie Pour elle beaucoup, & pour moy.

LA PIERRE SANGVINAIRE,

dicte Hæmatités.

Ce nom de sang ne m'est point agreable, Il m'est funeste & l'ay pour execrable, Voyant les bourgs, les villes & les ports Rouges de sang & palles de corps morts. Desta vingt ans ont couru leur carriere Que nostre France & guerriere & meurdriere Endure, & voit, de ses propres boyaux Faire curee aux loups & aux corbeaux.

Mais, ô Seigneur, destourne ta vengeance Et iette l'ail dessus ta pauure France. Qui t'en supplie, & d'vn visage doux Trampe l'aigreur de ton iuste courroux. Fay fay, Seigneur, que les fureurs ciuiles N'attisent plus le seu dedans nos villes, Et que les caurs de nos Princes sacrez Soyent tous vnis, alliez & serrez De tel lien, que le temps ny l'enuie Ny la rancueur, l'heur, ny la ialousie Ne puisse rompre, ains demeure à iamais Et ferme & fort sous vne douce paix. Affer & trop auons preuue certaine Des grands effects de ta main sonueraine, Si de long temps tu n'as fillé les yeux, Mesmes aux grands, qui dedaignent les cieux, Ne connoissant par les puissances hautes Le lac comblé du bourbier de leurs fautes, Vinant, souflant, & marchant à tatons, Aueugles-ner, contrefaits, auortons, Qui ne sentez les pointes que nous darde Son bras vengeur, qui nous tue & nous garde Comme il luy plaist, maniant sous le frain De l'uniuers & le vuide & le plain.

Que pleus à Dieu, que ceste pierre belle Eust pris en soy toute l'humeur cruelle De nostre France, à sin de la purger Du sang meurdrier où se va replonger.

Car ceste pierre, ores que sanguinaire
De nom sans plus, est douce & debonnaire,
Mise ici bas pour le secours humain,
Es pour seruir la Nature au besoin,
Non pour espandre & le sang & la vie
Au ser tranchant d'une troupe ennemie:
Propre à domter & l'ire & la sureur,
Auoir des grans la grace & la saueur,
Tirer le seu des yeux & des paupieres,
Miner la chair qui croist sur les vleeres,

Propre à celuy qui crache le sang pur, Bonne à purger toute mauuaise humeur: Et dit on plus, que dedans la vessie Elle diffoult la pierre rendurcie, Si mise en poudre auec un peu de vin Fort detrampee, on la boit au matin: Le flus de ventre elle arreste benine, Elle guarist de la dent serpentine Le mors cruel, chasse l'air ombrageux Du voile espais qui flotte sur les yeux: Elle amortist le feu de toute playe, Et ramollist les dureter du foye: Bonne au combat pour demeurer vainqueur, Et pour iamais n'auoir faute de cueur. Elle se trouue és sablons recelee Des champs hallez de l'Afrique brulee : Hors & dedans elle est rouge en couleur, C'est d'Hematite & la force & l'honneur.

LA PIERRE LAICTEVSE, dicte Galactités.

Ie serois trop ingrat, ayant tiré ma vie
Des serres de la mort qui me l'auoit rauie
Sans le secours du lait, si du lait ne chantoy
La puissance & l'esset, dont i'ay fait preuue en moy.
Ie ne veux commencer par la trace laiteuse
Qui paroist dans le ciel, lors que l'ombre nuiteuse
Decouure en temps serain les seux qui sont aux cieux,
Droit chemin pour entrer dans le palais des Dieux:
Qui su lors que Iunon par le ciel vint espandre
Comme vn torrent de lait, quand de la leure tendre
Honteuse retira le bout de son tetin
D'vn bastard supposé qu'on nommoit Herculin.
Car le vouloir chanter, c'est charge trop pesante

Pour le dos affoibly de celuy qui le vante : Mais s'il peut une fois rendre force à ses ners, Ie te iure, deuot, par l'ame de mes vers, Et par le Delien qui sa fureur m'inspire, De te chanter, ô Laiet, sur les nerfs de ma lyre. Car fi quelque soupir refte encor dedans moy Pour viure ou pour chanter, à toy seul ie le doy. Seulement ie diray les vertus de la pierre Qui derobbe ton nom, & dans ses flancs enserre Comme vn poudreux amas, qui trampé dedans l'eau Se caille & se blanchist comme le laist nouveau. Retenant sous le frais de sa pierreuse escorce Vne vertu secrette, vn pouuoir, vne force, Qui seroit, n'estant veuë, incroyable aux humains, Si de la voir à l'ail ou toucher de leurs mains Ou d'esprouuer sa force ils n'auoyent cognoissance. Hommes outrecuider, enyurer d'ignorance, Qui pensans tout sçauoir, ne recognoissent tous La moindre des vertus qui naissent entre nous, Soit au ciel, soit en l'air, sur terre, ou dans les ondes, Ou és boyaux dorez des minieres profondes: Et disent estre faux ce qu'ils ne sçauent pas, Impudens, effrontez, mendieurs de repas, Qui souls & bien gorgez se mocquent de leur hofe, Médisant de celuy qui n'a rien qui ne s'ofte Pour traiter, liberal, l'imposture & l'erreur De ce fat qu'il admire, & n'est qu'vn imposeur. Or ceste pierre donc qu'on appelle Laisteuse Fait enster le tetin de l'humeur gracieuse, Qui arrose en maillot la leure des enfans. Et qui les nourrissant fait accroistre leurs ans. Car fi lon recognoist que ceste humeur tarisse Comme il advient souvent au sein de la nourrisse, La beunant detrampee à ieun, sortant du bain, Elle deuient feconde, & rend son tetin plein. Ou faut percer la pierre, & d'vn cordon de laine Prise dessus le dos d'une brebis ia pleine, L'enfiler proprement, & te la pendre au col Remy Belleau. - 11. 17

Nourrice, & tu verras ton tetin flacque & mol Soudain goufle de laist, & sentiras estendre La peau qui stestrissoit & commençoit à pendre.

Si tu veux que le pis de ton ieune troupeau
Ne tarisse iamais, & que de lait nouveau
Il foisonne en tout temps, il faut que tu nettoyes
Et laues bien le teel: & puis que tu poudroyes
Le fond de sel menu, alors que le Soleil
Redore le matin de son pourpre vermeil:
Puis broyant ceste pierre & la mettant en poudre
Auec eau de sontaine, à sin de la dissoudre,
Tourné vers le leuant arrose bien le teel,
Tu verras ton troupeau gras & gouste de lait,
Et qui plus est encor, ô chose trop celee,
Bien purgé du pourri & de la clauelee,
Bien reuestu de laine, & second & gaillard,
Franc des regards sorciers, & tout autre hazard.
S'il est vray ce qu'on dit (chose digne de gloire)

S'il est vray ce qu'on dit (chose digne de gloire)
Que d'vn maunais vouloir tu trompes la memoire,
Et que cil qui te porte en la bouche n'a plus
Souuenance du mal, de ceruelle perclus:
Pleust à Dieu que ceux-là qui ne sont en la France
Que pour se souuenir de meurdre & de vengeance,
Te portant sous la langue eussent entierement
La memoire égaree aucc le sentiment.

Le Nil & l'Aehelois grands sleuues de la terre Dans leur sein limonneux nourrissent ceste pierre, De couleur blanchissante & de mesme saueur Que le lait, des ensans le pere nourrisseur.

FIN DES AMOVRS

BT NOVVEAUX ESCHANGES

DISCOVRS DE LA VANITÉ, pris de l'Ecclessaste de Salomon



A MONSEIGNEVR

FILS ET FRERE DE ROY.



ONSEIGNEVR, il y a trois ans paffez que le feu Roy vostre frere estant à Fontainebleau me commanda luy faire lecture des quatre premiers chapitres du Discours de la Vanité, où il prist tant

de plaisir qu'il se les sist relire plusieurs sois apres, me commandant tresexpressément que l'eusse à paracheuer le reste: Ce que plustost l'eusse fait n'eust esté sa mort inesperce, & vne griesue maladie qui m'a tenu en langueur deux ans entiers. Depuis le recouurement de ma santé l'ay pris peine à le parfaire le mieux que l'ay peu, en deuotion de vous le presenter, esperant que prendrez plaisir en la contemplation de si graues & si sages propos, pour l'affection que vous portez à la vertu, & à toutes choses dignes d'vn vaillant & magnanime Prince tel que vous estes, qui désire com-

poser la felicité de sa vie & entretien de sa grandeur, à l'exemple & imitation de ce grand & sage Roy, autheur de ce discours. A Paris ce 30. Iuillet 1576.

Vostre tres-humble, & tres-obeissant serviteur REMY BELLEAV.

AVDIT SEIGNEVR.

Autre ne puis choisir pour sacrer mon labeur
Que vous, qui d'vn grand Roy receuses en partage,
Fauorisé du Ciel, la force & le courage,
La grace, la façon, la vaillance & l'honneur.
Puis l'auure est d'vn grand Roy, qui fils & successeur
Des vertus de son pere, eut le surnom de Sage:
Vous frere & sils de Roy, naissant prises l'image
Du pere & de l'ayeul, l'esprit & la grandeur.
Iouisez donc, heureux, des graces immortelles
Que vous auez de Dieu, recognoissant que d'elles
Vient le doux entretien de la prosperité:
Tirant de ce Discours, que le cours de la vie
N'est qu'vne passion, qu'vn desir, qu'vne enuie
De trauailler soymesme, & pure vanité.

R. BELLEAV.





DISCOVRS

DE LA VANITÉ.

PRIS DE L'ECCLESIASTE

DE SALOMON.

CHAPITRE I.

Tout ce qui est fous le Soleil, n'est que Vanité. La trop curieuse recherche des choses, Vanité.

De pure Vanité la terre est toute pleine,
Tout n'est que vanité des vanitez tres-vaine:
Mais quel heur plus benin sent l'homme des trauaux
Qu'il prend sous le Soleil, qu'vn orage de maux?
Toute chose prend sin, l'autre vient en sa place,
Nouvelle renaissant, pendant que l'autre passe:
Mais la Terre immobile & seure en ses contours,
Dure eternelment & demeure tousours
Ferme comme vn theatre, où de l'humaine vie
Se iouë tour-d-tour la vaine Comedie:
L'vn faisant le Berger, l'autre le Bucheron,
Le Prince, le Marchant, l'autre le Vigneron.
Le Soleil dans la mer la nuist venant se couche,
Puis se leue au matin de son humide couche,
Tournoyant & roulant, ganche par le trauers

De l'écharpe animee en ce grand Vniuers.
Le vent souffe au midi, puis aussi tost retourne
Aux bouches d'Aquilon, où en souffant se tourne
Balloyant terre & mer de son aile qui bruit,
Puis s'accoisant reuient en son mesme circuit.

Tous les sleuues courans, les torrens, les rinieres Dressent dedans la mer leurs humides carrieres, Et pour ce grand amas ne regorge la mer, Puis dedans leurs canaux ils se vont rensermer: Ainst vont & reuont, & de plus viste course Roulent és stots marins, puis recherchent leur source.

Tout ce qui sous le Ciel soupire, & prend vigueur, Est trop plus dissicile, & de plus grand labeur Qu'on ne peut conceuoir, & l'ail qui veut apprendre N'est iamais soul de voir, ny l'oreille d'entendre.

Tout cela qui doit estre est ce qui a esté, Qui fut, & qui sera reconneu, inuenté, Desta faist & refaist, subiet à l'entresuitte, Qui renaist en mourant par certaine conduitte: Bref la viue clarté du Soleil pur & beau Ne voit rien sous le Ciel, qui soit faist de nouueau, Et n'y a chose au monde ou si rare, ou si belle, Que l'on puisse iuger estre chose nouvelle: S'elle semble nouvelle à nos siecles derniers, Desta la connoissoyent nos peres devanciers.

Des choses aduenir, & des choses presentes, Qui furent, & seront & viues & absentes, La memoire se perd, & les ouurages tous De ceux qui ont esté, & seront apres nous : Tout s'escoule en sumee, & se glisse & se plonge Sous les stots de l'Oubli, & se perd comme vn songe.

L'ay porté d'Israel le sceptre dans la main,
l'ay presse sous le ioug les ondes du Iourdain,
l'ay fouillé, i'ay cherché pour sçauoir & connestre
Toute ame qui soupire, & qui viuant prend estre
Sous la voste du Ciel, pour sçauoir les raisons,
Le tour & le retour des temps & des saisons,
Ouurant le sein second de la mere Nature,

Qui donne le tetin à toute creature : Et croy que ce grand Dieu transmist ce vain desir Dans le cueur des humains, non pas pour le plaisir, Mais pour les trauailler, & les tenir en crainte, Alterez de sçauoir sous honneste contrainte. Pay discouru, scauant, des Aftres radieux, Et des cercles dorez qui roulent dans les Cieux, l'ay fouille dans le creux des ondes emperlees, Et mesuré le fond des plaines estoilees, Entendu le iargon des prophetes oyseaux, Des Princes & des Rois les accidents nouueaux: Espluché grain à grain les semences fertiles Des plantes, en naissant qui reuestent gentiles La terre de verdeur la bigarrant de fleurs Sous l'émail contrefait de cent & cent couleurs : Recherché, curieux, les causes plus secretes Du flot & du reflot, la course des Planetes, Et sous les flancs cauez des hauts monts sourcilleux Les souffles animez de soupiraux venteux: Descouuert les thresors & les veines dorees, Du ventre de la Terre auarement tirees : Les poutres, les cheurons, les neiges, les frimas, Les tourbillons rouans, & le gresseux amas Rebluté dedans l'air, en pelottes menues, Et le Soufre esclattant empierré dans les nuës, Les fantomes de l'air, les Cheures, les Dragons, Et le feu menaçant de l'Aftre aux cheueux longs, Les images clouez dans la volte azuree, Les troupeaux escaillez de l'humide contree, De la Terre & du Ciel les accidens diuers, Et bref ce qui se brasse en ce grand Vniuers: Mais en fin i'ay trouué estre chose inutile. Vn labeur mal choist, vne peine sterile, Et vn tourment d'esprit. Ce qui est mal poli Raboteux & tortu, ne peut en autre pli Se tourner ou dresser: Tout cela qui se monte Et court à l'infini, ne se peut mettre en compte :

La seule Maiesté du grand Dieu tout puissant

Est par tout infinie, & son bras rougisfant
De tonnerre & d'esclair, retient desous la bride
De ce grand Vniuers & le plein & le vuide.
Ce qui est corrompu & banni du sentier
De ce commun voyage, en son estre premier
Ne retourne iamais, or' que de ceste vie
Tousours se corrompant, la sin soit insinie.

Ie disois en mon cueur, le suis fait en grand Roy, Surpassant en grandeur tous ceux qui deuant moy Dessus Ierusalem ont eu quelque puissance, Soit en gloire d'honneurs, science, ou prenoyance: Ie me suis trauaille pour connoistre & sçauoir Tout cela par labeur que peut l'humain pouuoir, Employant sans repos, les beaux iours de ma vie Pour sçauoir bien & mal, & prudence & solie, Mais en sin l'ay conneu que c'es pour verité Astition d'esprit, & pure vanité.

Car pour trop de sçauoir l'ame deuient fascheuse Et pleine de chagrin, chetifue & langoureuse, Et qui veut achepter le sçauoir par labeur, Aux plaisirs de sa vie il adiouste douleur: Ne pouuant embrasser tant de sçauoir ensemble, Que trauail sur trauail en se rongeant n'assemble.

CHAPITRE II.

En trop de delices, Vanité. En bastimens superbes, iardinages, complants, richesses superslues, Vanité. Mesme sin & mesme euenement du sage preuoyant, & du sol mal-aduisé.

Sus (disois-ie) mon ame il te saut esprouuer Les douceurs de la vie, il te saut abreuuer Au lac de volupté: Auant, il te saut suiure Les pas & les appas du miel qui nous enyure Et nous plonge en liesse: Arriere desplaisir, Or ie me veux gorger & noyer de plaisir, Et charmer le souci qui ses griffes allonge Acharné dessus nous, & sans trefue nous ronge.

Esprouuant ce discours, i'ay conneu clairement Que le plaisir n'est rien que vain enchantement, Asseurant que le ris n'est qu'vne frenaisse, Qu'vn charme, qu'vne erreur, troublant la fantaisse, Et que la volupté n'est qu'vn vain aliment Qui trompe nos esprits d'vne amorce de vent.

Alors ie proposé traittant la Sapience, Retirer, desbordé, ma chair de l'indulgence, Du vin & du plaisir du tout me bannissant Pour trouuer bienheureux, où gist l'heur steurissant Et le bien souuerain, que les ensans des hommes Vont ainst recherchant sous le Ciel où nous sommes.

l'ay faist des astes grands, & des œuures parfaits. l'ay faitt rougir le Ciel de superbes palais, I'ay planté, i'ay semé, i'ay fait le iardinage, Dressé complant nouveau, choifi le pasturage, Gras, fertile & fecond, enté dans mes vergers Toutes sortes de fruits, Orangers & Figuiers, Les uns pour le Printemps, les autres pour l'Autonne Qui de raifin muscat son beau chef enuironne : Sous le soc argenté fait geindre les toreaux, Marié de ma main aux branches des ormeaux Le reiet tendre & mol des vignes ondoyantes, Qui leur serroyent le flanc, & de leurs mains rampantes A petits doigts crochus sur les branches grimpoyent : Puis la saison venue, ensemble ils estriuoyent A qui se chargeroit, & sembloit que Nature Prif quelque doux plaifir en mon agriculture.

Pay faitt des reservoirs, & canaux & ruisseaux, Pour tenir le pié frais des ieunes arbrisseaux, Qui dedans mes iardins en tout temps reuerdissent, Et pour mes beaux vergers qui sans cesse florissent: l'ay tenu sous ma main suitte de serviteurs, l'ay tenu court ouverse à tous les grands Seigneurs, l'ay nourry plus de beufs, & de troupes vestués De laine sur le dos, plus de cheures barbués,

Que tous ceux d'Israel, qui seigneurs deuant moy Ont retenu l'empire, & puissance de Roy. l'ay songneux amassé l'auoir & la richesse, Pour soulager les maux, compagnons de vieillesse; Pay fait fondre & tailler cuues, & vases d'or, Pay suant espargné le plus riche thresor Que pourroyent desirer & les Rois & les Princes. Et les Seigneurs plus grands des auares Proninces. Ie me suis ordonné Chantres de toutes parts, Chanteresses aussi, qui de leurs sons mignards Enchantoyent mes ennuis, i'ay goufté les delices Des enfans de la Terre, & les douces blandices Des esclaues de chois prises en guerroyant. Ie me suis fait grand Roy, sur terre me voyant Plus auance de biens, d'honneurs & de cheuance, Oue tous les autres Rois : Aussi la Sapience Ma si bien commande, hostesse de mon cueur, Oue fur tout Ifrael ie demeuray Seigneur.

l'ay de tous les plaisirs que les yeux sçauroyent prendre Rendu les miens contens, or mon oreille tendre, Sans point leur refuser ce qu'ils ont desiré: l'ay donné à mon cueur ce qu'il a soupiré Sans rien luy dérober de plaisir ou de ioye, Le soulant des appas de l'amoureuse proye, Et douces voluptez. Ainsi doncques mon Cueur A iouy bienheureux du fruit de son labeur: Et ceste iouissance, a resté le partage Du trauail que i'ay pris en cet humain voyage, N'ayant rien de plus cher ny de plus precieux Remarqué sous le Ciel, que repaistre nos yeux Affamez de plaisir, or rechauser nostre ame Froide or palle d'ennuy, de quelque douce stame.

Lors voyant à par moy l'effect de mes dessains, Et l'ouurage acheué du trauail de mes mains, l'ay reconnu, chetif, que cela n'est que peine, Qu'assistion d'esprit, & vanité tres-vaine: Et que dessus la terre il ne se trouue en sin Chose qui soit durable, & ne trouue sa sin.

Apres i'ay trauaillé les beaux iours de ma vie Pour coupler la sagesse auec la frenaisie Et la gaillarde humeur de la folie aussi. Mais qu'est-ce que de l'homme, & mesme de celuy Qui voudroit imiter, ambitieux, l'ouurage Formé de ce grand Dieu, pour l'humain anantage? Apres Dien, sont les Rois qu'on ne peut imiter, Soit à prendre plaisir, ou soit à l'inventer: Es qui veut essayer de leurs plaisirs le moindre, Il ne luy reste en sin qu'un regret pour se plaindre. Or comme la lumiere esparse dans les cieux Est plus belle cent. fois, & plus douce à nos yeux, Que n'est l'obscurité : Ainst la Sapience Apparoist plus cent fois que l'aueugle Imprudence. Car le Sage ha deux yeux attachez sur le front, Et le Fol chancelant ne connoist pas où vont Ses piez malasseurez : car il marche en tenebres, Sans discerner du bien les accidens funebres : Si scay-ie bien pourtant que tous également Courent mesme fortune, & mesme evenement. Et pourtant mille fois i'ay dit dedans mon ame, Puis qu'il me faut, contraint, ourdir la mesme trame Que le fol, que me sert avoir tant travaillé Pour estre le plus sage & le mieux conseillé? Puis i'ay dit en mon cueur, que ce labeur extréme, N'estoit rien que du vent, & la Vanité mesme : Car du sage & du fol en mesme monument La memoire & le nom dort eternellement Et meurt enseuelie: & ce qui est en estre Sera mis en oubly, fans plus iamais parestre Sur terre, dedans l'air, ny sous le marbre mol : Car le plus sage meurt tout ainfi que le fol. Cause que ie veux mal aux beaux iours de ma vie : Car tout ce qui se brasse, & viuant se manie Sous le crespe doré de ce Dieu radieux, Me vient à contrecueur, & desplaist à mes yeux,

N'estant que vanité, & meche qui en stame, Assistion d'esprit, & tourment dedans l'ame. Ie porte haine aussi mesmes à mon labeur, Dont iouist apres moy vn nouveau successeur. He qui sçait si celuy sera ou sol ou sage, Qui viendra possesseur à mon riche heritage? Toutessois, bienheureux, il iouira seigneur De l'or de mon espargne, & de tout ce labeur Que viuant i'ay soussers, & de ceste sagesse Qui m'a serui de guide au cours de ma ieunesse Iusques au poil grison, reconnoissant aussi Que cela n'est que vent, que peine, & vain souci.

Dont revenant à moy, ie m'oft ceste envie De iamais travailler, voulant tramer la vie D'vn homme de plaisir, sauorant le beau iour, Pour me rendre contant en cet humain seiour. Car l'homme or qu'il ait pris, armé de sapience, Tant de labeurs guidez d'adresse & de prudence, Si laisse-til la part où il a tant veillé, A celuy qui iamais n'y aura travaillé: Ce qui est vanité, & mal insupportable.

Hé qu'ha l'homme ici bas de l'espoir lamentable Et de l'affliction qu'il nourrist en son cueur? Les iours fascheux & longs ne luy sont que doaleur. Le Soleil luy desplaist, & quand la nuict est close, Au lieu de reposer son ame ne repose : Ce qui n'est rien que vent, & vaine passion. Car l'homme n'a de bien en ce monde, finon De boire & de manger, faire ionir son ame Du fruit de son labeur : ce qui vient, & se trame De la grand main de Dieu. Mais quel Prince, ou quel Roy A gousté le plaisir plus doucement que moy? Il donne à qui luy plaist & le sens & la vie Pour se donner plaiser: au malheureux, l'enuie De toufours affembler, recueillir, amaffer Or, argent, & cheuance, & biens qu'il faut laisser A celuy qui à Dieu est du tout agreable, Qui prend sans trauailler l'heur de ce miserable: Ce qui n'est rien encor que pure Vanité, Trop fidele compagne à nostre infirmité.

CHAPITRE III.

Toutes choses croiffent & periffent en leur temps.

Toute chose qui croist, qui vit, & qui soupire, Naifant & vieilliffant sous le celeste empire De la voûte du Ciel, ha sa propre saison: Tout cela qui se range à l'humaine raison, Qui se fait, qui se brasse, & qui se delibere, A son cours limité, & sa iuste carriere. Temps de naistre en ce monde, & de mourir aussi : Temps de prendre plaisir, & de prendre souci : Il y a temps prefix & certaine ordonnance D'ensemencer la terre, & cueillir sa semence, De planter, d'arracher: de tuer, de guarir: De ruiner le vieil, & de nouueau bastir : Temps de pleurs, temps de ris, de ioye 🗢 de triflesse, De sauter, de gaudir, de se mettre en liesse : Temps de ietter la pierre, & temps de l'amaffer : Temps propre d'embrasser, & temps de s'en passer : Temps d'acquerir des biens, & temps de les despendre: Temps de cueillir les fruits, & temps de les espandre: Temps de coudre, & descoudre, & temps de dechirer : Temps propre de se taire, & temps propre à parler : Temps de haine, & d'amour, temps de paix, temps de guerre. Qu'a l'homme dauantage en ceste basse terre, Suant, & trauaillant, entre tant d'accidents Qu'il prend sous le foleil, que le cours de ces temps? Pay songneux regardé sous le Ciel où nous sommes. Ce labeur iournalier, que Dieu aux fils des hommes A prudent ordonné: Car pour les trauailler Il a faict & basti tout beau, & bien entier, Chacun en sa saison, nous laissant une flame, Vn poignant aiguillon, qui va piquant nostre ame D'vn desir importun d'apprendre, & de sçauoir Ce qui est hors de nous, & de nostre pouvoir.

Car des œuures de Dieu les raisons sont cachees, Mesme à ceux qui de pres les ont plus recherchees, L'esprit ne pouvant pas comprendre tant soit peu L'œuure & le bastiment qu'a dressé ce grand Dieu Dés le commencement iusqu'à la fin derniere.

Dont sage ay rapporté connoissance tresclaire, Qu'il n'est rien de meilleur en ce grand Vniuers Que s'essouir heureux de passetemps diuers, Faire bien en sa vie, & que l'homme reçoyue Le fruit de son labeur, si qu'il mange & qu'il boyue En se donnant plaisir, sans espargner le sien: Car c'est vn don de Dieu de iouir de son bien.

L'auure de ses saints doigts, que nous voyons parestre, Est tel, & sera tel, & retiendra son estre, Autant qu'il luy plaira : car l'homme n'a pouuoir D'oster ou d'adiouster à son iuste vouloir. Cause qu'espouuantez de ses divins ouurages, Le genoil recourbé luy faisons les hommages Deuz à sa maieste, en esteuant aux Cieux, Admirant sa grandeur, & la teste, & les yeux.

Ce qui est for-banni du sentier de la vie Retourne vne autre fois, & sa course sinie Par l'eschange ordonné qui se fait en la mort A son tour reuiendra: Car Dieu puissant & sort Par vn nouveau rappel retire, & sait renaistre Ce qu'il auoit chassé & banni de son estre.

Pour redoubler encor ces inconftans labeurs, l'ay veu l'iniquité, & cent nouveaux malheurs Regner entre les grands, & au lieu de Iustice Souffrir l'impieté, l'erreur & l'iniustice, L'homme de bien moqué, le mechant caressé, Sous la main des plus forts l'innocent oppressé: Lors ie dis en mon cueur : Dieu iugera le iuste De iuste iugement comme il fera l'iniuste.

Soudain ie repensé sur le saist des humains, Que Dieu les a saits grands, excellents, neantmoins Pour domter leur orgueil ne veut pas qu'ils dédaignent Aux brutes qui çà bas viuant les accompagnent,

Faire comparaison: car presque egalement S'affligent sans raison, viuant ensemblément. Et prayment quant au corps ils sont comme la beste : Ce qui tombe sur l'vn, il tombe sur la teste De l'autre, ayant semblable & pareille action, Tous ont mesme soupir, & mesme passion: L'esprit commun leur donne & sentiment, & force, Et mouuement pareil : & sous la viue escorce De ce tige mortel, l'homme ne sçauroit voir Qu'il ait dessus la beste auantage ou pouvoir. Tout ainfi que l'vn meurt, l'autre meurt, & n'a l'homme Rien de plus precieux que la beste : & en somme Tout n'eft que vanité, tout court en mesme lieu, Tout s'en retourne en poudre, & se fait peu à peu Ce qui estoit alors que sa lente matiere Trempoit confusément en sa masse premiere, Despouillant en la mort le mesme accoustrement Qu'il auoit pris naissant de son propre element. Mais qui sçait si l'esprit de l'humaine semence Vole au Ciel, & celuy des animaux s'estance Sous les flancs de la terre? Il n'y a rien meilleur Que iouir bienheureux du fruit de son labeur : Et ceste iouissance est l'unique partage, Et le fruit mieux choisi de ce commun passage. Doncques ne trouuant rien, ny plus cher, ny plus doux Que iouir de ce bien qui coule iusqu'à nous Par les auares mains de quelque miserable, Vinons viuons heureux, rien n'est au monde stable. Hé qui ramenera l'homme pour reuenir Iuger apres sa mort ce qui doit aduenir?

CHAPITRE IIII.

Les miseres & afflictions des innocens, le labeur des hommes ambitieux, vain & inutile: mesme de celuy qui vit seul & solitaire, sans heritier & sans ami.

Puis détournant les yeux fur les maux ordinaires Que fouffrent ici bas les bons, de leurs contraires,

Remy Belleau. - II.

Haletant & Souffant Sous les fieres rigueurs Des hommes violens, i'ay veu les chaudes pleurs, Les torts & les ennuis, les sanglots & les plaintes Du peuple soupirant sous les fieres contraintes Des grands, & nul d'entr'eux eschaufé d'amitié N'auoit de son malheur tant seulement pitié, Ingrat & plein d'orgueil qui pas ne le confole Pour flater son malheur d'vne douce parole. Car ceux qui sous le ioug le fouloyent inhumains, Estoyent ceux qui la force auoyent entre leurs mains. Ainfi nul se trouuoit sous cefte violance, Aux pauures affligez qui donnast allegeance: Estimant plus heureux cent & cent fois les morts Que les viuans, subiets à si cruels efforts : Et plus heureux encor cent & cent fois auiconques Sous un air desastré auorté ne veit oncques Toutes les malheurtez qui au monde se font, Et qui mourant n'a veu les outrages qui vont Menaçant nostre chef. l'ay bien veu d'auantage Iettant l'ail sur l'emprise & le commun ouurage De l'homme de trauail, qui ne tasche qu'à fin D'auancer sa fortune, & nuire à son voifin.

Autres époinçonnez de contraire folie Viuent sans trauailler, & trauaillent leur vie, De paresse engourdis, mornes d'oisueté, Rongeant leur propre chair d'extréme pauureté, Ennemis de labeur, & disent à chasque heure, Iambes & bras croisez, que la vie meilleure Est celle qui se prend sans peine, & sans sueur, Plus douce estant la mort, que viure par labeur, Ne faisant cas entre eux de celle que l'on prise, Si pour se trauailler elle doit estre acquise: Disant qu'vn petit bien dans le creux de la main Est trop plus sauoureux, pour appaiser la faim, Que d'auoir par labeur l'vne & l'autre main pleine.

L'ay remarqué encor vne chose plus vaine, C'est de l'homme seulet, qui se pert & se rompt De trauail & de peine, & n'ha point de second,

Veuf de frere & d'enfans, & tout autre lignage, Pour venir successeur à son riche heritage, Seulement vn ami luy manque, & le souci Pourtant ne l'abandonne, ains le tourmente ainsi Que si par le trauail qui le mine & le sonde, Il deuoit enrichir, & nourrir tout vn monde. Et si l'argent ny l'or, ny le bien qu'il attent, Ne pourroyent satisfaire à le rendre content, Tant il est miserable, & ses deux yeux auares Ne peuvent estre souls de richesses barbares, Sans qu'il penfe en soymesme, Hé pour quel successeur Trauaillé-ie mon ame, en la priuant de l'heur De gouster le doux fruit du labeur de ma vie? Ce qui est vanité, & pure frenaisse : Car il ne faut iamais tant estimer le bien, Que l'on mette en oubli & soymesme, & le sien.

Il vaut doncques trop mieux d'amitie mutuelle Faire chois d'vn ami, qui soit ferme & sidelle, Tel qu'on le peut choisir pour en auoir secours, Et couler doucement le sil de nos beaux iours: Si l'vn d'eux bronche bas, l'autre prompt le releue, Mais s'il tombe estant seul, compagnon il ne treuue Qui luy donne secours, & luy preste la main, Tant il est miserable, & se trauaille en vain.

Malheureux est celuy qui n'ha l'adresse prompte D'vn ami bien choisi, pour déguiser sa honte: Et qui durant la nuist contregarde fongneux Que le mordant hyuer ne luy soit outrageux, Le desendant, benin, des malheurs ordinaires Où sont reduits en sin les hommes solitaires.

Celuy qui dort seulet n'ha force ny chaleur,
Il n'ha pour compagnon que le Songe & la peur.
Aussi deux en vn list prenans repos ensemble,
S'echausent aisément. La force qui s'assemble
De deux hommes contre vn, est plus forte beaucoup
Que celle de celuy qui seulet n'ha qu'vn coup:
La corde à trois cordons n'est pas si tost rompue.
L'ensant qui de plaisir n'ha l'ame corrompue

Estant & pauure, & sage, est plus heureux cent fois Que le Roy fol & vieil, qui mesprisant les lois Dedaigne son conseil. Il aduient qu'vn estrange De serf deuienne Roy, & par nouuel eschange Prenne le sceptre en main: & cil qui est nay Roy Mesme dans son Royaume aille chercher dequoy Trainer sa pauure vie, & meure miserable.

Pay veu l'ambitieux qui d'vn pié fauorable
Marche deuant les Grands, fuiure le premier fils
Qui deuoit successeur au Royaume estre mis
Apres la mort du Pere: on le suit, on le presse,
Chacun luy fait la court, le prise et le caresse,
Nombre de seruiteurs ne luy manque iamais:
Il aduient toutesfois que ce nouueau succés
Dechet auec le temps, comme celuy du pere,
Bref il tombe en mespris: la puissance s'altere
Et du ieune et du vieil, l'vne et l'autre à son tour:
Le vieil perd son credit, le ieune a le bon iour
Et la faueur de tous, en sin en decadence
S'escoule auec le temps la Royale puissance.
Ce qui n'est rien encor que vaine ambition,
Qu'assission d'esprit, et vaine passion.

Quand tu voudras, deuôt, entrer dedans le temple
Du Seigneur tout puissant, voy de pres, & contemple
L'honneur que tu luy dois: Car luy doux & benin
De ton humble priere est tousiours bien voisin.
Il te voit, il te sent (ô diuine merueille!)
Il s'approche de toy, & te preste l'oreille,
Tant il est amoureux de nous pauures humains,
Qui ne sommes rien plus que l'œuure de ses mains.

CHAPITRE V.

Ne faut parler ny promettre legerement à Dieu: ny s'esbahir de l'oppreffion des pauures.

Sois fobre de la langue, & ton cueur ne s'auance, Trop haste, de parler deuant Dieu, dont l'essence Refide dans le Ciel, toy qui es ici bas Citoyen de la Terre: Et pource il ne faut pas De babil importun trauailler sa hautesse. Car le trop de langage est la source & l'hossesse Des songes mensongers: puis en trop de babil Le sol se maniseste, & se monstre inutil.

Si tu promets, deuôt, de chastement appendre Quelque vœu deuant Dieu, haste toy de luy rendre: Car aux fols & menteurs Dieu son plaisir n'a mis. Rend luy donques les vœux que luy auras promis. Car mieux vaut ne vouër, & trop soudain promettre, Que faillir à son vœu. Garde toy de permettre Que ta bouche en parlant face pecher ta chair: Et ne t'excuse point deuant l'Ange trescher Qui sonde tes pensers, & marque ton offense En tes propos legers, que soit par ignorance. Car Dieu, nostre secours & l'entretien commun, Se courrouce, irrité de babil importun: Bref de trop de langage, ainst que de vains songes, Ne s'engendrent sinon vanitez & mensonges.

Crain donc pauure chetif la main de ce grand Dieu, Trembler sous sa fureur il nous saut en tout lieu, Et ranger nos desseins à sa grand' prouidence, Excusant le desaut de l'humaine impuissance.

Si tu vois d'auanture en ce grand Vniuers
L'auarice des Grands, & leurs maux descouuers,
L'oppression du peuple, & au lieu de iustice
Regner l'iniquité, la force, & l'iniustice,
Ne l'esbahis pourtant des faintes volontez
Du Seigneur, qui du Ciel marque les cruautez
Des hommes d'ici bas, & d'enhaut les regarde,
Trop plus haut esleué, que ceux qui sous sa garde
Commandent sur la terre: Ou n'y a rien plus seur
Qu'auoir vn peu de bien, & le mettre en valeur,
Auoir le champ fertil, dont la motte seconde
Peut nourrir son seigneur, du fruit dont elle abonde
Qui cet heur a conquis pour les siens, & pour soy,
Celuy vit plus contant, & plus heureux qu'vn Roy

Quiconque aime l'argent, iamais ne reffafie Ses poulmons alterez de ceste frenasie, Et qui veut amasser tousiours or dessus or, Iamais n'est iouisant du fruit de son thresor.

Quel bien'tire celuy de ses terres fertiles, Sinon voir de ses yeux cent bouches inutiles Gourmander tout le sien? Car où sont les Seigneurs Riches & opulents, là sont force mangeurs.

Le sommeil de celuy qui ses membres trauaille Est doux & gracieux, soit qu'à son ventre il baille Trop ou peu de viande. Et l'Or traistre en couleur,

Defrobe le repos sans fin à son seigneur.

N'est-ce sous le Soleil vn autre mal estrange De l'auoir superstu, qui plus souvent se change Au peril de celuy qui en est possesseur, Tout son or perissant és mains d'vn dispenseur, Qui le sond & l'employe en vn mauuais mesnage, Pour luy ny pour les siens ne luy restant l'vsage (Tant il est malheureux) d'vn seul morceau de pain Pour couurir sa misere, & pour tromper sa faim?

Comme il est sorti nu du ventre de sa mere,
Tout ainsi s'en retourne en la masse premiere
Dont il estoit issu, sans que de son labeur
Remporte auecques soy tant soit peu de bonheur.
Mais n'est-ce vn grand regret qu'il faut que l'homme sorte
Ainsi qu'il est venu, sans que rien il emporte
Pour auoir trauaillé soupirant & viuant,
Et que tout son labeur s'enuole auec le vent?
Ores qu'il ait trainé les beaux iours de sa vie
Tous consits de rigueur, de colere & d'enuie?

Doncques ce que i'ay veu de bon fous le foleil, C'est de boire & manger, & iouir du traueil Qu'on a pris en sa vie : estant la part meilleure Qui nous reste en viuant, & en mourant demeure. Aussi c'est don de Dieu de scauoir bien iouir Des graces qu'il nous donne, & viuant s'esiouir Du fruit de nos labeurs, rire, manger & boire. Celuy qui vit ains, viuant perd la memoire

Du malheur de son temps, de Dieu ayant cet heur D'auoir tousiours liesse & plaisir en son cueur.

CHAPITRE VI.

La miserable vie du riche avaricieux : La difference du sage & du fol.

Autre malheur i'ay veu sur la terre où nous sommes, Qui tourmente sans sin, & trauaille les hommes, C'est de cil à qui Dieu a departi du bien, Gloire, faueur, richesse, à qui ne defaut rien Des plaisses que son ame & desire & pourpense, Seulement luy defaut l'heureuse iouissance Et bonne volonté d'en vouloir bien vser: Puis l'estranger en sin alteré d'épuiser Le sond & le thresor de cet insatiable, En sera l'heritier, mal vrayment incroyable.

Quand l'homme de son tige auroit fait cent enfans, Chargé son poil grison d'vn fort grand nombre d'ans, Sans auoir de son bien rendu sa vie heureuse, Son corps n'estant pressé sous la lame poudreuse, Gisant nú sans tombeau, ie dy que l'abortis Est cent fois plus heureux que ce pauure chetis Qui naist en vanité, & retourne en tenebres, Son nom enseueli sous les cendres funebres. Pource que l'abortis n'ayant veu de ses yeux Ny senti la clarté du Soleil radieux, Dort en plus doux repos, que celuy qui le vice A viuant embrassé, de bruslante auarice, Sans auoir sauouré de son bien tant soit peu. Puis ne courent-ils pas tous deux en mesme lieu?

Le labeur que prend l'homme est pour nourrir sa vie, Et son ame pourtant n'est iamais assouice. Le riche n'a rien plus que cil qui doucement Conduit ses actions, & qui modestement Pauure entre les viuans chemine, & se comporte, Viuotant du prosit que sa main luy rapporte. Mais le riche dira qu'il est plus doux à voir Vn thresor en espargne & tout contant l'auoir, Qu'esperer l'incertain, & d'esperance vaine Se repaistre affamé, & viure de sa peiné. Il s'abuse pourtant, car compter & peser Vn grand nombre d'escus, est la stamme attiser De l'auare desir qui brusle & qui entame Le cueur iusques au vis, & iusqu'au sond de l'ame: Ce qui n'est rien en tout que pure Vanité Et passion d'esprit. Ce qui est, a esté Nommé de mesme nom, & deuant la naissance L'homme tire du Ciel son nom & son essence, Trop soible contre Dieu ne pouuant guerroyer, Qui le peut d'vn clin d'ail abatre & foudroyer.

La Vanité prend cours en beaucoup de paroles, Et se multipliant rend les choses friuoles. Si tant de vanitez en ce monde ont le cours, Qu'a l'homme de plaisir au plus beau de ses iours? Mais sçait-il de quel bien durant sa pauure vie Il a plus de besoin, & de quel heur suyuie Est la course à ses iours, trop vainement roulez? Sçait-il ce qu'il luy faut en ses iours, escoulez Et passez comme en l'air passe l'ombre legere? Sçait-il ce qu'il doit estre, apres que sa paupiere Sera close vne sois d'un dur & long sommeil, Banni des beaux rayons du clair-voyant Soleil?

CHAPITRE VII.

Ne faut embrasser choses plus grandes que la force ne peut porter.

Mieux vaut la suaue odeur de bonne renommee Que du plus doux parsum la senteur embasmee, Et le iour de la mort est cent sois plus heureux Que le iour où l'on naist sous vn air malheureux. Trop meilleur est aller en la maison de larmes, De soupirs, de sanglots, qu'en celle où sont les charmes Des douces voluptez, la dance & le festin : Car en l'vne, de l'homme est la derniere fin, En l'autre, vn vain espoir de prolonger sa vie.

Plus doux est le chagrin & la melancolie Que le ris desbordé: car le triste regard D'vn visage abaissé rend l'esprit plus gaillard. En la maison de pleur les bien sages resident, En celle de plaissr les ignorans president.

Plus doux est le tancer du sage mille sois
Que le chanter du sol: car son ris & sa vois
Bruit ainst que le son des espines mordantes
Craquant sous le chaudron dans les slammes tremblantes:
Ce qui est vanité. L'iniure & le dédain
Troublent la douce humeur du cerueau le plus sain,
Et sont perdre le sens: le present sauorable
Trompe & gaigne le cueur: cent sois plus destrable
Est la sin de nos iours, que le commencement.

L'homme est trop plus heureux qui vit modestement, Que l'orgueilleux hautain. Ne sois prompt à colere, Qui sascheuse tousiours repose familiere Dans le giron des foulx. Ne dy point en ton cueur Que de nos peres vieux le siecle fust meilleur Que celuy de present : c'est imprudence vaine Se plaindre de son temps. Car c'est chose certaine Que les siecles passez, que nous crions heureux, Tout ainsi que le nostre, ont esté malheureux.

Pendant que du Soleil la lumiere agreable
Se decouure à nos yeux, la Vertu remarquable
Du sage est mieux seante auec vn peu de bien,
Qu'elle n'est à celuy qui mendiant n'a rien.
Le secours de vertu, sont les biens, la richesse
Est le seul entresien & l'appuy de Sagesse,
Pour la faire paroistre il faut auoir dequoy:
La Sagesse pourtant a d'excellent en soy
Qu'elle donne la vie à celuy qui la garde,
Viuant apres la mort. En admirant regarde
L'auure de ce grand Dieu: redresser on ne peut
Ge qu'a plié sa main, si puissant ne le veut.

Sois sage de façon qu'en saison opportune Sous le vent gracieux de la bonne fortune, Ton œil soit preuoyant le temps d'aduersité, Que Dieu a faist compagne à la prosperité: Assaisonnant ainsi d'vn malheur necessaire Nostre heur empoisonné tousours de son contraire, A sin qu'on ne trouuast hors luy rien de parsait, Et l'homme reconneust comme il est imparsait Pendant la vanité des beaux iours de sa vie.

Fay remarqué le iuste accablé de l'enuie Perir en sa iustice, & i'ay veu le mechant Plus heureux que le bon, prosperer en pechant.

Pour viure heureusement, ne faut estre trop sage, Trop iuste, ny trop bon: ne fay iamais outrage, N'autre folle entreprise, à sin qu'auant le temps Ne tranches, malheureux, le cours à tes beaux ans.

Doncques pour euiter les trauerses du monde, Il faut craindre ce Dieu, ce grand Dieu qui nous sonde Iusques au fond du cueur: Car qui craint le Seigneur, Heureux peut aisément euiter tout malheur.

Le Sage est plus puissant que dix des plus grans Princes, Et des plus grands Seigneurs qui tiennent les prouinces: Mais on ne trouue point en ce terrestre lieu Homme qui face bien, & qui n'offense Dieu.

Ne preste point l'oreille aux bauars qui deuisent, Et destourne ton cueur des propos qui se disent Des hommes langagers, à sin de n'ouir point Mesme ton seruiteur, qui mesdisant te poind, Reconnoissant en toy qu'en pareille impudence As vsé quelquesois de mesme médisance.

l'ay tenté tout cela esperant par le temps La Sagesse acquerir, mais trop loin de mes sens Elle s'est esgarce: aussi c'est chose vaine De la penser trouuer, car elle est trop lointaine.

La Sapience en fin est vn gouffre de mer, Vn abysme profond, qu'on ne sçauroit sonder: l'ay tourné, i'ay viré pour la penser connestre, Espié pour sçauoir, & rechercher son estre:

283

Trouvé l'invention de scavoir par labeur Et le bien & le mal, la sottise & l'erreur : Mais en fin i'ay trouné & conneu dans mon ame Que plus fiere, & plus dure, & plus aigre est la Femme Mille fois que la mort : son cueur est de laçons, Ses yeux seruent d'appas, & ses mains d'ameçons. Celuy seul pourra bien eschapper de ses ruses Qui est bon deuant Dieu, qui ses graces infuses Depart comme il lay plaist : mais le pecheur (helas!) Pipé de ses attraits sera pris en ses laqs.

Voyla que i'ay trouué en ce mondain empire, Recherchant la raison que mon ame desire, Et qu'elle cherche encor, sans auoir eu cest heur De la pounoir trouver, pour resoudre mon cueur.

l'ay retrouué sans plus entre mille vn preud homme, Mais vne prende femme onc ne trouué, en somme Ie sçay que Dieu a fait les hommes droits & bons, Mais ils ont recherché beaucoup d'inuentions. Beaucoup de vains discours, & raisons vray-semblables, Dont ils se sont rendus eux-mesmes miserables.

· CHAPITRE VIII.

Ou'il faut prendre garde aux paroles des Rois: obeir aux Princes, & aux Magistrats, viure ioyeusement. Que les cuures de Dieu font incogneues aux hommes.

Rien n'est à comparer aux paroles profetes Du sage qui connoist des choses plus secretes La cause & la raison, la Sapience en sin Addoucist le visage & le rend plus benin. Mon fils fitu me crois, songneux tu prendras garde Aux paroles du Roy, & paresseux ne tarde De rendre deuant Dieu ce qu'a promis ta foy. Ne t'absente, hastif, des faueurs de ton Roy, Et ne retiens ton ame en actions manuaises:

Car il fait ce qu'il veut, & fant que tu luy plaises. La parole du Roy s'anime de pouuoir, Et de puissance armee, haute veut apparoir.

Hé qui seroit celuy qui voudroit entreprendre Luy dire, Que fais-tu? & qui l'osast reprendre?

Quiconque gardera les faints commandemens, Ne fera point de mal : le Sage sçait le temps Qu'on punist les mechans : Ce qui se delibere, A temps & iugement : mais grande est la misere De l'homme qui n'a pas en viuant ce bonheur De cognoistre son mal, & preuoir son malheur, Ignorant des raisons, & des choses futures.

Mais dites ie vous pry, par quels diuins augures
Pent-il, sage, preuoir les choses aduenir?
Ainst que l'on ne peut contraindre ou retenir
Le vent dedans la main: Aussi l'homme sur terre
N'a pouvoir sur la mort: la mort est vne guerre
Dont le plus grand guerrier ne peut estre vainqueur:
La force sur la mort n'a pouvoir ny faueur.

Pay conneu tout cela, & recherché les choses Qui sont sous le Soleil secretement encloses: Mais tousiours par le fort le foible est oppressé, Le moindre par le grand tousiours est offensé.

Puis i'ay veu les mechans iusqu'à la sepulture Viure heureux & contens: & ceux qui en droiture Et saintes volontez, & crainte du grand Dieu Auoyent, bons, cheminé, & hanté le saint lieu, Des daignez & moquez dedans la cité mesme Où ils auoyent vescu d'vne iustice extréme. Or que soit vanité. Les iuges paresseux D'executer soudain le iugement de ceux Qui sont souillez de crime, ou d'autre malesice, Sont cause de nos maux, à faute de Iustice: Qui fait que les enfans des hommes ont le cueur Plus prompt à faire mal, & plus duit au malheur.

Or si la main de Dieu en grands honneurs auance Et prolonge les ans du mechant qui l'offense En vices desbordé, si sçay-ie bien pourtant

Qu'il sauuera celuy qui le va redoutant, Et qui tremble, craintif, sous les traits de sa face. Au pecheur, au mechant il denira sa grace, Et comme ombre legere escouleront ses iours Tranchez & raccourcis au plus beau de leur cours : Car il ne craint de Dieu la force espouuentable. Vne autre vanité sur la terre habitable Se fait de iour en iour, C'est qu'il aduient au bon Ce qui deuft aduenir au mechant pour guerdon, Et mesmes il eschet bien souuent à l'iniuste, Mechant & reprouué, selon l'auure du iuste : Ce que i'ay dit encor n'estre que vanité: Estimant dessus tout l'honnesse volupté. Car sous le Ciel voûté n'y a rien d'agreable Que boire & que manger ioyeusement à table, Et se donner plaisir, & cela pour le moins Reste pour tout le fruit du labeur des humains, Qui trainent ici bas la trame de leur vie, Que Dieu benin & doux, à tous a departie. Plus cherchant l'ay trouvé que l'homme curieux D'estre grand en sçauoir, n'a repos en ses yeux Soit de iour soit de nuist : & si sçay dauantage Quant aux muures de Dieu, mesme que le plus sage N'en peut rendre raison, ores que sur ce point Il se tranaille en vain, & ne le trouue point : Et si de le sçauoir il se vante, il s'abuse : Car Dieu seul qui le sçait aux hommes le refuse.

CHAPITRE IX.

L'homme ne peut cognoiftre par ses œuures s'il est aimé de Dieu ou non. Mesmes accidents aux bons & aux meschans, quant aux passions corporelles.

Pay mis tout mon trauail pour sainement apprendre Ces beaux secrets, à fin de vous les saire entendre, C'est que l'ame du Iuste, & du Fol importun Est en la main de Dieu, qui depart à chacun Les graces qu'il luy plaist, & ne sçait pourtant l'homme S'il est aimé ou non, ne connoissant en somme Ce qui prouient de Dieu, tant il est ignorant.

Le iuste & le mechant ensemble vont mourant, Courant l'accident mesme, & la mesme fortune: Egalement la mort à tous deux est commune, A cil qui sacrisse, & à celuy aussi Oui de sacrisser au Seigneur n'a souci.

Le bon, & le mechant, & le iureur infame, Et cil qui de iurer a crainte dedans l'ame Sont de condition & d'accident pareil. Rien n'est franc de la mort, le pis sous le Soleil Est qu'il advient à tous evenement semblable. Aussi l'homme est chargé de mal insupportable, Et n'a rien que malheur & trauail en son corps Iusques à tant que mort il dorme entre les morts: Mais viuant il espere, & passe en esperance Le mort, banni d'espoir d'amender son offense: Comme le Chien qui vit est plus fort en valeur, Que n'est le Lyon mort. Les viuans pour le seur Scauent bien qu'ils mourront, & les morts rien ne scauent Ignorans oubliez, puis les viuans les brauent Ne faisant plus cas d'eux, aussi tout leur honneur Est mort enseueli auecques leur labeur: Plus on ne parle d'eux, leurs beaux noms & leur gloire Sont en mesme tombeau auecques leur memoire. Ils sont priuez d'honneur & de tous biens démis, Priuez de sentiment, d'amis & d'ennemis, Et n'ont plus de partage en ce qui reste au monde: Car rien n'est pour les morts sous la machine ronde.

Tien toy doncques gaillard, en paix mange ton pain, Boy doucement ton vin, viuant ioyeux & fain: Car telle œuure est à Dieu agreable & parfaitte.

Ta chemise soit blanche, & ta vesture nette Quelque temps que ce soit, & ton cheueu retors Soit tousiours emmusqué & dedans & dehors De quelque doux parfum, & ioyeux t'accompagne De la femme que Dieu te donra pour compagne, Pendant la vanité du plus beau de tes iours, Iours pleins de vanité trop hastez & trop cours: Estant le vray loyer de la peine insinie Et labeur familier qui trauaille ta vie.

Ce qui te furuiendra pour estre mis à sin Trouuant l'occasion, fay-le soudain, à sin De n'attendre le temps d'vne courbe vieillesse Qui te traine au tombeau, où ne se trouue adresse, Sapience, industrie, art, mestier, ny sçauoir.

Recherchant, curieux, cela qui se peut voir De beau sous le Soleil, i'ay connoissance bonne Que le viste courreur, n'est cil à qui l'on donne La course pour courir, ny les meilleurs guerriers Ne sont iamais choifis pour estre cheualiers, Ny moins pour commander: i'ay veu mesme le Sage Auoir faute de pain, & faute d'heritage, De faueur, de moyen, & les meilleurs esprits Mocquez & dedaignez & tenus à mespris : Mais à tous le bonheur ou le malheur s'adonne Comme le cours du temps ou fortune l'ordonne. Car l'homme ne connoist l'heure de son trespas Non plus que le poisson qui cherchant ses appas Se prend à l'hameçon, ou la troupe legere Des oyseaux peinturez surpris à la pantiere : Ainsi survient la mort doucement pas à pas, Qui, fine, nous surprent, & nous meine au trespas. Sous le flambeau doré du Soleil venerable l'ay veu une autre chose & vraye, & remerquable : Vne petite ville, & peu forte au dedans, De peu d'armes munie, & de bien peu de gens, Fut ceinte d'vn grand Roy, qui la bat, & l'assiege D'vn camp puissant & fort : Il y dresse le siege Employe son effort, dresse de toutes pars Des gabions flanquez de tours & de rempars. Se trouue en ceste ville vn pauure homme, mais sage, Qui sauua la Cité de sac & de pillage,

Vn pauure homme sans nom, sans moyen, inconnu, Et qui pour ses vertus n'estoit pas reconnu. Doncques la Sapience ores que mesprisee, Vaut trop mieux mille fois que force autorisee. La parole du Sage & ses duins propos Sont trop mieux entendus & en plus de repos, Que l'importun babil d'vn Roy, ou d'vn fol Prince. La Sageste vaut mieux pour l'heur d'vne prouince, Que le fer ny l'airain, coutelas ou pauois, Que morions grauez, ny lances, ny harnois: Toutesfois le mechant, qui le Seigneur offense, Est cause de grands maux par su folle imprudence.

CHAPITRE X.

Peu de folie perd l'honneur & la renommee de l'homme. La difference du fage & du fol.

Heureux le Royaume où commande vn Roy fage & craignant Dieu.

Qu'il ne faut mesdire de fon Prince.

Comme vn amas bruyant de mouches engluees
Dans vn onguent confit de senteurs emmusquees,
Enyuré de parsum, gaste & corrompt l'odeur,
Et fait comme vn crousteau de mauuaise senteur
Sur la paste gommeuse: Ainst peu de folie
Faite sans y penser vne fois en la vie,
Gaste & perd de celuy le renom & l'odeur
De sage auparauant qui remportoit l'honneur.
Le cueur de l'homme Sage est tousiours en sa destre,
Et le Fol tient le sien tousiours en la senestre,
Et quelque part qu'il aille il porte dans le sein
L'arrogance, l'orgueil, l'enuie & le desdain:
Et comme si luy seul en ce monde estoit sage,
Se mocque de chacun, le dédaigne & l'ourage.

Or si de commander il te vient quelque ardeur Qui te hausse le vent, & c'allume le cueur, Ne delaisse aisément la premiere entreprise, Ny le premier degré où ta place auois prise. Car celuy qui retient en main ses volontez, Euite bien souvent beaucoup d'aduersitez.

Puis vn malheur est grand qui vient de l'infolence . Du Prince mal nourri, & de son imprudence.

Les fouls ont des honneurs les charges sur les bras, Et le sage est assis au ranc du peuple bas: Le valet est monté sur vn cheual adestre, Et bien souvent à pié marche le pauure maistre.

Qui premier fait le piege, y tombe volontiers:
Qui esfarte, au rompt les espineux halliers,
La couleuure le mord: Qui les pierres remuë,
S'y blesse s'y offense, bien souvent s'y tuë:
Qui fend de coups de coing, ou de hache, le bois,
Dessous le fer trenchant se coupe quelquesois:
Si le fer est moussu, le plus fort aura peine
De le mettre en esclats: La vertu souveraine
De la Sapience est, ce qui est malaist
Le rendre promptement facile bien aist.

Celuy ressemble en tout, qui mesdit de son proche, Au Serpent recelé dans le creux d'vne roche Qui mord coy sans sister. Ce que le Sage dit A grace, mais le fol qui plaisante & mesdit, Par le trop de babil des leures se deuore: Car le commencement du parler qui se dore Dans sa bouche n'est rien que solie, & la sin Que pure frenaisse, & dangereux venin.

Le bauard parle tant qu'on ne sçauroit apprendre Vn mot de ce qu'il dit, ne se faisant entendre, Tant s'en faut que de luy l'on puisse recueillir Chose pour le futur : Qui le fait affoiblir Et qui plus le transporte, est qu'il n'a l'industrie De se rendre ciuil és beaux iours de sa vie.

Malheureux le païs qui a vn ieune Roy, Et où les Princes grands, & ceux qui ont de quoy

Remy Belleau. - II.

Mangent au point du iour. O terre bien heureuse Où le Roy craignant Dien, de race genereuse Commande au peuple bas, & les Princes en temps Mangent à leur repas, & non pour passetemps, Ny moins pour yurongner, ains pour la seule enuie Qu'ils ont d'entretenir les forces de la vie.

Par paresse le toill & le mur se dement : Par paresse la pluye, & la gresse, & le vent Font breche à la maison, & tombe en decadence.

La viande, le vin, le banquet, & la dance, Le trop d'or & d'argent, l'excés, l'oifueté Plongent l'homme en erreur, appas de volupté.

Garde toy de mesdire, & mesme en ta pensee,
De ton Roy souverain, ny de race avancee
En grandeur plus que toy, on des Princes plus forts,
Mesme dedans la chambre où libre & seul tu dors.
Car les oyseaux du ciel, s'autre ne le peut dire,
Rediront tes propos, s'il t'advient d'en médire.

CHAPITRE XI.

Qu'il faut departir de fon bien aux pauures : Remettre toutes chofes en prouidence de Dieu.

Si tu iettois ton pain dans le coulant des ondes, 'Voire dedans le creux des mers les plus profondes
Departi par aumofne, affeure toy pourtant
Qu'en fin le trouveras multiplié d'autant.
Fay part à l'indigent des biens que la fortune
T'a departis, à fin qu'elle qui est commune
Egallement à tous, ne te moleste point
Du malheur familier, qui les hommes estreint,
Et qui dessus leur chef pend tousours ordinaire:
Car Dieu dedans le Ciel t'en garde le falaire.
Quand l'air est plein d'humeur, aussi tost la respend
Sur la terre, de soif qui beante l'attend.
Quelque part que le fruit tombe meur de la branche.

Soit deuers le midy, foit du vent qui s'espanche Des Ourseaux Aquilons, hommes se trouueront Pour appaiser leur saim, qui le recueilleront.

Qui trop songneux regarde au vent, iamais semence Ne fera qui profite: & qui sous l'inconstance De l'air se veut regler espiant les saisone, Iamais ne iouira de fertiles moissons.

Comme l'on ne sçait pas, par quel moyen se lie L'esprit auec le corps, s'altere, & se messie, Ny comme de l'enfant & les nerse & les os Se reuestent de chair, estant au doux repos Du ventre de la mere : Ainsi n'as connoissance De ce que Dieu conduit, fait, dispose & pourpense, Et si n'en peux sçauoir la cause ny l'essed, Tant ce qui brasse est grand, admirable & parfait.

Seme donc au matin, & tes mains esourdies Ne chomment sur le soir de paresse engourdies, Ne sçachant pas au vray si le grain du matin Ietté sur le sillon, aura meilleure sin Que celuy qui du soir sera semé sur terre.

Dous est voir la lumiere, & le soleil qui erre
Tout à l'entour de nous, & remarquer des yeux
Les beaux rayons dorez de son seu precieux:
Ce pendant s'il aduient qu'heureux tu puisses viure
Quelque grand nombre d'ans sain, gaillard & deliure
De toute passion, te souvienne du temps
Des tenebreuses nuits, & des courses des ans
Qu'il faut que sans soleil, & banni de lumiere
Tu dormes en repos sous la noire sondriere:
Car lors bien aduisé tu iugeras soudain
Tout ce qui est au monde estre inutile & vain.

Doncques efiony toy pendant que la ieunesse
Te rechausse le sang, & de gente alaigresse
Passe ton beau Printemps, enyurant de plaisir
Ton cueur, & ne refuse à tes yeux de choisir
Ce qu'ils auront à gré: Mais aussi te souvienne
Que de tes actions, & que de l'auure tienne
Il te faut rendre compte au Seigneur tout-puissant.

Vy dispos & gaillard, loing de toy banissant La colere & le vice, & iamais le mal-aise Ne trauaille ta chair, mais vy tousiours à l'aise En ta ieune saison: car ce qui reste apres De meilleur de nos ans, va tallonnant de pres La misere & la peur, qui ont pour compagnie La Vanité qui suit le fil de nostre vie.

CHAPITRE XII.

Qu'il faut craindre & reconnoistre Dieu des la ieunesse, sans attendre les maux & incommoditez de la vieillesse. Description de l'homme vieil. Que la Sapience vient de Dieu, & non de l'estude.

Doncques souvienne toy des graces du Seigneur, Pendant que ta iouuence est en sa prime sleur, Auant que les douleurs d'vne courbe vieillesse Te chargent fur le dos vne morne paresse, Lors que tu n'auras plus en viuant de plaifir, Et les iours te seront regret & desplaisir: Auant que du Soleil la lumiere dorce Se soit de tes yeux morts par les ans esgaree: Auant que du grand Ciel les flambeaux radieux Soyent voilez d'épesseur, & le feu de tes yeux Soit mort enseueli sous un espais nuage: Auant que la clairté de la Lune s'ombrage. Ce qu'alors adviendra quand les deux mains qui sont Gardes de la maison, foiblettes trembleront Sans force & Sans chaleur, & les soldats habiles A soustenir le char se courberont debiles : Ouand morte la chaleur le languissant portier De l'aliment commun bouchera le sentier : Quand les deux espions qui font la sentinelle Par deux petits caueaux de leur flamme iumelle, Ne pourront plus rien voir, & les portes seront

Closes de la grand rue, & plus ne chanteront Les meules qu'à vois baffe, & casse, & alteree : Quand au cri de l'oiseau à la creste pourpree L'homme s'eueillera, sans donner tant soit peu De repos à ses yeux, d'ans & de maux recreu: Quand muettes seront les filles chanteresses, Et chancelant de piez, & surpris de foiblesses Il craindra de marcher mal affeurant ses pas Par les lieux raboteux, & par hauts & par bas, Toufiours tremblant de peur, de frayeur & de crainte : Alors que l'Amandier aura la tefte peinte De blanchissantes fleurs, ayant foible la voix Comme le Sautereau enroué par les bois : Alors que l'appetit, & le ventre inhabile. A cuire l'aliment, sera froid & debile, Signes certains & vrais qu'il nous faut desloger, Et qu'en autre contree il nous faut ramager, Compagnons de la nuit, de pleurs & de tenebres, Puis on fera le dueil, & les pompes funebres. Auant le iour dernier que la chaisne d'argent Se rompe deseichee, auant qu'entierement De cefte esquiere d'or la liqueur engraissee Coule de toutes parts, quand la cruche versee Se casse à la fontaine, & la rouë en esclas Tombe sur la cisterne, & le poudreux amas Retourne dans la terre, & l'ame s'en retourne A Dieu, qui dans le Ciel à tout iamais seiourne. O vanité tres-vaine! ô estrange malheur! Tout n'est que vanité, dist le sage Prescheur, Qui passant en scauoir les sages de son âge A voulu enseigner, & laisser en partage La Science aux humains, la faisant escouter Aux peuples ignorans, pour mieux les inciter A l'engrauer dans l'ame, estant les ordonnances De ses graues discours & divines sentences Comme clous afferez, ou pointes d'aiguillon: Car les propos dinins de ceux qui ont le don De sagesse & prudence, & leurs parolles saintes

S'impriment en nos cueurs, où viuement empraintes Allument dedans nous la paresseuse humeur Qui nous tient engourdis & nous glace le cueur : Aussi c'est le vray don de Dieu pasteur vnique, Qui pour en faire part benin leur communique.

Soy contant de ce peu : car le trop long discours, Mon file, n'a point de fin, & s'enfile tousiours, Et bref, le trop escrire & la trop longue estude Attraine auecques soy une grand seruitude Pour tranailler le corps. Or tu sçais maintenant Quelle est la fin de tout, qui sous le firmament En se mounant soupire, & se brasse, & se trame.

Ayes donc du Seigneur la crainte dedans l'ame, Garde de points en points ses saints commandemens: Car c'est luy qui benist & prolonge nos ans, Et qui vrayment heureux nous rend apres la vie. Et ne pense iamais que ec qui se manie Des hommes en secret, luy sois clos ou counert: Il vois tout, il sçais tout, tout luy est descounert, Et le bien & le mal, mesme ce que l'on pense Estre le plus caché, vient à sa connoissance.

FIN DV DISCOVRS

DB LA VANITÉ.



ECLOGVES SACREES,

PRISES DV

CANTIQUE DES CANTIQUES

de Salomon



A LA ROYNE.



ADAME, n'ayant rien de plus propre, ny de mieux feant à vostre chaste & modeste grandeur, que ces petites chansons pastorales que i'ay tirees du Cantique des Cantiques de Salomon, i'ay bien osé yous

les presenter, & leur donner iour sous la faueur de vostre nom. Mais parce qu'en icelles ne se chante que d'amoureuses passions, & que par aduenture quelques vns les pourroyent interpreter à leur aduantage, & selon leur affection particuliere, à sin de ne tomber en ceste erreur, i'ay bien voulu les aduertir, que c'est vn amour tout diuin & tout spirituel, par lequel on peut iuger l'heur, la felicité, & le souuerain bien, qui prouient d'estre estroittement vni par viue & ardente amour auec l'Eglise & IESVS-CHRIST, figuré sous le nom de l'Espous, & l'Eglise sous le nom de l'Espous, & l'Eglise sous le nom de l'Espouse : discourant ensemble humainement de la douceur de leurs baisers, de leurs chastes & parfaittes amours, embrassemens, graces, & de leurs rares & immortelles beautez,

comme vous pourrez voir plus aisément, par les petits arguments que i'ay mis sur chacune Eclogue, où n'y a rien qui ne soit saint & diuin, & digne des chastes oreilles d'vne grande Royne, telle que vous estes : Vous suppliant tres-humblement

MADAME, prendre plaifir à la lecture d'icelles, & les recognoistre d'aussi bon œil, que de treshumble & tres-obeissante volonté ie les vous presente. A Paris ce XII. d'Aoust M. D. LXXVI.

> Vostre tres-humble, & tresobeissant seruiteur & subiet REMY BELLEAV.





ECLOGVES SACREES

PRISES DV

Cantique des Cantiques de Salomon.

ECLOGVE I.

L'Eglife diuinement esprise d'amour spirituel, souhaitte iouir de la presence de IESVS-CHRIST son cher espous, desirant recueillir les souesues odeurs des baisers de sa bouche: & pour le suyure, le prie d'estre enseignee & guidee de sa parolle sainte, à fin de ne fouruoyer de la droite voye, & ne tomber en erreur.

L'ESPOVSE.

Doncques mon cher Espous, mon mignon, ma chere ame En sin est de retour : que sa bouche de basme Me donne promptement pour ma stamme appaiser, Le nectar ensucré d'vn amoureux baiser : Ton amour est plus doux, & plus douce ta grace, Que le vin muscatel, encores qu'il surpasse

Les plus souesues odeurs, & les baisers mignars Animez de soupirs, qu'en baisant tu depars, Mieux sleurans que le thym, que la rose espanie, Et tout l'air emmusque des parsums d'Arabie.

Ton nom m'est aussi doux que l'odeur qui s'espand D'vn vase de Crystal, plein de musq qui se fend En pieces & morceaux, on froisse d'vne pierre, Ou par trop eschanfé, ou verse contre terre:
Aussi doux que le basme, aussi doux que le miel Qui s'escoule espuré des grand's ruches du Ciel:
Ou comme au Renouueau le gracieux ramage
Du Rossignol tapy sous vn espais bocage:
Cause que le troupeau des silles de Sion
Va recherchant ta grace, & reclame ton nom.

Sus donc, mon cher Espous, sus awant qu'on me tire Apres toy, que mon ame esperdûment soupire:
Tost tost que l'on me monte en mon char azuré,
Pour te suiure au galop en ton palais doré:
Sans toy ie ne puis rien, c'est ton œil qui me guide,
Ton œil qui ma raison tient serue sous la bride.

Ce Prince entend ma vois, & dedans son serrail Me conduit pour tromper mon amoureux trauail: Mes slammes appaisant de douces mignardises, Flammes aux chauds rayons de ses beaux yeux éprises.

LES FILLES DE SION.

Nymphetes de Sion nous nous efiouirons
Maintenant à bon droit, & gayes chanterons
Pour marque memorable, & pour la souvenance
De vos chastes amours, l'heureuse iouissance:
Amours, dont la douceur & l'honneur immortel
Surpasse la liqueur du raisin muscatel.

L'ESPOVSE.

Ie suis noire vrayment, vous le voyez, Filletes, De la sainte Cité citoyennes Nymphetes, Mais ce teint brun pourtant n'efface la beauté, Qui relaist sur ma face en graue maiesté. Il resemble en couleur aux tentes basanees Du peuple Cedrean, aux toiles courtinees Des pauillons tendus en l'ost de ce grand Roy, De ce grand Salomon, qu'il conduit apres soy.

Doncques ne me blafmez, si ie suis trop brunete, Errant parmi les champs vagabonde & seulete, Le Soleil radieux de sa viue chaleur A changé mon beau teint, & tanné ma couleur: De ses rayons plus chauds la face il m'a bruslee, Restant comme voyer toute noire & hastee. Les enfans de ma mere animez contre moy Me chasserent, ialoux de l'honneur que i'auoy : D'vne vigne champestre me firent gardienne, Que pas ie ne gardé, ores qu'elle fust mienne. Mais ie te pry, mon Cœur, dy moy en quels coustaux, Sous quels antres moussus, & pres de quels ruisseaux, Repoussant de l'Esté les chaleurs alterees, Tu retire' à l'escart les troupes esgarecs De ton petit bestail? & en quelles foréts Broûtent sur le my-iour pour y prendre le frez? A fin qu'en te suyuant seule ie ne fouruoye Errante par les bois : car ne tenant la voye Courant deçà delà, ie pourrois arriver Entre tes compagnons, seul te voulant trouuer.

L'ESPOVS.

Belle, dont la beauté seule fait que ie meure, Si tu ne sçais au vray le lieu de ma demeure, Dessous quels antres frais, en quel bois, sur quels monts A la chaleur du iour repairent mes moutons, Marche, & de ce troupeau suy la voye tracee, Il guidera tes pas où tire ta pensee, Il connoist le chemin, puis range tes cheureaux Pres Pombrageux seiour des autres pasoureaux.

Que puis-ie comparer à tes graces, Mamie, Que le front asseuré de ma cheualerie, Ondoyant, stamboyant, marchant en escadron Entre les chars dorez de ce grand Pharaon?
Le teint frais & douillet de ta face vermeille
Rougist estincelant sous deux pendans d'oreille,
Tout ainst que l'Aurore: & l'yuoire poli
De ton col blanchissant se presente anobli
De perles, de rubis, & de pierres exquises
Dans le fond d'un carquan nassuement assisses.

Ie te donray encor vn autre riche attour, Qui sera pour iamais tesmoing de nostre amour: Deux bracelets d'or sin taillez en Damasquine, Vne chaisne, vn carquan, & de soye plus sine Vn tissu marqueté de beaux gros boutons d'or Mis en auure d'espargne, & des bagues encor.

L'ESPOYSE.

Si toft que mon ami entre dedans sa couche, Et pour prendre vn baiser entre mes bras se couche, Vn gracieux parfum part & coule de moy, Qui parfume le list, & la chambre, & mon Roy. Mon ami reposant entre mes mammelettes M'est aussi odoreux que les branches tendrettes Et les rameaux couplez de myrrhe bien sleurant: Il resemble en douceur & parfum odorant Au raisin Cyprian, que la vigne muscade Nourrist sur le coupeau des montagnes d'Engade.

L'ESPOVS.

O divine beauté, l'esmail de tes beaux yeux Resemble aux yeux mignards des Pigeons amoureux!

L'ESPOYSE.

Que ton visage est beau & plein de bonne grace!
Auance toy, mon Cœur, & vien choisir ta place
Pres de moy, mon souci : nostre list est dressé
Sur le coussin mollet d'vn amas entassé
De fueilles & de sleurs, de mousse & de branchage,
Basti desous le frais d'vn verdissant boccage:

Que ce palais ruftic ne te vienne à mespris, Il est faist de Cyprés, de Cedre est le lambris, De fueilles & de sleurs nostre chambre est paree, De nos chastes amours la retraite asseurce.

ECLOGVE II.

L'Eglife se vante estre belle comme la sleur, fraische comme la rose, tendre comme les lis qui croissent au fond des vallees, desire ardemment prendre son repos sous l'ombre des ailes de IESVS-CHRIST son espous.

L'ESPQVAE.

Ie suis la ieune sleur qui belle par les champs Croist l'esmail de la pree, & l'honneur du Printemps, Ou le lis tendre & mol aux sueilles argentees Qui blanchist dans le fond des secretes vallees.

L'ESPOVS.

M'amour paroiß ainß fur celles de Cedron Excellente en beauté, que le ieune fleuron Au leuer du Soleil, ou la rose pourprine Dans le fort espineux de la ronce aiglantine.

L'ESPOYSE.

Comme vn pommier enté, entre les satuageons, Ainst paroist mon Roy entre ses compagnons. Há que l'aime à dormir sous le toussu branchage De cet arbre second, qui rend si doux ombrage! Há que l'aime à gouster de son fruit gracieux, A la bouche agreable & plaisant à mes yeux! Il me prend par la main, me conduit & me guide Doucement pas à pas au lieu frais & humide, Où se garde le vin, puis me iette à l'entour De la bouche & des yeux le voile de l'Amour. Hé que diray-ie plus? sous le voile de l'Amour.

Apportez moy du vin pour refraischir mon ame, Et des pommes aussi, ie tombe en pasmoison, Fillettes ie languis d'amoureuse poison: Las! ie meurs, ie transis, secourez (ie vous:prie) Celle qui pour l'Amour abandonne sa vie.

Mais, mon Dieu! quel plaisir, quel refraichissement, Quand sous mon chef lassé il coule doucement La main gauche, & la dextre au dessous de l'esselle, Pour plus fort embrasser son Espouse sidelle?

L'ESPOVS.

Filles ie vous supply par les ieunes Brocars,
Par les Cerfs de ces bois, & par les Daims fuyars,
Par le long poil frisé de mes Cheures barbues,
Par les Fans mouchetez de ces forests chenues,
Ne faites point de bruit, & retenez la vois
De vous & de vos chiens, à fin que leurs abois
Ne troublent le repos de celle qui ma vie
Retient dedans ses yeux mollement endormie.

L'ESPOVSE.

Fenten de mon Ami la parole & la vois, C'est luy mesme c'est luy, il brosse par les bois, Et bondist sautelant sur le haut des montagnes Alaigre trauersant les pierreuses campagnes, Viste comme vn Cheureuil, ou vn Fan marqueté De taches sur le dos, du Limier euenté.

C'est mon ami, c'est luy, il est en eschauguette
Derriere la paroy de nostre maisonnette,
Il se cache, il se monstre à trauers du chassis,
Par les treillis barrez, par les sentes de l'huis,
Tournoyant çà & là d sin que ie l'appelle.
C'est luy mesme c'est lay, ie voy sa face belle,
Il est triste & pensis, & n'ose se monstrer:
Il se cache, & s'ensuit, & voudroit bien entrer.
Mais i'enten qu'il m'appelle, hà i'enten sa vois douce,
Qui me presse d'aller où nostre amour le pousse.

L'ESPOVS.

Maistresse leuez-vous, sus donc hastez le pas, Ma Colombe, mon cour, mon miel, mon doux appas, Vener auecques moy, suyuer moy à la trace. L'Hyuer morne de froid, blanc de nege & de glace S'est derobé de nous, & l'Astre plunieux Se plongeant a faict place au printemps gracieux: La Terre de couleurs & de fleurs bigarree Descouure son beau sein, & sa robe pourpree, Espandant ses thresors: c'est la belle saison Qu'il faut tailler la vigne, & laisser la maison Pour habiter les champs : desia la Tourterelle Dessus cest arbre sec redouble sa querelle : Desta sur le figuier la figue s'engrossist Pleine & gonfle de laiet, & le vent s'adoucift : Les vignes sont en fleur, dont la fleurante haleine Embasme de parfum l'air, les monts, & la plaine. Leue toy donc ma Belle, auant despesche toy, Haste le pas M'amour, & vien auecques moy, Ma Colombe, mon cour, vien sous ces pierres dures, Ou sous les flancs cauez de ces vieilles masures : Monstre moy de ton sein le petit mont iumeau, Et le teint vermeillet de ton visage beau : Vien dessous ces degrez, & prompte fais entendre La douceur de ta voix à mon oreille tendre. Car ta voix est mignarde, & les attraits mignars De ta face, mon Cueur, & plaisans tes regars.

L'ESPOVSE

Prenez les Renardeaux, car leur dent venimeuse Ronge & perd du bourgeon l'esperance vineuse, Maintenant que la grappe en sa prime verdeur Espand le doux parsum de sa gentille steur. Mon Espous est tout mien, & ie suis toute sienne, Ie sçay qu'il m'aime aussi, & que son ame est mienne Il vit entre les steurs, & paist ses ieunes ans De la tendre moisson des beaux lis blanchissans.

Remy Belleau. - II.

Retire toy, mon Cueur, ia la lumiere belle De Vesper au crin d'or, pour t'anancer t'appelle : Demain au plus matin que le iour renaissant, Des ombres de la nuist au voile brunissant Aura chasse l'horreur, & que l'Aube dorce S'esueillant sortira de sa couche pourpree, Retourne ici M'amour, viste comme vn cheureuil, Que l'admire ta grace, & contente mon ail.

ECLOGVE III.

L'Eglise sous la figure de l'ame pecheresse, estant pressee du sommeil d'ignorance, & sommeillant és tenebres de peché, cherche IESVS-CHRIST au hasard & danger de sa vie.

L'ESPOYSE.

Le sommeil doux & lent sous ses plumes legeres, Tenoit les bords cousus de mes lasses paupieres, Ie dormois en mon litt, quand i'estens (mais en vain) Pour trouver mon amy, & l'une & l'autre main, Pour retrouuer celuy que mon ame defire, Que mon ame poursuit, que mon ame soupire: le tafte çà & là, mais las! ne trouuant point Celuy qui de ses yeux trop viuement me poind, Ie me leue en sursaut, puis quand ie fus vestuë De mon manteau de nuit, errante par la rue Ie cours de toutes parts, & n'y eut ny canton, Ny place, ny marché, qui n'entendist son nom. Mais ayant tracassé par toute la contree, Et ne trouuant celuy qui m'a si fort outree, Ie rencontre le Guet, moy pleine de fureur Des gardes de la nuist n'ayant peur, ny frayeur, Armée de l'Amour, leur demande hardie S'ils aupyent veu celuy qui commande à ma vie. Passant outre, sans plus rien esperer, soudain Trouve mon cher Espous, que ie pren par la main,

Et ne l'abandonnay iusqu'à tant que le veisse Dedans le cabinet de ma chere nourrice, Ma mere, & le retiens, mais presque maugré soy, Ou il faignoit, mauuais, de s'eschapper de moy, Pour tousiours eschauser le seu dans la sournaise De mes poulmons enslez, qui iamais ne s'appaise.

L'ESPOVS.

Ie vous pry par les Daims qui courent sur ce mont, Par le troupeau ramé de branches sur le front, Filletes de Sion, n'esueillez pas Mamie, Dedans son pauillon mollement endormie, Tenant les yeux fillez d'vn gracieux sommeil, Laissez-la reposer iusques à son reueil.

LES FILLES DE SION.

Mais qui est celle-là qui court par le trauers De ces monts fourcilleux pour monter aux desers, Et d'ambre, & de parfum souefuement embasmee? Ainsi que parmy l'air un long trait de fumee Qui vague se respand, quand on verse dedans Des branches de Cyprés, du Myrrhe ou de l'Encens, Ou le plus doux parfum, ou la plus fine poudre Pour emmusquer la peau, que l'on scauroit dissoudre? Or voyci l'appareil du riche pauillon Où pour se refraischir ce grand Roy Salomon Va prendre son repos: Il a sa garde armee De soixante Soldats des plus forts d'Idumee, Aux armes bien adroits, bons & vaillans guerriers, Des bandes d'Israël les meilleurs cheualiers, Portans tous aux coster leurs trenchantes espees Encontre le danger des ieunes eschapees Qui surviennent de nuiel, tous faisant tour à tour Et la garde & le guet iusques au point du iour. Or ce grand Salomon a faitt vn edifice Magnifique, orgueilleux, & de grand artifice Pour y faire la feste, & celebrer l'Hymen :

Les poutres, les cheurons sont des bois du Liban,

Les colonnes d'argent artiflement grauees, Sur vn plancher d'or fin richement esteuces : Le ciel est d'escarlatte, où triomphe au milieu L'honneste Chasteté, honneur de ce beau lieu, Mise pour honorer sous ces tentes royales Des vierges de Sion les dances nuptiales.

Sus donc troupeau sacré, sus silles de Sion, Sortez & venez voir ce grand Roy Salomon, Que tant de maiesté & de grace environne: Venez voir sur son chef la royale couronne Que sa mere luy mist le iour qu'il espousa, Le iour qui de son cueur les slammes appaisa Sous les liens d'Amour, ce beau iour qui rassemble. Tant de faueurs du Ciel, & de plaisirs ensemble.

ECLOGVE IIII.

En ceste Eclogue sont naïfuement descriptes les graces immortelles & beautez particulieres de l'Eglise sous vne infinité de comparaisons rustiques, mais admirables.

L'ESPOVA

Que de rares beautez sur ta face Mamie! M'amour que tu es belle, & de grace accomplie! Sous ton poil gredillé en menus crespillons Estincellent tes yeux comme ceux des Coulons, Et paroissent ainsi les tresses vagabondes De tes cheueux retors, & repliez en ondes, Que la molle toison de ce ieune troupeau, De ce troupeau barbu qui nourrist sur sa peau Le poil blanc & frisé d'ondoyantes crespines Sur les tapis herbus des croupes Galadines, Lors que sur le my-iour il cherche les forêts Alteré de chaleur pour y prendre le frez. L'yuoire blanchissant de tes dens bien couplecs, Ainsi que le troupeau des brebis despouillees

De leur robe de laine, en reuenant du bain, Le poil blanc & poly des ondes du Iourdain, Qui fecondes toufiours portent d'une ventree Deux petits aignelets à la peau bigarree, Sans qu'yne seulement d'entre elles ait le flanc Ou sterile ou brehain: Ainst sont ranc à ranc Les deux rampars iumeaux de tes dens agencees, D'vne egale blancheur iustement compasses. Les deux bords rougissans de tes leures, mon Cœur, Semblent en polliceure & naifue couleur A un ruban tiffu de soye cramoifine, Vn peu large & groffet : Ta parole dinine Plus douce que le miel, fraischement espuré: Sous les floccons dorez de ton poil esgaré, Le vermeil delicat de tes ioues mignardes Se monstre tout ainst que le teint des Grenades Rougissant au milieu de la fente, où le grain Dans le pourpre sanguin se monstre tout à plain. Ainst que de la Tour iusqu'au Ciel esteuce,

Ainfi que de la Tour iusqu'au Ciel esseuee,
Ouurage de Dauid, de tous costez stanquee
De bastions armez, pendent sur le dehors
Les targues, les boucliers, despouilles des plus forts:
Ainfi de ton beau col, comme vn nouveau trophee,
Pend vne chaisne d'orrichement étossee
De Perles, de Rubis à l'esclat rougissant,
Ornement precieux de ton col blanchissant,
Qui de couleur naisue, & de lueur brillante
Esblouissent les yeux de la troupe beante
Apres tant de beautez, qui de crainte & de peur
Se reglace le sang, & rechausse le cueur.

De ton sein releué l'ensteure aboutissante, D'vne framboise tendre, à demi rougissante Est pareille en douceur aux petits Fans iumeaux Que la mere nourrist entre les steurons beaux Des Roses, & des Lis, tant est lisse & douillette La mollette rondeur de sa peau tendrelette.

Demain au plus matin que l'Aurore à son tour Aura de ses longs doigts entamé le beau iour, Et chassé l'ombre espais de la muit sommeilleuse, l'iray dessus les monts, où l'escorce gommeuse Des hauts Cyprés larmoye, & le myrrhe, & l'encens, Qui parsume d'odeurs & les bois, & les champs.

Or en toutes beautez M'amie est toute belle, Et sans tache, & sans fard, & n'y a rien sur elle Qu'on puisse blasonner: car tout y est parfaict, Et n'y a que reprendre en ce corps si bien faict.

Vien du mont du Liban, vien ma chere compagne, Laisse ce lien desert, laisse ceste montagne, Sur les coupeaux d'Hermon tost il vous faut venir Pour voir les hauts sommets d'Amane & de Senir : Ces lieux sont plus plaisans, que ces forets desertes, De hauts Pins cheuelus & de buissons couvertes, Outre que les Lyons, les Pardes, & les Ours, Pour se mettre en repos, y repairent tousours.

Ma Nymphete ma sœur, vne amoureuse stame Qui sort de ce bel eil, m'a brusté dedans l'ame Et desrobé le cueur : c'est cet œil amoureux, Cet wil gauche ma Sour, qui me rend langoureux: C'est ce poil d'or frisé qui flottant se replie Autour de ce beau col, qui tient serue ma vie : C'eft ce carquan brillant sur ton beau sein, ma Seur, Qui m'altere le sang, & me fait playe au cueur: Ton haleine est plus douce, & plus douce ta face, Ton sein plus delicat, & plus douce ta grace, Mon espouse, ma sour, que le nectar socré, Mieux fleurante cent fois que le vin pressuré Du raifin muscatel : & l'odeur souefue & bonne Qui sort des menus plis de ta robe, Mignonne, Plus douce mille fois que le parfum plus dous Qui se pourroit confire excellent dessus : Le miel frais espuré des ruchetes gaufrees, Distile, sauoureux, de tes leures sucrees : Sous ta langue mignarde en ruisseau douceles S'escoule gracieux & de manne, & de laist : La senteur du Liban n'est point si gracieuse, Ny plaisante à sentir que l'odeur precieuse

Et le parfum qui sort de ton accoustrement.
M'amie est vn iardin entouré proprement
D'vne enceinte fort haute, elle est la source viue,
Dont mesmes les Bergers ne connoissent la riue,
Secrete, recelee, & dont le clair ruisseau
Est enclos & sellé à la marque d'vn seau.

Le Verger de-Mamie est de plantes exquises, C'est un vray paradis de pommes, de cerises, En tout temps storissant de tous arbres fruitiers, D'orangers, grenadiers, de canfre, de siguiers, D'aspic & de sastran, de cyprés, de murtelle, De lauande, de thym, de basme, & de canelle: Et bref de tous les bois, qui moittes de sueur Distilent ou l'encens, ou quelque autre liqueur.

M'amie est du iardin la viue fontainette, Le puits de viue eau qui fourd argentelette A petits flots onder des cymes du Liban.

Sus donc laisse cet air, orage Borean,
Ruine du Printemps, & des sleurs tendrelettes:
Vien Soulerre au dous slair, & d'ailes plus mollettes
Au mignard euentail sous vn sousse benin
Euente promptement les sleurs de mon Iardin,
A sin que son parsum & son odeur gentile
Sur moy son cher Espous de toutes parts distile.

L'ESPOVSE.

Si de mon iardinet la fleur & le fruit dous Te plaist comme tu dis, descen mon cher Espous, Vien manger de son fruit, qui meurissant se panche, Et ia prest à cueillir iaunist dessus la branche.

ECLOGVE V.

IESVS-CHRIST vient au fecours de son Eglise, inuitant toute ame fidelle à l'aimer, & s'enyurer de sa parolle, à fin de tenir la porte ouuerte & tousiours preste à le receuoir, quand il nous sera la grace de s'y presenter.

L'ESPOVA

Or ie suis descendu d ta vois douce & lente,
Dedans ton iardinet, ma Sœur, ma chere amante,
Où i'ay faitt la moisson des sleurantes odeurs
De Myrrhe, de Cyprés & de mille senteurs:
Où i'ay mangé, friant, la gaustre canelee,
Où se consist le miel, & se caille en gelee,
Où i'ay pris, bien-heureux, & beu d mon souhait,
Le vin plus delicat, & la cresme, & le laitt.
Doncques mes chers Amis, mangez ie vous supplie,
Et beuuez la liqueur, qui les soucis destie,
De ce vin muscatel: sus donc enyurez-vous,
Cueillez de ce iardin le fruit plaisant & dous.

L'ESPOYSE.

Le sommeil paresseux tient ma paupiere close, Et mon corps trauaillé sous ses ailes repose: Mais las! pour mon Ami, & pour l'amour vainqueur, Sans tresue & sans repos tousiours veille mon cueur. l'enten de mon Ami la voix prompte & accorte, Il m'appelle, il me huche, & frappe à nostre porte.

L'ESPOYS.

Ouure moy tost, mon eil, mon espouse, ma seur, Ma chere ame, mon tout, ma grace, ma douceur, Ouure à ton cher Espous, ma perruque arrosee, Pour te chercher la nuiet, est moitte de rosee: Ie suis tout trapercé, M'amie auance toy, Sus leue toy, M'amour, sus m'amour ouure moy.

L'ESPOVSE.

Comment puis-ie mon Cueur, honorer ta venuë? Comme te puis-ie ouurir? hé ie suis toute nuë! I ay les piés blancs & nets, ie les ay faist lauer Ce soir en me couchant, & s'il me faut leuer Ie les pourray souiller: hé ie suis au list ores, Comment me vestiray-ie vne autre fois encores?

Pendant que ie paresse, il auance soudain
Par la fente de l'huis sa belle & blanche main:
A ce bruit doux & lent, tout promptement ie meure
Si mon cueur ne tresaut, & si ie ne demeure
Presque toute esperdue, vne froide sueur
Coule dedans mes os, toute tremblant de peur.

Estant en ce frisson, & presque demi-morte

Ie me leue soudain, à sin d'ouurir la porte

A mon loyal Espous, lors du myrrhe plus dous

Distilerent mes doigts, qui dessus les verrous

Et dedans le ressort de la servure coule,

Qui fait que dans le gond plus aisément se roule:

Bres t'ouure à mon Ami, mais le pensant trouuer

Ie ne le trouue point: puis en l'oyant parler

Ainsi qu'il passoit outre, & se mettoit en fuite

Pour eschaper de moy, ma pauure ame despite

Et noire de courroux se distile & se fond.

Courant ie le poursuy d'vn pié leger & prompt,
Par toute la cité ie le cherche & l'appelle,
Venez à moy, mon Cueur, & ne fuyez pas celle
Qui vous cerche & vous suit, & qui vous aime mieux
Mille fois que sa vie, & cent fois que ses yeux:
Mais il ne respond point, & fait la sourde oreille
A celle qui n'eut onca en amour sa pareille.
Le Guet qui pour la nuit fait garde sur les murs
Me rencontre bagnee & de pluye, & de pleurs:
Il me meurdrist de coups, il me frappe, & m'outrage,
M'oste le crespe noir qui couuroit mon visage.

Nymphes le seur appuy & l'unique secours, L'enseigne & le guidon de mes chastes amours, Si de mon cher Espous sçauez quelque nounelle, Secourez ie vous pry son Espouse sidelle, Et m'enseignez au vray le canton & la part Où il s'est retiré pour se mettre à l'escart : Car ie languis d'Amour, nourrissant pour sa slame La glace sur le front, & le seu dedans l'ame.

LES FILLES DE SION.

Mais qu'a plus ton Ami, ô Belle entre cent mille, Ou de rare, ou de beau, ou grace plus gentille Que les autres amans? a-til plus de beauté, Plus de perfettions, ou plus de maiesté, Pour adiurer ainst toutes les troupes belles Des filles de Sion, tes compagnes fidelles?

L'ESPOVSE.

Le teint de mon Ami est blanc, frais, & douillet, Delicat, tendre & mol, vn petit vermeillet, Choist entre cent mille, & vaillant, & honnesse: Il porte enrichi d'or & le front & la teste, Il a les cheueux tors, recrespez longs & beaux, Noircis de la couleur que portent les Corbeaux.

Ses yeux sont tout ainst que ceux des Colombelles, Sur le Printemps nouveau quand sur les rives belles Du coulant argentin de quelque ruisselet Ils vont saisant l'amour & se lavent de laits.

Vn petit crespe noir en se frisant cotonne Autour de son menton, & fait vne couronne A l'vne & l'autre iouë, aboutissant ainst Que les bords d'vn iardin sursemé de Souci, De thym, de mariolaine, & de sleurs embasmees De main industrieuse artissement semees, Dont l'amas bigarré d'vne moisson de sleurs Va parsumant nostre air de leurs soussues odeurs.

Le coral foupirant de ses leures mollettes, Ainsi que le bouton des roses vermeillettes A l'ail à demi clos, qui s'entr'ouure au matin, Le sou-sis de l'Aurore, & l'honneur du iardin,

Ou le Lis espani, dont la fueille embasmee Va distilant le Myrrhe en sa bouche sucree. Ses beaux doigts delicats, poteler, ronds & longs, De pierres de valeur en cent & cent façons Assises en or fin sur la molle iointure Se monstrent à mes yeux, chef-d'œuure de nature. Son ventre est aussi blanc que l'iuoire poli, Marque sur le milieu d'vn Saphir embelli, Douillet & potelé : Ses gréues compasses Comme de marbre blanc deux colonnes dreffees, Et mifes proprement sur une baze d'or: Sa façon gracieuse, & son regard encor, Son port, sa maieste, sa taille haute & droite Apparoist dessus tous de grace aussi parfaite Que le trone haut & droit d'yn Cedre verdissant, Qui sur le mont Liban va le chef herissant. Sa bouche & son palais ne parlent rien que roses, Ne soupirent que Lis & fleurettes écloses : Bref, il est tout parfait, & n'y a rien en luy Qu'on puisse desirer, tant il est accompli. Aussi c'est mon Espous, mon cueur, ma chere vie, Mon mignon, mon defir, qui m'a l'ame rauie : C'est mon ami Lest luy, fillettes de Sion,

Bien vous le connoisse? & sçauez bien son nom.

Mais où s'eft-il perdu? ô Belle entre les belles, Dy nous en quel deflour, ou en quelles ruelles Il s'eft fi promptement derobé de tes yeux? Où il s'eft efcarté, quelle part, en quels lieux? Nous irons auec toy, te ferons compagnie, Pour chercher l'Amoureux qui se perd de s'Amie.

ECLOGVE VI.

IESVS-CHRIST descend vne autrefois au iardin odoriferant de son Eglise, se paist du gracieux parsum de sa parolle: puis estant affeuré de son Amour, fait vne naisue description de ses beautez.

L'ESPOVSE.

Nymphes, mon cher Espous est entré ce matin Au petit points du iour seulet en mon iardin, Non ne le cherchez plus, il vient cueillir les roses Dans ce parc emaillé de mille sleurs écloses, Dans ce iardin sleuri, qui d'vn air soues & dous Nous parsume, odoreux, & nous embasme tous : A sin qu'en ce verger plaisant & delettable Il se paisse à souhait de ce fruit desirable, Et pille, bienheureux, de ses beaux doigts polis L'odorante moisson des Roses & des Lis.

Ie suis sienne, il est mien, & d'vne mesme slume Doucement dedans nous bruste l'vne & l'autre ame : Il se paist, amoureux, de la ieune blancheur Des beaux Lis sursemez d'vne souesue douceur.

L'ESPOVS.

M'Amie ha plus de grace en son port venerable Que Thirse la gentille, elle est plus honorable, Et porte sur le front trop plus de maiesté Que n'eut once de Sion la superbe cité: Elle ha dedans ses yeux vne force animee, Telle que la fureur d'vne vaillante armee Qui marche rang à rang en escadrons quarrez, Enseigne desployee, & soldats bien parez.

Hà ie bruste d'Amour! Hà ie bruste, ma Belle,
Destourne tes beaux yeux, qui font que ie chancelle
Esblouy de leur grace & de leur viue ardeur,
Tant me rendent honteux, & m'abaissent le cueur.
Ton cheueu crespe & long en tresses blondissantes

Resemble au poil frisé de ces Cheures paissantes Ensemble d'un beau rang sur le mont Galadin: L'yuoire de tes dens, à ce troupeau benin Qui marche slanc à slanc, quand reuenant de l'onde Il porte la toison nette, pollie, & blonde, Ayant de fans iumeaux tousiours le ventre plein, Sans que iamais il soit ou serile ou brehain.

Sous les flots annelets de ta blonde crespine S'entreuoit sur ta face vne couleur pourprine, Ainsi qu'vne Grenade au premier temps nouueau Porte vn blanc detrampé de rouge sur la peau.

Pay dedans mon Serrail quatre vingts Concubines, En leur ieunesse tendre & belles & poupines, Et des Roynes soixante en leur premiere steur, Belles comme le iour: l'ay des filles d'honneur Vn nombre non sini, mais ma Sœur toute belle Est la persestion, l'vnique colombelle, La grace de sa mere, & le chois plus parsaist De celle dans le bers qui luy donna le laist. Les filles de Sion ont veu mon amoureusse, Les Roynes l'ont prisee, & ditte bien-heureuse, Les femmes l'ont vantee, & luy faisant honneur Toutes ensemblément ont loué sa grandeur.

LES PILLES DE SION.

Mais dites ie vous pry, dites nous qui est celle Qui paroist à nos yeux, & se monstre aussi belle Que l'Aurore qui sort de ses rideaux pourprez Pour allumer le iour de ses rayons dorez? Aussi belle en son teint que la chaste Courriere Qui court au grand galop par la noire carriere? Exquise en ses beautez, & en son teint vermeil, Autant qu'au plus beau iour les rayons du Soleil? Graue en sa maiesté, en port, & en parolles, Ainsi qu'vn escadron fourny de banderolles, D'enseignes, de guidons, & de foldats guerriers, La gloire de l'armee, & le pris des lauriers?

L'ESPOVSE.

Or ie suis descendue en ce lieu de plaisance Au iardin amoureux, pour voir la ieune enfance Des boutons auancez, & voir si le bourgeon Auoit laissé sa bourre & ietté son cotton : Pour voir si le reiet de la vigne mollette Poussoit sa belle fleur, si la branche tendrette Des ieunes Grenadiers florifoit boutonné Pres ce ruisseau, de fleurs & d'herbes couronné : Mais voulant approcher vne voix redoublee Comme de mon Ami, m'appellant m'a troublee Et rompu mon desfein, lors ie double le pas Pour retrouuer celuy qui de ses doux appas A mon ame charmee, & pleine d'alaigresse Ie cours deçà delà d'aussi prompte vistesse Que les coches dorez de roue, & de limon Du Roy Aminadab, roulent sur le sablon.

L'ESPOVS.

Retourne Salamithe, & me monfire ta face, Que ie contemple, heureux, & tes yeux, & ta grace.

LES FILLES DE SION.

Es yeux de Sulamith' que verrez-vous finon. La guerriere fureur, comme d'vn bataillon Ondoyant tout ainfi qu'vne troupe assemblee, Qui trepigne en dançant d'vne douce messee?

ECLOGVE VII.

En ceste Eclogue est vne autre description des particulieres beautez de l'Eglise, enrichies de comparaisons rares & diuinement appropriees aux perfections d'icelle.

L'ESPOVS.

Noble & gente Princesse, & de beauté divine, Que ton alleure est grave & ta chausse poupine Assiste proprement dedans ton escarpin,
A l'endroit du genoil où la cuisse prend sin!
La iointure est si iuste, & si bien emboitee,
Qu'on diroit proprement estre vne œuure taillee
De quelque grand ouurier, tant elle est au mouuoir
Es mignarde, & gentille, & gracieuse à voir.

Ton nombril delicat, qui sert comme d'vn centre Sur vn arc arrondi, marque de ce beau ventre, Resemble à la rondeur d'vn vase fait au tour, Tousours plein de parsum & de steurs à l'entour.

Ton ventre potelé, douillet, grasset, resemble Au monceau de sourment en rondeur mis ensemble, Remparé tout autour de beaux Lis blanchissans, Qui couronnent ce rond haussé entre deux stancs.

Le petit mont iumeau de tes deux mammelettes Semble deux petits Fans, qui parmi les fleurettes Folâtrent à l'enui. L'yuoire blanc & mol Qui flotte à menus plis par dessus ton beau col, Est semblable à la tour en rondeur esseue, Toute d'yuoire blanc richement acheuee.

De tes yeux languissans le clair & doux rayon Resemble au beau crystal des sontaines d'Hesbon, Qui vont lechant mouillant la porte plus secrete Des murs de Bathrabin, d'vne onde argentelete.

Le profil de ton neg est semblable à la Tour Assise au mont Liban, qui découure à l'entour La ville de Damas & les champs de Syrie.

Ton chef paroist ainst que la cyme storie D'oliniers pallissans du grand mont Carmelin.

Comme les bords frangez d'un bord escarlatin Ton poil est recrespé en tresses vagabondes, Ondoyant tout ainsi que le coulant des ondes, Qui court par les replis de ses canaux retors.

M'amie est toute belle & dedans & dehors, Ce ne sont que plaisirs, ce ne sont que blandices : Qu'amitié, que douceur, que beautez, que delices : Sa taille haute & droitte est comme vn grand Palmier Sur la forest branchue haut esteué dans l'air : Ses tetins pommelez d'vne ensleure iumelle
Sont douillets tout ainsi qu'vne grape nounelle:
La bonne odeur qui part de tes leures, mon Cueur
Aussi douce à sentir que la plaisante odeur,
Et le slair doucereux, que rend la pomme franche
Sans fueilles iaunissant meures dessus la branche.
Le nestar sauoureux qui coule de ta vois
Est comme la liqueur de ce bon vin Gregeois,
Que l'on donne à l'ami, & qui la leure tarde
Et pesante des vieux, rend souple & babillarde.

L'ESPOYSE.

Ie suis à mon ami, & mon ami est mien : Son plaifir eft le mien, & le mien est le fien. Sus donc mon cher Espous, sortons, il n'est que d'estre Estongné de la ville en quelque lieu champestre, Demeurons au village, & nous leuons matin Pour mieux prendre le frais, entrons dans le iardin Pour voir si le bourgeon de la vigne tendrette Auance d'espanir sa petite fleurette, Comme le Grenadier, & voir en ce temps beau De la terre & des bois l'enfantement nouveau. Là de mille baifers ie souleray ton ame, La ie te donneray, prodigue de ma flame, De mon sein blanchissant l'yn & l'autre tetin, Et l'honneur florissant de mon petit iardin, Là ie te donneray & fleurs & fruits encore. Defia deuant nostre huis storist la Mandragore Et respand ses odeurs sous les tiedes soupirs, Et le doux enentail des ailes des Zephyrs. l'ay des pommes aussi & vieilles, & nouuelles, Que ie garde pour toy, iaunes, grosses & belles: Si ce present au moins, comme de petit pris, Mon Cour, mon cher Espous, ne te vient à mespris,

ECLOGVE VIII.

En ceste Eclogue l'Eglise desire IESVS-CHRIST estre comme son ieune frere, à fin qu'auecques plus de liberté elle puisse estre instruitte de sa parolle.

L'ESPOYSE.

Fuses tu mon Espoux, comme mon petit frere, Suçant dans le giron le tetin de ma mere, A sin que plus souvent pour ma slamme appaiser, Ie peusse devant tous librement te baiser, Pour n'estre blasonnee, & qu'vne belle excuse Tint nostre seu couvert sous vne douce ruse:

Lors tu viendrois content & libre en la maison De ma mere, enseigner ma premiere saison Des graces que la Vierge en sa ieunesse tendre Doit suyure bien apprise, & chastement apprendre. Là de ce vin consit tu beurois, amoureux, Et de mon Grenadier le surmoust sauoureux:

Là sous mon ches lassé souvent ta main senestre Douce se glisseroit, m'embrassant de la destre.

L'ESPOVS.

Ce pendant que Mamie est en son doux repos, Et que pour mieux le prendre elle tient les yeux clos, Filles ie vous supply que point on ne l'esueille Du sommeil doux & lent, iusqu'à tant qu'elle vueille.

LES FILLES DE SION.

Mais qui est celle-là sous ces ombrages verds, Pleine de doux parsum qui monte des deserts Dessus son cher Espous mollement appuyee?

L'ESPOVS.

C'est dessous ce Pommier que le t'ay réueillee, Dessous l'ombre duquel ta mere te conceut

Remy Belleau. - II.

Et accoucha de toy: Pommier gentil, qui fut Le fidele tesmoin de nos stammes secretes, Et des baisers mignars de nos leures mollettes.

Grave moy dans ton cour comme un image beau Mignonnement taillé dans le fond d'yn anneau. Ou le braffelet d'or qui ton bras enuironne. Car ainfi que la Mort, l'Amour entiere & bonne Ha la main dure & forte, & sur nous ha pouuoir Des hommes le vainqueur. Comme un sepulcre noir Qui nous embarque tous, dure est la Ialousie : C'est un brafier ardant, c'est un feu qui prend vie, Et s'amorce, & s'allume, & s'accroift peu. à peu. L'eau ne scauroit esteindre ou amortir ce feu. Les grands flots de la mer, ny les eaux des riuieres Ne le pourroyent noyer, tant sont fortes & fieres Les flammes de l'Amour, l'Amour ne cede à rien : Si quelqu'vn me donnoit sa cheuance & son bien, Il n'auroit pas de moy l'amour que ie soupire, l'aurois mesme à desdain le sceptre d'yn Empire.

L'ESPOVSE.

Nous auons vne saur petite & ieune d'ans, Qui ne découure encor la sleur de son Printemps, N'ayant point de tetin, mais ieune, tendre & belle : Lors que viendra le iour qu'on tiendra propos d'elle Pour luy donner espous, qu'en serons-nous, ma Saur?

LES PIBLES.

Si c'est vn mur d'airain ferme, fort, & bien seur, Vn beau palais d'argent edistrons sur elle: Et si c'est vn portail, d'vne planche immortelle De Cedre bien choisi, nous la fortisirons.

L'ESPOVSE.

Ie fuis le mur d'airain, mes tetins beaux & ronds Comme petites tours, aust dans la lumiere De ses yeux languissans ie suis l'auancourriere, Et celle qui au monde a retrouué la paix. Ce grand Roy Salomon est seigneur pour iamais Dedans Bathalamon d'vne vigne tres-belle Qu'il a baillee en garde, & chacun doit pour elle Mille pieces d'argent à payer chacun an.

L'ESPOVS

La vigne est toute à moy, & mon æil gardien Tousiours veille sur elle, & l'a prise en sa charge, l'y commande tousiours & l'ay dessous ma targe.

LES DILLES.

Aussi pour le raisin tu reçois tous les ans Mille pieces d'argent, & les Gardes deux cens.

L'ESPOVS.

Belle, de ce Verger gardienne fidelle, Par les sons redoublez de ta voix immortelle Tu as derobé l'ame à ce peuple voisin, Fay donc que ie l'entende, & que ce beau iardin, Ces plaines, & ces monts, & ce touffu bocage Ne s'anime sinon de ce plaisant ramage.

L'ESPOVSE.

Fuy tost mon bien aimé d'un pié prompt & leger Aussi viste qu'un Daim ou un Fan bocager, Brossant, fuyant, courant, par ces forêts ramees, De Cedre & de Cyprés aux gommes embasmees.

FIN DES ECLOGVES

SACREES.



LES APPARENCES CELESTES, LES PROGNOSTIQUES ET PRESAGES D'ARAT Poëte Grec.



LES APPARENCES

CELESTES D'ARAT

Poëte Grec.

Par le grand Iupiter il nous faut commencer, Iamais sans eftre dit ne le denons laiffer Nous hommes d'icy bas, la grande & large plaine De l'ecumeuse mer de Iupiter est pleine : Les Cours & les marchez de Iupiter sont pleins, Les chemins & les ports, & nous pauures humains Toufiours auons besoing du secours de sa grace Quelque part que soyons, car nous sommes sa race. Il est doux & benin, c'est luy qui prend le soing Aux hommes de monstrer ce qui leur est desoing. C'est Iupiter, c'est luy qui réueille & radresse Les peuples au trauail languissant de paresse, D'vn froid morne engourdis, leur faisant souuenir Qu'il faut en trauaillant nourris & souftenir Ceste mortelle vie, & que la nourriture Est le seul entretien de l'humaine nature. C'est ce grand Iupiter qui la course des ans Retranche par saison, & remarque les temps Pour accoupler les banfs, caffer la motte oyfue

A grands coups de hoyau, clorre de haye viue Et dechausser l'entour des petits arbrisseaux, Et quand il faut semer: Par luy les astres beaux Sont sichez dans le Ciel de si iuste ordonnance, Qu'ils donnent des saisons certaine cognoissance.

Puis songneux ordonna que les stambeaux espars Des estoiles du ciel de l'an sissent les pars, Qui monstrent aux humains les saisons annuelles, A sin que tout renaisse en suites eternelles, Fermement asseuré sans iamais varier, Et pource on le reuere & premier & dernier.

Pere, merueille grande, exauce ma priere,
Grand secours aux humains: toy la race premiere,
Pere ie te salue: & vous salue aussi
O Muses, vous priant de prendre le souci
D'accompagner mes vers, & de finir l'emprise
Que sans vostre saueur iamais ie n'eusse prise:
Et douces permettez, ne resusant mes vaux,
Que ie puisse chanter les estoiles des cieux.

Or la plus grande part des effoiles luisantes Se trainent dans le Ciel de toutes parts roulantes, Et par divers sentiers se tournent tous les iours, D'vn mouuoir eternel continuant leur cours: Mais l'essieu ne se bouge, & iamais ne se tourne, Ains serrèment fiché en mesme pointe seiourne, Et sans point se mouuoir ny locher tant soit peu, Mouuant tout, il demeure immobile en son lieu, Tenant de tous costez en rondeur amassee La terre egalement au milieu balancee, Le Ciel autour de luy porte les astres beaux, Et les tire auec soy, deux polaires flambeaux De l'une & l'autre part luy sont borne & limite : L'vn iamais ne se voit, & l'autre à l'opposite Directement assis du costé Borean, Se voit haut esteué par dessus l'Ocean.

Les Ourfes.

Tout à l'entour de luy deux Ourses estoilees

Roulent ensemblément, pource sont appelees Par yn autre surnom des Grecs, les Chariots: L'yne & l'autre toufiours se souftenant du dos Becheuet sur les flancs les testes abaissees, Espaule contre espaule à rebours renuersees. S'il est vray que dans Crete elles furent és cieux Du vouloir de Iupin mises entre les seux Des aftres flamboyans, car par leur diligence Fut celé Iupiter encor en son enfance: Et mis au plus profond de l'antre Distean, De l'antre bien fleurant pres le mont Idean, Ou par le cours d'vn an les Dicteans Curetes Nourrissant cest enfant, les emprises secretes Tromperent de Saturne, & pource le surnom De l'une est Cynosure, & l'autre prend le nom D'Helice, dont les Grecs pour seurement conduire Dessus les flots marins le cours de leur nauire, Prennent grande affeurance, & la Phenice gent Suit l'autre & se conduit par elle seulement : Se confiant du tout en sa flamme estoilee Pour trauerser sans peur la grand' plaine salee. Mais Helice plus grande apparoift sur la nuict, Son lustre est pur & net & clairement reluit : Et l'autre est plus petite & plus lente & debile, Mais aux sages nochers plus seure & plus vtile, Toute d'vn moindre tour elle va s'estançant. Et le Sidonien dessus la mer dressant Vn voyage lointain, ne vogue que par elle, La retenant toufours pour sa guide fidelle.

Le Dragon.

Entre ces deux on voit, ainst que le coulant D'vn sleuue recourbé va son onde roulant, Le Dragon en longueur presque non mesuree Trainer à longs replis son eschine dorce, Merueille espouuentable : or de son ply glissant D'vn & d'autre costé les Ourses vont naissant, Qui du noir Ocean craignent l'onde écumante :

L'une il tranche du bout de sa queue ondoyante, Puis entrecoupe l'autre en ses plis tortument Où le bout de sa queuë aboutist droitement, Et finissant repose à la teste d'Helice. Cynosure a le front ou ce Dragon se plisse, Puis autour de la teste il tourne flamboyant, Et glisse iusqu'au pie de l'espine ondoyant: Puis reprenant sa course il refuit en arriere, Et non en ceste part seulement sa lumiere D'vne estoile reluit, ny desfus le sourcy, Mais sur les temples deux, & deux belles aussi Brillent dedans ses yeux, & vne autre plus basse Le bout de la machoire en ses rayons embrasse De ce monstre hideux, qui la teste du tout Recourbe encontre bas, & la met sur le bout De la queue d'Helice, & de trauers la couche : Mais tout le costé droit du temple & de la bouche Deffus le mesme bout est droitement és cieux Où la teste se bagne & se pert de nos yeux : De ceste part aussi le leuant pesse-messe Ensemble le couchant s'entresuyuant se meste.

L'Agenoillé.

Voisin de ce Dragon vn image estoilé,
Figurant le portrait d'un homme trauaillé,
Et pressé sous le faix se retourne & se vire,
Son vray nom proprement on ne sceut iamais dire,
Ny moins l'occasion qui cause le malheur,
Qui tousiours le retient suant sous le labeur:
Le vulgaire pourtant l'Agénoillé l'appelle,
Courbé sur ses genous, comme cil qui chancelle
Et qui boiteux sechis le iarret en marchant,
Nous le voyons chetif les deux mains espanchant
De l'une & l'autre espanle estendant la brasse
Tant qu'ell' peut çà & là au ciel estre essancee,
Puis du boat du pié droit va le milieu froissant
De la tesse au Dragon en cent plis tortissant.

La Couronne.

En ce mesme canton, voy comme la Couronne La marque de Bacchus slamboyante rayonne, Et le beau lustre d'or de sa slamme respand: Voy comme elle se tourne, où l'espaule s'estend Sur le dos recourbé de l'image lassee, Le sidele tesmoing d'Ariadne laissee Pour gage de ce Dieu, qui la sist dans les cieux Luire de ses amours vn slambeau radieux.

Le Porte-serpent.

Doncques ceste couronne est voifine & s'arreste Au dos du Genoiller, qui le haut de sa teste Pose droit sur le front du grand Porte-serpent : Par elle cognoistras que sa flamme il espand, Et qu'il la monstre au ciel clairement apparante : Puis l'une & l'autre espanle apparoist rayonnante Sous la teste courbee, ainsi que le stambeau De la Lune se monstre en son croiffant nouveau: Mais ses mains ne sont pas entierement egales, Et n'ont pas à souhait les flammes liberales, Mais lentement courant se monfire leur splendeur Foible, lente, & debile, & de petite ardenr. On les voix toutesfois, & ne sont si legeres Ou'ils ne monstrent au Ciel leurs petites lamieres. Le Serpent les trauaille, & de ses plis retors Du grand Porte-serpent ceint le milieu du corps, Qui ne tremble pourtant, mais plein de hardiesse, Fermement affeure, des deux pils foule & preffe De l'ardant Scorpion, monstre vrayment hideux, A grands coups redoubler l'estomach & les yeux. Par l'une & l'autre main le Serpent s'entortille Et se gliffe en roulant, mais la dextre gentile Le serre au plus menu où il va finissant, Et la gauche à l'endroit où il va grossissant : Puis va lechane le bout de fes larges machoires La Couronne effoilee: & sous les traces fieres

De ses plis ondoyans, chercheras espandus Les pies du Scorpion, grands & longs estendus, Qui ne paroissent point, car leur slamme escoulee Se couue sous les plis du Serpent recelee.

L'Ourse-gardant.

Au derriere d'Helic' voy puis l'Ourse-gardant, Ressemblant au cocher qui son char va guidant: On l'appelle Bouuier, parce qu'il suit la course Et qu'il semble trainer le chariot de l'Ourse. On le voit tout entier, mais vn astre plus grand Sur les autres reluit & roule sous le slanc A l'endroit proprement où se ioint sa ceinture: Cest astre dans le Ciel est surnommé l'Arsture.

La Vierge.

Sous les pieds du Bounier, voy la Vierge sacree, La Vierge à l'ail benin noble race d'Aftree, Qui branste dans sa main vn espy slamboyant A la teste doree & au crin ondoyant : Ou que du vieil Astré soit sa race premiere Qu'on vante auoir esté des vieux astres le pere : Ou que d'une autre part soyent ses premiers ayeux, En repos affeuree elle habite les Cieux, Humble, tranquille & douce, encores qu'on la tienne Auoir fait quelquefois sa demeure ancienne En ceste terre basse, & n'auoir dedaigné, Deesse qu'elle estoit, d'auoir accompagné Les hommes en tous lieux, leur estre secourable, Venir au deuant d'eux, se rendre compagnable Aux femmes, aux vieillars, & en toute douceur L'equité & la loy leur engrauer au cœur : Librement se mestant en la troupe mortelle, Encores que de race elle fust immortelle. On l'appelloit Iustice, elle de toutes pars Dedans un carrefour affembloit les vieillards, Au milieu d'une ruë, hors & dedans les villes, Et au peuple ignorant monstroit les loix ciuiles.

Celuy vrayment estoit en ce bel âge d'or Trois & trois fois heureux qui ne voyoit encor Ny discord ennemi, ny procés, ny querelle: La pallissante peur, ny la peine cruelle, La rage & la fureur, le trouble & les debats N'animoyent point encor les mutins aux combats: Chacun viuoit heureux, car le fer ny l'enuie Ne troubloit le repos des douceurs de la vie.

On n'auoit point encor à force de ramer, Roulé dessus les flots de l'ecumeuse mer, Ny fouille dans le sein des mines non trouuees, Des hauts Pins esbranchez les tronches my-cauces Encor n'auoyent trainé le pallissant nocher A combatre l'orage, ou les flancs d'vn rocher, Ou pour se prendre aux flots dans la nef voyagere, A fin de butiner sur la riue estrangere. On n'auoit iamais veu monstres dedans les eaux, Encores sous le ioug ne souffloyent les toreaux, Ny le soc argenté ne fillonnoit la plaine Qui de son gré portoit sa cheuelure pleine De beaux espics crester, & feconde en tout temps Se monstroit à nos yeux grosse d'un beau Printemps. Donc en ce fiecle d'or, cefte sainte Deeffe, Le fidelle entretien & l'vnique maistresse Du peuple & des citez en chacune saison, Liberale versoit aux hommes à foison Toutes sortes de biens, comme celle qui donne Iustement ce qu'il faut à chacune personne, Et demeura çà bas tant que l'âge honoré Nourrit dedans son sein ce beau tige doré.

Mais depuis que la terre alterant sa nature De ce noble metal eut changé la teinture Pallissante en argent, plus ne voulut hanter Les Cours ny les Citez, moins encor frequenter Ainsi qu'elle souloit ceste race seconde, Et plus ne se rendoit samiliere en ce monde, Mais bien peu se monstrant pleuroit les heritiers Auoir si mal suyui la trace des premiers.

En cest åge pourtant sa face venerable Se monstroit quelquefois au peuple fauorable, Mais non pas fi souvent, & la maligne gent Du tout n'abandonnoit en ce sieçle d'argent. Quelquefois sur le soir lors que la nuit muette Auoit couvert les champs sous son æle brunette, Solitaire & penfiue ayant la larme à l'ail, Venoit d'une montagne ou du haut d'un escueil, Et de voix effroyable accusoit la malice Des hommes desbordez à l'abandon du vice, Et noire de courroux, le sourcy rabaissé, Le visage couvert, du beau siecle passé Regretoit les vertus, se mestant en la presse Sans luy porter faueur ny luy faire care¶e. Puis si tost qu'elle auoit de propos irritez Comble de toutes parts les plus grandes Citez, Trifie les accufoit de leur meschante vie : Plus vous ne me verrez, ores gu'ayez enuie (Disoit-elle en pleurant) bien souvent de me voir, Et de baiser mes pas à fin de me r'auoir. Hà Dieux que vostre race est vrayment empiree Depuis que ie laissé seulement la dorce. Faut-il qu'en empirant tout doine ainfi marcher Force par le Destin qu'on ne peut retrancher? Les bons peres dorez que l'honore & ie vante, Apres eux ont laissé une race mechante, Vn fiecle depraué tel que nous voyons or, Et vous en laisserez un autre pire encor. Lors la guerre cruelle armera les Prouinces, Armera les Citez & Princes contre Princes. Lors naistront les douleurs & les meurdres nouveaux, Et de sang ennemy couleront les ruisseaux. Puis ayant dit ces mots, retournoit forcenee Se cacher dans les monts la face destournee Seulette s'esgarant du reuple qui çà bas Beant la regardoit, à l'eil suyuant ses pas. Or si tost que de mort la fatale ordonnance Les eut mis au tombeau, autres prindrent naissance

Digitized by Google

Pires que les derniers, car en naissant soudain O cruel changement! nasquis l'âge d'airain. Alors le fer trenchant sur l'enclume forgerent Et la meurdriere lame en esoc allongerent, La lame voyagere, & leurs sanglantes mains Trancherent en moreeaux le support des humains Les toreaus laboureurs, pour leurs bouches gourmandes, Et pour souiller l'apprest de leurs tables friandes. Depuit cest Deesse a conceu dans son cœur Encontre les mortels la haine & la rancœur, Et vola dans le Ciel despite & desdaigneuse, Choisssant sa demeure, où par la nuit ombreuse Aux hommes se fait voir entre les Astres beaux Voisne du Bouvier aux lumineux slambeaux.

Elle a d'yn aftre beau les espaules dorees Deuers le droit costé des æles peinturees Qu'elle a dessus le dos : C'est l'Auant-vandangeur, De lumiere pareille, & pareille grandeur Que celle qui se voit par la noire carriere Sur la queue d'Helice espandant sa lumiere. Ceste estoille est ardante, & les autres aussi Qui sont voifines d'elle, & voyant celles cy Des autres ne t'enquiers, car une autre s'enflamme Au deuant de ses pieds, qui va iettant sa flamme, Grande, gentille & belle: vne quere luit dessous Son espaule, une aux flancs, une sous les genous. Toutes les autres ont leurs flammes languissantes Desfous un voile obscur moyennement luisantes, Comme troupe inutile, ayant peu de splendeur, Et roulent dans le ciel sans tiltre & sans honneur.

Les Iumeaux.

Puis les aftres bessons des Iumeaux sont leur course, Et tiennent leur sentier à la teste de l'Ourse.

Le Cancre.

Et le Cancre escaille se courbe sous ses flancs.

Le Lion.

Et sous ses pieds fourchus les feux estincelans Du Lion herissé viuement apparoissent, Où les sentiers plus chauds, & les traces renaissent Du Soleil flamboyant, quand les fillons tous nus Se monstrent despouillez de leurs épics grenus, Alors que le Soleil par l'ardance colere Du Lion aux longs crins fait sa course legere. Volontiers en ce temps sur les flots écumeux Les vents Etefiens d'haleinemens fumeux Peste-meste accouplez & poursuiuant leur route Courent, bruyant, fiffant de violence toute. Et lors n'est affeuré dedans les creux vaisseaux A doubles auirons ramer dessus les eaux : Et voudrois en ce temps pour destourner la charge D'vn orage mutin que mon vaisseau fust large. Le Pilote s'en garde, & qu'il tienne souuent La main au gouuernail, ferme contre le vent.

Le Charton.

Puis s'il te plaist de voir la stamme qui reside Belle dédans le ciel, du Charton porte-bride, Du Charton estoilé, pour bien la conceuoir De la Chéure il te faut la souvenance anoir, Et des petits Cheureaux, qui de face hayneuse , Regardent les nochers sur la mer escumeuse Pallissans de frayeur, sur les flots estendus Les vaisseaux affondrez & les hommes perdus. Ce Charton se voit tout à face devoilee Vers le gauche costé des Iumeaux aualee, Se clinant contre bas, & tourne vis-à-vis De la hure d'Helice où son visage est mis, Sur l'espaule gauchere il retient attachee Le flambeau consacré de la Chéure panchee, De celle qui donna gracieuse à teter De sa mammelle douce à ce grand Iupiter : Les Souprophetes saints l'appellent Olenie.

Elle est fort apparente, & de lustre garnie, Mais au ioinst de la main la lumiere & le feu Des Cheureaux obscurcis ne paroist que bien peu.

Le Toreau.

Plus cherche du Toreau la figure attachee Pres les pieds du Charton, sur le ventre couchee Il porte furieux deux cornes sur le front, Cornes à pointes d'or, qui terrible le font. Par beaucoup de moyens tu le pourras cognoistre : Car par les clairs flambeaux il se. fait apparoistre Haut la teste leuce, & marquee en cent lieux D'vn & d'autre costé de stambeaux radieux, Qui roulent à l'entour, & figurent l'audace De ce Toreau courbé, & de sa belle face. Les Hyades ont nom, on les cognoist affez Par tout cest vniuers, car les feux ramassez Sur le front du Toreau aux cornes flamboyantes, Les font voir dans le Ciel clairement apparantes. Vne Eftoile sans plus sur le gauche costé Tient le bout de la corne, & sur elle est planté Le pié droit du Charton, qui ensemble se roule : Sculement le Toreau en descendant se coule Plus viste en Occident, & se haste inegal, Mais tous deux au leuer marchent d'un pas egal.

Cephé.

Ie ne tairay pourtant la race miserable
De l'Iasin Cephé, car son nom venerable
Et sa noble maison vint le Ciel habiter,
Comme race cousine à ce grand Iupiter.
Il est contre le dos de l'Ourse Cynosure,
Estendant les deux mains, & la mesme mesure
Qu'on voit depuis le bout de la queue en longueur,
S'estendre iusqu'aux pieds, est pareille en largeur
A l'espace qu'on voit mesurer la passee
De l'vn à l'autre pié iusement compassee.

Remy Belleau. — II.

Cassiope.

Puis t'estoignant un peu de son large baudrier. Du Dragon ondoyant verras le ply premier : Puis auançant les yeux, Cassiope dolente Aux pieds de son Cephé chetine se tourmente : Son lustre est foible & rare, & lentement reluit Lors que la Lune pleine espanche par la nuiel Ses beaux rayons dorez, car sa flamme est petite Et petite l'ardeur qui dedans elle habite, Et les feux mal rangez des estoiles qui font Sa figure obscurcie, & qui enceinte l'ont. Et tout ainsi qu'on voit d'vne porte bien sure Par le dedans garnie à double fermeture, L'vn & l'autre corail, & les gonts se forcer A la rencontre fiere, & tous deux repousser : Ces estoiles ainsi çà & là respandues Figurent son image, espaules estendues Et les mains dans le Ciel, on diroit à la voir Que pour sa fille encor elle veut se douloir.

Andromede.

En ceste mesme part se retourne offensee
De tristesse & douleur sous sa mere agencee
L'image d'Andromede, & ne prens grand souci
Pour de nuiel conceuoir son beau lustre esclarcy:
Car sa teste se voit claire luisante & belle,
Des espaules aussi la carreure iumelle,
Et de son vestement les replis ondelets,
Et le bout delicat de ses pieds tendrelets:
Elle estend les deux mains, dont le lien se traine
Encore dans le Ciel seur tesmoing de sa peine,
Où seront pour iamais en signe de ses plaints
Ses bras d'un fort lien estroitement contraints.

Le Cheual.

Sur le chef d'Andromede on voit haut esleuce Du Cheual monstrueux la figure engrauce

Iusques au bas du ventre ; vn bel aftre commun La teste & le nombril du Cheual ioinst en vn. Il porte à ses costez trois estoiles roulantes Iusques dessus l'espaule egalement distantes, D'vn feu luisant & beau & de iuste grandeur. Il a la tefte morne, & de peu de splendeur, Et le trait brunissant de sa longue encolure Ne se voit qu'enfumé d'vne lumiere obscure : Mais la derniere estoile allume son slambeau Sur sa machoire ardante, aussi luisant & beau, Et de lustre aussi net que les quatre premieres Qui versent dans le Ciel leurs gentiles lumieres. Or ce Cheual facré, en ses vistes retours Ne fait des quatre pieds sa carriere & son cours. Car iusques au milien sa figure portraite Se finist au nombril & se voit imparfaite: Si dit-on toutefois que ce fut ce Cheual Qui de son pié cornu fist rouler contreual Du plus haut d'Helicon vne belle & claire onde A petits flots onder d'vne source feconde. Car du haut de ce mont iamais n'eussent coulé Les ruisseaux argentins, si ce Cheual ælé N'eust frappé du pié droist ceste roche alteree,. Qui beante aussi toft poussa l'onde sacree Qu'elle eut senti le coup, & furent les passeurs Qui vanterent premiers ces iazardes liqueurs, La fontaine au Cheual, la gentile fontaine, Qui difile & qui sourd de la roche hautaine, Le peuple Thespien habite ce coupeau, Et n'est point estongné de ce coulant ruisseau : Mais ce Cheual au ciel va secoüant ses æles Et se tourne au milieu des flammes immortelles.

Le Bellier.

Pres de ce My-cheual tu verras le sentier Et les vistes retours que passe le Bellier, Pres des cercles plus longs, poussé de telle course Qu'en tournant n'est en rien moins paresseus que l'Ourse. Il a peu de clairté, & son lustre obscurci Est lent, brun & tardis, & parest tout ainst Que sont les astres beaux, lors que la Lune entiere Va redorant le Ciel de sa belle lumiere. Mais marque son espaule aupres du ceinturon De la triste Andromede, il est à l'enuiron Appuyé desous elle, où trauersant il fraye Au milieu du grand Ciel sa brunissante voye, La part mesme où lon voit les bras du Scorpion Finir, & se tourner l'estreinte d'Orion.

Deltoton.

Sous la mesme Andromede est mis vn autre signe, Proprement agencé de trois costez insigne:
Dont les deux sont egaux iustement, l'autre non.
Cet image est des Grecs surnommé Deltoton.
Du costéraccourci, les slammes plus Australles
Ainsi que du Bellier n'estant brunes & palles
Se trouuent aisément, se retirant un peu
Vers le mesme costé où se monstre leur seu.

Les Poissons.

En ce mesme canton sous les cours de Boree Voy des Poissons couplez la lumiere dorce:
Toutessois l'vn des deux est plus noble & plus beau Que l'autre, & de plus pres oit l'orage nouveau De ce venteux Boree: ils sont tous deux ensemble Estroittement couplez d'vn lien qui s'assemble De l'vne à l'autre queuë, & qui se ioinst en vn. Ce lien est marqué d'vn bel astre commun, Grand, clair, luisant & beau, & de lumiere belle: Et ceste liaison sous-couarde s'appelle.
L'espaule d'Andromede en son gauche costé Te soit pour tout iamais vn vray signe arreste Du poisson Borean, qui tourne & qui chemine Vers le Septentrion, & de pres l'auoisine.

Persee.

Les deux pieds d'Andromede enseignent son espous Persee qui se tient planté sous le desous Des talons, qui sans fin les espaules luy present.
Mais ses seux les plus grands de sus tous apparessent
Du costé de Boree, estendant le bras droit,
Hardi l'espee au poing, instement à l'endroit
Où se sied Cassiope, & de plante legere
Se haste tout poudreux dedans le Ciel son pere.

Les Pleiades.

Pres de son iarret gauche, on peut voir le troupeau Des Pleiades serré en un petit monceau. Elles sont à les voir de petite apparance, Mais entre les humains de fort grande puissance. On les surnomme icy les sept chemins des Cieux, Or' que fix seulement paroissent à nos yeux. Car iamais d'icy bas effoile ne s'est veue Qui se soit hors du Ciel desrobee ou perdue, Aumoins depuis le temps que nous auons appris Leur premiere naissance & que tels noms ont pris : Alcyone, Celene, & Elettre, & Merope, Maie la venerable & Tayette & Sterope. Voila les noms des sept : & est songe auancé, Dire que la septiesme eust le Ciel delaissé. Petite est leur clairté, & sont comme en tenebres, Leurs beaux noms toutefois ici bas sont celebres, Parce que se leuant le matin & le soir Et tournant dans le ciel aux hommes se font voir. Iupiter est l'autheur de leur vertu connue, Qui leur a commandé d'aduouer la venue Et d'Hyuer & d'Esté, & remarquer le temps Qu'il nous faut trauailler à labourer les champs.

La Lyre.

On voit en mesme lieu petitement reluire Cela que saçonna Mercure en vne Lyre Estant dans le berceau, auparauant sans nom, Mais qui la sist au ciel d'vn immortel renom. L'image qui se sied dessus sa hanche ernee, Du genoil gauche atteint ceste Lyre doree, Et le haut de sa teste & de son lustre beau Se tourne clairement vis-à-vis de l'oyseau, Rendant dedans le ciel sa lumiere dinine Entre l'Agenoillé & la teste du Cygne.

Le Cygne.

Cet oifeau peinturé de plumes bigarrees,
Va courant dans le Ciel en ces mesmes contrees.
Il a le teint couvert de brunette espesseur
D'vne part, mais de l'autre il a vive couleur,
Portant l'ale semee & aspre & raboteuse
D'astres petits, mais beaux de clairté lumineuse.
A voir planer au ciel ce plumage nouveau
D'vn vol doux & serein, il resemble vn oyseau:
Il sé porte de queue envers l'autre partie
Où tombe le Soleil, au lieu où se manie
La dextre de Cephé, qu'il va contre-abordant
Du bout de l'ale dextre à plein vol s'estendant,
Puis l'ongle du cheval se courbe sous l'autre ale.

Le Verseau.

Les Poissons vont pressant ce Cheual qui santelle D'vn & d'austre costé, & la main du Verseau Pres la teste au Cheual, estend son lustre beau: Il se leue tousiours apres le Capricorne.

Le Capricorne.

Ce figne en se leuant panche & courbe sa corne Vers Austre, où le Soleil tourne & flechist son cours. Ne te mets point sur mer en ce mois, où les iours Sont si courts & fascheux, & la mer orageuse, Par trop longues les nuiets, l'Aurore paresseuse, Or que tremblant de peur tu l'appelles souvent Cruellement traitté de la nuiet & du vent. Car en ceste saison les vents & la tourmente S'estancent furieux sur la mer ecumante Et pleine de fureur, au temps où le Soleil

Se tourne en Capricorne: vn froid le nompareil Venant de Iupiter, alors transst Gelle
Le palle nautonnier qui fremist Gelle:
Toutesfois en tout temps de cent perils nouueaux,
La mer trouble noircist desfous les creux vaisseaux.
Et comme les plongeons les mariniers regardent
Du tillac çà Gelà les vents qui les retardent
D'aborder, mais en vain se tournent vers le port,
Et vn petit de bois les desend de la mort.

L'Archer.

Or en ce premier mois ayant couru Fortune
Sur le dos escumeux des vagues de Neptune
Garde toy bien encor, quand sur l'arc estendu
Et sur le Tireur d'arc le Soleil espandu
Aura ses seux dorez, venant le soir retire
Soudain, & n'y faux pas, sur le port ton nauire,
Sans te sier en rien d l'horreur de la Nuit.
Le signe de ce mois & du temps qui le suit
Sera le Scorpion qui sur l'heure derniere
De la nuit espandra en naissant sa lumiere
Comme enuiron le iour, où lon voit approcher
Pres de son aiguillon le grand arc de l'Archer:
Mais quelque peu de temps auant le Sagitaire,
Le Scorpion se leue & le voit on retraire
Et monter dans le Ciel haut esseué soudain.

On voit au mesme temps & de fort viste train Au plus fort de la nuiet la teste à la grande Ourse Se porter dans le Ciel d'vne treshaute course. Alors mesme Orion au petit poinet du iour En tombant se perd tout dans le marin seiour. Cephé depuis la main iusques aux slancs s'y iette.

La Sagette.

Là, plus outre s'estance vne ardante s'agette Toute seule & sans arc, & pres d'elle voisin Le Cygne estend son vol, mais il est plus Austrin.

Le Dauphin.

Pres de la le Dauphin chemine sur la corne Et sur le dos courbé de ce grand Capricorne. Ce Dauphin est petit, & à demi obscur, Mais il a deux-à-deux, & de gentile ardeur Luisantes sur le front quatre Estoiles fort belles: Et diriez que ce sont quatre belles prunelles Esparses çà & là droit entre le sillon Du Soleil vagabond & le froid Aquilon.

Orion.

Entre Auton, & le trac du Soleil, Orion
Obliquement se tourne, & biaisant se plie
Sous les pieds du Toreau. Qui le passe & l'oublie,
Estant belle la nuits, & ne voit esclairer
Son seu haut estendu, point ne doit esperer
Iettant les yeux au ciel de voir les autres signes
Qui sont plus excellens & beaucoup plus insignes.

Le Chien.

Sous son dos esteué apparoist le grand Chien Marchant dessus deux pieds, son sidelle gardien: Il est tout moucheté, non toutefois qu'il entre Tout cler dedans le ciel, car par dessous le ventre Il tire sur le pers: mais vn astre de nom Violent & brustant luy ard sur le menton. Il seiche & grille tout, & pourtant on l'appelle L'astre qui bruste & ard d'vne viue estincelle. Quand auec le Soleil il monte en sa chaleur, Les arbres mal sueillus, & qui ont peu d'humeur Ne le trompent iamais, car d'vne estrange force Il penetre au dedans, & des vns perd l'escorce Du tout, des autres non: car il les va gardant Et benin les meurist des seux qu'il va dardant: Nom le sentons de loing quand il fait sa descente.

Le reste rend clairté plus legere & plus lente, Et tourne pour marquer & rendre seulement Tous les membres entiers de ce chien proprement.

Le Lieure.

Sous les pieds d'Orion d'vne course legere Le Lieure tousiours fuit, & le Chien par derriere, Tous ainsi qu'vn Chasseur, le haste & le poursuit Et se leue auant luy, & en tombant les suit.

Argon,





LES PROGNOSTIQUES

ET PRESAGES D'ARAT

Poëte Grec.

Doncques ne vois-tu pas, quand la Lune nouuelle Du costé d'Occident ses cornes renouuelle, Qu'elle enseigne du mois la naissance en croissant? Et qu'aux premiers rayons qu'elle va estançant Sur les corps d'ici bas, iusques à faire ombrage, Court iusqu'au iour quatrieme? & puis, que son visage Se monstre demy plein, sur le huitieme iour, Mipartissant le mois, s'elle a rempli son tour? Bref, en quelque saçon qu'elle tourne sa face, Elle monstre du mois le quantieme se trace.

Puis les fignes partis en douze egalement,
Monstrent la sin des nuiets & le commencement:
Signes iusqu'au grand an, posez de façon telle,
Et tellement rangez de la main immortelle
De ce grand Iupiter, qu'ils descouurent les temps
Commodes pour planter & labourer les champs,
Commodes pour preuoir sur la mer escumeuse,
Pour la volante nes la tempeste orageuse:
Au moins s'il te souvient de ce Bouvier mutin,
Et des astres naissans, & puisez au matin,
De l'humide Ocean, aussi de la lumiere

De ceux qui sur le soir dorent la nuist premiere: Car le Soleil les passe, & trace vn long sentier Tirant vn grand sillon, pour rouler l'an entier. Puis il approche l'vn, & soudain l'autre touche, Quand en montant se leue, & en tombant se couche, Et puis vne autre estoile, & vne autre à son tour, Regarde les rayons du premier poinst du iour. Tu le cognois assez, car par tout lon te sonne Les cercles dix & neuf du Soleil qui rayonne, Et combien par la nuist se tournent d'astres beaux Depuis le ceinturon, insques aux clairs slambeaux Du dernier Orion, & insques à la trace De son chien courageux, qui les hommes menace.

Doncques exerce toy, & remets ton fouci Aux aftres de Neptune, & de Iupin aussi, Et voy diligemment, comme leur cognoissance Rapporte le presage en seure experience Aux mortels d'ici bas : Sois aussi soucieux, Lors que voudras en nef courir aduantureux, Des fignes deuant dits, pour les venteux orages Et pour la cruauté des mariniers naufrages. Le labeur n'est pas grand, mais certes le sçauoir Vtile & profitable, à cil qui peut preuoir Le malheur aduenir d'vne songneuse garde. Il fait premierement qu'en seurté il se garde, Puis il peut ce pendant aduertir son amy, Et luy donner secours pour le temps ennemy: Et mesme quelquefois dessous la nuiel seraine, Espiant sur la mer, que le matin attraine Quelque grand fortunal dessus son pauure chef, S'arme contre l'orage, & sauue ainsi sa nef : Quelquefois le malheur iusques au iour quatrieme Tient la bride à son cours, quelquefois au cinquieme, Et quelquefois aussi il nous prend sur le pas : Mais las! pauures chetifs, encor ne sçauons pas De ce grand Iupiter pleinement toutes choses, Il en reste beaucoup dedans son sein encloses: Or vueille quelquefois nous les faire sçauoir,

Il est doux & benin, & par tout se fait voir Le secours asseuré de nostre pauure race, Et nous versant du Ciel les saueurs de sa grace, Nous monstre apertement les signes découuers De tout ce qui se tourne en ce grand Vniuers.

Voy donc songneusement quand la Lune est partie En son croissant premier, puis quand elle est remplie D'vn & d'autre costé, & quand vne autre fois Elle fait son croissant sur le decours du mois. Ou quand le Soleil monte en sa coche dorce, Ou qu'il se couche au soir sur la nuitt estoilee. Ainst pourras sçauoir de la nuitt & du iour Les signes aduenir, l'vn par l'autre à leur tour.

Ce qui doit suyure ceci a desia este mis cy dessus par l'Autheur en la II. iournee de la Bergerie [pages 60-67], sous les titres d'Apparences de la Lune & du Soleil. Et s'ensuit.

Que te diray-ie plus des presages certains
Qui sont asser cogneus icy bas des humains?
De la neige aduenir un signal pourras prendre,
Quand dedans le souyer s'amoncelle la cendre,
Ou qu'on voit tout autour des rougissans nazeaux
Du lamperon huileux, comme petits mouceaux
De semence de mil: Puis c'est signe de gresse,
Quand le charbon viuant d'une ardante estincelle,
Rougissant sur le bout, son milieu va bordant
D'une petite nue, & dedans est ardant.

Le Chesne bien chargé, & la noire Lentisque, Ont de monstrer l'hiuer mesme quelque pratique. Le paisant voit à tout, craignant que la moisson N'escoule de sa main à la chaude saison. Si de glan fort espais le Chesne prend vesture, Il monstre de l'hyuer vne extreme froidure. S'il n'est pas trop chargé, les trop grandes chaleurs Feront que les fillons ne s'arment d'espics meurs.

Du Lentisque trois fois la fleur prend sa naissance, Et son fruiet trois fois l'an prend nounelle accroissance, Et chaque accroissement nous monstre la saison De prendre la charrue, & en quelle achoison. Car il faut trois labeurs, & trois façons entieres, Pour donner ce qu'il faut aux terres nourricieres, Doncques le premier fruit du Lentisque profond Te dira le premier, puis apres le second La seconde ensuyuant', le dernier, la derniere: Et s'il est fort chargé en la saison premiere, La moisson sera bonne & fertile en espis: Mais si moyennement il se charge de fruiels, Moyennement aussi nous aus esperonrance De moyenne moisson, & moy ennesemence: S'il se charge fort peu, fort peu aurons aussi A recueillir le grain de si plaisant souci. Or comme luy trois fois florissante est la Scylle: Et d'elle on peut preuoir sur la moisson fertile Comme on fait du Lentisq', car c'est mesme argument Pour iuger des saisons & de leur changement, Et tout mesme signal au Laboureur rustique, Scylle à la blanche fleur, & la noire Lentisque.

Or tu pourras preuoir la froidure cuisante, Si deuant le leuer de la troupe luifante Des Pleiades on voit sur l'Automne un amas De bourdonnans freslons, s'amasser en un tas, Tel rond & tel monceau en ces guespes se tourne. Ou quand de son manger la truye s'en retourne. La cheure, & la brebis, & dedans leur pourpris Les femelles sautant saillent sur leurs maris: Ainst que des frestons, d'elles on coniecture Les rigueurs de l'hiuer, & poignante froidure : Mais s'en saison tardine, on les voit accoupler Montant l'un dessus l'autre, & en vain se mester, L'homme trop malheureux & tranfi de froidure, Mal chaussé, mal vestu, de quelque bien s'asseure : Car c'est signe certain de l'an plaisant & beau, Ouand bien tard en chaleur se rue le troupeau.

Or le bon Laboureur & fage en son affaire,
Se refiouist de voir la Grue se retraire
Bien tost en la saison, quand il est diligent:
Mais celuy-là qui est tardist & negligent
S'ell' ne revient bien tard, ne prend resionissance,
Car ainsi que la grue, ainsi l'hiuer commence.
S'en troupe ell' revient tost, l'hyuer vient tost aussi;
S'ell' retourne plus tard, l'hyuer vient tout ainsi:
Bref, s'elle est paresseuse, & qu'en troupe ell' n'arriue,
La saison de l'hyuer en sera plus tardiue.
Mais l'hyuer plus tardis aussi porte cest heur,
Qu'il garde sa faueur pour le dernier labeur.

Quant & beufs & brebis sur la fin de l'Automne Fouillent la terre aux pieds, & leur teste se donne Contre le vent Boré, soudain en descendant La Poussiniere estoile, en terre va dardant Vne tempeste horrible, & vn froid importable: Et s'ils fouillent beaucoup, ell' sera dommageable Et cruelle ennemie aux arbres & au grain. Doncques le Laboureur qui veut son grenier plein, Et qui veut s'efouir d'une moisson fertile, Doit souhaiter la neige, aux bleds verts tres-vtile : Si trop haute n'estoit, si qu'ell' vint à froisser L'herbe encore tendrette, & pressant l'offenser. Doit souhaiter aussi que la brigade errante Des estoiles du Ciel, semblablement luisante Se regarde touhours, sans qu'on voye par l'ær Vne, ny deux, ny plus des Estoiles briller, Qui portent sur le front une espesse criniere De longs cheueux ardans, espandus par derriere: Car s'ell' ont cheueleure, esperer il nous faut Que l'an doit estre sec extremement & chaud.

Outre le Laboureur n'a plaisir voir descendre
Des Isles les oiseaux en grand troupe, & se rendre
Dessus la terre serme, aux premiers iours d'Esté:
Car il craint que son bled des chaleurs offensé
Ne trompe son attente, & la moisson s'en aille
En lieu d'espics grenus en estrain & en paille.

Le Cheurier au contraire en ce temps s'efiouist Du retour des oiseaux, car tousiours il ionist Par les grandes chaleurs, d'vne bonne esperance Pour auoir l'an entier laistage en abondance. Ainst pauures chetifs, errans, & malheureux, Viuons diuersement, les vns estans heureux Par le malheur d'autruy, preuoyans les augures De ce qu'est à nos pieds sur les choses futures.

Mesmement les bergers iugent par leurs troupeaux La tempeste aduenir, quand leurs petits aigneaux Courent plus asprement pour trouuer la pasurc, Ou quand hors du troupeau le Bellier s'aduanture De choquer de la corne auec les aignelets:
Ou quand par les chemins, & sentiers verdelets, Les vns des quatre pieds d'vne gente allaigresse Ruant foulent la terre, & les vieux, de paresse Comme les plus pesans, ne sautent seulement Que des pieds de deuant: ou quand ensemblement Retournant sur le soir de la verte prairie, Ne rentrent que contraints dedans la bergerie, Ou quand ils mordent l'herbe, à peine le berger A force de cailloux les chasse du manger.

Mesme le Laboureur & le Bouuier champestre Ont cogneu par leurs beufs quand l'orage doit naiftre. Quand la corne du pie dessous l'espaule enté, Ils lechent de la langue, ou sur le droit costé Ils s'estendent sur terre, alors c'est un presage Qu'il est temps de tarder encor le labourage. Ou quand dessus le soir en troupe s'amassant Se rendent à la creche, ensemble mugissant, Ou qu'on voit la genisse au retour de la pree Gourmande se remplir, comme toute attriftee, Ayant peur de l'orage, ou qu'on voit se bouter Par les buissons la Cheure, & gloutement brouter. Ou qu'on voit le pourceau qui se touille & se meste. Dans le bourbier fangeux, & le chaume en iaue!le Cà & là par les champs esparpille du groin. Ou quand le loup seulet, pour appaiser sa faim

Abandonne le bois, & d'vne longue haleine
Hurle parmi les champs, & descend en la plaine,
Audacieux & sier, approchant le labeur,
Et l'ouurage entrepris du pauure laboureur
Pour se mettre à couvert, & trouver couche sure,
Semblable à celuy-là qui cherche converture.
Auant qu'il soit trois iours il te faut esperer
Vne tempesse horrible, & aussi t'asseurer
Des signes devant dits, pour faire le presage
Ou des vents advenir, ou de pluye, ou d'orage,
Dessus le mesme iour, car l'orage en est pres,
Ou vrayment du second, ou du troiseme apres.

Et mesme les vieillards ont pris songneuse garde Escoutant la souris, quand d'une voix criarde Elle chante à mi-iour, & s'esgaye en sautant Plus qu'ell' n'ha de coustume, & va presque imitant Le sauter d'un bousson: & le bruyant tonnerre Le chien va presentant, quand il gratte la terre Des deux pieds de deuant: & en issant de l'eau Le Cancre preuoit bien tout orage nouveau, Cherchant la terre ferme, & la plaine asseure: Et de ses pieds crochus la Ratte apprivoisce Renuersant la paillasse, & recherchant le liet, Augure asseurément que l'orage s'ensuit. Car en toute saison ceste petite beste Prevoit asseurément la future tempesse.

Or de ce que l'ay dit ne prens rien à mespris,
Car c'est un beau suiet, & digne d'estre appris,
De sçuoir bien iuger de l'un par l'autre signe,
Mais l'espoir plus certain, & la chose plus digne
Pour y adiouster soy, quand deux ensemblément
Adviennent en un temps, mais plus asseurément
S'il en vient trois au coup, & puis le nombre assemble
Des signes que verras, les conferant ensemble,
A ceux de l'an passé, songneux à observer
Si le coucher du iour est pareil au leuer:
Car tel qu'il est auant les estoiles luisantes,
Tel il doit estre apres les estoiles couchantes.

Il est commode aussi voir du mois sinissant, Et de celuy qui vient apres luy renaissant, Et l'une & l'autre quarte, ayant la sin derniere Et de l'autre ensuyuant la nature premiere. Car l'air est incertain, par les huist iours entiers Que la Lune ne court par ses vagues sentiers, Ne paroissant au Ciel, à saute de lumiere. Doncques si d'am en an deument tu considere' Tout cela que i'ay dit, tu pourras preuenir Par les signes de l'air aux choses aduenir.



RECONNVE,

COMEDIE



ARGVMENT

LA RECONNVE.

v fac de Poictiers vn Capitaine fait butin d'vne ieune Damoiselle, de bonne grace & de bon lieu, & qui peu de temps auparauant auoit esté professe en vne Abbaye de filles: toutessois se sentant de la nou-

uelle religion, auoit changé d'habit prenant l'accoufrement de bourgeoise. Ce Capitaine fort amoureux d'elle, appellé au seruice du Roy pour le recouurement du Haure, la laissa en la ville de Paris, en la maison d'vn sien consin Aduocat en la Court, desa vieil & ancien & sans enfans. Pendant l'absence de ce Capitaine, cest Aduocat en deuint amoureux, sa femme desesperément ialouse, & vn autre ieune Aduoca à marier, amoureux aussi. Or ce vieillard pour haster son entreprise & manier son fait plus couuertement, seint auoir entendu pour vray la mort de ce Capitaine a la prise du Haure, & resoult auec sa femme, que le meilleur estoit & le plus expedient de marier ceste fille à fon Clerc, qu'il auoit desia pratique sous promesse de quelque petit ossice. Ce ieune Aduocat surpris de mille passions nouuelles, l'empesche tant qu'il peut, la fille hors d'esperance de ce qu'elle attendoit du Capitaine qu'on auoit fait mort, & de pouuoir iamais pretendre à l'alliance du ieune Aduocat estant encor en tutelle, & elle reputee comme estrangere, delibere d'accepter le mariage de ce Clerc, & est maintenant que lon doit faire les fiançailles : Toutesfois estans prests à se mettre à table, ce Capitaine qu'on auoit fait mort, arriue, & trouble tout : à l'instant mesme vn gentilhomme de Poictou pere de ceste Damoiselle, aduerty par vn sien Solliciteur que son procés estoit sur le bureau, vient à la maison de cet Aduocat pour entendre de ses affaires, trouue qu'il auoit gaigné son procés : deuisant ensemble, iette l'œil sur ceste fille & la reconnoist sienne, s'enquiert de ce ieune Aduocat qui luy faisoit l'amour, luy promet en mariage vn office de Conseiller ou cinq cens liures de rente, & bulles expedies pour la dispense ; promet à ce Capitaine vne sienne niepce & vne place d'homme d'armes : donne à fon Aduocat les despens du proces, à l'Aduocate cent escus pour ses espingles, le Clerc iouist de son benefice, & tous demeurent contens. Ainsi s'accorde inesperément le mariage entre ceste ieune Damoiselle & ce ieune Aduocat.

LES ACTEVRS.

Monfieur l'Aduocate, fa femme.
Maidre Iehan, le Clerc.
Iehanne, la Chambriere.
La voifine.
L'Amoureux, fon fils.
Potiron, fon laquaiz.
Anthoinete, l'amoureuse.
Le Capitaine Rodomont.
Bernard, fon vallet.
Le Gentilhomme de Poictou.





LA RECONNVE,

COMEDIE.

ACTE I.

SCENE I.

IANNE, CHAMBRIERE. M. IEHAN, LE CLERG.

Ianne.

Ha que malheureuse est qui sert
Maintenant, & seruant qui pert
Son bien, sa peine & sa ieunesse!
Et quoy? seruir vne maistresse
De Paris, i'aimerois autant
Mourir cent fois: si ie fay tant
Que sortir hors de la maison,
Voisa Madame en venaison,
En bon point, grasse, & bien refaite,
Ialouse, fascheuse, & sugette
A son auertin, qui soudain

Se met en son aigre leuain Pour crier apres moy trois heures. » Ha que les rentes sont mal seures » Du seruice de ces Messicurs. Sus mon Dieu quelquefois ie meure, Quelquefois ie meurs quand i'y pense. Si Monfieur n'a traitté sa panse Des presens d'un pauure plaideur, Tout le iour il sera resueur, Morne, trifte, melancolique, Toute la nuil ou sa colique, Ou sa migraine le tourmente, Et Madame qui perd l'attente Du bien que donnent les maris Soupire de son amarris, Et crie que personne n'entre, Qu'ell' a des trenchaisons au ventre, Comme s'ell' vouloit accoucher. Monsteur ne fait rien que cracher, Touffer, emutir, & m'appelle, Ianne debout, de la chandelle, Hastez-vous & prenez un peu De ce fagot, faites du feu, Mettez ses deux tizons ensemble. La panure Ianne est là qui tremble Deuant deux charbons qu'elle attise Toute la nuiet en sa chemise, Pendant que Monfieur se pourmeine, Pendant que Monfieur prend haleine, Pendant ane ce gentil Monfieur Veut appaiser son mal de cour.

Maiftre Ichan.

Il y a trois houres entiures Que l'escaute iey les coleres De Ianne à toute houre qui bruit, Elle a eu quelque male-nuit Pour la colique de Mansiour : Nons pourrious bien disner par sour
Qu bien tard, puis qu'elle est en quinte,
Elle beura tentost sa pinte
A sin d'analler ce courroux.
Mais il sant parler bas & doux
Pour ouyr somme elle caquette,
Ianne parle tousiours seulette,
Redit tout, & ne celle rien,
Vrayment elle en contera bien,
Ianne est maintenant en ses gogues.

Janne.

Maifre & maifrefe fent fi regues
Et si siers, qu'ils ne ferevent pas
Pour me secourir vn seul pas:
L'vn me dit, sanne frette moy,
L'autre me dit, Approche toy
Et me haulse co trauessin,
Ianne apporte mey ce bassin,
Mon orge monde est-il fait?
Que l'on mette au frais mon suillet,
Mon lait d'amandes, qu'on le passe.
Et voyla comme ie trespasse
Cens mille fois toutes les nuits.

Maistre Iehan.

Ianne racento les ennuis Qu'elle a soufferts ceste nuitee De Madame, aussi mal traitee Aumoins de son mari grison Que parente de sa maison, Et sonme qui sait en sa race.

lanne.

Cela fait, is vait, it ttacafs, Cà & lò, puit me faut aller Au marchs, au retaur filer, Balier, faire la lexiue, Et ne trouue ny fonds ny riue
Ny le moyen de m'en tirer:
Encor me faut il endurer
Mille vergongnes sur le front
Que tous deux ensemble me font.
Puis ay-ie bien fait tout cela,
Il me faut suyure çà & là
Madame, & frotter haut & bas,
Me rompre mains, iambes & bras
A tourmenter vne escabelle,
Yn banc, vne table, vne escuelle,
A celle sin que son airain,
Son cuiure, son fer, son estain,
Reluise iusqu'au lamperon
Et iusqu'au cul du chauderon.

Maistre Iehan.

Ianne me donne des atteintes, Ie n'ofe faire mes complaintes, l'en sçay trop plus que ie ne veux · Elle en dit affez pour nous deux.

Ianne.

Hà Dieu que ne me fis-tu naifire Serue de quelque homme champefire, Ou de quelque bon laboureur Sans m'asseruir à ce Monsieur.

Maistre Iehan.

Ianne dit vray, l'affection
Luy fait plaindre la passion
Qui la tourmente, & sur mon ame
Sil me falloit ourdir sa trame,
l'aimerois mieux auec la peine
Ne manger que du son d'aueine,
Gardant les boucs & les brebis,
Et ne manger que du pain bis,
Que d'endurer dedans ces villes

Chofes indignes & feruiles, Et plus qu'on ne sçauroit penser : C'est toussours à recommencer.

Ianne.

Mais mon Dieu ie voy ma maißreße Qui renient deßa de la meße, Mon pot n'eß pas encore au feu : Ie m'en vay soußter peu à peu Ces trois charbons que i'ay par conte.

Maistre Ichan.

Ianne, fi sa quinte luy monte
Vous aurez tantost vn assaut.
Si me fache t'il bien qu'il faut
Si tost au Palais retourner
Trouuer Monsieur, sans desieuner
Ie ne puis plus long temps attendre,
L'appetit commence à me prendre.

SCENE II.

MADAME L'ADVOCATE, IANNE.

Madame l'Aduocate.

Ianne.

lanne.

Madame.

Madame l'Aduocate.

Ou'auons-nous

difner?

lanne.

Du lard & des chous, Vne andouille, & vn hochepot, Et le refle de ce gigot Pour faire vn hachis.

Madame l'Aduocate.

C'est astez.

Ianne.

Ianne.

Madame.

Madame l'Aduocate.

Kania Też Cefte cendre au feu qui se pert: Le pot est touflours descouvert, S'il bouft, & comuert s'il éscumé: Mais ie scay c'est vostre coustume, Iamais ne fistes autrement. Repliez cet accoustrement, Et reportez mon chaperon Pour represser. Quoy? ce chaudron Est-il bien là, & ceste escuelle, Cefte chaire, cefte escabelle? Que tu es paresseuse : brique Pay vne espingle qui me pique Inflement for be droit cope, Mon attiffet va de costé. He mon Dieu que ie suis mal faite! Ma verdugade s'ef defaite Pendant que l'estois à l'Eglise, Et si i'ay dessous ma chemise Dedans le dos ie ne sçay quoy: Ie te pry Ianne accoustre moy, Et me dy si hostre Antoinette Couue point quelque amour fecrette,

T'en at-elle iamais parlé?

lanne.

Ie ne Penffe pas tant celé,
Vous me cognoiffez bien, Madame,
Et puis ie ne fuis qu'vne femme
Vaiffeau percé de tous coftez :
Mais de vous mefmes éventez
Si auez quelque fentiment,
Si nostre homme fecretement
Luy fait l'amour, & fur ma foy
l'en ay conneu ie ne sçay quoy.

Madame l'Aduocate.

Ie n'en fuis que trop affeuree: Et qui me rend defesperee C'est cela, mais ie vondrois bien Trouuer quelque gentil moyen Pour m'en tirer.

lanne.

N'y penfez point.

Madame l'Aduocate.

Ie ne puis, car cela me point De si pres, que ie ne fais pas Ouurage, repos ny repas, Gent fois le iour que ie n'y fonge.

lanne.

C'est le vif-argent qui vous ronge, Es qui me fait toussours tancer : Et sans autrement y penser, Sus mon Dieu ie m'en suis dontée.

Madame l'Advocate.

Ha vieille carcaffe edentee,

Ie vous y prendray vieil resueur.

Ianne.

Vrayment c'est vn beau laboureur Pour trainer là ceste charrue.

Madame l'Aduocate.

Il n'y a femme en ceste rue
Plus malheureuse que ie suis:
Hà si restois: mais ie ne puis,
Ie vous les ferois bien porter
Puis que vous me voulez traiter
En ceste sorte.

Ianne.

Mais la fille Vous aime, puis elle est gentille : D'elle ie n'auray iamais peur.

Madame l'Aduocate.

Toutefois ie tiens pour le seur Et des yeux me l'a fait entendre, Que s'elle vouloit entreprendre Elle s'y porteroit si bien, Que iamais on n'en sçauroit rien. Car i'apperceu bien l'autre iour Que pour dissimuler l'amour Elle seroit assez finette.

Ianne.

Elle est mignarde, elle est saffrette, Fort bien apprise, & sur mon Dieu Elle doit estre de bon lieu Et noble, ou ie suis abusee.

Madame l'Aduocate.

S'elle steit un peu plus rusee,

Il n'y a fille dans Paris Qui trouuast plustost cent maris Qu'elle, s'elle en auoit befoin.

Ianne.

Elle est modeste, elle prend soin De son fait, bonne mesnagere.

Madame l'Aduocate.

Ie m'en vay trouuer ma commere A fin de defcharger mon caur, Ie n'en puis plus : & fi Monfieur Reuient du Palais, qu'on m'appelle. Mais Ianne foyez moy fidelle : Car ie veux matter ce vilain, Ie le feray mourir de faim, De foif & de mauuaise chere.

Janne.

Madame est bien en sa colere, Ie l'ay mise en son ver coquin. Mais ie ne sais rien ce matin Autre chose que babiller, S'il me saut-il tost habiller A disner pour nostre Monsieur: Par ma soy il n'est plus resueur Depuis qu'il denient amoureux, Il est gentil, doux, gracieux, Et n'y a parsum qu'il ne porte. Antoineste, anant que l'on sorte Descendez & dressez la table.

SCENE III. ANTOINETTE, IANNE.

, Antoinette.

Ne suis-ie pas bien miserable? Ne suis-ie pas bien fortunee? Ie pense que ie ne suis nee Que pour endurer du malheur! Si i'ay tant soit reu de bon-heur Qui me face esperer en mieux, Seulement en tournant les yeux Il me laisse & soudain s'enfuit : C'eft vn desaftre qui me suit Et qui iamais ne m'abandonne. Si l'ay Fortune qui me donne Quelque moyen de m'auancer, Ie ne sçay quoy sans y penser Se vient ietter à la trauerse, Qui brouille, tracaffe, & renuerse, Me tire & arrache des mains Le succés de tous mes dessains.

lanne.

Ceste fille est bien mal-traitee.

Mon Dieu quelle langue affetee,
Comme elle parle, elle dit d'or,
I'en voudrois bien sçauoir encor,
N'estoit qu'il me faut apprester
Nostre disner & le haster.
Ie m'en vay trouuer ma cuisine,
Mais i'ay peur que ceste cousine
Ceans n'attraine auecques soy,
Sans y penser, ie ne sçay quoy.
Mon cœur en fait mauuais presage,
Ie crains fort que ce cousinage

Ne vienne d'un autre costé. Ce beau Capitaine éuenté, Cousin germain de nostre maistre, La laissa en passant pour estre Auec Madame, pour sçauoir Et le seruice & le deuoir Que font les filles de maison.

Antoinette.

Pen auray touhours ma raison, Il m'aime, & sçay qu'il est de race De gens de bien, puis vne place Ne luy peut manquer chez le Roy: Aussi il m'a promis la foy Qu'il me prendroit en mariage: Ie l'ay trouué homme fi sage, Si tres-bon & fi tres-honnefte, Qu'ayant puissance sur ma teste, Iamais & non plus que sa sœur Ne me pressa de mon honneur: Vray est que bien fort volontiers A la surprise de Poitiers Ie me rendis sa prisonniere, Reconnoissant à sa maniere Qu'il estoit quelque homme de bien : Si ne sçait-il encores rien Du tout que i'aye esté nourrie Nonnain dans une moinerie Par l'espace de sept bons ans. Mais ie pers icy bien mon tems A discourir de ma fortune, Ce n'est pas ce qui m'importune Pour le present, c'est le souci Que i'ay de me tirer d'ici, Et de sçauoir toutes nouuelles. Mon Dieu s'elles estoyent cruelles, Et que l'on me dist qu'il est mort Au Haure en affaillant le fort,

Oue ferois-ta panure Anthoinetse! Tu demourrois ferne & sugette, Veufue d'amis & de secours! En ce monde ie n'ay recours De frere, de seur ny de mere. De me retirer chez mon pere Ayant delaiffé le couvent, Et puis change d'accoustrement, Ie serois fort bien arriuee: Il n'est pas de la reformee, Il me rennoiroit bien cher moy. De demenser écy, & quoy? D'un costé ie suis tourmance, Et de l'autre solicitee : Mon Dien! cont me vient à rebours, Ayde moy, su es mon socours, Mon fort, mon tout, mon esperance. Mais les! mon Dien Cheure s'anance, Et mog ie ne m'anance pas. l'enten Madame d'sci bas.

SCENE IIII.

MADAME L'ADVOCATE LA VOISINE.

Madame l'Aduocate.

Adieu voifine.

La Voifine.

Adieu mon cœur.

Madame l'Aduocate.

Ie sens venir nostre monsieur.

La Voifine.

Il porte le gand parfumé

Maintenant qu'il est allumé D'un feu qu'il ne sçauroit esteindre.

Madame l'Aduocate.

Qu'il a de peine à se contraindre Pour se faire de belle taille. Adieu, il faut que ie m'en aille, Ce sera pour vne autresois.

La Voisine.

S'ell' ne fait rendre les abbois A Monsieur, ie veux qu'on me tande: Il n'y a femme en tout le monde Qui se fasche plus aigrement: Ell' le rendra doux comme un gand, Et souple comme un marroquin: S'ell' ne luy met le brodequin De trauers, ie veux qu'on me pends La voifine est affer friende Pour luy dresser on bon appas, Et fi ne s'en doutera pas, Encor découurant l'entreprise, Elle est secrette & bien apprise Pour fort bien déguiser vn fait. Et s'il le galland contrefait L'amoureux, hà qu'elle est rusee Pour déuider vne fuzee, Et tirer dedans & dehors Le filet d'un fuzeau retors. Aussi ce n'est pas la façon Ou'vn vieillard face le garçon, Abusant la ieunesse tendre D'vne femme qui peut apprendre A faire tout ainfi que luy. Encor en la maison d'autruy Il y auroit quelque apparence, Mais de le faire en la presence De sa femme, & en sa maison

Il n'y a ryme ny raison. Puis Pendurer, l'aimerois mieux Cent fois qu'on me creuast les yeux, Et qu'on me brustast toute viue. Patten que nostre fils arriue, Il fait l'amour, ie le sçay bien. Mais ie croy que nous n'auons rien Pour disner, ie n'y pensois pas, Aussi ne luy faut-il grand cas, Il se paift de chose legere. Que Dieu pardoint à feu son pere, Il auoit ce bon naturel: Celuy de maistre Ichan n'est tel, Que ie voy venir droit à nous, Il ne peut plier les genoux Tant il est affoibli de faim, A le voir il a mieux besoin De disner cent sois que de rire. Maistre Iehan triomphe de dire, Mais c'est quand il a les piez chaudx, Ou qu'il a quelques vieux defaux A taxer contre sa partie. Maifre Iean dresse vne sortie.

SCENE V.

MAISTRE IEHAN.

Sur mon Dieu ie ne viens iamais
Tost ou tard de nostre Palais,
Que ie n'apporte la famine:
Ie croy que c'est là qu'elle assine
A tous les ongles & les dens,
Ouy sur mon Dieu c'est là dedans.
Que l'on s'assame, & qu'on pratique
A faire passer la colique
Et bien tost par l'ame d'vn sac.

Si vous auez dans l'estomac Quelque chose mal digeree, Euentez la mine alteree De quelque maigre chiquaneur, Il n'y a si grand mal de cœur, Ny de ventre, qui ne se passe: Ses yeux haues, ses mains, sa face, Son ventre & son foye d'aimant Cuisent l'or & le diamant: Ses paroles sont de sansues, Ses doigts de glus, ses mains crochues, Ce qu'il parle & ce qu'il soupire N'est rien qu'yn esprit qui attire, Et qui par son attrastion Fait suyure la digestion.

Ce sont caresses attrayantes, Ce ne sont qu'espines mordantes Qui font laisser le poil à tous, Il y a de l'aigre & du doux, Il y a du mol 🗢 du dur Dedans le sac d'un chiquaneur: Il est l'amorce & l'hameçon, Et vous vous estes son poisson: C'est l'ambre, vous estes la paille: C'est l'aymant, & vous la limaille De fer, ses mains sont des gluaux, Et vous, vous estes ses oyseaux: Nostre Palais est la pantiere, La glus, le rapeau, la filiere, Le ré saillant, le feu, la vois Où toute la France vne fois Tous les ans se prend au filet.

C'est là c'est là que le caquet Se vend aussi cher comme crème, Iamais le fourment ne s'y seme, Ny l'herbe, & en toutes saisons On y fauche, & fait on moissons. C'est là que naissent les minieres

D'or, d'argent, de toutes manieres Et toutes sortes de metaux: C'est là que coulent les ruisseaux Qui trainent l'areine dorce : C'est là qu'on prend à la pipee, En faisant consultation, Vne bonne succession. Les piliers, les bancs, & les portes, Bref tout y mord: là les peaux mortes Font mourir les hommes viuans. C'est là qu'on ronge à belles dens Cu de Poitou, on de Solongne, Toufours quelque vieille charongne. Aussi nostre Palais n'est beau Que pour escorcher une peau Et regratter yn parchemin, Si it traine mon escarpin Le long de ce paue glissant, Ie reuien soudain pallissant De faim, de soif, & de colere, C'est ce barreau qui nous altere, Et qui nous effime le flanc. Si ie frotte contre le banc De quelque Procurent nonneau Le petit bord de mon manteau, Me voila mis en appetit: Ou si ie demeure vn petit Debout en la chambre dorce, Me voila remis en curee Pour courir apres vn grand cerf. Sans plus me deplaift d'eftre serf A ce monsièur qui m'importune Iour & nuit changer de fortune, Et parle de me marier: Encores me dist-il hier, Si l'accepte ce mariage, Qu'il me fera grand advantage, Qu'il me donra ou vne office

De Sergens, on le benefice Qu'il tient de long temps en mon nom. L'ayant, qu'en feray-te sinon De bon argent pour me meubler? Hà si ie pouvois assembler Cinq ou fix cens escus ensemble, Ie serois riche ce me semble. Mais ce pendant ie disneray, Et en disnant i'y penseray. Ie suis las, il y a trois nuits Que sans me reposer le suis A faire l'extrait d'un procés En droit & matiere d'estcés, D'vn gentilhomme de Poitou: S'il vient i'en aaray fer ou clou, Quand il servit ferré à glace. Mais ce pendant le temps se paffe, Ie m'en vay prendre mon repas.

ACTE II.

SCENE I.

L'AMOVREVX.

Hà que celuy est malheureux
Autourdhuy, qui vit amoureux!
Amour porte tousours en croupe
Quelque malheur qui donne en poupe,
Pour elancer nostre vaisseau
Contre vn rocher ou dessous l'eau.
Amour porte tousours en queue
Quelque maladie inconnue,
C'est vn mal qu'on ne peut guarir,

Vn mal qu'on ne peut secourir En temps qui soit, le mal d'aimer Est vn mal qu'on ne peut charmer, Vn esprit qu'on ne peut contraindre, Vn malheur qu'on ne sçauroit peindre, Vn froid qu'on ne peut eschaufer, Vn feu qu'on ne peut eftouffer, C'est un tourment, c'est un erreur, Vn doux mal, vn plaisant malheur, A qui ius, drogue, ny racine Ne scauroit faire medecine. Amour est fertile de miel, Amour est fertile de fiel, Il iette le miel en la bouche, Le fiel iusques au cœur nous touche. Il porte le doux & l'amer : Amour est semblable à la mer, Qui douce & calme nous inuite, Puis nous tenant toute dépite Vomif & crache dessus nous Sa rage & son aigre courrous. Puis outre les maux de l'Amour I'ay vn tuteur qui nuict 🗢 iour Ne parle que de me pousser A ce barreau, de m'auancer: D'autre cofté i'ay vne mere Qui toufiours me dit, Feu ton pere Faisoit ceci, faisoit cela, Alloit deçà, alloit delà, Pour auoir pratique au Palais. Hà que Dieu luy pardoint, iamais Ne reuint en quelque saison La bourse vuide à la maison. Ce pendant, au lieu de goufter Le plaifir, il faut escouter Ces propos & ne dire rien: Ie sçay que nous auons du bien,

Mais quoy? quel bien si ie n'ay point

Moyen de me tenir en point? D'auoir la chemise froncee, Le collet, la cappe doublee De taffetas ou de satin. D'auoir la mulle, l'escarpin, Et quelque chausse de couleur, Quelque rubis, quelque faneur Pour donner à mon Antoinette, Dont le souvenir me sagette, Me trouble & m'altere le sang, Et me fait soupirer le flanc? Ce beau teint, ce front, cette face, Ce tetin, cette bonne grace, Ce parler accort, & ces yeux Me font devenir furieux. Et puis il faut que la Ieunesse Se rende serue à la rudesse Ou d'un pere, ou d'un precepteur, Ou d'une mere, ou d'un tateur. Paimerois mieux mourir cent fois Que me ranger dessous leurs lois, Et d'asseruir ma liberté, A leur grave seuerité: Et vous promets qu'yne partie Se fera à ma fantaifie Pour ce coup, & i'en seray creu. Ie ne voy rien & n'ay rien veu Au monde que ie paiffe suyure Qu'Antoinette, qui me fait viure, Destournant ses yeux doucement, Et puis mourir en yn moment, Aussi ie n'aime point ma vie, Sinon que pour la seule enuie Que i'ay de luy donner mon caur Pour humble & loyal seruiteur. l'auray tantost quelque nouvelle, Car i'ay laissé en sentinelle Potiron, à fin de la voir

Expressement, & de sçauoir De Ianne comme elle se porte. Iamais ne vient qu'il ne m'apporte L'esperance, ou le desespoir: Ie scay bien pourtant son vouloir, Seulement fi ce Capitaine Estoit mort, ie suis hors de peine, Ie seray choisi entre tous, l'abbatray aisément les coups Et de monsieur & de son clerc. I'oy Potiron, il parle cler, Il a quelque chose à me dire. Il vaut mieux que ie me retire Icy pour sçauoir le discours Et le secret de mes amours : Potiron est sur ses complaintes,

S'il ne me donne des atteintes Bien aigrement, ie veux mourir. Oyez, vous aurez du plaisir.

SCENE II.

POTIRON. L'AMOVREVX.

Potiron.

Hà que pleust à Dieu que mon maistre, Mon ienne adnocaceau, peuf eftre Vne fois aussi diligent Au Palais à gaigner argent, Pour bien y faire son deuoir, Qu'il est diligent de scauoir Des nounelles de sa maistresse. Luy ou moy nuit & iour sans ceffe Nous sommes ld, pour demander S'elle voudroit rien commander : C'est son estude, son barreau,

Son sac, ses pieces, son bureau, Bref il ne pense en autre chose. Dieu sçait fi Potiron repose, Et s'il a seulement loisir De boire un trais à son plaisir, Pendant que monfieur escarmouche A toutes heures cette mouche, Qui luy poinconne le cerueuu. S'il y a quelque cas nouveau, Toufiours quand le disner s'aprefle, Potiron, sus anant en quefic. Potiron il vous faut trotter. Potiron il faut euenter Soudain si la beste est en prise, Ou si c'est nouvelle entreprise Et qu'il faille courir expres, Potiron sus, allez apres, Cela n'est que mon ordinaire. Ce pendant ie ne puis tant faire Que venir à temps pour disner, Et ce n'estoit le desieuner, Voila Potiron bien crotté, Potiron aussi mal traitté Qu'vn vieil potiron au vinaigre.

L'Amoureux.

Potiron que tu seras maigre S'il faut viure en ceste façon.

Potiron.

Plustost serois aide à maçon Que de seruir oss langoureux, Ces aduocaceaux amoureux, Qui ne vendent que les sumees De leurs parolles parsumees.

L'Amoureux.

Voila comme ces paillardeaux, Ces petits coquins friandeausc Deuisent ordinairement
De leurs maistres publiquement,
Puis mettez là vostre segret:
Ie n'ay tant seulement regret
De luy auoir dit mon affaire.

Potiron.

Pay Potiron, il vous faut taire, Ie le voy bien là qui m'attend, Iamais n'aura ce qu'il pretend: Car il a trop forte partie.

SCENE III.

L'AMOVREVX. POTIRON.

L'Amoureux.

Et bien?

Potiron.

Elle n'est pas fortie, Monsieur estoit encore à table.

L'Amoureux.

Et Ianne?

Potiron.

Ianne secourable
De Potiron & de sa faim,
Aussi tost qu'elle a veu de loin
Potiron, la voyla plantee
Sur la porte toute atristee,
Elle nous en a bien conté.
Monseur n'est pas trop des gousté.

L'Amoureux.

Amoureux.

Potiron.

Mais de quelle sorte! Il n'y a faueur qu'il ne porte.

L'Amoureux.

Mais dy Potiron ie t'en prie.

Potiron.

Si ie le dis, sans menterie, Cela vous fera mal au cueur.

L'Amoureux.

Dy Potyron.

Potiron.

C'est ce resueur
Qui brasse quelque amour segrette,
Comme dit Ianne, à Antoinette,
Et voudroit bien trouuer manteau
Pour bien couurir le seu nouueau,
Qui sait allumer le tison
Es cendres de ce poil grison.
La pauurete mal asseuree
Est à demy desesperee:
Et pour l'auoir plus sinement
Il pratique segrettement
Maistre Iehan pour le marier.

L'Amoureux.

Ie sçay tout cela dés hyer. Ianne ne dit elle autre chose?

Potiron.

Elle en sçait bien, mais elle n'oze, Comme elle dit, le deceler : Puis on l'est venu demander, Ainst qu'elle parloit à moy.

L'Amoureux.
Va disner, mais depesche toy.

Potiron.

Et vrayment i'en ay bon besoin, I'enrage de soif & de saim, Mes boyaux ronstent de colere, Ils contresont la gibeciere De mon maistre, ils baillent tousiours.

L'Amoureux.

Si ie ne sçay tout le discours Que monsieur a fait en disnant, Ie seray toufiours attendant Deffus le sueil de nostre porte, Iusques à tant que Ianne sorte, Pour sçauoir d'elle, si ie suis Viuant ou si viure ie puis: C'est l'esperance de ma vie, C'est mon heur, c'est ma ialousse, Mon tout, mon ame, mon defir, Mon mil, ma grace, mon plaifir, Sans elle ie pourrois bien dire Qu'Amour exerce son empire De rigueur, d'ennuy, de mechef Maintenant sur mon passure chef. Sans elle ie serois en peine Nuit & iour à perte d'aleine, A force de trop soupirer: Ie ne sçaurois bien esperer Sans son aide, & sans son secours De mettre fin à mes amours. C'est ce monsieur, c'est ce brouillon Qui me veut donner l'éguillon, Affin de me mettre en martel. Hà mon Dien que tu es cruel, Amour, & que tes mains cruelles Font sur moy de playes nouvelles! Au moins quelquefois pren soucy De moy, & me prens à mercy, Ou me fay perdre la memoire

De ses years, de sa dent d'iuoire, De la belle & blonde crespine De ses cheueux, de sa poitrine, De sa taille, de son tetin, De sa bouche qui sent le thym Quand elle a les leures décloses: Des lis, des aillets, & des roses Qui seurissent dessus son sein: De son front, de sa blanche main, De sa douceur & de sa grace, Qui toutes ces beautez essace.

Pren donc pitié de mon malheur, Et donne trèue à ma douleur, Amour, & relasche à ma peine. S'il disoit que ce Capitaine Son cousin fust mort à l'assaut. Ce que pleuft à Dieu, il ne faut Que cela seulement aduienne, Si n'ay-ie pas peur qu'il reuienne, Au moins s'il est en assaillant Aussi braue & aussi vaillant Que ie l'ay veu estant à table. Mais que fay-ie icy miserable! Il vant mieux que ie me retire Dedans nostre sallette, & dire A Potiron, qu'il vienne preft. Et qu'il pour suyue l'interest De moy & de ma pauure vie, Que i'ay maintenant affernie Pour vne beaute languissant Chez ce monsieur à vingt pour cent. Potiron.

Potiron.

Monfieur.

L'Amoureux.

Sus auant

Que l'on se tienne icy denant,

Remy Belleau. - 11.

25

Pour espier qui va, qui vient, Qui sort, qui entre, & s'il aduient Que Ianne sorte, qu'on m'appelle.

Potiron.

Ie ne suis plus que sentinelle, Ie ne sçay plus autre mestier: Potiron dedans son cartier A aussi bien porté les armes Pendant qu'on donnoit les allarmes, Qu'homme qui fust dedans Paris. Potiron tout vestu de gris, Ouy Potiron faisoit le braue Dans la cuifine ou dans la caue: Là dedans est mon lit d'honneur. C'est là que ie veux que mon cœur, Ma sallade & ma vicille espec Soyent mis & pendus en trophee. Mais il me faut parler pian pian, Car voyla Ianne & mai fre Iehan Qui sortent, c'est à moy d'attendre Ce qu'ils diront, & de l'apprendre. Il sera tombé de l'orage, Ianne est morne & trifte en visage. Ces yeux rouges, ce poil rebours Font iuger qu'il y a trois iours Qu'elle n'a mangé que moutarde: Ell' n'a point la mine gaillarde, Il y a quelque malencontre.

SCENE IIII.

MAISTRE IEHAN. IANNE. POTIRON.

Maistre Ichan.

Et vrayment son visage monstre Qu'elle a son beguin à l'enuers : Quelque chose va de trauers Qui luy trouble la fantaisse.

Ianne.

Ce n'est rien qu'vne ialousie Qui luy altere le cerueau.

Maistre Iehan.

Son mal va bien outre la peau, Il luy touche iusques au cœur.

Ianne.

Aussi il falloit que Monsieur Luy donnast les occasions De la mettre en ces passions.

Maistre Iehan.

Il y a anguille sous roche:
Aussi tost que monsieur approche
D'elle, à sin de la caresser,
Madame vient le repousser
Si sierement que c'est merueille.
S'elle n'a la puce en l'oreille
Ie veus mourir presentement.
Ianne dit vray, ce seul tourment
Luy seroit perdre la ceruelle.

Ianne.

Ie sçay bien comme elle chancelle Et de la langue & de l'esprit, Quand' elle oit seulement le bruit D'vn voisin, ou d'vne voisine, Qui porte moudre sa farine Ailleurs que dedans sa maison.

Maistre Ichan.

A propos voyla Potiron.

Potiron.

Tous deux vous en contex de belles.

Et bien dites moy des nouvelles, Qui a il? maistre Iehan sçait tout, C'est maistre Iehan qui tient le bout, Qui nous fait perdre la partie. Et bien, madame est anertie Du fait de monsieur, est-ce tout? I'ay entendu de bout en bout Vos propos.

Maistre Iehan.

Ce sont de tes ruses.

Ianne.

Potiron n'a iamais d'excuses, Potiron parle librement.

Potiron.

C'est la façon de maintenant, Le secle & la saison le porte, Chacun en dit, chacun rapporte Cela mesme qu'il ne sçait pas: Mentir m'espargne mille pas, Mille courses, mille couruees, Sans les mensonges controuuees Mon escarpin deuiendroit tel Qu'vn mouuement perpetuel, le serois tousours en haleine: Et puis il n'y a point de peine Au service d'vn amoureux!

Maistre Ichan.

Potiron que tu es heureux Si tu le sçauois bien connoistre!

Potiron.

Ie voudrois t'auoir veu yn maistre De ceruelle comme le mien, Pour auoir cet heur & ce bien. Mais Ianne vous estes resuesse, Hà vrayment vous estes faschause.

lanne.

Vous ne faites que lanterner, Perdre temps, & balliuerner: Mais que voulez vous que ie die?

Maistre Ieban.

Potiron, cette maladie Ne la tourmente pas souvent.

Potiron.

Parbien, c'est quelque manuais vent Qui l'a frappee ce matin, Et l'a mise en son auertin.

Maistre Iehan.

Potiron, tréues de colere,
Laissons là Ianne. Quelle chere
Ce pendant que Monsieur contoit
Du Haure pris, & qu'il vantoit
L'heureuse & vaillante ieunesse
De nostre Roy, & la sagesse
Et l'heur de la Royne sa mere,
Lors qu'il disoit que la main stere
Et le cueur braue du François
Auoit mis & chasse l'Anglois
Hors des limites de la France:
Aussi tost Madame commence
Feignant de ne l'entendre pas,
A parler haut, à parler bas,
Puis iette les yeux contre terre.

Potiron.

Maistre Iehan parle de la guerre Ainsi que de son parchemin, Maistre Iean a l'esprit mutin.

Ianne.

Hà Potiron laiffe-le dire.

Maistre Ichan. Si Monsieur auoit faim de rire, Aussi tost elle rougissoit, Aussi tost elle pallissoit.

lanne.

Madame est en son pelisson, Non, iamais en ceste saçon Ne la vey descontenancee.

Potiron.

Ianne en dira sa ratelee.

Maistre Iehan.

Monsteur est semblable à celuy Qui laboure le champ d'autruy, Et laisse là le sten en friche: C'est ainsi que l'on denient riche.

lanne.

Hà vrayment il a bonne grace, C'est pour luy ceste soupe grasse, Il s'en peut bien torcher le bec.

Maistre Ichan.

Ianne, son moulin est trop sec Pour y mouldre ceste farine.

Potiron.

C'est pour sa bouche qu'on l'assine, Et pour le metre en appetit.

Ianne.

Potiron parlons vn petit Plus bas, il est en la sallette.

Potiron.

l'ay peur que ceste amour secrette Ne se brasse pour maistre Iean.

Maistre Ichan.

Pour moy?

Potiron.

Quy pour vous.

Maistre Iehan.

Han han han

Ie serois acheué de peindre.

Potiron.

Si Monsieur vous vouloit contraindre De l'espouser.

Maistre Iehan.

Moy, & pourquoy? Elle est trop mignarde pour moy, Elle est de trop bonne maison.

Potiron.

Mais la liberté du grison Sera de luy donner carriere.

Maistre Iehan.

Il s'en peut bien tirer arriere, Ce n'est pas pour vn tel monteur, Ce n'est pas pour vn tel picqueur Vrayment que la lice est dressee.

Ianne.

Sa monture est trop harasee, Il peut bien s'essayer ailleurs.

Maistre Iehan.

Il n'est pas du rang des plus seurs.

Potiron.

La lance à Monfieur est gauchere Pour tirer droit à la visiere.

Ianne.

Ce n'est pas son fait de courir.

Maistre Ichan.

Ie voudrois bien le secourir.

lanne.

Ouy pour appaiser sa furie.

Potiron.

Ianne a ferui à l'escurie, Elle en parle assez proprement.

Ianne.

C'a donc esté en escurant Mon chaudron dedans la cuisine.

Maistre Iehan.

Mais i'oy Monfieur qui se mutine, Ie vais acheuer mon extrait.

Potiron.

Et moy ie m'en vais boire vn trait, Car nous iourons vne premiere A toutes reftes de colere Tantost mon aduocat & moy.

Ianne.

Adien tous deux.

Maistre Ichan.

Adieu, ie voy Antoinette qui fe defrobe Auec Madame au garderobe.

Ianne.

Adieu, ie vais à mon mesnage.

Maistre Iehan.

Nous en parlerons danantage.

Potiron.

Adieu.

Maistre Ichan. Coste nossiselle trane Mettra insque à la haute game Cet aduocat, ce fait le touche.

SCENE V.

POTIRON.

Ie m'en vay bien ietter la mouche Au cerueau de mon amoureux: A ce coup il est malheureux, Il peut bien quitter la partie, Ie m'en vay luy mettre l'ortie Et l'éguillon dessous le flanc. C'est à luy à quitter le ranc, Pen ay descourert Pembuscade, Et s'il ne se donne de garde On lay fera vn manuais tour, C'est un ennemy que l'Amour, Ce monfieur a cent vieilles ruses, Cent convertures, cent excuses Pour ruiner ce ieune sot. Mais si ie ne luy disois mot De tout cela que i'ay appris Ce seroit pour le rendre épris Et surpris toufiours dauantage, Ce seroit allumer sa rage Et le rendre plus furieux Que iamais, pourtant il vaut mieux Dire tout & ne celer rien. Car quand de moy il sçaura bien Qu'on luy voudra ietter la poudre En l'ail, il se pourra resoudre Et reprendre le frein aux dens: Il ne faut à ces ieunes gens Qu'vne heure pour les faire sages, Puis il dira que les orages

Ne viennent iamais que de moy. Si diray-ie tout par ma foy, C'est œuure de misericorde De luy donner eschelle & corde Pour le tirer hors de prison, Ou fureur surmonte raison, Et seule y commande la rage. Potiron est deuenu sage, Il philosophe maintenant: Il a repris son sentiment En beunant, la digestion Fait fumeuse operation Dedans sa petite ceruelle. Mais ie vay dire la nounelle A mon advocat qui m'attend, Il est sans cour, s'il ne se pend Et s'il n'a maintenant ennie. D'honorer sa melancolie De quelque bien-heureuse mort, Plustost que d'endarer ce tort.

ACTE III.

SCENE I.

MONSIEVR L'ADVOCAT.

Vrayment il falloit bien qu'Amour Vint informer sur le retour Et sur le decours de ma vie De mon fait, se faisant partie Si aigrement encontre moy: Toutefois ce plaisant émoy,

Or que ie sois vieil & cassé, Me fait souuenir du passé, Et me remet en l'allegresse Où i'estois lors que la ieunesse En la plus gentille saison Versoit l'amoureuse poison, Qui les cueurs doucement en flame D'vne belle & gentille flame. Mais s'il me plonge en cet accés Ie crains de perdre mon procés, Or que i'entende la matiere: Car l'ay oublié la maniere D'intenter en ces astions. Ie n'ay griefs ny saluations, Factons, responsifs, ny repliques, Ie fourniray trop de dupliques: Mais pour conclure en cet endroit Ie n'ay pour soustenir mon droit, Encor que l'euse le bureau, Iamais la faueur du barreau Ne sera pour moy, la ieunesse Ne fait iamais pour la vieillesse, Amour n'est point pour les vieillars: Toutefois ce sont des hasars, Amour est oyseau de passage. Car las! aussi tost que nostre age Se rend de l'hiuer compagnon, Ausi toft s'enuolle mignon Haut à l'essort, car sa nature Ne peut endurer la froidure, La vieillesse point ne luy plaist: Toutefois point ne me déplaist Qu'il m'affaille pour m'éprouuer, Connoissant qu'on ne peut trouuer Viande au monde plus exquise, Plus delicate, & plus requise, Et qui mieux retienne son miel, Son goust, sa saumure, & son sel,

Qu'Amour en son aigreur extrême: Il fait sa sance de luymesme Et luymesme porte son ius, Son sucre, son sel, son verius: C'est vne douce confiture. S'il a quelque chose trop dure A digerer il l'adoucift, Il l'enaignife, il la farcife De sucre dous & d'herbes fines: Si l'on y troune des espines Il les couure si finement Qu'on les avalle doucemens: Et bref ie croy que rien ne plaist Au monde fi l'Amour n'y eft, C'est luy c'est luy qui fait esprandre Remnant une vieille cendre, La glace au plus fort de l'hiuer, Et le feu mesme congeler. De moy i'en fay l'experience: Car des le temps que ie commence A le mester en mon breunage, Encores que le poil 🗢 l'Age Me bannissent de ce plaisir. Ie me sens toutefois saisir Le cœur d'une ieune allegresse, Ie ne sens rien de la vieillesse, Mes membres sont gaillards & forts. . Ie n'ay rien dessus tout mon corps Qui me face monfirer caduque, Que la dent noire & la perruque Et des fillons dessus le front, Qui vieillard & ride me font: Au refte ie suis fort gaillard, Pay le parfum, le gand mignard, L'escarpin, la chausse coupee, La gibeciere bien houpee, La robe faise à haut collet, Le clerc, le laquais, le mules:

Bref ce que i'ay veu me desplaire Auiourdhuy commence à me plaire, Rien plus trifte & fascheux ne m'est Et rien sur tout ne me desplaist Que la colere violente D'yne femme qui me tourmente, Qu'vn ail qui m'espie & m'aguette, Qu'vne langue qui me sagette, Qu'vn regard hagard & ialoux, Qu'vn visage plein de courroux D'une femme qui vit pour moy Cent fois plus que ie ne voudroy: Si faut-il pourtant que ie face Ou par finesse ou par menace, Par surprise, ou par action Qu'ell' passe condemnation. Hà que ie la voy eschaufee, Encor qu'elle soit mal coiffee Si me faut-il la caresser: Mais s'elle denoit trespasser, Si faut-il pourtant qu'elle endure, Si la pillule estoit plus dure Qu'acier, si faut-il l'aualer. Vrayment le temps s'en va troubler, La Lune est fort rouge en visage, Ce vermillon est un presage Qu'il courra quelque mannais vent. Il yaut mieux aller au deuant Pour l'appaiser s'il est possible, C'est verser l'eau dedans un crible, Et pescher les poissons en l'ær, C'est courir les cerfs dans la mer De vouloir tirer cefte beste De l'amble qu'elle a dans sa teste.

SCENE II.

MADAME L'ADVOCATE. MONSIEVR L'ADVOCAT

Madame l'Aduocate.

Ie vous en feray bien mouller.

Monfieur l'Aduocat.

Et bien où voulez-vous aller

Mon miel, ma douceur, ma careffe?

Madame l'Aduocate.

Ton fiel, ta rigueur, ta destresse, Ie sçay bien dont ie suis venue, Ie ne suis point st peu connue Et st n'ay point st peu de bien, Que l'on ne me reçoiue bien, l'ay de bons parens Dieu merci.

Monsieur l'Aduocat.

Ils ne font pas de loing d'icy.

Madame l'Aduocate.

A moy qui suis de bon lignage, Et ma foy d'autre parentage Et de meilleure part que vous.

Monfieur l'Aduocat.

Tout beau, Madame, parlez doux.

Madame l'Aduocate.

Allez faites vostre mesnage, Ie n'ay proposé dauantage De demeurer auecques vous.

Monsieur l'Aduocat.

Vous serez tousiours en courroux,
Il y a ia semaine entiere

Que vous tenez vostre colere, Et si vous ne sçauez pourquoy.

Madame l'Aduocate.

Pourquoy mercy Dieu? ie le voy Et iour & nuiel deuant mes yeux.

Monfieur l'Aduocat.

Ce ne sont que des envieux Qui vous donnent vn faux entendre.

Madame l'Aduocate.

Non non ie n'en veux plus apprendre, Hé i'en sçay trop de la moitié.

Monsieur l'Aduocat.

Ou c'est nouvelle inimitié, Ou quelque banarde secrette Vous a dit que l'aime Antoinette: Et vous, vous aimez les menteurs, Les flagorneurs, les rapporteurs, Gela eft vostre naturel. Il n'est pas vray, ie ne suis tel Et ne voudrois l'auoir pensé, Et si ie me suis auancé Quelquefois de parler à elle, De la prendre par sous l'esselle, De luy voir enfler le teton, Paffer la main sous le menton, C'a esté en vostre presence. Mais du depuis que ie commence A me tenir vn peu en point, D'estre gaillard, ne crier point, Le soupçon & la ialousie Vous ont troublé la fantaifie.

Madame l'Aduocate.
Rien ne me trouble finon vous

Men ne me trouble finon vous Qui me plongez en ce courroux, Et m'eschausez cette colere. Monfieur l'Aduocat.

Venez approchez ma commere, Et parlons doucement ensemble.

' Madame l'Aduocate.

Doucement?

Monfieur l'Aduocat.

Voyez, il me semble Que tous deux auons Dieu mercy Du bien assez, & sans soucy Que nous poumons viure aisément.

Madame l'Aduocate.

Est-ce là le bon traitement? Est-ce l'amour & la donceur, La courtoisie, & la faneur, Que vous promisses de me faire?

Monfieur l'Aduocat.

C'est grand cas, ie ne vous puis plaire, Tout ce que ie fay vous desplaist.

Madame l'Aduocate.

Ce que vous faites ne me plaist, Et m'en donnez l'occasion.

Monfieur l'Aduocat.

Auez-vous eu affection
De collet, de drap, ou d'anneau,
De cotillon ou de manteau
Bandé de velours alentour,
Ou de quelque toile d'atour,
De chaisnes, de bracelets d'or,
Ou de quelque autre chose encor,
Que n'ayez eu argent en main,
Pour l'acheter aussi soudain?

Madame l'Aduocate.

Ie ne m'en fuis mescontentes.

Monsieur l'Aduocat.

Quoy donc? estes vous mal traittee?

Madame l'Aduocate.

Vous sçauez bien ce qu'il me faut, Et pourquoy ie parle si haut Maintenant.

Monsieur l'Aduocat.

Or pour y mettre ordre, Et pour ne voir plus ce defordre, Sans qu'il y ait cause ou raison. De troubler l'eau de la maison, Il faut que vous serviez de mere A Antoinette, & moy de pere, Et bref il nous la faut pouruoir, A sin que n'ayez de la voir Occasion, ny moy aussi.

Mais tirons nous vn peu d'icy: Car s'il ne tient qu'à vous baiser, Vrayment ie vous veux appaiser.

Madame l'Aduocate.

Le baiser ne m'appaise point, Monsieur, Monsieur ce n'est le point Qui m'esguillonne le costé.

Monfieur l'Aduocat.

Vostre mal est plus haut monté.

Madame l'Aduocate.

Entrons, la porte n'est pas close.

Monsieur l'Aduocat.

Ce pendant gardez quelque chosé Pour crier & tancer demain, Ie vous veux dire le dessain, Et le rétraintis que l'apreste, Pour guerir vostre mal de teste.

Remy Belleau. — II.

SCENE III.

L'AMOVREVX. POTIRON.

L'Amoureux.

Tu les as veus?

Potiron.

Ie les ay veus.

L'Amoureux.

Tous deus ensemble?

Potiron.

Ouy tous deus.

L'Amoureux.

Tu sçais bien tout ce qu'ils ont dit?

Potiron.

Ouy, ie sçay tout ce qu'ils ont dit.

L'Amoureux.

Quoy? que monfieur aime Antoinette?

Potiron.

Ouy, que monfieur aime Antoinette.

L'Amoureux.

Et qu'il pratique maistre Iehan?

Potiron.

Ouy, qu'il pratique maistre Iehan.

L'Amoureux.

Pour brasser quelque mariage?

Potiron.

Pour braffer quelque mariage.

L'Amoureux.

Et que madame le sçait bien?

Potiron.

Et que madame le sçait bien, le vous l'ay ia dit tant de fois: Et si vous auez droits, ou loix, Ou defenses pour l'empescher, Monsieur, il vous faut depescher.

L'Amoureux.

Mais auant que rien entreprendre, Potiron, il te faut attendre Icy, fi tu verras sortir Ianne, à fin de m'en aduertir: Ie meurs d'vne ialouse enuie De scauoir ma mort ou ma vie. I'ay madame & Ianne pour moy, D'Antoinette ie scay pe crquoy Elle n'accordera iamais D'espouser vn Clerc du Palais: Toutesois ce traistre Lutin Est fi meschant, est fi tressin, Qu'il me donra vn croc en iambe, Si de sortune ie n'eniambe A grands pas dessus sortires.

Potiron.

Si les toiles font bien dreffees, Pespere de suyure à la traffe La beste en prise, que ie chasse, Et mettray monsieur en defaut.

L'Amoureux.

Potiron, c'est ainst qu'il faut Prendre force, cueur & courage.

Potiron.

Si ie ne romps le mariage, Baste.

L'Amoureux.

Potiron, ie descouure Ce bel amoureux, qui entrouure La porte pour sortir dehors.

Potiron.

Rentrez & faites vos effors.

L'Amoureux.

Ie m'en vais.

Potiron.

Allez de par Dieu, Car ie voy monfieur en ce lieu, Et madame qui sort apres: Ie les espiray de si pres Que ie vous mettray hors de peine.

SCENE IIII.

MONSIEVR L'ADVOCAT.
MADAME L'ADVOCATE. POTIRON.

Monsieur l'Aduocat.

Ie sçay bien que ce Capitaine
Mon cousin, qui me la laissa,
Ne viendra iamais pardeça:
Il est mort, & par sa vaillance.
Vn soldat de sa connoissance
Retourné tout nouuellement,
Me le conta dernierement:
Ie ne l'ay voulu auancer
Si tost, de peur de l'offenser.
« Aussi la nouuelle fascheuse
« Ne peut estre trop paresseuse.

Madame l'Aduocate. Que la fille en sera marrie! Monsieur l'Aduocat.

C'est la breche & la batterie Par où nostre malheur se passe.

Potiron.

Il ne dit mot que ie donnasse Pour vn escu d'or & de pois : Mais il faut retenir ma vois, Ils n'ont point les aureilles sourdes. S'ils ne se donnent point de bourdes, A ce coup mon maistre est heureux.

Madame l'Aduocate. C'est un mestier tres-dangereux Que la guerre, à ce que ie voy.

Potiron.

C'est pour vn autre que pour moy.

Monfieur l'Aduocat.

Et si m'asseura pour le seur Qu'estant couché derriere vn mur Dessus le ventre en embuscade, Il suruint vne canonnade Droit par dessus vn rauelin, Qui prend le mur & le cousin, Et les emporta peste-meste Hachez menus comme la gresse.

Madame l'Aduocate.

Ie vous promets que c'est dommage.

Potiron.

Mon maistre a gaigné l'auantage Sur la partie pour ce coup.

Monfieur l'Aduocat.

Mais nous tardons icy beaucoup. Le iour s'en va, conclufion Pour vous tirer d'opinion, Il nous la faut pouruoir, m'amie.

Madame l'Aduocate.

Ie n'en seray iamais marrie.

Monsieur l'Aduocat.

Puis ce n'est que charge aussi bien, Es si c'est par nostre moyen Qu'ell' se marie, & qu'on luy donne Vn bon present, c'est belle aumonne, Rien mieux employé ne peut estre: Puis elle est pour le reconnoistre Or' qu'elle soit de pauure lieu.

Madame l'Aduocate.

Comment? vous sçauez tout le ieu De ce cousin qui l'enleua.

Monfieur l'Aduocat.

Ie fçay bien comme tout en va, Elle est toutefois de nature Aussi douce que creature Qui soit au monde.

Madame l'Aduocate.

On a toufiours
Sur l'âge affaire du secours,
A toute heure, de ieunes gens.

Monsieur l'Aduocat.
Que vous en semble t'il, ma femme?

Madame l'Aduocate.

Mais que ceste nouvelle trame Ne m'ourdisse nouveau martel, I'en suis d'aduis, il n'est rien tel Qu'en descharger nostre mesnage Par l'accord d'yn beau mariage.

Monsieur l'Aduocat. Ie l'ay desia bien commencé. Madame l'Aduocate.

Mais encore, à qui?

Monfieur l'Aduocat.

I'ay pensé
Que maistre Ian estoit son cas.
Il y a cinq cens aduocas
Au palais, qui ne sçauroyent faire
Ce qu'il fait: Il sçait bien extraire,
Dresser appointemens en droit,
A la barre, hé il plaideroit:
Maistre Ian est gentil garçon,
Maistre Ian a bonne façon,
Maistre Ian est sin & accort,
Maistre Ian n'est pas vn brin sot:
Et bref maistre Ian sans enuie
Gaignera aussi bien sa vie
Que solliciteur du palais.

Madame l'Aduocate.

Puis vous ne l'oublirez iamais, Il nous a fait trop de seruice.

Monfieur l'Aduocat.

Puis ie le mettray en office Ou de Clerc du Greffe, ou d'Huissier.

Madame l'Aduocate.

Il ne sçait que trop ce mestier.

Monsieur l'Aduocat.

Est-ce bien dit? que vous en semble?

Madame l'Aduocate.

S'ils font bien mariez ensemble l'espere qu'ils feront du fruit:
La fille est bonne & a bon bruit,
La fille est douce & gracieuse,
Elle n'est siere ny fascheuse,
La fille n'est pas vn brin sotte:

Ie crains qu'elle soit huguenotte Seulement, car elle est modeste, En parolles chaste & honneste, Et tousiours sa bouche ou son cœur Pensent ou parlent du seigneur, l'ay peur qu'ils ne s'accordent pas.

Monsieur l'Aduocat.

Hé tout cela n'est pas grand cas, Sçachez seulement son vouloir.

Madame l'Aduocate.

Iy vais, & feray tout deuoir De sçauoir bien secretement Qui elle est, & quoy, & comment.

Monfieur l'Aduocat.

N'en faites ia trop grande enqueste, Vous luy pourriez mettre en la teste Ie ne Sçay quoy pour la fascher.

Madame l'Aduocate.

Vrayment ie ne veux empescher Quant à moy, vne œuure st sainte.

Monfieur l'Aduocat.

Allez, ie vay donner Patteinte A mon Clerc Suyuant ce deffain.

Madame l'Aduocate.

Auiourdhuy plustost que demain Nous les accorderons ensemble.

Monsieur l'Aduocat.

N'ay-ie pas mis ma befle à l'amble Doucement & jans la forcer? Il faut seulement amorcer Vn peu cefle befle farouche D'vn petit mors dedans la bouche, Pour la tourner à toutes mains. Ie vais acheuer mes dessains: I'en auray, ou faudray à traire.

SCENE V.

POTIRON, IANNE.

Potiron.

Ie suis alteré de me taire. Voila Ianne. Et bien est-ce fait?

lanne.

Potiron, vous estes du guet, Tu peux bien redire à ton maistre De point en point ce que peut estre: Tu l'as entendu comme moy.

Potiron.

Ce capitaine est mort: mais quoy?

Ianne.

Ce coup a coupé l'esguillette, Et rompu du tout la buchette : D'esperance ie n'en ay plus.

Potiron.

Mais mon Dieu! comme ce perclus, Ce vieux refueur, ce mitoüin A contrefait le patelin.

Ianne.

Il l'a si bien mitouinee Et si bien empatelinee Qu'il a fait ce qu'il a voulu.

Potiron.

Et quoy? Ianne,.

lanne.

Ils ont refolu Faire auiourdhuy le mariage.

Potiron.

Autourdhuy?

Ianne.

Voire, i'en enrage Et si i'en créue de despit : Cela se fera sans respit.

Potiron.

Voyci mon malheur ou mon bien,

Lanne.

Potiron, ils nous oiront bien: Va t'en & chemine tout beau.

Potiron.

Encor tiennent-ils l'escheueau Pour desmester leur entreprise.

Ianne.

Gardons-nous de quelque surprise.

Potiron.

Quelque chose que Ianne die La toile n'est pas mal ourdie: Si ceste nouvelle poursuite Auiourdhuy ne se precipite, Posteray mon aduocaceau D'entre la pierre & le couteau, Et mettray le tout à bon port: S'il dit vray, ceste belle mort Doit apporter & vie & grace A mon aduocat qui trespasse Pauurement, & qui meurt ainst Que meurt vn amoureux transt Sous la rigueur d'vne maistresse.

Mais ie vay luy donner addreffe, Pour expedier promptement Le fouhait qu'il defire tant.

ACTE IIII.

SCENE I.

ANTOINETTE.

Entre les malheurs le malheur Que plus ie craignois en mon cœur M'eft aduenu, malencontreuse, Pauure, chetifue, malheureuse, Et fortunee que ie suis! Rien plus esperer ie ne puis, Puis que mort & malauanture Mont dérobé la creature Au monde que l'aimois le plus, En qui l'auois mis le surplus Pour iamais de mon esperance, En qui i'auois toute affeurance, En qui i'auois mis mon espoir, Mon fouhait, mon tout, mon anoir, Et seul à qui i'auois enuie De donner mon cœur & ma vie. Mais que feray-ie maintenant Sinon de prier humblement Le Seigneur de me secourir, Si que ie ne puisse encourir Ny mal, ny honte, ny diffame? Monsteur l'aduocat, & madame, Me pressent de me marier.

Le ieune homme me fait prier D'attendre quelques iours encore, Ie scay qu'il m'aime, & qu'il honore Sur toutes choses la Vertu, Mais auant qu'il ait combatu Son tuteur, son oncle & sa mere, Et les parens de feu son pere A celle fin d'y consentir, Il n'en pourra iamais sortir: Puis on m'a dit ie ne scay quoy, Qu'il avoit ia promis la foy A vne ieune damoiselle, Et qu'il plaide pour l'amour d'elle, Et sy croy mesme que monsieur En doit estre soliciteur: Cela seul m'en a destournee De confesser dont ie suis nee Ie sçay bien que secretement Madame m'a voulu tenter, Et à fin de la contenter, Pay dit que i'estois orfeline Fille d'un fatteur de marine, Qui estoit natif de Poitiers, Et qu'il y a dix ans entiers Qu'il estoit mort en un voyage. Et sans me forcer dauantage S'est contentee, & croy de peur De me fascher, elle a bon cæur, Seulement elle m'a price Si ie veux estre mariee, Ie ne refuse le parti Que monsieur m'auoit assorti, Me promettant bon auantage Si l'accepte le mariage. Pay dit que l'auois arresté De suyure en tout leur volonté, Et faire ce qui leur plairoit. Maistre Iehan n'est pas mal-adroit,

Il est doux, & si a l'addresse En ce qu'il fait, puis la noblesse Autourd'huy n'est que pauureté Ie ne puis viure en liberté, En liberté de conscience Mieux qu'à Paris, la patience Sera mon espoir & mon bien. Puis ne pouuant esperer rien De ma maison, que puis-ie mieux Sinon de m'estongner de ceux Qui ne me voudroyent recognoistre? Possible le temps fera naistre Quelque nounelle occasion, Pour nous mettre en possession Du bien que nous n'esperons point. Mais voyci Ianne tout à point, Ell' me dira tout le secret.

SCENE II.

IANNE. ANTOINETTE.
MADAME L'ADVOCATE.

Ianne.

Ie n'ay tant seulement regret Que de nostre pauure amoureux: Mais ie croy que ces langoureux Ont oublié tout en vn iour.

Antoinette.

Ianne, vous parlez de l'amour. Qu'y a t'il?

lanne

Vous m'en donnez bien, Comme fi vous n'en sçauiez rien : Vous serez aziourdhuy fiancee, Et demain matin espousee A nostre Clerc, qui ne le scait.
Mais laissez moy faire mon fait,
l'ay de la besongne taillee,
Et n'ay point d'esguille ensilee.
Il me faut aller achepter
Des viandes, pour apprester
A souper pour vos stançailles.

Antoinette.

Et quoy?

lanne.

Deux perdrix & deux cailles, Vn connil, quelques hutaudeaux, Cardes, oranges, pigeonneaux, Si l'en puis trouuer à bon pris Desfous la porte de Paris.

Antoinette.

Allez Ianne, & marchandez bien, Mais à fin qu'il ne manque rien, Acheptez pour l'amour de moy Outre cela ie ne sçay quoy, Voila vn escu que ie donne, Mais ne le dites à personne.

Ianne.

C'est donc le meilleur de le prendre : Qui veut gaigner il faut despendre, De là vient vostre honnesteté, I'enten ceste ciuilité. Mais qu'on se coisse & qu'on se mire.

Antoinette.

Et bien Ianne vous voulez rire.

Ianne.

Allez, vous me ferez tancer, Alles donc pour vous aiancer, Et pour vous faire vn peu iolie. Antoinette.

Madame est toute ramollie, Monsieur l'a remise en son sens, Ie m'en vais.

lanne.

Adieu ie pers temps.

Ianne seule.

Mon Dieu que ie plains ce repas, Pauure fille qui ne scait pas Que ceste liberalité
Se fait pour la commodité
Que monsteur espere en auoir:
Et madame qui peut scauoir
Ce qu'il bastit en son cerueau,
Donne le drap & le cizeau,
Rour se tailler vne cornette.
Toutesois l'estime Antoinette
Tant sage & tant fille de bien,
Qu'en sin ce monsteur n'aura rien
De ce qu'il pretend, le meches
Qu'il forge, cherra sur son ches.

Madame l'Aduocate.

Ianne.

Ianne.

Madame.

Madame l'Aduocate.

Et allez donc : Pour babiller ie ne veis onc Femme au monde qui vous resemble.

lanne.

Pay cent mille affaires ensemble.

Madame l'Aduocate.

Rien ne sert de vous excuser.

lanne.

Il ne faut iamais reposer.

Madame l'Aduocate.

Elle caquette toute seule, C'est vn claquet, c'est vne meule D'vn moulin qui tourne tousours.

SCENE III.

MADAME L'ADVOCATE. LA VOISINE.

Madame l'Aduocate.

Toutes les heures me font iours Si ie ne voy nostre voisine: Mais ie la voy qu'elle chemine Droit icy, & fort à propos, Non ie n'auray iamais repos, Si ie ne dis entierement Comme s'est fait l'appointement Entre mon bon mari & moy. Et bien voisine?

La Voisine.

Et bien, mais quoy?

Madame l'Aduocate.

Vous ne sçauez pas des nouuelles? Il y a tréues eternelles.

La Voisine.

Comment? qui a fait cest accord Si tost?

Madame l'Aduocate.

Asseuré de la mort Du capitaine son coufin, Puis voyant le malheur voifin Qui luy tomboit dessus la teste, Pour m'oster le martel, arreste D'accorder ce soir Antoinette Auec son Clerc, c'est chose faitte, Nous l'auons ainst resolu.

La Voisine.

Mais pour le seur, est-il conclu? Madame l'Aduocate.

Tout conclu.

La Voisine.

Pen crains vne fin.

Madame l'Aduocate.

Comment?

La Voisine.

Monsteur est caut & fin, Gardez bien qu'vne vieille ruze Sur la fin du ieu vous abuse:
Toutefois il est sage & vieux, Et croy qu'il fait tout pour le mieux.

Madame l'Aduocate.

Quant à moy ie le pense ainsi : Et vous commere?

La Voisine.

Et moy aussi.

Madame l'Aduocate.

Bref au pis aller ie conclus

Lors que ie ne la verray plus,

Et qu'elle sera retiree

En son mesnage & mariee,

Poste au moins les occasions

De mes ialouses passions.

Ce que ie voy me passionne.

En mon absence qu'il garsonne

Et face tout ce qu'il voudra:

Si ie l'apperçoy, il faudra

Qu'il ait bon pié & bonne main,

Remy Belleau. - 11.

27

Si ie prens vne fois le frain Que ie ne le mette à raifon, Et ne luy fais perdre l'arçon.

La Voisine.

C'est donc ce soir?

Madame l'Aduocate.

Que vaut l'attendre?

La Voifine.

C'est bien fait, il faut tousiours prendre Ces vieux resueurs tout promptement: Car ils changent en vn moment Et de fait & de volonté.

Madame l'Aduocate.

Si est il pourtant acresté : Ianne fait desia la cuisine. Mais n'y faillez pas ma voisine, Mais ie vous pry ny faillez pas.

La Voisine.

l'iray.

Madame l'Aduocate.

Nous n'auons pas grand cas, Nous n'auons que nostre ordinaire.

La Voifine.

Ie vous pry, que voudriez-vous faire? Quoy que vous faut-il?

Madame l'Aduocate.

Nous risons

Mangeant ce peu que nous aurons, Et vous conteray l'auantage Que monfieur donne en mariage A mai stre Iehan.

La Voifine.

Cela va bien.

Madame l'Aduocate.
Voifine, mais n'apportez rien,

Pour ce soir nous anons affez.

La Voisine.

Bien bien: mais commere pensez Que ie me doutois de l'affaire. l'ay veu nostre sils se deplaire Tout ce iour, il n'a point disné: Potiron l'en a destourné
De ne sçay quoy qu'il luy a dit. Il est fascheus, triste, depit, Et quant à moy ie suis fort aise, Encor que le fait luy déplaise. Mais le temps luy fera passer Bien tost cest amoureux penser, Auant trois mois il l'oublira: Lors possible il estudira Mieux qu'il n'a fait le temps passé.

Madame l'Aduocate.

Quant à ce point il est cassé, Il peut bien ailleurs se pourvoir En amours, & quant au vouloir De la fille, ie sçay qu'elle aime, Mais elle sçait bien que la treme N'est pas pour ourdir cette toile. Commere, nous y gaignons tous, Faisant pour moy, i'ay fait pour vous, Pensez que vostre sils n'eust peu Se marier sans vostre sceu.

La Voisine.

Il est tant leger à promettre.

Madame l'Aduocate.

Encore il vous pouuoit remettre, Comme il a fait, en desarroy.

La Voifine.

Ha commere, vous dites vray. Encor n'en est-il pas dehors.

Madame l'Aduocate.

Dieu foit loué, puis que i'en fors A mon honneur à cette fois. A Dieu Commere ie m'en vois, A Dieu il est temps que ie forte, Ie voy monsieur à nostre porte, Qui m'attend, venez de bonne heure Ce soir.

La Voisine. Piray, ie vous affeure Sans mentir.

Madame l'Aduocate.

Mais ne faillez pas D'amener vostre filz, Commere, Plustost oublira sa colere Voyant son malheur deuant luy, Que de l'entendre par autruy.

SCENE IIII.

MONS. L'ADVOCAT. MAD. L'ADVOCATE.

Monsieur l'Aduocat.

Il me tarde qu'il ne soit nuits,
De peur que le malheur qui suit
Pas à pas la bonne fortune,
A son arriuer n'importune
De quelque fascheux deplaisir
Les douceurs de nostre plaisir.
Mon Dieu quel trouble, quel' allarme,
Maintenant si nostre gendarme
Arriuoit disspos & gaillard!
Puis ie crains ce petit paillard
Potiron, il est sin & caut,
Et sçait trop bien comment il faut

Assaisonner vn bon broüet:
Il mettra mon Clerc au roüet
S'il peut, il n'a sens ny memoire,
Il est assez fol de le croire,
A cela il n'est point retif.
Et puis l'amour est inventif
A guerir soudain les vlceres,
Qui proviennent de ses coleres:
Il a ses emplastres tous prests,
Le basme & l'onquent tout expres
Pour reioindre ce qu'il entame.
Mais voicy arriver ma femme,
M'auroit elle bien entendu?
Ie m'en vay, c'est trop attendu.

Madame l'Aduocate.

Mais que dittes vous, mon amy ?

Monfieur l'Aduocat.

Ie ne sçay, ie suis endormy, Ie suis tout malfait.

Madame l'Aduocate.

Si faut-il

Rire ce soir, estre gentil, Nous aurons bonne compagnee Pour sestoyer nostre accordee, Si faut-il se mettre en pourpoint.

Monsieur l'Aduocat.

Nos voisins y viendront-ils point?

Madame l'Aduocate.

Eux? ils n'ont garde d'y faillir

Monfieur l'Aduocat.

Ce pendant ie vais affaillir Vn gros procés, & le happer Au poil, attendant le fouper : Et vous, ma femme, donnez ordre Qu'on ne face point de defordre, Et que noßre souper soit preß De bonne heure, & ce qui y eß Soit serui bien & nettement, De broche en bouche chaudement.

Madame l'Aduocate.

Ly vais, & si feray si bien, En tout qu'il n'y manquera rien.

SCENE V.

MADAME L'ADVOCATE, IANNE,

Madame l'Aduocate.

Ianne,

Ianne.

Madame.

Madame l'Aduocate.

Approchez-vous.

Ianne.

Vous me debauchez à tous coups.

Madame l'Aduocate.

La viande est-elle lardee? La volaille est-elle amandee?

Ianne.

Tout est si cher que c'est pitié, Tout est enchery de moitié: Ie ne vey iamais si cher tems, Et croyez que les pauures gens Cest hyuer auront bien à faire.

Madame l'Aduocate.

Ianne, parlons de nostre affaire,

Le temps nous pourroit bien tromper. Il vous faut haster le souper Ianne, & ne parlez d'autre chose.

Ianne.

Laissez donc ceste porte close, Et vous en allez hors d'icy: Allez, n'ayez point de souci, Ie vous pry, ie feray bien tout, Et si i'en viendray bien à bout Dieu aidant, & me laissez faire.

Madame l'Aduocate.

C'est donc le plus court de me taire, Il faut laisser Ianne seulette: Pendant ie vay voir Antoinette Et maistre Ian, qui font l'amour. Ie croy que c'est le premier iour Qu'ils parlerent iamais ensemble.

SCENE VI.

L'AMOVREVX. POTIRON.

L'Amoureux.

L'Homme, quand il naist en ce monde, Est comme vn dessain que lon fonde Pour faire vn bastiment nouueau:
Quand il est parfait, riche & beau, Vn chacun de sa grace belle Prend le portrait, prend le modelle, Pour en desrober la façon.
Puis l'architecte & le maçon En tirent prosit & louange:
Mais si vn locatif s'y range,
Mauuais mesnager, mal-songneux, Salle, sans cœur, ord, paresseux,

Le mur, le toiet, le feneftrage Se sent de son manuais mesnage: Ou il prend coup, ou se dement, Ou perd sa grace en vn moment: Vn vent se leue, vne tempefte, Qui rompt la tuille, abbat le feste, Puis la paresse du monsieur Laisse les cheurons & le mur Au vent, à l'air sans couuerture : Survient vne eau, vne froidure Qui pourrist lates, enfesteaux, Poultres, trauerses, soliueaux : Et ainsi peu à peu se mine, A la fin tombant en ruine. Ainfi le bon pere qui sert D'ouvrier, de maçon, & qui fait La muraille & les fondemens, Et le plancher à ses enfans : Les fait songneusement instruire, Les fait marchans, les fait escrire, Bref il en fait vn bastiment Pour exemple & pour ornement, Sans espargner ny chaulx, ny sable, Pour rendre la muraille stable. Mais quand ce maçon n'y est plus, Tout se gafte & devient reclus, Tout s'y pourrist, la nonchalance Le fait tomber en decadance. Ie le sçay : car durant le temps Que la puissance des parens Me tenoit en obeissance, Ie donnoy bien telle esperance De moy, que l'estois le premier Des plus gentils de mon quartier. Mais depuis que ceste tempeste Amour a plu dessus ma teste, Depuis que l'orage & le vent Ont corrompu ce bastiment

Et qu'Amour s'en est fait le maistre, Il n'y a plus moyen d'y estre, Il pleut par tout, deuant derriere: Ie ne suis plus qu'vne goutiere, Tout est pourry, tout s'en va choir, Et n'y a ordre d'y pouruoir Qui ne voudroit pour me refaire Dessus le premier exemplaire, Me rebastir tout de nouueau: Ie n'attens plus que le cordeau Pour donner tréues à ma peine. Voici Potiron hors d'haleine, Qui a til?

Potiron.

Il faudroit foncer Dix efcus pour vous annoncer Le vray fegret & la nouuelle Qui vous tire de la cordelle Du bourreau, qui vous tyrannife.

L'Amoureux.

Quoy? y a til quelque surprise, Ou quelque bon secours pour moy?

Potiron.

Fort bon.

L'Amoureux.

Ie te promés ma foy Tu auras vn accoustrement. Mais dy doncques.

Potiron.

Tout promtement

Ie sçay que nostre capitaine Est bien mort, c'est chose certaine.

L'Amoureux.

Il est mort. Potiron va, brasse, Taille, recous quelque fallace, Pour rompre & pour troubler la feste Du mariage qui s'appreste.

Va, & dy qu'elle m'a promis,

Asseure qu'vn de tes amis

Auiourdhuy mesme s'est fait fort

Que le gendarme n'est pas mort,

Et qu'il sera tost de retour.

Si nous pouvons passer ce iour

Pour empescher, ou pour attendre,

La sièure ne me peut reprendre

Estant guery de cet accés.

Potiron.

Ainfi gaingne t'on fon procés,
Il faut gaingner madamoyfelle
Ou bien d'vne robbe nouuelle,
Ou d'vne chaifne, ou d'vn anneau,
A fin d'eftre fur le bureau:
Pratiquer vn folliciteur,
Et furborner vn Rapporteur
De quelque chofe de grand pris.

L'Amoureux.

Mon Dieu que tu es mal appris!
Il n'eß pas temps de rencontrer,
Maintenant il faut inuenter
Quelque chose bonne pour moy,
Quelque moyen, ie ne sçay quoy.
Dy plußoß qu'elle eß mon espouse.

Potiron.

Il ne faut que cette ventouse Dessus la nuque du vieillart, Pour esteindre le seu qui l'ard: Sans plus ie crains l'aigre colere Et l'auertin de vostre mere, Elle creuera de dépit.

L'Amoureux.

Pendant i'auray quelque repit

Pour donner ordre à mon affaire.

Potiron.

Adieu monsieur, laissez moy faire: Parbleu ie m'en vais brouiller tout.

L'Amoureux.

Va, Ianne tiendra bien le bout, Elle est assez sine & rusee, Pour deuider cette susee.

ACTE V.

SCENE I.

IANNE.

LE CAPITAINE. BERNARD SON VALET.

Le Capitaine.

Ie hay ces ames casanieres, Ie hay ces ames buissonnieres, Ces soldats qui le plus souuent N'osent mettre la teste au vent Pour trouuer la bonne fortune. La guerre est une mer commune Pour s'enrichir en vn moment : Il ne faut qu'yn abordement, Vn sac, vn de, vne ruine, Vn trouble, vn affaut, vne mine: Il ne faut qu'vne guerre encor En France, pour se faire d'or, Vn viel curé, vn riche moine, Vn bon abbé, vn bon chanoine, Ou quelque prieur bien nourry Pour decouurir le pot pourry. Bernard.

Bernard.

Monfieur.

Le Capitaine.

N'es tu point las?

Bernard.

Parbieu ie n'ay iambe ny bras Qui ne perde force & vigueur, Ie n'en puis plus, mais vous monsieur?

Le Capitaine.

Pay fait autresfois de grans traittes, L'ay dressé embusches segrettes, Pay fait de approches de nuit, L'ay fait cent fois, oyant le bruit Du tabourin, la sentinelle, Pay miné, sappé, fait eschelle, Et pour acquerir quelque nom Pay fait à gorge de canon A l'ennemy cent camisades, l'ay donné cent harquebusades, Cent fois i'ay couru au defaut D'vn bataillon, ou d'vn affaut, Cent fois i'ay donné des allarmes, Pay mille fois porté les armes Trente fix heures sans dormir, Pay fait trembler, i'ay fait fremir Cent fois l'ennemy en campagne: Et en Piémont & en Espagne, Trois fois combatu en camp clos, Mille fois perdu le repos, Mille fois couché sur la dure, A l'air, au chaud, à la froidure : Mais ie n'eu iamais tant de mal Fust à pié ou fust à cheual, Que i'ay eu pour gaigner Paris.

Bernard.

Vos amours ne seront marris

De vous voir en bonne santé. Monfieur, tranchon de ce costé, le vois porte & fanestre ensemble De vostre cousin, ce me semble.

Le Capitaine.

Bernard.

Bernard .

Monfieur.

Le Capitaine.

Approche toy.

Bernard.

Que voulez vous?

Le Capitaine.

Viença dy moy, Que te semble de l'entreprise?

Bernard.

Si la ville n'eust esté prise, Et si Dieu n'eust esté François, Ie ne fais doute que l'Anglois N'eust forgé & mis en ballance Les Angelots en nostre France, Ainst qu'il a fait autrefois.

Le Capitaine.

Viença, Bernard, depuis trois mois Combien monte nostre butin?

Bernard.

Monfieur vous n'estes point mutin Pour entrer premier à la breche. Ie ne suis qu'vne pique seche, Mais ie suis tousiours des premiers, Si lon me trouue des derniers Parbieu ie veux que l'on me berne.

Ouy pour aller à la tauerne. Banard,

Bernard.

Ouy dea cela s'entend,
Mais pour estre braue ou vaillant
Vous n'estes point heureux en terre,
Allez sur mer, puisque la guerre
Ne vous peut en rien secourir.

Le Capitaine.

Viue Poitiers pour s'enrichir.

Bernard.

Il vous en souvient Capitaine.

Le Capitaine.

Nous y tirasmes bien la laine.

Bernard.

Ouy bien la gresse & la toison Du troupeau de la grand maison.

Le Capitaine.

Deux mille escus furent mon gain.

Bernard.

Vous ne contez pas la nonnain Que laissasses en ceste ville.

Le Capitaine.

Qu'elle est belle & qu'elle est gentille! Mais elle est vn peu huguenotte.

Bernard.

Ie croy pourtant que sous la cotte Elle est de chair ainst que nous, Vous le sçauez.

Vous tairez-vous

Bernard?

Bernard.

Il le faut bien celer.

Le Capitaine.

Ie vous defens bien d'en parler.

Bernard.

Il ne faut ia me le defendre.

Le Capitaine.

Tu sçais bien que i'ay fait entendre Qu'elle estoit de mon parentage.

Bernard.

Mais s'on brassoit vn mariage Sans vostre sceu?

Le Capitaine.

On n'oferoit.

Bernard.

Non dea! Et qui l'empescheroit?

Le Capitaine.

Moy parbieu.

Bernard.

Comment? les Abesses, Les servantes & les prosesses De vingt & cinq ans le sont bien.

Le Capitaine.

Eft-il vray?

Bernard.

Ha cela n'est rien, Vrayment on fait bien autre chose.

Paix-là Bernard, la bouche close, Nous en dirons vne autre fois Librement entre deux parois: Ie te pry voy tant seulement, Si la chausse & Paccoustrement, Et le fourreau de mon espee Et mon escharpe bien houpee Sont bien en point, à celle sin Que ie salue mon cousin Et luy face la reuerence.

Bernard.

C'est là que dort vostre esperance Antoinette vostre souci.

Le Capitaine.

Mais ie pense que c'est icy Bernard.

Bernard.

Vous estes à la porte. v-ie?

Frapperay-ie?

Le Capitaine.

De quelle sorte Ie suis amy de la maison.

Bernard.

Parbieu ie sens la venaison, l'ay le nez comme vn way limier: On fait sestin, c'est mon mestier De sçauoir si la broche tourne: Et vrayment si ie m'en retourne Sans souper, ie veux qu'on me pende.

Le Capitaine.

Frappe frappe, que l'on t'entende.

Ianne.

Qu'est-ce là qui frappe si fort?

Amis, Ianne.

Ianne.

Vous auez tort.

Le Capitaine.

Ianne, ouurez, c'est le Capitaine. Ie fuis né pour vous faire peine, Tousiours l'auez ainsi conneu.

lanne.

Le Capitaine est-il venu?
Comment? on nous l'auoit fait mort.

Le Capitaine.

Ha parbieu l'on me faisoit tort, le n'y pensay onc en ma vie. Mais viença, Ianne ie te prie, Va t'il bien à nostre Antoinette?

Ianne.

Monfieur, entrez en la sallette, Vous la trouuerez bien en point. Vrayment monfieur n'esperoit point, Ny elle, de iamais auoir Ce bon heur que de vous reuoir. Entrez, on se va mettre à table.

SCENE II.

IANNE.

Vray Dieu vray Dieu quelle messee! Vrayment la feste est bien troublee, Le brouët est bien respandu, Si ay-ie pourtant despendu

Remy Belleau. - Il.

Trois francs pour le moins en viande, Sera pour festoyer la bande Et bien veigner nostre cousin: Pleus à Dieu que nostre voisin Fust aduerti de l'auanture. Hà maistre Ian vostre monture Ne sera pas pour ce moulin. Et vous resueur vieux gobelin, Vous pouvez bien cercher à paistre, Puisque le musnier & le maistre Ce beau coufin eft de retour. Antoinette viue l'Amour, A ce coup vous serez ramee, Encor que soyez reformee: Cela passe legerement. Ouy, ouy, le simple accoustrement, L'ail trifte & la face baissee, La coifure mal agencee, Coune bien vne affection, Coune bien vne passion De la chair qui nous époinçonne, Mais n'y a-il icy personne Qui puisse entendre mon propos? Il faut que lanne entre les pos Parle de reformation: La nouuelle religion A tant fait que les chambrieres, Les sauetiers & les tripieres En disputent publiquement: Ianne en parle affez librement. Mais Potiron est-il Prophette! Il auoit dit à Antoinette Tout maintenant, qu'il scanoit bien, Et si croy qu'il n'en sçauoit rien, Que c'estoit une chose vaine De croire que ce Capitaine Fust mort, & par ce faux langage Vouloit troubler ce mariage;

Et de fait, il auoit tant fait, Que tout eftoit presque defait. Bref nostre monsieur est infame, Maistre Ian demeure sans fame, Pctiron gaigne son proces, Madame est hors de son accés: L'amoureux est dessus les erres De pouuoir tirer hors des serres, Et des pinces de ce hobreau Les plumes de ce ieune oyseau, A fin de se mettre en cuifine. Ie voudrois que cefte coufine Vrayment & ce gentil coufin, Fussent bien loin en Limofin, Ou en chemin de la Floride. Il faut bien que monsieur preside A toutes ces responses fieres. Mais pour refroidir leurs coleres Ils ne mangeront rien que froid, Le souper se gaste, & faudrois Tout maintenant se mettre à table.

SCENE III.

LE GENTILHOMME DE POICTOV. IANNE

Le Gentilhomme.

Ha que celuy vit miserable
Qui a procés: c'est vn grand cas,
Aussi tost que ces Aduocas
Nous ont empietez vne fois,
Il nous sont rendre les abbois.
Ceste gent sarouche & rebourse,
Tire l'esprit de nostre bourse
Subsilement par les sumees

De leurs parolles parfumees: Puis nous chasse à l'extremité Des bornes de la pauureté. Hà que ie hay ces mangereaux, Ces chiquaneurs procuraceaux: Hà que ie hay ceste vermine, La seule & presente ruine, Et le mal commun de la France. Mais quoy? creuer, ou patience. Il y a seulement vingt ans Que ie suis de ces pour suyuans Qui bayent apres vn arrest: l'eusse bien gaigné l'interest Au double de mon action, Si quelque condemnation M'en eust tiré premierement. Mais quoy? ils sont tous de serment De n'estranger point le gibier, Ny les pigeons du colombier.

Mais du depuis que ie traffique Auecque messieurs, & pratique Aux despens de ma pauure vie Comme le Palais se manie, Pay bien connu que la Faueur Est le rampart d'un bon plaideur, Et pourtant gentille Deeffe Faueur, c'est à toy que l'addresse Mon procés, mon sac & mes quilles: Car mes raisons sont inutiles, Mon bien, ma peine & mon labeur, Sans ton secours, gente Faueur. C'est à toy, Faueur, que ie donne Mon bien, mes vaux, & ma personne, Sans toy ie n'espere iamais De voir la fin de mon procés. Sans toy ie n'ay plus d'esperance, Sans toy ie pers la patience: Car c'est toy qui tiens auiourdhuy

Nostre bien & celuy d'autruy : C'est toy qui traites la instice, L'eglise, la court, la police: C'est toy qui donnes les arrests, Les honneurs & les interests, C'est toy qui cours, & qui entame, Qui gaignes le cour de madame. Ou d'une chaisne ou d'un bassin, Qu d'une piece de satin, A fin d'auoir vne audiance: C'est toy qui soustiens la ballance Et qui donnes le contrepois Des ordonnances & des loix. Bref, c'est toy gentille Faueur, Qui d'un maquereau & hableur, D'vn sot, d'vn bouffon, d'vn plaisant Fais vn monsteur le sustifant, Oui d'une humeur outrecuides Et d'une langue marchandee Feroit rougir les mieux appris : C'est toy qui emportes le pris Dessus les vertus de ce monde, Et pourtant en toy ie me fonde, Et pense que ces iours passés, Tu auras vuidé mon procés: Car ie t'ay porté des chandelles. Pen sçauray tantost des nouuelles, Car ie vais chez mon rapporteur, Pour en sçauoir : si l'ay cest heur, Pauray gaigné auec l'attente Sept ou huit cens liures de rente, Sans les despens qui m'escherront. S'ils sont taxez, ils monteront A grans deniers, ie le sçay bien : Mais ce pendant ie ne fais rien, Et s'en va tard, or pour ce soir Il suffit faire le deuoir, Et faire entendre seulement,

En suyuani l'advertissement
De la lettre que i'ay receue,
L'heure & le temps de ma venue:
A sin qu'il entende la traitte
En moins de trois iours que i'ay faitte
De Poistiers, où est ma maison.
Puis s'il se trouve venaison,
Demain ie luy en porteray:
Ie sçai bien que i'en trouveray,
A Paris tout pour de l'argent.
Il vaut mieux frapper hardiment,
Voicy la porte.

Ianne.

Qui eft là?

Le Gentilhomme.

Ouurez mamie, ouurez, hola.

Ianne.

Ie ne veis iamais tant de gens.

Le Gentilhomme.

Dites, Monsieur est-il ceans? Ie luy veux donner le bon soir.

lanne.

Entrez.

Le Gentilhomme.

Il sera de me voir Bien fort aise, ie m'en asseure.

Ianne.

Vous arrivez à la bonne heure, Il est prest de se mettre à table, Entrez. Hà pauure miserable, Pauure plaideur mal-aduisé! Pensez comme il sera traitté Maintenant de nostre monsieur, Il est en son grand creuecœur: Vrayment il pouuoit bien attendre Iusques à demain pour entendre Des nouuelles de son procés, Il Pa surpris en son accès, Et son clerc en sa chaude colle. Mais mon Dieu, ne suis-ie pas folle De muser si long temps icy, Mon roft se gaste, & pais voicy Maistre Iehan qui souffle & soupire, Par ma foy i'ai tant faim de rire Que se n'ose pas l'accoster, Pource il vaut mieux me retirer Secrettement en ma cuifine: Car ie voy ceste bonne mine De Potiron, qui luy tiendra Compagnie, & qui l'attendra, Mais pour se mocquer seulement.

SCENE IIII.

POTIRON. MAISTRE IEHAN.

Potiron.

Et bien maistre Iehan, quoy? comment Vous va, monsieur le marié?

Maistre Iehan.

Parbieu ie suis bien allie! Ha vertu bieu du mariage.

Potiron.

Qui a t'il?

Maistre Iehan.

Ha par bieu i'enrage, Ie meurs & creue de despit.

Potiron.

Quoy? n'y a-t'il point de respit Pour passer ceste chaude allarme?

Maistre Iehan.

Comment? c'est ce vaillant gendarme Ce braue soldat de Piémont Qui tranche là du Rodomont: Et diriez oyant son langage Qu'on luy a fait vn grand outrage D'auoir eschangé le vouloir D'Antoinette, & de la pouruoir.

Potiron.

Parbieu monsieur vaut bien madame.

Maistre Iehan.

Ie n'ay que faire d'une femme, l'en trouue trop pour de l'argent.

Potiron.

Mais quoy? cela n'est pas vrgent Pour refuser si bon parti.

Maistre Ichan.

Vrayment ie serois bien sorti.
Comment? la petite affetee
Est là deuant ses yeux plantee,
Sans faire semblant de sçauoir
Qui ie suis, & diriez à voir
Sa contenance & grace bonne,
Qu'ell' ne conneut iamais personne.

Potiron.

Rusee & ingrate vrayment, Qui celes le bon traitement, Que tous ensemble t'auons fait.

Maistre Iehan.

Monsieur est là qui contrefait

Au coin de nostre cheminee, Vne vieille idole enfumee, Tout trans & tout esperdu, Et diriez qu'il est descendu Soudain quelque esclat de tonnerre, Qui l'a mis & rué par terre.

Potiron.

Et mon bon maistre que fait-il?

Maistre Iehan.

Il est gaillard, il est gentil, Et me semble qu'il soit bien aise De ce trouble & de mon mal-aise.

Potiron.

Ouy, comme s'il y pretendoit Quelque interest, ou s'il auoit Enuie de se marier.

Maistre-Iehan.

Tu sçais bien qu'il m'a fait prier Par toy mesme de me distraire De ne poursuyure cest affaire, Et de cercher autre parti.

Potiron.

Ouy bien, mais il fut aduerti Que vous faisiez l'opiniátre. Mais quoy? se veulent-ils combatre Là dedans? dites maistre Iehan.

Maistre Iehan.

Ie meurs de destresse & d'ahan.

Potiron.

Et de madame quelle chere?

Maistre Iehan.

Madame est là, qui de colere Ou de yeur, n'ose dire mot.

Potiron.

Et ce bragard, ce maistre sot Se courrouce & fait là le braue?

Maistre Ichan.

Ny sa colere ny sa baue Par bieu ne m'espouuente en rien.

Potiron.

Maistre Ian il vous orra bien.

Maistre Iehan.

Ie ne le crains ny mort ny vif, Ie n'ay pas le cœur fi craintif, Or que ie n'ais que l'escritoire, Que l'aye peur de sa colere : Son vallet l'a batu cent fois.

Potiron.

Mais où allez-vous?

Maistre Iehan.

Ie m'en vois.

Potiron.

Quoy? n'entrer d'auiourd'huy leans?

Maistre Iehan.

Il fait le maistre là dedans, Et diriez à voir baguollet Que monsieur n'est que son vallet, Et madame sa chambriere. Adieu.

Potiron.

Mais tréues de colere, Ma foy vous attendrez vn peu.

Maistre Ichan.

Non feray, ie quitte le ieu.

Potiron.

Mais vrayment il est impossible Que tout ne se face paisible, Par quelque bon appointement Qui surviendra soudainement Sans y penser, il s'en va tard.

Maistre Iehan.

Quant à moy i'en quitte ma part Ie m'en vais, ie n'y veux point estre.

Potiron.

Paix maistre Iehan, voicy mon maistre, Qui nous dira toutes nouuelles. Vrayment vrayment elles sont telles Qu'il les desire, ie le voy: Son marcher porte ne sçay quoy De gaillard, ie le connois bien.

SCENE V.

L'AMOVREVX. POTIRON. MAISTRE IEHAN.

L'Amoureux.

Quoy? y a-til homme en ce monde
Qui viue plus heureux que moy,
Ny plus content auiourdhuy? quoy?
Les dieux m'ont donné ce me semble
Tant d'heur & tant de bien ensemble
Que ie me peux bien contenter
De ma fortune, & me vanter
Que i'ay conquis presque de rien
Cent sois plus d'heur & plus de bien
Que ie n'eus oncques d'esperance.

Potiron.

Quelle nounelle efiouissance?

Quoy? qu'y a-til?

L'Amoureux.

Ha Potiron, Seul tu m'as donné l'esperon Pour galopper ceste entreprise.

Potiron.

Mais quoy? la beste est-elle prise?

L'Amoureux.

Mais toy? Scais-tu comme ie suis Tant heureux que dire ne puis L'aise que i'ay dedans mon cœur? Scais tu bien que tu es l'autheur, Et le seul moyen de ma vie?

Maistre Ichan.

La querelle est-elle finie?
Dites ie vous supply, Monsieur?

L'Amoureux.

Maiste Iehan ie suis le seigneur Et le mary à Antoinette.

Potiron.

Comment.

L'Amoureux.

Tu as esté profette.

Maistre Ichan.

Est-il vray?

L'Amoureux.

Comme il n'est qu'vn dieu.

Potiron.

Ie ne puis entendre le ieu Si ne parlez plus clairement.

L'Amoureux.

Faut entendre premierement Pour bien sçauoir tout le fait, comme Tout maintenant vn gentilhomme De Poistou, est venu leans.

Potiron.

Ie l'ay veu n'y a pas long temps Ainfi qu'il frappoit à la porte.

Maistre Iehan.

Vous m'estonnez de telle sorte Que ie ne sçay presque où i'en suis.

L'Amoureux.

Aussi c'est un vray songe.

Potiron.

Et puis.

L'Amoureux.

Comme il parloit de son affaire A monsieur l'Aduocat, pour faire Taxer les despens d'un procez Qu'il a gaigné ces iours passez, De bien huist cens liures de rente.

Potiron.

Cela n'a raison apparante Qui en rien touche nostre fait : Vous resuez.

L'Amoureux.

Si tost qu'il eut fait, Il veit & contemple la grace D'Antoinette, ses yeux, sa face, sa taille, ses mains, & ses dois : Et la regardant à deux fois La remarque d'vne brusteure Qu'elle a sur l'æil, lors il asseure

Apres s'estre bien enquesté
Du Capitaine, & éventé
Tout le fait : que ceste Antoinette
Estoit sa fille, & la pauvrette
Soudain commence à resentir
Le vray sang qui ne peut mentir,
Blesmit, rougit, & le bon pere
A peine à peine se modere
De se pasmer en la baisant.

Maistre Iehan.

S'il est vray ce qu'il va disant, C'est bien le cas le plus estrange, C'est bien le plus nouuel eschange Qui iamais sut dit ny pensé.

Potiron.

C'est bien le mieux encommencé
Pour agencer bien proprement
Le plus vray semblable argument,
De la meilleure comedie
Que ie vis oncques en ma vie.
Mais dites comme elle est combee
Entre les mains de ce soldard?

L'Amoureux.

Ce bon pere, ce bon vieillard,
Voyant trop griefuement chargee
Sa maison de trop de maignee,
Mist sa fille en religion
Pour y faire profession
Comme elle a fait depuis sept ans.
Mais depuis que ce fascheux temps
A mis en nostre pauure France
Et le trouble & la violance:
Depuis que ce monde nouueau
A changé de poil & de peau,
Qu'vn d'homme de bien, & qu'vn certes
Ont rendu nos villes desertes.

Ceste fille à ce premier vent Laissa l'habit & le conuent : Et suit l'opinion nouuelle Prenant l'habit de damoiselle, Pour se mettre au rang des premiers. Se trouua au sac de Poitiers, Où de malheur elle fut prise Comme prisonniere, & puis mise Entre les mains de ce soudard, Qui commandoit, puis le hazard Le contraignit de retourner Tost au Haure, pour y mener Des soldats qu'il va ramassant Çà là, & puis en passant, Pressé, laissa en ceste ville De Paris, ceste ieune sille Entre les mains de ce coufin.

Potiron.

Ie vous pry que dit le voisin De ceste nouuelle aduanture?

L'Amoureux.

Mais ceste pauure creature De Maistre Iehan?

Maistre Iehan.

Ie pense bien Que ce que vous dites n'est rien, Et que ce sont choses resuees Ou bien mensonges controuuees : Et qui Diable le croiroit?

L'Amoureux.

Hà vrayment qui ne le verroit Il seroit difficile à croire.

Potiron.

Mais acheuez vostre memoire. Et bien en sin qu'ont-ils conclu?

L'Amoureux.

Ce gentilhomme a refolu
Apres auoir sceu d'Antoinette,
Et de moy l'amitié secrette
En presence de l'assistance,
Ayant obtenu la dispense
Du Pere saint premierement,
Qu'on obtiendra pour de l'argent,
De luy faire grand aduantage
Si ie la prens en mariage:
De fait s'oblige à me bailler
Vn office de Conseiller,
Ou quatre cens liures de rente.

Potiron.

Parbieu vous auez gaigné trente Sur la partie, ie le voy : Vous tous y gaignez fors que moy. Qui a demessé l'escheueau.

L'Amoureux.

Tu auras part à mon gasteau, Ouy Potiron ie t'en asseure.

Potiron.

Mais que ie viue ie n'ay cure De m'enrichir d'vn plus grand bien : Vn accoustrement, & puis rien, Sera pour dancer à la feste.

L'Amoureux.

Hà Potiron que tu es beste, Il laisse à monsieur les despens Du procés, cent escus contens Pour les espingles de madame.

Maistre Iehan.

Et moy qui ay perdu ma femme, Qu'auray-ie pour mon interest? Pay le double de son arrest, Il faut bien que l'ays quelque chose.

L'Amoureux.

Sa bourse ne vous sera close. Il a desia parlé pour vous.

Maistre Iehan.

Mais comment?

L'Amoureux.

Conclu entre tous De vous donner ou vn office, Ou vous laisser le benefice Que sçauez, à fin d'en iouir.

Maistre Ichan.

Cela me fait tout refiouir.

Potiron.

Mais que devient ce Capitaine?

L'Amoureux.

Ce bon gentilhomme l'emmeine, Luy promettant de luy donner Sa niepce à fin de l'espouser, Et vne place de gendarme.

Potiron.

Il ne fut onc en tel allarme, Ny fi chaud s'il veut dire vray.

Maiftre Ishan.

La pauure Ianne, dites moy Qu'aura-t'elle!

L'Amoureux.

L'accoustrement

D'Antoinette.

Potiron.

Vrayment vrayment,

Romy Belleau. - II.

29

Elle a merité doublement, Iamais ell' ne vous fut contraire.

L'Amoureux.

Elle a conduit tout nostre affaire Auecque toy, ie le sçay bien.

Potiron.

Ouy ouy vrayment, ie sçay combien Elle a serui à la conduite De ceste amoureuse poursuite.

Maistre Iehan.

Tout ceci eft vray.

L'Amoureux.

Pour le seur.

Mais ie vais haster mon tuteur, Pour contracter le mariage Et assigner sur mon partage Le douaire qu'on luy veut donner.

Maistre Ichan.

Ie n'oserois y retourner De peur qu'on se mocquast de moy.

Potiron.

Par bieu ie meurs fi ie ne voy Monfieur auec vn pié de nez, Et ce soldat, ce Piémontez Retiré comme vn limaçon.

Maistre lehan.

D'Antoinette, elle a la façon Fort gentille & fort asseuree.

Potiron.

Ie crains qu'ell' ne foit trop rufee, Et que foyons de ces maris.

Maistre lehan.

Faits à la mode de Paris.

Potiron.

Entrons ensemble librement, I'y peux bien entrer maintenant Que la querelle est accordee, Puis ie sens d'icy la sumee Du rost, on souppe, ie le sens, Ie vous prirois d'entrer ceans Si la salle estoit assez grande. Mais adieu, ie me recommande, Ce sera pour vne autresois.

FIN DE LA RECONNVE, COMEDIE.





APPENDICE.

I

A NICOLAS DENISOT
DV MANS, REMI BELLEAV,
ODE.

Celuy qui fait de ses doigs
Rougir mesme la nature
Soit pour animer vng bois,
Ou bien la morte peinsture,
Soit pour entonner vn chant
Qui de sorce pipperesse
Va le nocher alechant,
Souz sa voix enchanteresse:

Ne craigne iamais l'effort

De la darde iniurieuse
Que brandist la palle Mort
Sur le corps victorieuse:
Corps & nom par le trespas
Les Deeses silandieres
D'vn tel n'accableroient pas
Dessous leurs dextres meurdrieres.

C'est vn vray present des Dieux
Que d'estre Peintre, & Poëte:
Et d'autre part que des cieux
Ne naist vertu si parfaiste:
Car de solide n'a rien
Souz ceste voûte azurée:
D'en-hault vient donques le bien
Qu'ha nostre aage bien heurée.

Tes escriptz monstrent assez,
DENISOT, comme la gloire
Des biens du Ciel amassez
Enrichist nostre memoire.
Fuiez tenebres fuiez,
Cachez vous dans l'onde coie:
Et vous Corbeaux, espiez
En autre lieu vostre proie.

Le fuiet n'est point d'Amours,
Le trait n'est point variable,
Ny fabuleux le discours:
Mais eternel & durable.
Icy ne font point chanter
D'yn son pippeur les mensonges,
Bois meuz, sleuues arrestez
Ny d'yn mont cornu les songes.

Icy l'on voit seulement
Descouuertes les merueilles
Du sacré Aduenement
Digne des sainctes oreilles.
Sus DENISOT, de tes vers
Comblant les terres estranges,
Entonne par l'Vniuers
De nostre Dieu les louanges.

Par le meime Belleau.

SONET.

Ce double trait, dont l'vn industrieux
Rauist nostre ail, l'autre dous, nostre oreille,
De ta main doste annonce la merueille,
Et de tes vers l'accent laborieux.
Mais ton esprit sainstement curieux
A dessegner la beaulté nompareille
De cette nuist, plus que le iour vermeille,
Sur ton pinceau reste vistorieux.
Car tes tableaux mourront, & la memoire
De plus sainsts doigtz emperlera la gloire
De nostre temps à l'antique egallé:
Et ton suget plus dimin & plus stable
Que n'est l'Amour, le creon, ou la table,
Rompra les coups du vieil Faucheur ailé!

Gentille main qu'vn Apelle pour senne
En ce tableau hardiment aduouroit,
Gentille main, main qui surmonteroit
Par ses fredons la corde Thracienne.
Apelle vit pour son Idalienne
Faite à demy, qui mesme enamouroit
L'ail estranger, quand rauy demouroit
En ailludant cette idole payenne.
Doncques bon Dieu, de quel amour épris
Sera celuy, apres auoir compris
Ce saint tableau que su viens de portraire,
Veu qu'il excede en sa persettion
Celuy d'Apelle, & que la passon
D'amour diuin est autre que vulgaire?

H

ODE

PAR R. BELLEAV.

O Terre, en qui i'ay pris naissance, Terre qui ma premiere enfance Allaittas de ton cher tetin, Mais helas, qui ne me fus guere Ny mere nourrice, ny mere, Me trainant ailleurs le destin. Toutesfois ie m'estime encore Heureux, que mon labeur l'honore, En te rendant comme ie puis, Par vne si basse escriture, Le paiment de la nourrisure Qu'autrefois dedans toy i'ay pris. O terre trois fois genereuse, Terre gentille & bien heureuse D'escouter tant de doctes vois, Qui chantent l'honneur de ta gloire, Et sus le marbre de memoire Engravent tes premieres lois, Et te font changer de visage, Dépouillant ce masque saunage, Et ce langage forestier, Qui sentoit encor la rudesse De cette brutale vieillesse, Dont viuoit le fiecle premier, Qui n'auoit esprouue l'eschange D'Achelois, ny le doux mestange Du iust pourpré de raisins meurs, Ny veu Ceres à treffe blonde, Ny les flots ecumeux de l'onde, Ny de Mars les chaudes fureurs.

Auant qu'Apollon, ou Mercure, Eussent mis nouvelle ceinture Aux flancs des premieres citez, Et touchant leur lyre cornnë D'yne mufique non cognue Eussent les marbres enchantez. Alors que la lyre Thebaine Attiroit les rochers sans peine, Et les caillous en sautelant, Dessous le tremblement du pouce, Dançoient de gaillarde secousse. En nouveaux murs s'amoucelant. Tant fut ceste entreprise braue, Qu'en peu de temps la mer qui laue Le Soleil mourant sur le soir, Et celle qui le voit renaistre, De la loy virent apparoistre Combien grand estoit le pouuoir, Et comme souz l'ombrageux voile, Puis vne, puis vne autre estoile, Puis mille & mille en vn moment, Ou comme l'heure printaniere Couure la terre nourriciere De mille fleurs diversement. Aussi tost à ces loix ciuiles On vit les citez & les villes Croistre en palais audacieux, Tant que leur superbe apparance Sembloit porter vne arrogance De vouloir défier les cieux, Seule refloit nostre contrée De toutes, que la belle Astrée N'auoit imprimé de ses pas, Ne nous reglant de sa police, On pour nostre humaine malice, Ou pour ne la cognoistre pas. Mais aussi toft que Calliope Eut amené sa belle troppe

Dans Nogent, & que souz le bruit
Du petit Ronne qui murmure,
Eut ballé dessus la verdure
De nos bords, aux rais de la nuit,
Lors Nogent se sit la montagne
De Parnasse, & non pas Mortagne,
Ny Bellesme, qui n'ont en soy
L'honneur d'auoir receu les Muses
Ny tant de coustumes consuses
Rangé sous l'ordre de la Loy.

III

A L'AMOVR.

SVR LES SONNETS DE C. D. B.

Mais de quel tret as-tu nauré ce cueur,
Ce cueur, Amour, & ceste ame gentille
Qui deuant nous en larmes se distille,
Si doucement sous pirant son malheur?
Tu ne pouvois employer la faueur
De tes attraits, ny la stâme subtile
De ton brandon, en suiet plus fertile
Pour en tirer vne plus belle ardeur:
Si ce n'est toy, sous humaine sigure
Qui, descouurant l'amoureuse pointure,
Nous monstre à l'ait toute autre affestion,
Que ne causa la beauté de Cassandre,
Ny les beaux yeux de Laure, dont la cendre
Pleure au cercueil encor sa passion.

IV

La France parle à l'ombre de son Roy Henri.

Pren donques de bon cueur mes soupirs & mes plaintes, Pren ces larmes, mon Roy, pren ces larmes espraintes De mes yeux se fondans sur ton sort inhumain: Si le marbre te presse, ou le faix de l'airain, Ie les veux amollir en charge plus legiere, Si le trop larmoyer ne seche ma paupiere.

V

L'ADIEV

de R. Belleau à son papillon sur la version de P. Est. Tabourot.

Le Tems est l'auteur & le maitre De toutes choses qui fait naitre Pour apres les detruire, affin Que tout ce qui viuant soupire Se range dessous son empire Et mourant trouve quelque fin, Le porfire, & son entaillure Pert sa grace & sa polissure Et du tems en fin est donté, L'eau qui distille goute à goute Lui fait perdre sa grace toute Et lui derobe sa beauté. La rouille mange, altere, & mine L'acier, & le bois la vermine, L'ormeau aux cheueux verdoyans, Se ride en une vielle tronche, Bref rien n'est ferme qui ne bronche »

Sous les cous de la faux du tems. » Ce qui refte apres notre vie Eft l'odeur de la Poëfie, Qui nous parfume d'vn renon Que l'immortelle renommée Respand sur la terre semée Du basme de notre beau non, Ie le voi par experience, Car ie pensois que sa puissance Eut ia enseuely ton los, Et retranché les courcelettes Du crespe de ces ællerettes Que tu branfles dessus le dos. Ie pensois que tu bauolasses Defia dessus les rives basses Du fleuue que iurent les Dieux, Errant sous la forest myrthine, Ou dessus la verte crespine, Des lauriers aux chastes cheueux. Certes ie pensois que l'andace Du tems, l'eust fait changer de place Te chassant au palle requoi : Bref que les ombres te logeassent Et que les hommes ne parlassent Mignon, ni de moi, ni de toi. Mais la langueur de mon ouurage Ta presté vn nouueau plumage Iusqu'à tant que sois revenu, Si tu ne viens ie t'irai querre Pour mourir en la douce terre Qui t'a si cherement tenu. Va dong mignon, voi les ruines D'Itale, en tes plumes latines, Et vole aussi bien cette sois Reuestu d'ælles estrangeres Que tu as volé des premieres Heureusement sous l'air François.

VI

A MADAME.

CHANT DE BELLEAV.

Sus Vierges mignonnes des Dieux, Oui d'yne dance mesuree, Egayez la troupe sacree Des deitez qui sont aux cieux, Sus Vierges chantez le merite Et les honneurs de MARGVERITE, Chantez Vierges ce nom fatal, Ce beau nom, qui fait que la France Viue toufiours en esperance De charmer ou guerir son mal. C'est desia la troisieme sleur De ce beau nom, qui renouvelle Des plis de sa robbe nouuelle Dedans la France le bon heur: Qui de son odeur bienflerante Repousse la troupe ignorante, Ainsi que sur le renouveau Les chaudes aleines souflees Des Cerfs dans les fraisches valees, Chassent le petit couleureau. Viue donc & croisse tousours Desfous la faueur liberalle Du ciel, cette perle fatalle Aux François pour benin secours. Et qu'vn estranger hymenee Ne pille la grace bien nee De cette noble & tendre fleur, Mais qu'à iamais elle soupire Sous les vents molletz de Zephyre En France sa gentille odeur.

ŧ

VII

SONET.

Ie plains fort, mon Garnier, qu'en ce temps miserable Plein d'orage cruel & de ciuille horreur, Tu viennes souspirer la diuine fureur Qui couronne ton front de la branche honorable: Ie plains fort que le sang & le meurdre execrable, Les tragiques tançons & la palle frayeur, Exercent sans pitié leur cruelle rigueur, Du François eschaffaut le subiet lamentable. Ie plains encore plus que les diuins esprits Fertiles de discours & de doctes escrits Comme le tien, Garnier, languissent sous la cendre, Et que celuy sans plus qui mieux pique & mesdit, Desrobbe les honneurs, mendiant à credit Ce que les mieux appris n'osesent onq' attendre.

VIII

ODE DE R. BELLEAV

Sur la version de Demetrius

PAR F. IAMOT.

Celuy qui s'auance d'eferire

Les entrefuittes d'vn Empire

Qui roule à la faueur des lois,

Comme il fault que l'obeiffance

Se rende ferue à la puisfance

Du sceptre & de la main des Roys,

Celluy qui dedans l'air liquide Recherche la cause du vuide, Le tour & le retour des ans, Et d'entreprises plus segrettes Remarque les courses profettes Du Soleil, du ciel & des tems : Celluy qui par divins augures Predit les gauches auantures Par les regars des astres beaus Qui faiet que l'errante Emperiere De la nuit, chemine courriere Au galop dessus ses moreaux, A mon aduis est fort louable, Et d'vne entreprise honorable Sont à priser ces beaus espris, Qui vont achettant ceste gloire Par la sueur, dont la memoire Vit immortelle en leurs escris. Mais surtout grandement ie prise Celluy qui d'humaine entreprise Cherche cela qui est humain, Discourant de nostre nature Et de la noble architesture De ce cors, pour le rendre sain : Comme toy qui, à peine toute, Cherches les causes de la goutte, Qui s'escoule entre chair & peau, Et faist que d'vne main tremblante Et d'yne alure chancelante, Perclus, nous trouuons le tombeau : Comme toy qui des fleurs Attiques, Volant par les plaines antiques, As pris d'un pouce ingenieux Le miel que l'auette gregeoise Gardoit pour la bouche Françoise Par ton labeur industrieux.

IX

A M. M.

Depuis que ie baisay sa bouchette emperlee
Et de son beau tetin le bouton rougisant:
Depuis que ie baisay le crespe iaunisant
En cent slocons retors de sa tresse annelee:
Depuis que ie baisay la nege amoncelee
Sur sa gorge d'yuoire & son sein blanchissant,
Depuis que ie baisay ce bel æil languissant
Qui tient de ses attraits mon ame ensorcellee:
Depuis ie n'eu repos, & les soucis mordans,
L'esperance & la peur ont gaigné le dedans
De mon cœur sorbanni des saueurs qu'il destre.
Ha! qui vit malheureux, qui se trauaille en vain
Et qui sans esperer alonge de sa main,
Et viuant & mourant, le fil de son martyre!



X

SONET

SVR L'OLIMPE DE IAQVES GREVIN.

Pendant, mon cher Gréuin, que la crespe ieunesse
Graue dedans ton cueur cest amoureux dessain,
Pendant que les amours couvent dedans ton sein
Non les soucis mordans de la courbe vieillesse:
Chante le chaste honneur de ta belle Maistresse,
Son front, ses yeux, sa bouche, & sa grace, & sa main:
Car ton seu lent ou mort, tu le voudras en vain
R'allumer en tes vers de si gentille adresse.
Trace donc le sentier, pour rauir sur le mont
D'Olympe, le loyer d'un braue & vaillant front,
Ne permettant sur toy desrober quelque gloire.
Car s'il y reste encor du sang audacieux
De ces outrecuidez pour escheler les cieux
Amour est trop puissant pour te donner vistoire.

Remy Belleau. - 11.



NOT.ES



NOTES

1. LA SECONDE IQUENES DE LA BERGERIS, P. 1.

Voyez la fin de la note 103 du tome Ier, p. 342.

2. L'AMOVR AMBITIEVE D'INION, p. 19.

Une copie de ce petit poëme, intitulée: L'AMBITION SOVBZ LES AMOVRS D'IXION, se trouve au verso du feuillet 96 du manuscrit 1663 du fonds français de la Bibliothèque nationale dont nous avons déjà parlé. Voyez tome ler, p. 334, note 67.

3. Le guide droit au lieu où cest image feint L'attendoit pour tromper la rage qui le poind, p. 23, v. 35.

L'édition de 1572 donne cest, les autres ceste qui ne peut exister avec seint. Quant au genre donné lci à image, il ne sant pas s'en étonner, car Ménage qui, dans ses Observations sur la langue françoise, fait avec raison ce mot féminin, cite ce passage de l'ode 12 du livre V de Ronsard, où il est masculin:

Elle dessus ton riuage Ressemble à vn bel image Fait de porphyre véneux,

et ajoute: a les Gascons le sont aussi masculin. » — La rime de point avec feint indique qu'on pouvait prononcer paint, peint, ou quelque chose d'approchant. Voyez ci-après, p. 473, la note 48.

4. COMPLAINTE, p. 27.

Pièce publiée d'abord sous le titre de : L'Innocence prisonniere. Voyez la note 147 du tome 147, p. 349-350.

- 5. Escoutez donc la voix trifle & dolente... p. 28, v. 7. Escoutez donc la Deesse Innocence, Qui sur les pas d'un grand Prince de France, Mais maintenant qui n'ay point de recours, Pour me douloir, qu'à ces sots qui sont sours. (L'Innoc. pris.)
- 6. ... chaste courage, p. 28, v. 28. ... haut parentage. (L'Innoc. pris.)
- 7. ... que le doy,... p. 29, v. 4. ... de mon Roy, Que l'ay gardé & garderay fidelle... (L'Innoc. pris.)
- 8. ... de mon innocence, p. 29, ₹. 13. ... de moy Innocence. (L'Innoc. pris.)
- 9. ... l'eschine ernee, p. 29, v. 18.

 Ce mot, actuellement hors d'usage, a été très-clairement axpliqué par les lexicographes du xvr et du xvr siècle.

 « Arné, Delumbis, elumbus, » dit, en 1539, Robert Estienne dans son Distinnaire françoislatis. Léon Tripault est plus explicite dans son Celt'-Hellenisse, on etymologic des mots françois tirez du Græc, publié à Oriéans en 1580 : « Arrené, Arné, ou bien ainsi qu'aucuns escriment Errené, ou Erné, pour catuy qui a les reins ossenses.
 - 10. ... des ferpens, p. 29, v. 19.
 de ferpens. (L'Innoc. pris.)

tilez. » Cette interprétation est confirmée par Nicot.

- 11. ... vn erreur, p. 29, v. 23. ... vne erreur. (L'innoc. pris.)
- 12. ... d'apparence, p. 29, v. 30. ... de maiesté. (L'Innoc. pris.)
- 13. ... mauuaife, p. 29, v. 33. ... mesekante. (L'Innoc. pris.)

- 14. ... fermeté, p. 29, v. 35. ... maiesté. (L'Innoc. pris.)
- 15. Non non ma terre & ma fainte faueur... p. 30, v. 1. Non, non, ma terre & ma race & mon fang N'ont point cherché de maintenir leur rang Ny leur grandeur en si honteuse forte: La cruauté en sa naissance auorte. (L'Innoc. pris.)
- 16. Ny le iouêt d'vn langage trop vain,... p. 30, v. 9. Ny le ioûet de fi cruelle main, Seure en ma foy t'abandonné foudain Ce que plus cher t'estimois en ce monde, Et par la France. (L'Innoc. pris.)
- 17. ... ie contoy, p. 30, v. 13. ... ie comptoy. (L'Innoc. pris.)
- 18. ... vne faueur, p. 30, v. 30. ... quelque faueur. (L'Innoc. pris.)
- 19. Souiller l'honneur de mon chaste rouloir,... p. 30, v. 37.

 Le tige sainct de son peuple abysmer

 Vient tout soudain de sa puissance armer

 Et de son nom, sa dextre rougissante. (L'Innoc. pris.)
- 20. D'vn qui pour estre & libre & mieux à luy... p. 31, v. 3. D'vn cueur mechant qui pour ne s'offenser En son plaistr, ne veut Dieu confesser. (L'Innoc, pris.)
- 21. En ruinant & iettant à l'enuers... p. 31, v. 7.

 Le dur effect d'vn st cruel deffain:

 Cruel vrayment car sa sanglante main

 Nous a porté suffisant tesmolgnage. (L'Innoc. pris.)
- 22. Le ciel tesmoin de l'heur & du malheur,... p. 31, v. 11.

 Le ciel s'en deult, l'air, la terre & les vents,

 Soupire encor' le sang des innocents

 Et se plaindra humble deuant la sace

 De ce grand Dieu, qui desta le menace. (L'Innoc. pris.)
- 23. Garde les bons, & que l'ame innocente... p 31, v. 21.

 Garde ton peuple, & mesme que les Princes

 Sont tous subiets aux mordantes espinces. (L'Innoc. pris.)

```
24. ... d'un mauuais rapport.
      Sois donc, p. 31, v. 23.
      ... d'yn meschant rapport.
      Sois moy. (L'Innoc. pris.)
  25. ... fait , p. 31, v. 31.
      ... feit. (L'Innoc. pris.)
  26. ... coulonne, p. 31, v. 38.
      ... colomne. (L'Innoc. pris.)
  27. CHANT DE TRIOMPHE, P. 32.
  Pièce publiée d'abord sous le titre de : L'Innocence triom-
phante. Voyez la note 147 du tome ler, p. 349-350.
  28. D'un doux, p. 32, v. 30.
       De fon. (L'Innoc. triomph.)
  29. ... tiedes, p. 33, v. 20.
       ... tendres. (L'Innoc. triomph.)
  30. ... braue portant, p. 33, v. 31.
       ... elle portoit. (L'Innoc. triomph.)
  31. ... tenani, p. 33, v. 34.
       ... tenoit. (L'Innoc. triomph.)
  32. ... vn torrent plein, p. 34, v. 2.
       ... comme vn fleuve... (L'Innoc. triomph.)
  33. ... menacant, p. 34. v. 4.
       ... menacoit... (L'Innoc. triomph.)
  34. ... & de charme trompeur, ... p. 34, v. 5.
       ... de mensonge & d'erreur
       Celuy qui fuit les traces du Seigneur, (L'Innoc, triomph.)
  35. ... orages, p. 34, v. 7.
       ... outrages. (L'Innoc. triomph.)
  36. ... imposture, p. 34, v. 11.
       ... ignorance. (L'Innoc. triomph.)
  37. ... malheurs, p. 34, v. 14.
       ... abus, (L'Innoc, triomph.
```

```
38. ... au, p. 34, v. 16. ... d'vn. (L'Innoc. triomph.)
```

- 39. ... ayant la larme à l'œil, p. 34, v. 18. ... affis fur vn cercueil. (L'Innoc. triomph.)
- 40. L'Hypocriste, p. 34, v. 29. L'Idolâtrie. (L'Innoc. triomph.)
- 41. ... fes, p. 36, v. 26 ... mes. (L'Innoc. triomph.)
- 4s. D'vn cœur, p. 36, v 33. De ces. (L'Innoc. triomph.)
- 43. Le faux-rapport m'aguettoit pour m'estraindre... p. 37, v. 1. Ia les malins m'aguetoyent pour m'estraindre En leurs liens, pour tremper & pour teindre Dedans mon sang leurs trets. (L'Iunoc. triomph.)
- 44. ... trop vaine, p. 37, v. 19. ... pariure. (L'Innoc. triomph.)
- 45. Pour, p. 37, v. 22. De. (L'Innoc. triomph.)
- 46. ... les donte, p. 37, v. 30. ... furmonte. (L'Innoc. triomph.)
- 47. ... tournant vers moy sa face,

 Me prodigua, p. 37, v. 33.

 ... tourna vers moy sa face,

 Me prodiguant. (L'Innoc. triomph.)
- 48. Qu'on voit à l'œil efcouler de ses mains Nous serviront de sidelles tesmoins, p. 38, v. 1.

Le grand Dictionaire des rimes françoises... Cologne, Berjon, 1624, in-8°, tolère encore des rimes de ce genre; on lit sous la rubrique oix:

« Ceste termination (de droit) ne se peut aparier à celle en ain, toutesfois à quelque grande necessité, on se pourra dispencer d'aparier deux monosyllabes, comme main auec foin, non toutesfois en deux vers suyuants... car la rencontre si voisine fait trop descourrir la différence de leur prononciation, mais en entremettant quelqu'vn parmy... Encore en faut-il accom-

moder la prononciation au plus pres qu'on peut. Il le faut faire rarement. » (Voyez ci-après, p. 485, note 90.)

- 49. ... fureur, p. 38, v. 16. ... grandeur. (L'Innoc. triomph.)
- 50. ... permets que l'innocence, p. 38, v. 35. ... aumoins fay que l'enfance. (L'Innoc. triomph.)
- 51. ... que tresbon, p. 38, v. 37. ... qu'innocent. (L'Innoc. triomph.)
- 52. Comme luteur, p. 39, v. 2. Ce noble fang. (L'Innoc. triomph.)
- 53. ... m'entroit, p. 39, v. 8. ... m'entra. (L'Innoc. triomph.)
- 54. ... & douce le trespas, p. 56, v. 5.

Il y a ainsi douce dans toutes les éditions, mais il faut probablement lire, comme l'a fait M. Gouverneur: & foit doux le trespas, ou mieux: & doux soit le trespas.

55. Et moy qui n'a repos, p. 59, v. 3.

Rien n'est plus commun à cette époque qu'un qui précédé d'un pronom de la première ou de la seconde personne et suivi d'un verbe à la troisième.

56. APPARENCES CELESTES DV SOLEIL, p. 60.

Ce morceau et les Apparances de la lune, p. 62, sont des fragments de traduction des Prefages d'Arat. Voyez ci-dessus page 325, et ci-après note 81. Dans l'édition de 1572 ces vers sont accompagnés de manchettes ainsi qu'il suit :

En regard de : Si vous auez befoin...

- « La face du Soleil leuant claire, pure & belle. » En regard de : Et que fon cercle...
- « Sans tache & fans macule, fignific temps ferain. »
- En regard de : Si de mesme parure...
 « Le Soleil couchant sans use espaisse, temps bean. »
- En regard de : Mais c'est & pluye & vent...
- « Le cercle du Soleil leuant comme creux, & ses rayons partis, pluye ou vent. »

En regard de : S'il est rouge en visage...

« Le Soleil rouge & pers, pluye. »

En regard de : S'il est rouge sans plus ...

« Rouge, vent. »

En regard de : Taché de rouge & noir...

« Rouge & noir, pluye & vent. »

57. LARMES SVR LE TRESPAS DE MONSEIGNEVR RENÉ DE LORRAINE, p. 68.

Cette pièce et la suivante ont été publiées pour la première fois en 1566, dans un recueil que nous avons décrit t. I°, p. 348, note 142.

58. Les tigres, les lyons, les ferpens esmaillet, Et le troupeau muet des poissons escaillet, p. 82, v. 8.

Ces sujets n'ont point de verbe; et, suivant M. Gouverneur, « il y a évidemment ici une lacune qui se reproduit dans toutes les éditions. » Je ne pense pas qu'il y ait, à proprement parler, de lacune; il y a une simple distraction, une négligence, qui se comprend d'autant mieux qu'ainsi que le remarque M. Gouverneur, cette pièce est « de celles trouvées en manuscrit après la mort de Belleau et publiées par ses amis, sans que l'auteur ait eu le temps d'y mettre la dernière main. » Mais le sens ne saurait être un instant douteux, et l'on supplée instinctivement le verbe s'engourdir, qui se trouve au vers précédent.

Mais tant plus ie le fuy, plus vn espais nuage
 De pensers orageux me trouble le cerueau, p. 104, v. 11.

Il y a troublent au pluriel dans le texte, et nous aurions dû le maintenir. L'accord se fait avec l'idée pensers orageux, plutôt qu'avec le mot nuage.

60. Sauteler dedans moy & debatre mon cœur, p. 119, dernier vers.

Il y a dans le texte: dans moy, ce qui rend le vers faux. Nous avons, comme M. Gouverneur, remplacé dans par dedans.

61. EPITHALAME. AV SEIGNEVR SCEVOLE DE SAINTE-MARTHE, p. 126.

M. le baron James de Rothschild a bien voulu nous communiquer avec une extrême obligeance un exemplaire, très-probablement unique, de l'édition originale de cette pièce de vers; il se compose de quatre feuillets in-4° et a, en tête de la première page, le titre de départ saivant :



EPITHALAME SVR

LES NOSSES DE RENE

DOLV CONSEILLER ET TRESO

rier general de la Reine d'Escosse & de Denize Marcel à Paris x1.

iour de Iuillet

1560.

PAR R. BELLEAV.

En changeant ce titre et quelques vers, ainsi qu'on le verra dans les notes suivantes, Belleau, avant d'insérer cette pièce dans La Bergerie, a fait disparaître jusqu'à la moindre trace des circonstances, curieuses pour nous, dans lesquelles cette pièce avait été composée. C'était là du reste son procédé habituel.

- 62. ... Marne, p. 126, v. 9. ... Seine. (édit. orig.)
- 63. Chantet la façon, & la grace... p. 127, v. 5. Chantet la façon bien aprife Et l'honneur vierge de Denite Son port, fa grace, & fon œil dous. (édit. orig.)
- 64. De fon ferme & loyal Espoux, p. 127, v. 10.
 De Rene son loyal Espous (édit, orig.)
- 65. ... fes, p. 128, v. 32. ... ces. (édit. orig.)

- 66. ... violente, p. 128, v. 34. ... pallisante. (édit. orig.)
- 67. ... fubtiles, p. 129, v. 32.

L'édition originale porte : fatilles, qui est à recueillir pour l'histoire de la prononciation.

68. Les rares vertus des grands peres, Et qui portera des grand's meres, p. 130, v. 8.

L'orthographe du mot grand est plus conforme, dans l'édition originale, aux anciennes traditions de notre langue : grans peres, grans meres.

69. A mesme heure, en mesme batteau, p. 130, v. 16.
L'édition originale renserme deux strophes finales, supprimées dans le remaniement:

Et fay, Seigneur, que nos Prouinces, Nos temples, nos feux, & nos Princes, Se couplent d'un fl doux lien Que les murdres & les ruines, Et les querelles intestines Courent fur le peuple Indien.

Affin qu'en toute essouissance, Voyons croistre l'heur de la France, El que nous puissons bien-heureux, Sans guerre, sans peur, sans enuie, Tirer le sil de notre vie, Hors de ces troubles malheureux.

FIN.

R. BELLEAV.

70. COMPLAINTE D'VRE NYMPHE SVR LA MORT DE IOACHIN DV BELLAY, p. 133.

Cette complainte forme la seconde partie du *Chant pafforal* publié en 1660, et dont nous avons donné la description t. I^{er}, p. 354, note 167. La place précise qu'elle occupe dans cet ouvrage est indiquée p. 357, à la fin de la note 185.

71. Facent, p. 135, v. 30.

Il y a face dans toutes les éditions. C'est une faute évidente.

72. LES AMOVES ET NOVVEAVE ESCHANGES DES PIERRES PRECIEVSES, p. 153.

Cet ouvrage a paru pour la première fois en 1576 dans un recueil dont voici la description :

LES AMOVRS ET NOVVEAVX ESCHAN-

GES DES PIERRES PREcieuses: vertus & proprietez d'icelles.

DISCOVRS DE LA VANITE',
PRIS DE L'ECCLESIASTE.

ECLOGVES SACREES,
PRISES DV CANTIQUE
des Cantiques.

PAR REMY BELLEAV

A PARIS,

Par Mamert Patifion, au logis de Rob. Estienne.
M.D.LXXVI.

AVEC PRIVILEGE DV ROY.

In-4° 7 feuillets uon chiffrés et 90 feuillets chiffrés. En tête de ce recueil sont les pièces suivantes :

Au tres-chrestien Roy de France & de Pologue Henri III. (Épître de Belleau reproduite aux pages 155 et 156 de notre édition).

Ad Henricum III. Gallia & Polonia Regem, de Remigii Bellaquai lapidibus pretiofis Io. Auratus Poeta regius.

Des vers Latins de M. D'Aurat. (Traduction anonyme, en vers français, de la pièce latine précédents.)

In lib. Remigii Bellati de gemmis G. Valens Guellius PP.

Au peuple de France. (Sounet signé: Scevole de Saintemarthe.)

Au lieu du Discours en vers et du Promethée, que noue avons
reproduits pages 157-165, on trouve, dans cette édition, le
discours en proce réimprimé ci-après. En marge de chacun de
ses paragraphes est une note en manchettes qui en indique le
sujet: Auprès du 2°: De la matière des Pierres; du 3°: Des
conieurs; du 4°: Leurs vices; du 5°: De leur naisqueté; du
6°: Leur dissernce.

Discours des Pierres precieuses.

« Escrivant ce petit discours des Pierres precieuses, i'ay bien voulu fuyure, auec toute religion, l'opinion des anciens autheurs qui nous ont laissé par leurs doctes & diuins escrits, les vertus & proprietez particulieres d'icelles, comme prouenantes des Planetes & de l'infins celefte des Estoiles, encores que la plus part des Philosophes subtils & diligens rechercheurs des causes plus secrettes de Nature, soyent d'opinion contraire, remettant telle vanité, comme ils disent, à la superstitieuse religion, loix & ordonnances des Prestres Caldees, qui nous ont pu de telle folle & legere creance: Toutesfois ne voulant faire tort aux cendres, & precieux restes de la venerable antiquité, comme d'Orphee & autres, ie me suis proposé les ensuyure, non pour vous deguiser le faux sous vne apparence de verité, mais pour toufiours admirer les œuures de ce grand Dieu, qui a dininement renclos tant de beantez & de perfections en ces petites creatures : remettant le tout à l'experience de la force & vertu d'icelles, & discretion du lecteur.

a Aucuns des Philosophes parlans de la matiere des Pierres, disent que celles qui ne se penuent difioudre par le seu & se faire liquides, se sont d'une vapeur, ou d'une exhalaison seche & ignee : S'il estoit ainsi, il adviendroit qu'elles se formeroyen plus communément en la hante region de l'air, qui n'est que sea, que dedans la terre. Parce que le mouuement & couversion des Aftres plus viste & plus hasté eschausseroit la vapeur, & la desecheroit plus tost beancoup que dedans la terre. Ausil s'il estoit vray ce que d'autres afseurent, que tout ce qui naist en terre est ou terrestre ou aqueux : aqueux, comme les metaux d'or, d'argent & autres : terrestre comme les pierres, il s'enssuy aroit necessairement qu'il n'y eust pierre precieuse qui fust transparente & pellucide. Car celles qui sont transparentes sont composees d'un suc & d'une humeur aqueuse, dedans laquelle y a

de l'eau qui gaigne & surmonte la terre de sa pesanteur : les autres qui ne sont pellucides, sont veritablement plus terrestres qu'aqueuses, estant composees d'vne fange & d'vn limon detrampé. Doncques la vraye matiere des pierres precieuses est vne terre detrampee de quelque humeur, comme fange, ou bourbe limonneuse, que les Latins appellent lutum, dont naiffent celles qui font obscures, & non transparentes. L'autre est vne humeur mellee, plus aqueule que terrestre, qui s'appelle succus, congelée par vn grand froid, ou recuitte par vne chaleur temperée dedans la terre, dont naissent celles qui sont pellucides. Ce que nous voyons ordinairement aduenir es rongnons & vessies des animaux, où les pierres se forment de trop de chaleur, endurciffant l'humeur visqueuse, dont se fait la pierre & le granois : Tout sinfi que le feu violent d'vn fourneau à potier, cuist & endurcist l'ouurage de terre auparauant mollasse & limoneux, la chaleur ayant chaffé l'humide, n'y restant que le sec, cause que les pierres sont sans odenr & sans vie, ne pouuant recenoir aliment comme les plantes. Il y a vne autre matiere qui fait les pierres, qui est la racleure des pierres mesmes, ou ce qui sainte & distile des metaux : car ce que le flot violent d'une eau courante a sappé, racié & rougé au fray de son cours, estant rassis au fond de l'eau se caille & devient pierre, de façon que la pierre engendre la pierre.

« Quant aux couleurs, elles sont telles que la matiere dont elles tirent leur naissance, pour ce nous voyons vne meime pierre auoir couleurs differentes, pour estre composee d'une matiere messee & diversement bigarree, outre que la chaleur, cause efficiente des pierres, donne teinture à la matiere, ayant puissance d'esclaireir celles qui sont obscures, & obscureir celles qui sont claires & transparentes, & semble que le froid ait pen de puissance de changer & alterer les couleurs de la matiere. Mais apres qu'elles font formees, estants vn long temps humides & detrampees, puis deseichees, elles prennent teinture selon l'assiette des terres & des minieres d'or, d'argent, cuiure, fer, estain, où elles naiffent le plus souvent. Es lieux où le Soleil bat ordinairement se font les pierres vertes & noires, aux lieux sombres & ombreus les rouges. Le Crystal est fait d'vn suc, ou d'vne humenr trespure, pource qu'il est tresclair; l'Iris d'vne humeur moins claire, le Diamant d'vne humeur plus brune, pourtant il est plus bruu que le Crystal. Le suc verd fait les Emeraudes, le celeste le Saphir, le rouge le Rubis, le violet pourprin l'Amethyfte & le Hyacinthe, le doré le Chrysolithe, le suc messé l'Opalle & l'Agathe : les autres qui ne font transparentes, mais seulement

luisantes par le dessus, sont faites d'vn suc obscur terreus, espais & non transparent.

- a Les vices des Pierres precieuses sont quand la matiere n'est de mesme couleur, dont il aduient qu'elles portent vn ombre, ou vn petit nuage. Quand on y apperçoit des pailles, silandres, ou qu'elles sont gendarmees, ou qu'on y voit de petits durillons ainsi qu'il se rencontre dedans le marbre, qui sont comme petits clous de matiere diuerse, ou du sel, ou de la mine de plomb.
- « On fait preuue de leur bonté, quand la lime ou la queux ne peuuent mordre, ny prendre sur icelles, comme sur les contrefaittes, encores qu'il y en ait des vrayes & naturelles qui ne peuuent souffrir ny l'vne ny l'autre, estans tendres & molles da leur nature.
- « On décourre les contrefaittes à la veuë, au poix & au toucher, outre la lime & la queux : à la veuë, quand le fard & le lustre de la pierre n'est pur & net, ny agreable à l'œil : au toucher, quand elles sont bossues, aspres, scabreuses & grumeleuses : au poix, quand elles sont plus legeres que les nastres.
- « Voyla le Recueil que i'ay peu faire des vertus & proprietez des Pierres precieuses, pris de la meilleure part de ceux qui en ont escrit, tant pour honorer leur memoire que pour vous faire participans de mon petit labeur. Ie ne doute point qu'aucuns ne trouuent estrange la façon dont i'ay vée en la description d'icelles, m'affeurant toutesfois qu'en les lisant, ceux-là mesmes y prendront plus de plaisur que si les eusse simplement descriptes, sans autre grace & sans autre enrichissement de quelque nou-uelle inuention.»
- A la suite de ce discours vient la description des vingt-etune premières pierres (pages 165-242 de notre édition). Les dix dernières, à partir de l'Heliotrope (p. 242), n'ont été publiées qu'après la mort de l'auteur. Le recueil renferme ensuite les autres ouvrages annoncés au titre, sur lesquels nous reviendrons dans les notes aujuantes.

73. Chofift la pointe des roseaux, p. 213, v. 26.

Ainsi dans presque toutes les éditions. Cependant celle de 1576 porte: choifif et rouseaux. Belleau a de la sorte remplacé plus d'une sois les diphthongues oi et ou par la voyelle o, la voyelle o par la diphthongue ou, et la diphthongue ai par la voyelle a. On trouve p. 218, v. 10 et p. 352, v. 13: Songneuse; p. 270, v. 13: sauorant; p. 222, v. 15: esclarci. (Voyex la note 26.)

Remy Belleau. - 11.

74. Et c'est pourquoy le renom

De sa force & de son nom

La sait surnommer sacree, p. 219, v. 16.

Il y a dans le texte font et non fait, et je crois, toutes réflexions faites, que j'aurais dû ne rien changer, pour le motif que j'ai indiqué plus hant, note 59.

75. C'est toy qui romps & qui destie', p. 232, v. 21.

Il fandrait desties à la seconde personne, mais Belleau a mis une apostrophe à la place de l's pour faire mieux rimer ce mot avec rie. Cette petite particularité n'a pas été exactement rendue dans notre édition où une faute typographique a remplacé l'apostrophe par une virgule.

- 76. Tu verras ton troupeau gras & goufie de lait, p. 258, v. 12.
- a Gousse pour gonste. i. (id est, c'est-à-dire) ensié, gousse de laich. Belleau. » (Le grand dictionnaire françois-latin. Recueilli des observations de plusseurs kommes doctes : entre autres de M. Nicod. Paris, chez Joseph Cottereau, MDCXIIII.)
- 77. DISCOVES DE LA VANITÉ, pris de l'Ecclefiaste de Salomon, p. 259.

Publié pour la première fois en 1576 aux seuillets 51 et suivants du recueil décrit dans la note 72.

78. ... fauorant le beau iour, p. 270, v. 13. Voyez la note 73.

79. ... L'iniure & le dédain

Troublent la douce humeur du cerueau le plus fain,

El font perdre le fens, p. 281. v. 13.

Il y a fait dans toutes les éditions; mais il nous a paru impossible de concilier cette forme avec troublent au pluriel, nous avons donc substitué font à fait.

80. ECLOGVES SACREES ... p. 295.

Publices pour la première fois en 1576 aux feuillets 15 et suivants du recueil décrit dans la note 72.

- 81. LES APPARENCES CELESTES, LES PROGNOS-TIQUES ET PRESAGES D'ARAT... p. 385.
 - « Ce qui est de traduit d'Aratus (finon ce qu'il en a inferé

dans la 11º lournée de sa Bergerie, touchant les apparences du Soleil & de la Lune pour preuoir la disposition du Temps) n'a peu receuoir la derniere lime de l'Autheur. » (Au lecleur, t. I, p. xvIII de notre édition.)

82. ... sa hanche ernee, p. 341, v. 33.

M. Gouverneur a changé ernée en ornée, qui ne présente aucun sens. Voyez ci-dessus p. 470, note 9.

83. ... mouceaux, p. 348, v. 19.

Mouceau pour monceau comme plus loin (p. 457, v. 12), s'amoucelant pour s'amoncelant.

84. LA RECORNYE, COMEDIE, p. 355.

Il est probable que cette pièce n'a pas été représentée. C'est un des ouvrages qui n'ont été imprimés qu'après la mort de Belleau. (Voyez t. I, p. xviii.) Il y est même resté un certain nombre de vers isolés auxquels Belleau se réservait, sans aucun doute, d'en ajouter d'autres pour rimer avec eux. Tels sont les suivants:

le m'en vay prendre mon repas, p. 377, v. 18. A toule heure, de ieunes gens, p. 406, v. 17. le sçay bien que secretement, p. 412, v. 18. N'est pas pour ourdir cette toile, p. 419, v. 21. Sans mentir. — Mais ne faillet pas, p. 420, v. 8. Qu'ils parlerent iamais ensemble, p. 423, v. 15. Entrez, on se va mettre d table, p. 433, v. 16. De gaillard, ie le comnois bien, p. 443, v. 13. Mais dites comme elle est tombee, p. 446, v. 19. Ce sera pour vne autresois, p. 451, v. 9.

85. Voila, p. 361, v. 8.

Notre édition porte voisa. C'est une faute d'impression.

86. Que l'on mette au frais mon luillet, p. 363, v. 19.

C'est-à-dire mon julep. Jeanne n'estropie pas ce mot autant qu'on pourrait le croire, car au chapitre ces des Observations de

monfieur Ménage fur la langue françoife, Paris, Barbou, 1675, intitulé: S'il faut dire jullet ou jullep, nous lisons: « Il faut dire jullet, conformément à l'usage, et non pas jullep, conformément à l'étymologie. »

87. Ne suis-ie pas bien miserable?
Ne suis-ie pas bien fortunee? p. 370, v. 1.

Dans toutes les éditions anciennes le second de ces vers est incomplet. Il y a seulement :

Ne suis-ie pas fortunee?

M. Viollet-le-Duc, éditeur de l'Ancien théâtre françois dans la Bibliothèque elzévirienne (t. IV, p. 350), a ainsi complété :

Ne suis-ie pas infortunée?

trouvant sans doute que fortunée ne pouvait pas être considéré comme un synonyme de misérable. M. Gouverneur, mieux inspiré, a fait la correction que nous avons adoptée et que nous trouvons la seule acceptable. Ne fuis-ie pas bien fortunée? signifie: Ne suis-je pas bien exposée aux caprices, aux coups de la fortune? Cette acception du mot fortuné se trouve confirmée par un autre passage de la même pièce (p. 411, v. 7.):

Pauure, chetifue, malheureuse, Et fortunee que ie suis!

Elle était encore en usage au xv11º siècle, comme le prouve cette Remarque de Vaugelas :

« Tantost fortuné signisse heureux & tantost malheureux; quand il signisse heureux, il est plus noble que le mot d'heureux, & n'est pas tant du langage samilier. On dit vn Prince fortuné, vn Amant fortuné, les isses fortunées. Mais dans la signissication de malheureux, il est bas comme ce pauure fortuné.

88. Ceans n'attraine auecques soy, p. 370, v. 26.

Il y a auec dans toutes les éditions. M. Vioilet-le-Duc et M. Gouverneur y ont substitué auecques, pour la mesure du vers. Je les ai suivis en cela. On pourrait aussi ne rien changer et regarder ai comme dissyllabe dans attraine : attraine;

mais dans ce cas il faudrait qu'il y eût sur l'é un tréma qu'on n'y trouve point.

89. Ayant delaissé le couvent, p. 372, v. 7.

Il y a bien counent dans le texte. Connent, qui est cependant la forme la plus ancienne, ne paraît que dans l'édition de 1604.

90. Tant il est affoibli de faim, A le voir il a mieux besoin, p. 374, v. 16.

et plus loin, p. 384, v. 1:

Et vrayment i'en ay bon besoin, Penrage de sois & de saim.

Voyez ci-dessus, p. 473, note 48.

91. ... là les peaux mortes
Font mourir les hommes viuans, p. 376, v. 9.

Il veut parler des parchemins sur lesquels étaient écrites toutes les pièces de procédure.

92. Et qui nous esse le flanc, p, 376, v. 22. Esse ou exime, atténue, diminue.

93. Amour porte toufiours en queue Quelque maladie inconnue, p. 377, v. 25.

Cette rime n'aurait déjà plus été admise au commencement du xvii* siècle. On lit dans Le grand Didionaire des rimes françoises, p. 190, sous la rubrique eue où se trouve le mot queuë: « Cette terminaison veut qu'on garde en sa penultième la prononciation de la diphthongue eu, non point qu'on la face sonner comme u simple. »

94. Pour moy? — Ouy pour vous. — Han han han, p. 390, dernier vers.

J'ai ajouté, pour le vers, un han qui n'est pas dans le texte.

95. le vous en feray bien mouller, p. 398, v. 1.

En arracher, en mouler, dans l'argot des écoliers du xvir siècle, c'est être battu, recevoir le fouet : « Tu en as bien arraché ; il

n'en a pas seulement arraché, mais il en a bien moulé; il sera basculé. » (Mathurin Cordier, De corrupti fermonis emendatione.)

96. Tous deus ensemble? - Ouy tous deus, p. 402, v. 2.

Comme ensemble et ouy sont dits par deux personnes différentes la dernière syllabe d'ensemble ne s'élide pas et compte dans le vers.

- 97. Qu'il me donra vn croc en iambe, p. 403, v. 19.
- « Tu accourcira... (ie dis en tant que tu y sera contraint) les verbes trop longs, comme donra, pour donnera .. » (Ronsard, Abrégé de l'Art poètique.)

En 1647, Vangelas ne constate l'existence de cette forme et d'une autre encore plus bizarre que pour les blâmer : « Donray, ou dorray... font des monstres dans la langue. » (Remarques fur la langue françoise.)

98. Et st m'asseura pour le seur Qu'estant couché derriere vn mur, p. 405, v. 12.

Mauvaise pour l'œil, cette rime était bonne pour l'oreille, car on prononçait für. On lit dans les éditions originales de La Fontaine :

C'est pourquoy vous n'avez qu'un party qui soit seur : C'est de vous rensermer aux trous de quelque mur,

(L'Hirondelle & les petits Oyfeaux.)

99. Maistre lan est sin & accort,
Maistre lan n'est pas vn brin sol, p. 407, v. 10.

Cette rime et celle de fert avec fait qu'on trouve plus loin (p. 424, v. 15) semblent indiquer que l'r suivie d'un t pouvait se prononcer très-faiblement.

100. ... oiront..., p. 410, v. 7.

On lit dans l'édition de 1578 : Auront.

Cette faute est devenue plus fréquente à mesure que le futur oiront ou orront est devenu moins usité. Il y a des éditions du Cid (1637, in-12, 1638 et 1644, in-4°) où au lieu de :

Son fang criera vengeance & je ne l'orral pas (act. III, ac. 3)

on lit:

... je ne l'aurai pas.

101. Pauure, chetifue, malheureuse, Et foriunee que ie suis! p. 411, v. 7.

Voyez, ci-dessus, p. 484, note 87.

102. Ainst le bon pere qui sert D'ouurier, de maçon, & qui sait, p. 424, v. 15.

Voyez, ci-dessus, p. 486, note 99.

103. Il n'est pas temps de rencontrer, p. 426, v. 21.

Il y a temps dans l'édition de 1578. La précédente, suivie par MM. Viollet-le-Duc et Gouverneur, donne tent, ce qui offre un sens beaucoup moins satisfaisant.

104. Bien fort aise, ie m'en asseure.

— Vous arriuez à la bonne heure, p. 438, v. 18.

Cette rime, bien que blâmée, n'est pes encore définitivement proscrite par le Grand Dictionaire des rimes françoifes de 1624. En effet, à la fin de la liste qui contient heure et en tête de celle qui commence par affeure, on lit : « La terminaifon fuivante a la penultiesme longue, & est chose sorcee de la vouloir accommoder à ceste-cy. »

105. Maistre lehan... p. 439, v. 10.

La forme adoptée d'ordinaire dans cette comédie est Laz. Quelle que soit du reste la manière dont ce nom est écrit, il ne compte que pour une syllabe.

106. Or que ie n'ais que l'efcritoire, Que l'aye peur de sa colere, p. 442, v. 8.

Ais est substitué à aye dans le premier vers afin que le mot ne compte que pour une syllabe. La rime semble indiquer qu'escritoire se prononçait quelquesois escritere comme croire, crère; estroit, estret, etc.

107. Qu'un d'homme de bien, & qu'un certes, p. 446, v. 32.

Les haguenots s'abstenzient de faire des serments qu'ils remplaçaient par de simples affirmations : foi, parole d'homme de bien, certes.

108. Ny fi chaud s'il veut dire vray.

— La pauure lanne, dites moy, p. 449, v. 16.

Cette rime n'a rien qui doive surprendre; il y avait de fréquents changements entre la diphthongue oi et la diphthongue ai, ou les sons équivalents (voyez l'avant-dernière note); on disait indifféremment encore au xv11º eiècle: aboy ou abay.

109. APPENDICE, p. 453.

Plusieurs morceaux, qui auraient pu être joints à cet appendice, ont trouvé plus naturellement place dans les notes :

- nº La dédicace en prose de l'édition de 1556 des Odes d'Anacréon à Chretophie de Choiseul, T. I, p. 323, note 2.
- a° La pièce inédite intitulée *May*, omise par M. Gouverneur. P. 347, note 139.
- 3° Un long fragment de La Verité fugitiue. P. 351, note 157. 4° Un fragment du Chani pastoral sur la mort de loachim du Bellay. P. 356, note 185.
- 5° Enfin le Discours des pierres precieuses, en proce, placé en tête de l'édition de 1576 de l'ouvrage intitulé : Les Amours des pierres precieuses. T. II, p. 479, note 72.
- Quant aux deux pièces publiées par M. Gouverneur, sous les titres d'Efpoir deceu (t. I, p. 168) et d'Impuifance (t. I, p. 237), nous n'avons pas cru devoir les admettre. La première, qui a paru dans La Vigie de Dunkerque et dont voici le premier vers:

Iehan surprit gentil oyseau,

est un pastiche maladroit que M. Gouverneur n'a donné que sous bénéfice d'inventaire. La seconde, qui commence ainsi :

Quel desastre nouveau, quel estrange malheur Me brasse le Destin...

est tirée du Cabinet fatyrique, où elle porte le nom de Belleau, mais rien n'est moins sûr que cette attribution. Elle est d'ailleurs tellement licencieuse qu'elle n'est pas de nature à être réimprimée.

IIO. A NICOLAS DENISOT DV MANS, REMI BELLEAV, ODB p. 453.

Cette ode et le sonnet qui la suit se trouvent en tête de l'ouvrage dont voici le titre :

CANTIQVES

DV PREMIER ADVE-

NEMENT DE IESV-

CHRIST.

*

PAR

Le Conte d'Alfinois. Auec Priuilege du Roy

A PARIS

Chez la Veufue Maurice De la Porte.

1553.

Quant au second sonnet qui commence par : Gentille main... il a été copié par M. Gouverneur, dans « un joli manuscrit des Cantiques, de Denizot, enrichi d'enluminures représentant diverses scènes de la Nativité. » Ce manuscrit appartient à M. Louvel, maître de pension à Rémalard (t. I, p. 202. 20te 1, de l'édition de M. Gouverneur.)

111. ODE PAR R. BELLEAV, p. 456.

On lit dans un passage de l'Histoiré des pays & conté du Perche (p. 374) où il est question de Remy Belleau et de ses ouvrages : « il fist vne Ode en l'honneur de son pays, lors de la redaction des Coustumes du Perche, laquelle ne se trouue pas dans ses œuures, & en plusieurs endroits d'iceux celebre & Hvinne & son petit Ronne. »

La pièce dont il est question ici est placée en tête des Coustumes des pays Comté & Bailliage du grand Perche... Paris, Pierre Le-Mur, 1621. In-4°. On y trouve d'abord : Remigæi Bellei epigramma, en grec, puis : Ode par le mesme R. Belleau. 112. Lors Nogent fe fit la montagne
De Parnaffe, & non pas Mortagne,
Ny Bellefme..., p. 458, v. 5.

Les lettres de convocation portent que l'assemblée a lieu « à Nogent-le-Rotrou fans préjudice des prérogatines des villes de Bellesme & Mortagne. »

113. A L'AMOUR. SUR LES SONNETS DE C. D. E. p. 458. Ce sonnet se trouve en tête du recueil in-8°, intitulé : Les fonets de Charles d'Efpinay breton, dont la première édition a paru en 1559, à Paria, chez Guillaume Barbé et la seconde, l'année suivante, chez Robert Estienne.

114. La France parle à l'ombre de son Roy Henri, p. 459.

Cette pièce a été imprimée pour la première fois dans l'ouvrage intitulé: Epitaphium in mortem Herrici, Gallorum regis christianismi, cius nominis secundi, per Carolum Vtenhouium Gandauensem, & alios, duodecim linguis... Epitaphe sur le Trespas du Roy Treschrestien Henri Roy de France, II de ce nom, en douze langues... Aultres epitaphes par plusieurs Auleurs sur le trespas du mesme Roy... A Paris, Robert Estienne. M. D. LX. In-4°.

115. L'ADIEV de R. Belleau à fon papillon fur la version de P. Est. Tabourol, p. 459.

Cette pièce se trouve au recto du second fenillet de la plaquette décrite dans le t. I, p. 331, note 39. Nous l'avons insérée pour la première fois dans les œuvres de Belleau.

116. A MADAME. CHANT DE BELLEAV, p. 461.

Cette pièce adressée à Marguerite de France, duchesse de Valois, sœur du roi, se trouve dans un volume de Baif que nous décrivons en détail dans l'édition des œuvres de ce poète actuellement en préparation. En voici le titre: Le Braue comedie de Ian Antoine de Baif, iouee deuant le Roy en l'hostel de Guyse à Paris, le XXVIII de iannier MDLXXVII. — Paris, Robert Estienne, MDLXVII, in-8°. On trouve en tête de la pièce une liste indiquant « Les chants recitez entre les actes de la comedie. Au Roy. A la Roine. A Monsieur. A M. le Duc. A Madame. » Ce dernier, oui porte pour titre : Chant V de

Belleau, est celui que nous réuniscoss pour la première fois aux œuvres du poète.

117. Chantez Vierges ce nom fatal, p. 461, v. 7.

Fatal est employé ici au sens latin, et signifie « indiqué par le destin » et non pas nécessairement « funeste. »

118. вомет, р. 462.

Ce sonnet a été publié pour la première fois au verso du deuxième feuillet de l'ouvrage suivant :

PORCIE,

TRAGEDIE FRAN-

COISE, RÉPRESENTANT

la cruelle & fanglante faison des guerres Ciuiles de Rome : propre & conuenable pour y voir depeinche la calamité de ce temps.

Par R. Garnier Fertenois, Aduocat en la Cour de Parlement à Paris.

A

Estienne Potier, Seigneur de la Terrace, de sainct Elix, &c. Conseiller du Roy, & premier Maistre des Requestes de l'hostel dudict Seigneur.

A PARIS,

Par Robert Estienne, Imprimeur du Roy.

M.D.LXVIII.

Auec privilege dudict Seigneur.

Ce volume est un in-8°, feuillets non chiffrés, signatures typographiques, A, Iiij.

119. ... tançons, p. 462, v. 6.

M. Gouverneur a imprimé : Chanfons; mais à tort, ainsi qu'il résulte du sens même.

120. ODE DE R. BELLEAV fur la version de Demetrius par F. lamot, p. 462.

Cette ode se trouve su commencement de l'ouvrage intitulé: Traidé de la goutie, contenant Les Causes & Origine d'icelle, Le moyen de s'en pouvoir preserver Et la sçauoir guerir estant acquise. Escrit en Grec du comademet de Michel Paleologue Empereur de Constatinople par Demetrius Pepagomenus son premier Medecin. Traduid en Francois, restitué & emendé de plusieurs belles Corrections & anotations, par M. Federic lamot docteur en medecine. A Paris par Ph. G. de Rouille, Rue S. Iaques, à l'enseigne de la Cocorde. Auec privilege du Roy. 1567.

121. A M. M., p. 464.

Ce sonnet, tiré de l'édition de 1574 des Odes d'Anacréon, est une rédaction entièrement différente de celle du sonnet qui commence par ce vers :

Depuis que ie baisé ta bouche vermeillette (t. I, p. 147).

Voyez la Notice biographique, t. I, p. 1v.

122. SONET SVR L'OLIMPE DE IAQVES GREVIN, p. 465.

Ce sonnet que M. Gouverneur n'a point donné, et qui nous avait échappé à nous aussi jusqu'au dernier moment, devrait, à cause de sa date, occuper le cinquième rang dans notre Appendice. Il figure en tête d'un recueil in-8°, dont voici le titre complet:

L'OLIMPE

DE IAQVES GREVIN

de Cler-mont en Beauuaisis.

ENSEMBLE

LES AVTRES EVVRES

Poétiques dudit Auteur,

A

GERARD LE'SCVYER PROthenotaire de Boulin.

A PARIS,
De l'Imprimerie de Robert Estienne.
M. D. L X
AVEC PRIVILEGE.

123. Amour est trop puissant pour te donner victoire, p. 465, v. 14.

C'est-à-dire: Amour est plus puissant qu'il ne faut, qu'il n'est nécessaire, pour te donner victoire.





TABLE DES MATIÈRES

CONTENUES DAMS LE SECOND VOLUME.

A SECONDE IOVENSE DE LA BERGERIE.

	Pages
A monseigneur Loys monfieur de Lorraine	3
La seconde iournee de la Bergerie.	
Prieres	• 5
Complainte de Promethee. Au seigneur P. de Ronsard	. 12
L'amour ambitieux d'Ixion	19
Complainte	
Chant de triomphe	
Description du printempe	
Eclogue, sur la guarison d'Amour. Au seigneur de Fon-	
tenay, François Hotman	+3
Le pescheur	
Les pescheurs. Au seigneur Antoine de Baif	•
Apparences celeftes du Soleil	
Apparances de la Lune	
Larmes sur le trespas de monseigneur René de Lorraine.	
Marquia d'Elbeuf	•

Tombeau de madame Loyse de Rieux, marquise d'Elbeuf.	75
L'Hyuer. Au seigneur Estienne Iodelle. P	80
Sur les Baisers de R. Belleau, S. de Sainte-Marthe	85
Baifers de R. Belleau à Nicolas Hanequin, feig. du Fay.	86
Vers fenaires iambiques	
vers ichaires lambiques,	101
Sur vn Chiffre, au seigneur de Nogent	106
A M. Nicolas Secretaire du Roy	107
La Cigale. Du Latin de Pafferat. A luymesme	110
Epitaphe de Trauail. Au seigneur de la Chargue	112
Au seigneur R. Garnier	117
Vers Sapphiques	119
A ses yeux. Au seigneur de Marmaigne	120
Au seigneur d'Heruille	122
Chanfon	124
Epithalame, Au seigneur Sceuole de Sainte-Marthe	136
Le Sifflet, Au feigneur d'Haplaincourt	130
Complainte d'vne nymphe fur la mort de loachin du Bellay,	130
Angeuin.	133
Les Amours de Dauid & de Bersabee. Au seigneur de la	_
Pierre	138
LES AMOVRS ET NOVVEAVX ESCHANGES DES PIERRES PRECIEVSES VERTVS ET PROPRIETEZ D'ICELLES.	
Au tres-chrestien Roy de France & de Pologne, Henry III. LES AMOVES ET NOVVEAVX ESCHANGES DES	155
PIERRES PRECIEVSES	157
Discours	157 157
Discours	
Discours	
Discours	157
Discours	157 163 165
Discours	157 163 165 174
Discours	157 163 165 174 179
Discours	157 163 165 174 179 186
Discours	157 163 165 174 179 186
Discours	157 163 165 174 179 186 190
Discours	157 163 165 174 179 186 190 198
Discours	157 163 165 174 179 186 190

Remy Belleau. - II.

Digitized by Google

32

ECLOGVES SACREES,	
PRISES DY GANTIQUE DES CANTIQUES DE SALOS	40 M.
A la Royne	. 297
ECLOGYES SACREES	. 299
Eclogue I	
Eclogue II	
Eclogue III	. 306
Eclogue IIII	. 308
Eclogue V	. 312
Eclogue VI	
Eclogue VII	
Eclogue VIII	. 321
LES APPARENCES CELESTES,	
•	
LES PROGNOSTIQUES ET PRESAGES D'ARAT	
PORTE GREC.	
LES APPARENCES CELESTES	. 327
LES PROGNOSTIQUES ET PRESAGES	. 346
LA RECORRYE, COMEDIE.	
IZ RECORNIE, COMERIA	
Argument	
Les Acteurs	
LA RECORNUS, comedie	
	. ,01
APPENDICE.	
A Nicolas Denisot du Mans, Remi Belleau, Ode	. 453
Par le mesme Belleau. Sonet	
Ode par R. Belleau	. 456
A l'Amour. Sur les sonnets de C. D. B	
La France parle à l'ombre de son Roy Henri	. 459
L'Adieu de R. Belicau à son papillon sur la version d	
P. Eft. Tabourot	. 460

TABLE DES MATIÈRES.
A Madame, Chant de Belleau
Sonet
Ode de R. Belleau fur la version de Demetrius par F. Iamo
A M. M
Sonet fur l'Olimpe de Isq. Greuin



ACMEVÉ D'IMPRIMER LE TROIS SEPTEMBRE MIL HUIT CENT SOINANTE-DIE-NUIT PAR A. QUANTIN ABCIESSE MAISON J. CLAYE POUR A. LEMERRE, LIBRAIRE A PARIS.



PARIS. - Impr. J. CLAYE. - A. QUANTIN et C', rue St. Benott.

Google

PLÉIADE FRANÇOISE

OF V.V.R.E.S

REMY BELLEAV

TOME H

A. LEMERRE

ÉDITEUR

1878

